



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
Y26N5

Yalçın, Hüseyin Cahit
Niçin aldatırlarmış

479

18/781

حسین جاہد

Yalçın, Hüseyin Cahit

نیچہ آلداتیرلر...

Niçin aldatırlarmış

ایکینچی بیک


استانبول - ۱۹۲۲

« آقشام - تشبث » مطبعہ سی

PL

2.48

Y₂₆N₅




مقدمه


تاریخ بر تکرر در ، دیورلر . یکر می بش سنه لك بر فاصله
ایله حیات ادبیه عودت احتیاجی کو سترن شو سطرلره باشلار کن
بلا اختیار بو سوزی تخطر ایدیورم . جهانده بلکه اوزاقدن
اوزاغه مشاهرتلر تکرر ایدیور ؛ بلکه عینی سبیلر عینی احوال
و شرائطی بولورلر سه عینی نتیجه یی حصوله کتیریورلر . فقط
دائمی بر مدوجزر ایچنده ، ابتداسز وانتهامز بر سینه قاپیلره رق
بیك دورلو کر قنلکلرله آقوب کیدن بو کونکی احوال و شرائطی
یلرین بردها عینله احیا ایتک قابیلدر ؟ بن ظن ایدیورم که دنیا ده
هیچ تکرر یوقدر . قیرلماز زنجیرلرله دونه باغلی اولان بو کون
دونک عینی دکدر . « حیات مخیل » ک ، « خیال ایچنده » نک ،
« حیات حقیقه مخملری » نک الملری ، نشئلری ، امیدلری ،
میلانلری بنم روحدن قویدی . بو کون ده بو سطرلر شعورمک
واقف و حاکم اولمادیغم درینلکلرندن کلن صانکه بر امره کور
کورینه بر اطاعتله ینه بدنن چیقیور . روحی تحلیل احتیاجی
تکرر ایدیور . فقط عجباربع عصر اولکی روحله بو کونکی
بنلکمک عینی شی اولدیغنه امین می یم ؟ تا ابدیتدن قوپوب کلن

اجدادمک خیال و تصورک بر دورلو نفوذ ایدمه جی تصادفلر
نتیجه سنده دنیایه آتدقلری بنلکمه هر تجربه حیات بر ضربه
تحول اوردی . صانکه غیر مرئی ، معظم و ذی قدرت بر ال
کندی کیف وهوسنه کوره وارلغمه کونا کون شکلر ویردی .
بوتحولاته کاه اوزاق ، یابانچی برسیرجی کبی شاهد اولدم . کاه غافل ،
بی خبر ، سور وکلندم . اکر قارئلر « حیات مخیل » محررینی شیمیدی
یازیلر مده ظانمازلر سه ، اونک شطارتلرینی آرتق بولامازلر سه ،
المترین زهرلی ، الطباعلرینی درین کوررلر سه ، دیه جکم که قباحت
بم دکلدنر . بونی بویله یاپان حیاندنر . حیاته کیرکن روح او یله
بر باب ایدی که هر تلی یاشامق ذوقنی ، سعادت امیدلرینی ، عشق
خولیلرینی ترنم ایدیوردی . شیمیدی اوکا دوقونان پارماقلر ،
تجربه اورایه نه قویمشه بالضروره اونی دیکله یه جکلردنر .

ماتنویز - غار اواره ، ۸ کانون ثانی ، ۱۹۲۲



يحيين آلداتيرلرمش...



Digitized by the Internet Archive
in 2009 with funding from
Ontario Council of University Libraries

نیچین آلداتیرلر مش ...



« طنین عشق » غزته سنك ۱ نیسان ۱۹۳۰ تارخیلی نسخه -
سنده شوسطرلر اوقونیوردی :

مسابقه

« بوهفته کی مسابقه مزك زمینی شو سوال تشکیل ایدیور :
خانم افندیله صوریورز : قوجهلریکزی نیچین آلداتیرسکیز :
بك افندیله صوریورز : قاریلرکزی نیچین آلداتیرسکیز : ..
آلاجغمز جوابلر ایچنده شایان دقت کورولنلری غزته مزله نشر
ایده جکیز . نشر ایدیلن جوابلره بر معناد مختلف مکافاتلر
ویریه جکدر .»

بومسابقه استانبولك بعض محافلنده ایچه دیدی قودیه سبب
اولدی . هپ بو بحث آغیزلرده دولاشدی . حرارتلی مناقشه
وقوعه کلدی . نهایت ، ایرته سی هفته کی « طنین عشق » غزته سی
قاییشیلیر کی برتهالکله آلره آلدی :

قره لریکزی ، قاریلریکزی نچین آلداتیرسکز ؟

بو هفته کی سؤالمزه کان جوابلر امیدمیزك فوقنده چوقدر .
هپسنى اوقویهرق تصنیف ایتك، نتیجه یی بولسوخیه یتیشدیرمك
ایچین هیئت تحریریه مز جدی برسی صرفنه مجبور اولمشدر .
قادینى آرککمی اولدینی فرق ایدیلهمه یی ا . ت . امضالی قیصه
بروز قهده دنیلورکه :

« نچین آلداتدیغی شیمدییه قدر هیچ دوشونمه مشدم .
سؤالکزی کورنجه دنیاده بویله بر شی موجود اولدیغی ایلک
دفعه اوله رق خاطرمه کتیردم . ایشه کندیمی کویا تحلیل ایتکه
چالیشورم . فقط نچین آلداتدیغی یینه یلیمورم . اولک ایچین
سزه ویردجکم جواب شودر : آلداتیورم ، چونکه آلداتیورم .
بردن برده هیچ بر قیمت روحیه سی یوق کی کورون بوجواب
هیئت میزه نك ایجه نظر دقتی جلب ایتدی . بویوک بر قسم
حقیقتی احتوا ایتدیکی تسلیم اولوندی . فقط کافی درجه ده تحلیلدن
محروم بولوندینی ایچون مکافاتدن محروم بر اقلدی .

« ج . ق . » امضالی بر قارئز : « نه بیوده سؤال ! هانکی
قادین ، هانکی ارکک سزه قابنی آچوب ده دوعرو جواب ویردجك :
انسانلر حرکتلرینك حقیقی سبیلرینی کندیلرینه قارشی بیلا اعتراف
ایتزلر ، کندیلرینی بیله آلداتیرلر ! » دیور . بوقارئزك بلکه
حق وار . فقط بزظن ایدیورزکه بر وجه آتی نشر ایده جکمز

جوابلرده هرامضا صاحبی کنديسنه كوره پك دوغرو بر صورتده بيان مطالعه ايتمشد .

اولا ، خانملری ديكه يلم . س . س . ديه امضا ايدن برخام افندی شو سطرلری يازيور :

« قوجه لر مزی نيچين آلداتيغمزی صوريورسكز . بن مزه صورايم : نيچين آلداتمايلم ؟ چونكه آلداتمي ايچين سبيل او قدر چوقكه ! سز احتمالكه هر كسك مراقايده جي بر موضوع اطرافنده غزته كز ايچين كورولتو ياقمندن ، بر لطيفه ايتمكدن باشقه برشي دوشونميورسكز . فقط بن مسئله بر از يو كسكدن باقه جنم . سز كه صميمي ، جدی صورتده كوروشه جكم .

« قوجه ... اولا ، قوجه يه نه صورتله صاحب اولديغمزی دوشونكز . بزی سز قوجه يه » ويريورسكز . « كوريور-سكز كه تا عصر لردن بری موجود بر اصولی ، بر عادتق ، بر قانونی افاده و تسجيل ايدن لسان يزم شو اولنه مسئله سنده هيچ بر شخصيت مز اولماديغنی ، هيچه صاييلديغمزی اعلان ايدوب دور ييور . بز بر آر ككه بر عائله تشكيل ايدهرك الی الابد اشامق اوزرد ، اراده مزه صاحب بر خالده ، بر اشتراك عقد ايتميورز . بزی سز آر ككلار كندی كيفي كزه كوره ، جالمز بر مال ايتش كي ، ايسته ديك كزه طوتوب » ويريورسكز ، بخش ايدنيورسكز . تسايینی ده بولمشكز : « نكاحده كرامت واردر » دييورسكز . كرامت عصرينك چوقدن كچوب كيتمش اولديغنی عقم مزه كتيرمه سهك

بيله دنياده هيچ « خوشلانامه » دنيلن برشي يوقيدر : بر دقيقه اولنه كلنجيه قدر چهره سنه ، حاله ، خوينه ، هر شينه يابانجي اولديغمز بر ارككه بزي « ويرمك » ايتيورسكزكه بر دقيقه صوكرده اونك ماده ، معنا ك يقيني اولام . اكر بزم بر بئلكمز وارسه ، اكر بز جماداته ، حيواناته منسوب دكلده انسانلر آرمسنة داخل اينهك اولمه كي حياتك ك مهم بر وقعه سنده بزمده كافي درجه ده موافقمز ، معلوماتمز اولمق لازم كلير . صوكرده ، بز بيلورزكه عادتاً بوتون حياتمز بزي كوزلر مز قابالي اوله رق كنديسنة تسليم ايتديكمز ارككك كيفنه ، هوسنه ، انصافنه باغليدر . ايسترسه بر كه ايله بزي باشندن آت بيلير . بوشامق :

بر اركك بو كه مك افاده ايتديكي آجيني هيچ بر زمان حس ايدمز . چونكه انسانلر بويله معنوي شيلرده قارشيلرنده كيلر ك دويدقلىغى انجق كندى دويدقلىغينه قياس ايتك صورتيله آكلايه . بيليرلر . هيچ بر اركك بز قاديئلر كي قوجه سي طرفندن بوشانوب قاپي ديشاري آتلامشدر كه بونك نه ديمك اولديغنى جدا آكلايه . بيلسين . بوتون صفوت مزى ، خوليار مزى ، كنجلكمزى كيتروب بر ارككه ويره جكمز . چوجوغمز اولاجق . سنه رجه او آدمك خويسزلقلىغينه ، هر دور لو معامله لرينه قاتلانمى جغز . صوكرده ، او بزي بركون ، برليمون قابوغى كي آتيورمك . اوتة طرفده او اركك ينه اون سكز ، يكرمى باشنده بر كنج قيز ايله تكرار اولنهرك يكي بر حيات قوراركن بز بوراده قوجاغمزده چوجوغمز ايله ،

یوزمزه کچمش سنه لک بر اقدینی یورغوناق چیز کیلریله ، بلکهده احتیاج و ضرورت ایچنده ، هر حالده یووا و عائله شفقتندن ، حرارتندن محروم بر حالده اولومیزی بکله یوب دورا جغز . چوق حوق امید ایده بیله جکمز یکانه شی اختیار ، خسته لقی بر متقاعدک کندیسنه باقدیرمق ایچون لطفاً بزمه ازدواجه طالب اولماسندن عبارتدو .

« کندیسنه ویرلدی کمز » اړکک بزم بویله حیاتی می قیروب پارچالایه بیلدیکی کبی قلمیزی ، عزت نفس می ده اینسته دیکی کبی چیکنه یه بیلیر . آرزو ایدرسه اوستمه بر ، ایکی ، اوچ دانه دها اورتاق کتیره بیلیر . اوزمان یا بزوتون کنجلی کمزده صیجاق بر عائله گوشه بی ایچون قوردیغمز خوالیلره کندیمز وداع ایدره لک بوشانق املیله محکمه لرده اوغراشه جغز ، یا ، صیغینه بیله جات بریردن محروم ایسه ک ، برلوقه اکمکک خاطری ایچین ، یا خود چو جوغمزی بابامز بر اقامق ایچین ، اوزرمزه اورتاق کتیرمه سنی قبوله مجبور اولاجغز . بو ذلته قاتلانماق ایچین ، آیرماق ، چالیشمق ، یا شامق امکائی واردر ، دیه مرسکمز . چونکه نه یه و ناصل چالیشه بیلیرز ؟ بزه نه اوکرتدیکنز که اونی یاپه لم ده اکمک می قازانلم ؟ هانکی مسلک بزه آچیق : حیاتی می تأمین ایچین ناموسمزله چالیشمق اوزره بر مسلکه کیرمک ایسته دکمی ، دین نامنه ، اخلاق نامنه ، عنعنات نامنه ، بزه بوتون قایلیری قاپار ، بزی هرشیدن منع ایدرسکمز . حالبوکه قوجه لر مزله یاشارکن

بزمه کیزی مناسبتر تاسیس ایتک ایچین اوغراشدیغکز زمان نه دینه ، نه اخلاقه قولاق آصارسکز نه ده عنعناته .

« سویله جککزی بیلیم-ورم . لاقیردی کسمک ایچین استمجال ایدیورسکز: فقط ، خانم افندی ، دیه جکسکز ، بوکون استانبولده قاریسک اوستنه اولنش قاچ ارکک وار ؟ شیمدی تحصیل کورمش ، آوروپا کورمش ، حرث صاحبی بکلر بویه یرقاچ قادین آلمه نك غلپهنده بولونمايورلرمی ؟

« بومقابله بردن بره دوغرو کورونه بیلیر . فقط کلیکیز ، سوزلرکزی براز تعمیق ایدلم . برکرده ، تحصیل کورمش ، آوروپا کورمش ، حرث صاحبی دیدیککز بکلر قاچ کشیدر ؟ بونلرک نسبتی یوزده قاچی بولور ؟ آوروپالیر مدنی بر آدمی قازیه جق اولورسه کز آلتنده غوریل بولورسکز ، دیرلر . بوجله یی بزم حالمزه تطبیق ایدمرك بنده آوروپالیلاشمش بکلر مزی بر آز قازیرسه کز آلتنده اسکی شرقلیلری بولورسکز دیه جکم . دیدی قوددی یه سبب اولماق ایچین اك منور بکلر مزلک یاپدقلری معرفتلردن مثال کتیرمک ایسته میورم . فقط براز اطرافکزه باقق زحمتی اختیار ایدرسه کز کورولن دکیشکلکک یالککز برجلادن عبارت اولدیغنی سزده تسایم ایدرسکز . اوت . استانبولده ایی اوچ قاریسی اولان ارککاره پک تصادف ایدلمیور . فقط بو ، عجا ازدواج حقننده کی مضومك ذهnlرده دکیشمه سندن ، عائله نك یوکسک ، محترم برموقع طوتماسندن می ایلری کلیور ؟ یوتسه گاه

عزم سز لکدن ، مسکینلکدن ، گاه پاره سز لکدن ، گاه بر از صایفی
صایمقن ، اوفاق بر ریا کار لکدن می نشئت ایدیور ؟

« حقیقتدن و انصافدن آیرلماق ایچین ، تصویر ایتدیکم
لوحه نك رنکری بر آز چاریجی اولدیغی سز سویله مه دن اول
ین اعتراف ایدیم . فقط اساس اعتبار یله سوزلرمده هیچ یاکلش
اولمادیغی ده سز تسلیم ایدیکز . زمانك روش طبیعیسی . بور نکلرك
شدنی ضروری اوله رق بر آز یوموشا ندی . بزی آلدقن
صوکره اولره قاپادقجه ، سوقاغه چیقارمادقجه ، یالکیز بریره
یوللامادقجه ، اذان او قونمادن اوه عودته مجبور ایتدیکجه ،
تکاح دوشمه یه جك اقر بادن باشقه کیمسه یه کوسترمدیکجه وبالخاصه ،
بزم ذهنمزدده ، قلبمزدده او عنعنوی عفت حسنی جانلی جانیل ادا مه
ایده بیلدیکجه روحمك ، بنلکمزك درینلکار ندن کلن عصیانلری
بوغا بیلدیکیز . اللهدن قورقدق ، عفتمزی محافظه ایتدک ؛
اطرافدن اوتاندق ، عفتمزی محافظه ایتدک ؛ ایچمزدده یاشایان
عنعنلر منع ایتدی ، عفتمزی محافظه ایتدک . فرصت ویرمدیکیز ،
عفتمزی محافظه ایتدک .

« فقط زمان بوتون بوباغلی که وشتدی . شیمدی ائزده ایسته دیکمز
قدر فرصت ده وار . آرتق ساحه اتخا بز یالکیز قومشونك
اوغلنه ، آرابه جی یه ، قایقچی یه منحصر دکل !
« قوجه یه وارمق طرزینك بر آز تحول و تخفیف ایتمه سی
عجبا بحث ایتدیکم فنا القلم بر علاج خدمتی کورمه که کافیمیدر ؟

برگرمه ، عجیبا بو طرز نه درجه یه قدر دکشیدی ؛ وارم جنی ارکک یوزنی هیچ کورمه مکن باشلا یه رق کند یسینه کوروشمه وارنجه یه قدر اورته ده بتون بر سلسله تدریج وجود بواشدر . بزه مستقبل قوجه لیمزک فوطوغرافیلرینی کوستریورسکز . بو بلکه شخصی حقنده بر فکر ویره بیلیر . فقط فوطوغرافینک نه قدر آلتایجی اولدیغنی سویله مکه حاجت کوردم .

«هم یالکز کنج قیزه بویله بر رسم کوستراه سیله اکتفا ایدلمه یی بیله ، ازدواج حقنده هیئت اجتماعیه مزده وقوعه کلن دکشکلکک اساسه ذره قدر تعاق اتمه دیکنی ، یالکز ظاهری برشی اولدیغنی ، حتی ، ازدواج حقنده کی تلقینک بوتون یا کاشغنی بوندن اینی اثبات ایدمکک بر دلیل بولونه ماز بیلدیه بیلیرم . حیات ازدواج صرف مادی برشی دکلدرکه کند یسینه بوتون عمرمی برابر کچیرمکه ، بر عائله تشکیل اتمه مکه ، براوجاق ، بر یووه قورومه قرار ویره جکم آدمک یالکز یالان یا کاش رسمنی کورمکه اکتفا ایدم بیلیم . چفتلکمه دامیزاق بوغا ، یا خود آرابه مه آن آلمایورمکه !

«یته رسم کورستربک صنفنه ادخال ایدله بیله جک باشقه عادتلرده تأسس ایتدی . بزی سوقاغه چیقاریورلر . قوجه من اوله جق اوکیکی اوزاقدن کچرکن محجوبیت ، ایچنده چار پنتی ایچنده بر پارچه کور ییورق . بزی دباوکا کوستریورلر . فقط بوتون بونلر دیدیکم کی شکل ازدواج لک محدودلرینی ازاله ایدمکک تدبیرلر دکلدر . ازدواج

صرف حیوانی بر معامله اولسه ایدی بيله ينه کافی عد اولوناميه جق .
خفیف تعدیلاتدن عبارتدرلر .

» بورسمی شکل خارجندهده قوجهیه واردیغمز اولدی .
فقط ناصل ؛ قومشونك باغچه سنده اوزاقدن قومشونك اوغلانی
كورديك . بزہ اشارتلىر ايتدی ؛ اشارتلىرینه مقابله ايتدك . بزہ .
ديوارك اوستندن بلكهده بر مكتوب آتدی . بوكا جواب ويرمك .
يولنى ده بولدق . نهايت بر برىزه عاشق اولديغمزه قرارويردك .
اويقوسز قالدق ، آغلادق . يا ايش كنديلكندن ميدانه چيقدى .
ياخود يوزى قيزارتهرق آنا بابامزه بز سويله دك . اونلرده ياماسب
كورديلر ، يارزالتدن قورقديلر ، بزى بر برىزه ويرديلر . بو
صورتله وارديغمز قوجهدن بر شكائىز اولورسه : كنديكيز
ايستهديكيز ، كنديكيز بولديكيزديه بوتون قباحتى بزہ .
يوكتمكه انصافكيز مساعده ايدرمى ؟

» نهايت اك صوك شكل : شيمدى بزى اوقدر شربست
براقبورسكيزكه سوقاقدہ هر دورلو معارفه پيدا ايتك امكانى .
واردر . ايستهديكمز وقت سوقاغه چيقيورز ، مكتبه كيديورز ،
كتاب آماق ايچين مكتبدن صوكره باب على جاده سنه اينورز .
جانمز ايسترسه آنامزه بابامزه خبر ويرمه دنده بك اوغلنه
چيقيورز . پارقدہ تميز هوا تنفس ايدسيورز . ايچمزه اوزون
عصرلر ك محبسندن قورتولمانك ويرديكى بر موازنه سزلك باشمى .
دوندوريركن ، كنجلكك بوتون اوبى پايان غليانلرى قولاقلمزده .

اوغولدارکن سوقاقده یالکزاو کمزه باقه باقه کیدوب کله جکمه احتمال
 ویره بیلیرمیسکنز ؟ کوزلریمز شیمدی باشقه افقلر کوردی .
 سینمه مالرک هر کون قارشیمزه آچدیغی مدبدب کبار حیاتی محیطلری
 ایچنده ناصل یاشاندیغی ، ناصل دانس ایدلیدیکی ، ناصل
 سه ویشلیدیکی پک اعلا بیلورز . حتی بونلرک تقلیدی
 بيله آلدق . سیغاره ناصل ایچله جک ، قارشیده کی آرککک
 یوزینه ناصل باقیه جق ، کوزلر ناصل چهوریله جک ونهات ،
 دوداقلر ناصل اوزاتیه جق ... هپسنى ، هپسنى اوکرنک .
 بز اوکرنمه مش اولسه ق بيله سوقاقده ، پارقه کوردیکمز
 آرککلرک باشقه نه وظیفه لری وار ؟ بونلر بویه بر وظیفه یی
 کمال اصرار ایله درعهده ایتیش کیدرلر . بزکندیلرینی کورمه سک
 اونلر بزه خطاب ایدرلر ، آرقه مزدن کلیرلر ، سوبله دکلری
 سوزلرله بهمه حال دقتمزی جلبه چالیشیرلر . ناقص قالان بیلکیریمزی
 ا کماله اوغراشیرلر . صوکره ینه بز کندیمز آرقداشلریمزک
 معلوماتی کنیشلتمه یده غیرت ایدموز . بربریمزک ا کسیکلرینی
 تماملارز . اوقدرکه ممنوع میوه نك جاذبه سنه قابیلر قاکثربک
 اوغلی طرفنک کیزلی تلاقیکا هلرند . بونک بر کنارندن خیفجه
 ایصیرمق ایچین تیرمه یه رک کتیدیکمز ، بر «مقدمه لذت» آلدیغمزده
 اولمشدر .

صوکره چایلر ، قبول کونلری یاواش یاواش تعمم
 ایدن بو عادت بزى آرککلرله آرتق کیزلی ، ممنوع بر شکلده اولمادن ،

رسماً مناسبتدار بولوندير يور. بكارله طائيشيورز، احباب اوليورز، دوست اوليورز وبالطبع سه ويشيورز. نتيجه ده بلكده اوله نيورز. چوق كره اتخايمزده خطا ايدرسه ك قباحتي يالكر بزمي بولاجقسكر ؟ اوت ، ملتك هيئت عموميه سنه نسبت ايديليرسه صوك درجه ده كوچوك بر اقليت بالنسبه پكدار برمحيط داخلنده اولاق اوزره، وارده جني اركيكي ، اراديني قيزي كوروب ، طانيوب، اونكه قونوشوب آلايملك امكانه ملك بولونيور. عجبيا بوحریت اساسلي بر عائله تربيه سنه، بر تربيه اخلاقيه واجتماعيه استناد ايديورمي ؟ بوتون بويكي انتشار ايدن ، تأسس ايدن اصوللري حریت وجدانه دوغرو آتيلمش بر آديم ديه كورسه ايدم حقیقهً ممنون اولاجقدم . چونكه بويله بر حركت جدی بر تربيه ايله مترافق بولوناقدی. فقط بزم هيئت اجتماعيه مزده مع التأسف بويكي اصوللر حریت وجدانه دوغرو منتظم بر حركت شكندده كوروله يور . بر اوردونك بوزولماسي افرادينك دارمه داغيديق اوتيه بر ييه قوشوشماسي كي بر طرزده ، بر سوء استعمال منظره سي آلتنده كوزه چارپيور . حریت وجدانه دكل اخلاق كه وشه مه سنه شاهد اوليورز. اونك ايچين، پادقلمز غريب وچيركين بر رنك آليور .

« نهايت ، اولندك. طالعمر ياردم ايتدي ده اي بر قوجهيه دوشدك ديه لم . كنديسي ده سويورز . سزه فنا ار ككلردن بحث ايميه جكم. الزاي قوجهلردن مثال كتيره جكم . ايلر بويله

اولورسه فنالرينك نه لر ياپه جغنى آرتق قولايجه تخمين ايدمه
 بيليرسكيز . ايلك زمانلرده بويوك التفاتلر : بزدن كوزدهلى يوق .
 بزم كې بر حيات آرقداشنه مالك اولمق كنديلرى ايچين نه بويوك
 بر سعادت ، نه بويوك بر لطف طالع . هې بزي سوده جكلر ،
 بوتون حياتلرينى بزه ، بزي مسعود ايتمه كحصر ايدمه جكلر .
 نشئهلى ، ممنون بر عائله اوجاغى وجوده كتيره جكيز . ياورولرمز
 اولاجق . اولرى بويوته جكيز ، سوده جكيز . سويشه جكيز ،
 برابر ، قوجاق قوجاغه اختيار لايه جغز . حتى صاحپلرمز آغارديغى
 زمان بيله بر بر مزي درين بر شفقت ايله ، هيچ سونمه جك بر عشق
 ايله قوجاق لايه جغز ...

غالبا انسانلر دنيايه يالكنز ماصال ديكه مك ايچين كليدلر .
 چوجوقلغمزده پريلر ، ديولر ، شهزادهلر و سلطانلرله ، انجيلر
 و كلرله سوسلنمش ماصاللر ؛ كنجلكمزمزدهده مسعود عائله
 يووالرى ، دائمى عشق ترانهلى ، انجى كې چوجوقلر اميدى
 ايله دولو ماصاللر . بيلم بو ماصاللرك مسعود افقلىرى كوزلرينك
 او كندن سيلنمه دن كوزلرينى ابدىاً قاپايوب كيتمك سعادته نائل
 اولانلر وارمى ؟ اطرافده كى قادينلر ايچنده نهايت بر كون بو طاقلى
 ماصاللردن اويانماش اولاتنى كورده مي سورم . بويله طاقلى طاقلى
 ياشاركن ، دنياده كنديكزدن دها مسعود بر قادين كوره مزكن
 اطرافدن آر ككلارك وفاسز لقلاينه ، اولرينه مربوطيتسزلكلرينه
 دائر ايشينديككيز حكايه لرى كندى حياتكزله مقايسه ايدمه رك

قوجه كرك صد اقلنه قارشى دها درين برمتدارلق دوياركن
 تردهن و نچين كلديكنى بيله مديكنز برطاسزلق ، خفيف ، مبهم ،
 سبيلز برشبه سزى راحتسز اتمكه باشلار . برشى حس ايدرسكنز ،
 فقط بونه در ؟ اورته ده دكيشمش برشى واردر . ششبه يوقكه
 ايلك كونلرك اوباش باشه خوليسالرى الى نهايه دوام ايده مز .
 بركون اولاجق له خيالك حقيقته ترك موقع اتمه سى لازم كله جكدرك .
 فقط بو حقيقت مطلقا بر « خيانت » مى اولقى لازم ؟

« آز چوق اوزون برشبه دوره سندن صوكره نهايت حقيقت
 ايله قارشى قارشى يه كليرسكنز . ياسوكيلى ، مشفق محبه لر كردن
 برى سزى خبردار ايدر ، يا سرك ذره قدر خبركر اولمادن
 قوجه كرك دنيانك آغزنده دولاشان حكايله لرني تراماويده ،
 واپورده دويارسكنز . ياجبده قالمش برخاطره ، يا جبدن دوشن
 بر مكتوب سزى ياشاديغكنز يوكسك سمالردن شو طوپراقلرك
 اوزرينه چارپار . بوتون روحكزى ويرمرك ، اوقدر صميميت
 ايله ، اوقدر درين بردوستلقه ياننده ياشاديغكنز ، هر سوز بيه بويوك بر
 ايمان ايله اينانديغكنز بو آدم ، اوقدر سوديككنز ، اوقدر مربوط
 اولديغكنز بو آدم ديمك كه اوطاتلى سوزلرى سويلركن ، سزى ينه
 اسكيسى كچي يمينلرله ، عهدلرله تأمين ايدركن آلداسور ، باشقه بريني
 سويوردى .

« بويله مدهش بر سره واقف اولمش قادينلرك بعضيلريني
 بيلورم كه هيچ برشى حس ايتدريميرك فجيع بر قربان حياتي

سوره جگ قدر متانت کو ستره بیامش لردر . بوزوالیلرک آرق
 بوتون عمرلری کیتدکجه زهرلنه بر ساسله آلامدن باشقه
 برشی دکلدر . خیانتنه امین اولدیغکز یالانچی آغزدن ینه
 اسکیمی کبی عشق وشفقت سوزلرینی ایشیتیمک هر حالده آچقندن
 آچیغه نفرت سوزلرینی دویمقدن دها آچی کلیر . بر آز اول
 باشقه سنی اوقشامش اولان اوسودیککز اللر اسکی بر عاده
 رعایتله سزی اوقشارکن اونلرک دوغریدر دوغرییه بوغازیکزی
 صیقلالیز ترجیح ایدرسکز . بعضاً اولارده اوته کی قادیندن
 قاله بر قوقو اثری سزک تا قلبکزه قدر اینجه بر خنجر کبی
 صوقولور . بعضاً اثوابک اوزرنده اونک صاحبلندن بر تل ...
 سزی هیچ برشیدن خبردار دکل ظن ایدن قوجه کز بر آن
 اول اوقادینه قاووشمق ایچون کینمکده استعجال ایدرکن هیچ
 بر زمان بر اقادینی طاتلی تبسمیه ، او مشفقانه سوزلرینی مرائی
 بر مؤمنک تسبیح چکمه سی کبی دوداقلرینک اوجندن تکرار
 ایدر . عینی دوداقلرده اوته کی قادین ایچین طوپلانان ، حاضرلانا
 آتشین عشق جملهرینک اوستندن کچرکن بوزواللی باصمه قاب
 سوزلر سزک ایچین بر زهر لذتی آلیر ...

«ایشی پک فاجعه یه دوغرومی کوتوریورم ؟ پک اعلا ،
 بر اقدم . آلکز سزه باشقه قوجه نمونه لری : صباحلین اویانیر
 اویانماز قهوه آتیشنی ایدنجه سوقاغه فیرلار . ایشی واردر ،
 غزته جیدر ، قومته جیدر ، تبحاردر ، شرکتلرده اعتصادر ،

ناظر در، یا خود قلوبلر ده پیکت و پوکر اوینامغه مأمور در، حاصلی
ایشی وارد در. آقشامه قاچده کلیر ؟ بوراسی قوجه سینه کوزه
ده کیشیر . ایشه تخصیص ایدیله بیله جک زماندن صوکرده سی یا قلوبه
حضر اولونمشدر ، یا بک اوغلنده چایلره یا خود خانملر بک قبول
کونلرینه ... قیشک قیصه کونلر نده ساعت بشده کیجه اولدقدن
صوکرده سز کندیسنی سکره قدر یمکه بکله یه جکسکر . آمه ، بیتوب
توکنمک بیلیمین بویالکزاق و محزونق دقیقه لر ! ... اکبر ، سزده
اوتده بریده دولاشق ، کندیکزه بر اکلنجه ، آرامق یوانی تعقیب
ایتک ایسته مزسه کز آلکزه بر ایش آلمه ، وقتکزی کندی
کندیکزه اولدیرمکه مجبور سکر . بویوک بر مشغولیت ایچنده
کچن کونک آغیراغنی کوز قاپاقلرینک اوستنده طاشیر کی اوده
دون قوجه کز ساعت دو قوزده یاتاقده در . قونوشمق ایستر .
سکر . فقط اونک ایچی کله ایله اوילה بر جواب ویریشی واردر که
سزک بوتون سویوله یه جککزی آغز کزده دو کدیرر . بعضیسی
ایر کندن یاتاغه یاتمقدن ایسه کیجه یی کیچ وقته قدر دیشاریده
بر احبابنک اونده کچیرمه یی ترجیح ایدر . بعض اؤککلر
ایچین کیجه اوده اوتور ماق بر علتدر . غالباً محله قهوه لرینه
پک مداوم اولان اجداد مزدن قالمه بر اعتیاد اثری اوله رق یمکی
یریه مز سوقاغه فیرلار لر . کیجه یی بزمه ، چولوق چوجوق لرله
برابر اوده کچیرمک اونلر ایچین بر اولومدر . سز دوشونور ،
اوزولور سکر ، آراشدیرر سکر . عجباً باشقه بر قادیخی می سویور ؟

دیرسکیز . خایر؛ بویله برشی کوره مزسکیز . فقط قوجه کز
ینه اوده اوتورماز. اوزمان اونی اوه ربط ایتک ، جلب ایتک
بولارینی آراشدیررسکیز. سوسله نیرسکیز. فقط قوجه کز سزک
کیدیککز یی اثوابک فرقنده بیله اولماز . کندی الکزله
تنته لر، تولار ایچنده دیکدیککز سوسلی کیجه لک کوملکلرینک
رنکنی بیله کورمز . بعضاً اویانیق اولدیغنی حس ایدرسکیز .
فقط بر لاقیردی سویله مه کزدن قورقه رق کوزلری قاپالی یاتار !
«اؤلرمزه قاپانوب یاشادیغمز مدتجه، بومعمایه عقل ایردیرمک
بزم ایچین پک قابل دکلدی. فقط بزده آرتق اویمزک حدودلرندن
خارجه چیققدق ؛ بزده اویمزک اطرافنده کی سد چینی ییققدق .
شیمدی « سوسیته » حیاتی بزده بر آز بیلوروز. هله آوروپایی
کوردکدن صوکره او حدودینک خارجنده حقیقی حیاته دها
پک چوق دنیالر بولوندیغنه ایمان کتیردک . اعتراف ایدهیم که
قوجه لریمزه بر آز حق ویریورم . بر ارکی جذب ایده جن
نه قوتلی اغواآت وار : سوسلر ، موسیقیلر، دانسلر، تیاترولر،
اکلنجه لرلی، کزیله جک شهرلر، کوزل و ظریف قادینلر! بزقادینلر
بوتون بومدهش قوتلرله مجادله ایده جکیز، غالب کله جکیز، اویله می؛
دوغروسى، بن عجز مزى اعتراف ایتدم. نه قدر کوزل، نه قدر ظریف
اولور سهق اولالم، بزدن دها کوزلی، بزدن دها ظریفی پک چوق اولدیغنی
آچی ده اولسه ایچمزدن کندى کنديمزه تسلیم ایتلی یز . هم ،
عزت نفسمزی رنجیده اولمقدن قورتارمق ایچین سویله یهیم که

یو بر کوزللك مسئلهسى ده دكل . استانبولك الك كوزلارندن غد
ایدیلن قادینلرك قوجهلرینی کورمه یورمی یز ؟ بونلر فلان خانك،
فلان مادامك قوجهسى ... دیه یاد اولونه حق درجه ده شخصیتسز،
دکرسز اولمالرینی، بوتون معروفیتلری اوقادینلرك قوجهسى اولمقدن
ایلری کلدیکنی اونوته رق قاریلرینه خدمتجی اولامیه حق قادینلرك
آرقه لرندن قوشما یورلمی ؟

« اوت، اومزك خارجنده بو ظرافت، بواكلنجه، بو ذوق
دنیلری وارکن قوجهلر مز عمرلری اولدقجه بزم قولاقلمزه
عشق نشیده لری ترنم ایدهرک، الی الابد آياق لری مزلک دیننده ، بزم ایله
بورون بورونه یاشایه مازلر . فقط عجله ایتمه ییکز، مدالیه نك بزده
ترس طرفی بولندیغنی اونوتمايه لم . عجباً قوجهلر مزه قارشى صداقت
تعهد مزدن یزی ده اوزاقلاشدیر اچق سبیلر یوقیدر ؟

« سز آرککلر اکثراً نکاحلی قادین ایله نکاحسز قادینلر کتیز
آراسنده برفرق کوزه تیرسکیز . قاریلر کزله اکصیمی معامله لیز -
کزده بیله آرزوق رسمیسکیز . بعضی بحلر واردرکه کندیلر بیله
اونلره هیچ تماس ایتمه یی ترجیح ایدرسکیز . فقط کتساب
صمیمیت بزدن کیزلی فصللری بولوندیغنی حس ایده جك قدر
ذکامز واردر . اونوتیورسکیزکه بزمراق و تجسس یوزندن جتندن
قووولمش حوانك قیزلری یز ... صوکره ، آچیق برلسان ایله یوزیمزه
قارشى سویلرسکیزکه آرزوق اوزون بر حیات زوجیتدن صوکره
آرتق قاری قوجه آراسنده آنجق بردوستلق، بر شفقت ، عادتاً بر

قارداشلك حكمة فرما اولاق لازم كلير . نزاكتله يوزمزه قارشى
قابا ديفكز حيات عشقك قاپسنى آراده صيراده بر وظيفه ديسه
آچاركن اوتله طرفده كنديكزى بوتون قابليتكله حيات عشق
وذوقه ويرمكده بر حق كوزورسكز . فقط كورميورميسكزكه
بزده بوتون سرائر عشق تعليم ايتك ايچين، بزده يكي يكي حيات
عشق قايليرى آچق ايچين اطرافزده دولاشان انسانيت صاحبلرى
هيچ اكسيك دكلدر ؟

« اون بش سنه برابر ياشاق ، آرتق بكا آليشديكز ، بدن
بيقديكز ، يوزمك خطلرينى آغيرلاشمش ، دكيشمش ، ائلرمى بر آرز
پورسومش بولويه رسكز ، دكلى ؟ فقط اونلرى هيچ اويله بولماياند
اوقدر چوقكه ... سز ، اعتيادك باصالاندير ديفنى سيكرلركزه تازه
بر عشق ايله يكي بر رعشه ذوق ويرمك ايسترسكزده بز ياشمز
اوتوزده كلدى ، اوتوزى كچدى ، قرقه ياقلاشدى ديهه ايچمزده
قاينشان حياتيه و آرزويه رغماً كوشه مزده سونوب كيمه يه ، صدقه
لطفكله اكتفا ايميه محكوميتدن كنديمزى قورتارمق ايسته مزى يز ؟
« حيات ذوقك سزك ايچين جاذبه سى وارسه بزم ايچين
يوقى ؟ قولاغمزده دائى بر ترانه مداهنه . سزك يوزينه باقق
ايسته مديككز قاريككز اختيارلامغه باشلامش ديهه كورديككز
چهره سنده اوقدر اينجه كوزللكلر كشف ايدن كوزلر ، آرتق
او كافارشى زائد عد ايتديككز كلمات عشق يكي آتشرله كنديسنه
ترنم ايدن آغزلر ، ابدى وفاء عشق يمىنلرى تكرار ايدن دوداقلر

زده سرخوشلق ویره مزمی ؟ بزم سیکیرلریمزی صارصه مازمی ؟
 بزم دوستلق وقارده شلت حدودلری ایچنده قیامق ایسته دیککز
 حیات زوجیتزك افقلرینه چیچکلر ، کونشلر سرپه مزمی ؛ بزى
 آلداتیورلر، زده یالان سویله یورلری دییورسکمز؟ بزى سومه دن
 سویور کبی کورونه جکلر ؛ بزم ایله بر مدت طاتلی بر زمان
 کچردکدن، هوسلرینی آلدقدن صوکره بزى بر اقوب کیده جکلر می
 دییورسکمز؟ فقط-مز قوجهلرک یادیغکز بوندن باشقه بر شیمیدر؟
 بریسی بنی آلداتیرسه ؛ بریسی بندن بیتوب کیدرسه اونک
 یاریم بر اقدینی مضحکیه عینی صمیمیت، عینی حرارت ظواهری
 ایله یکیدن باشلايه حق ؛ بر آزدها اسکیمش، پیرانمش وجودمده
 شایان حیرت بر معجزه شباب بولاجق؛ بر مورفین مبتلاسی کبی
 آراتق آلیشدیم نوازشکار جملهلری قولانمه فیصلدایه حق باشقه
 ارککلر می یوق ؟

« بزى بو جریانده کندی مزى ترك ایتکدن منع ایده جات قوت
 نه در ؟ قوجهلریمزه مربوطیت، صداقت حبسی می؟ بونک نه چور وک،
 نه واهی بر خیال اولدیغی ینه قوجهلریمزك مثالندن آکلامایور -
 می یز؟ بیک دورلو ذوقلر، جذبه لر قوجهلریمزده بو حسلری قیرارکن
 بزده کیلری صاغلام می بر اقیز ؟ یوقسه جهنم قورقوسی می ؟ سز
 اولومه اینانیرمیسکمز ؟ سؤالی غریب بولاجقسکمز . دنیاده هیچ
 بر شیده اینانمایه بیلیر . فقط اک اعتقاد سزلر بیله اولومه اعتقاد
 ایتکه مجبوردرلر . اولوم بو قدر غیر قابل اجتناب اولماق، احتمالکه

بزه صولك در جهده يقين بولو نمله بر ابرينه بوتون افعال و حرکات مزده
 هيچ اولومه اينانما يوره مشز، دنيا ده هر کس اولور اما بر اوله مز-
 مشز کي حرکت ايتمه يورمي يز؟ ايشته بجه جهنمه ده اولوم کي
 اعتقاد اولونيور. هم جناب حق قهار و منتقم اولديني قدر غفور
 و رحيم دگليدز؟ بوتون کناهلر يمز توبه ايده جک بر زمان البته بولور ز.
 « ادب و حيا حسني، محيطک، هيئت اجتماعيه نك مؤاخذه
 و تعيبي هيچ حسابه قانمايکيز. چونکه محيط مزده عشق ممنوع
 منع ايتک ايچين دکل، تشويق ايتک ايچين سبيلر واردر. هانکي
 خانم ديللرده کزن ماجراي معاشقاتندن دولايي موقعندن
 دوشيور؟ کنديسنه هانکي اولرک قاپيسي قاپانيور؟ حتی هيئت
 اجتماعيه مزظواهری محافظه ايدنلرله ايتمه ينلر آراسنده بيله برفرق
 کوزتمک لزومني حس ايتمه مشدر. عشق عادتاً بر صنعت حاله
 قاب ايتدکلي محسوس اولان بعضي خانملري پک کبار خانملرله
 برابر تيساروده بر لوجه ده کورورسکيز. هانکي خانمک بر
 حکايه عشق اورته يه چيقارسه اوخامدن تقديرلرله، غبطه لرله بحث
 اولونيور. اويله خانملر مودا اوليورلر. هر يرده اونلر، هر يرده
 اونلرک سوسلري، اونلرک ظرافتلي، ارککلر اونلرک
 تقديرکاري...

« بزه بونلري تقليد ايتدکمي، در حال بزم ايچين ده يکي،
 هيچانلي بر حيات باشلايور. حيات زوجيتک بزه ده ويرديکي
 اعتيادک دورغونغي اوزر مزدن کيديور. کينمه مز، سوسلنمه مز

ایچین بزده بر غایه کوریورز . ایچ چاشیرلرمزه اعتنا مزه آرتیور .
لوانطه لرمزی دهادقله سـ چیورز . تریلرک دها ایلیری .
آرایورز . بریده بولوشمغه کیده جکمز کون قلمبز دها صاحبدن
چارمغه باشلایور . موفقیتله ، برشی سز دیرمهدن اودن چیقـ .
بیمک ذوقنی بزم ایچین حاضر لائش برکوشده ، ولوکه یالاندن
اولسون ، بویوک بر انتظار و آتش ایله قارشیلانمق سعادت
تعقیب ایدیور . اک اوافق بر حرکتمز بر ایجھلک اثری عد
اولونه رق تقدیر ایدیور . اک کوزل کینن ، کینمه سنی یکانه
بیلن قادین بز اولیورز . روحه خوش کلن بومداهنه سوزلری
قدر اوافق تفک هدیه لرده خوشمزه کیتمز دکدر بز نه قدر مستغنی
اولورساق اولام ، بر ایپک چورابک یدی ایرایه ساتلیدی ، معتنا
بر لوانطه نك اون ایرا ایتدیکی بر زمانده بودجه خارچنده هدیه لر
هر وقت خوش بر حیرت تولیدلرلر . هم اکله نیرز ، هم قوجه لریمزک
اسیرکه دیکی بر چوق صیجاق سوزلرله روحزی ممنون ایدهرز ،
هم کندی بودجه مزله یاپه مادیغمز بعض سوسلرمزی ، ذوقلرمزی
تأمین ایدهرز . صوکرده کیمسه دن بر مؤاخذه یه اوغراق
شویله دورسون ، هر طرفده کوزللاکمز دن ، ظرافتمزدن بحث ایدلد .
یکنی ایشیدیرز ، استانبولک اک کزیده خانم افدیسی اولورز .
چایلرمزه قوشارلر ، اومزه دعوت ایدیله یی نعمت بیلیرلر ،
اطر افزده دولاشیرلر . . . شیمدی مکتوبک باشنده کی سؤالمی
تکرار ایدیم : سویله یکز بکا ، قوجه لریمزی نیچین آلداتمایه لم؟ .

أرکیکلر دعوالرینی خاتملر قدر حرارتله مدافعه ایدمه مشاردر
دیرسهك خطا ایتش اولمایه جغز. ایشته أرکیکلر نامنه کلن جوابلردن
بر قاجی :

«قوللقسیون مراقنه ،دها دوغروسی علتنه طوتولش آدماری
طایر میسکز ؟ قارت پوستال ، پول مرادیلرندن باشلایه رق چشم
یلبل ، کار قدیم سلاح ، آنتیقه پاره ، اسکی خالی مبتالارینه
وارنجیه ، قدر بر چوق قوللقسیونجی کورورسکز. ایچلرنده
ساده جه کوره نکه ، اعتیاده تبعیتله بر شی طوپلامه یی کن دیسنه
ایش ایدنمش کیمسه لردن بحت ایتیمورم . اصل قوللقسیونجیلر
برر عاشقدرلر ، بر فکر ثابت النده اسیردرلر ؛ مغلوب اولدقلری
احتراسك نچه سنده جداً زبوندرلر . اونلر ایچین دنیانك اك
یویوك ذوق قوللقسیونلرینی نادیده بر نمونه ایله زنکیلشدیرمکدن
عبارتدر . بو اوغورده راحتلرینی ، ثروتلرینی فدا ایدرلر ،
جانلرینی تملکیه قویارلر . ایشته نیم ایچین ده عشق بویله بر قوللقسیون
موضوعیدر . بن عشقده قوللقسیون یامغه عاشقم .

«بونی عادی بر چاپقیناق حسیله قاریشدیرمامکزی بالخاصه رجا
ایدهرم . دوشونکز بر کره : نادیده بر پوسته پولی بولاق ،
نادر بر کلبك یاقه لاق ، کیمسه نك مالک اولامادیغی اسکی بر

اصفهان پارچه‌سنى اله كچيرمك قوللقسىيون احراصنه مالك بر آدمى
كونلرجه سعادتن مست ايتمكه، الطاطلى خولالره آتمغه كافى كليرسه
دنيادى بوتون كوزللكرك الك كوزلى اولان قادين عشقنه عائد
نادر، كزیده بر نمونه صاحب اولق انسانه نه بويوك بر ذوق
ويرمك لازم كلير. بر كرم امين اولكزكه، چركيندكلرى ايله انسانه
نصرت ويرمهين قادنلرك هپسند بر كوزلاك وارد. فقط
كىمند بو كوزلاك پك آشكارد. دها سزى اوزامدن تسخير
ايدر، هر كسى قارشيسنده حيرت و تقديره سوقايلر. كيمنده
كيزلير. اوني بولايلمك، اونك ذوقنه واره بيلمك ايچين
بر قابليت مخصوصه احتياج وارد. تعبير مخصوصى ايله ايشك
«اربابى» اولالير. بر طلوع شمسك، دالغلى بر دكزه
اورمش مهتابك كوزللكنى هر كس كورور. فقط آز چوق
قارا كلقلر ايچنده، ياخود صولوق، نظار كيز رنگار آلتند
اويله قير، ده كيز لوحه لرى كوزللكلى وارد كه بويوك برا كثریت
اونلردن هيچ بر شى آكلامدن كچوب كيدرلر. فقط واقف
بر كوز اونهان، او ايجه بديعه لردن پك بويوك بر حظ دويار.
«بر قادينك الك كوزل ديقه سنى كشف ايدم بيلمك الك بويوك
بر هنردر. بعضاً بو كوزلاك بر تبسمك آلتند كيزلير. فقط
هر تبسمك دكل. اوقادينك بعض ديقه لرى، اومستنا ديقه لردده
بعض موضوعلرك ويردىكى بر تبسم اولور كه سزه اونك
ياراديليشنده كيزلن بوتون جاذبه حسنى افشا ايدر. بعضاً

بوکوزللك ذوقنه وارا بيايمك ايچين كوزك بر باقيشنى بگلهك
 لازم كليز . كونلرجه ، آيلرجه هيچ بر معنا افاده اتمه يور كنى
 ظن ايتديككز ، موجوديتنى اهميتسز تلقى ايله ديككز كوزلر
 بر آن اولور ، بر شمشك چاقهسى ايچنده بردن بره
 آيدينلار . اوقابالى ظن ايتديككز افق بردن بره آچيلير . فديفه
 كى يوموشاق ، صيچاق بر نظرك غجيقلايجى اوقشامه لرى آلتدم
 عشقك وحسنك نامتناهيكلىرى پارلار . بو كوزلكى بعضا لك
 بر صارقيشى ، برشى طوتوشى ؛ آياغك بر قلد ايديشى ، بر آديم
 آتيشى ؛ اندامك بر انحناسى سزه عرض ايدر . فقط شبهه يوقكه
 بر قادينك لك كوزل دقيقهسى سزك اولدينى آندر . حيواناق
 درجه سندن بك يوكسكه چيقامالانلر بوندم يالكز فيزيولوژى يه
 عائد بر وظيفه كورورلر . حالوكه انسانلرده لك يوكسك ، لك
 معنوى برشى وارسه اوده رعشه تصرف ، رعشه عشق قدر .
 شو فانيلكه ، شو طوپرا بلغه عائد وارلغك فوفنه آنجق اوزمانلرده
 چيقارز ، لك علوى ذوقى دويارز . نيجين بو مستشنا ، بويوك
 دقيقهك آفات شعرينى نامتناهى تنوع ايتديرمه مى ؛ چونكه هر
 قادينك سزه ويرديكى سعادت ، سزى اعلا ايتديكى سماوات
 باشقه باشقه جتلردر . سزى سعادتدن سرخوش ايتكلرى زمان
 هپسك آيرى بر طرزى ، آيرى بر شعرى ، آيرى بر كوزلكى
 واردر . ايسته بن اونلرك قولل قسيوتنى ياق علتنه مبتلايم . دائما
 ييى بر افق ، دائما ييى بر كشف حسن ، دائما ييى بر رعشه عشق

ایستم . دنیانك اڭ كوزل قادینی بنم اولسون ، بونك عشقیله
چیلدیرایم . فقط بو ، كوزللكی هیچ كوزه چارپمایان باشقه بر
بر قادینده بر افق شعر و خیال آرمقدن ، بونی بولمقدن و اوندن ده
کندیسنه خاص بر ذوق و سعادت دویمقدن بنی منع ایدمه بیلیرمی؟
دنیانك اڭ كوزل قادینی بكا آنجق کندیسنده اولان كوزللكی ،
شعری طاتدیرا بیلیر . حالبوکه كوزللك ده ، شعرده نامتناهیدر . بن
قادینلرك پشینده قوشما یورم . طبیعتك هر قادینه بر پارچه سنی
بخش ایتدیکی او ازلی شعر و عشقك ، حسن و جاذبه نك آرقه سنده
کز یورم . اونی ممکن اولدیغی قدر چوق یرده ، ممکن اولدیغی
قدر متنوع شکلر آلتنده ، ممکن اولدیغی قدر یکی طرز لرله
بولق ، کشف ایتك ، اوندن ذوق یاب اولق ایسته یورم . سز
بونك آدینه غالبا قاریسنی آلداتمق دیورس کز . هر شی کی بوده
بر نقطه نظر مسئله سی ! ..»

۰۰۰

« بنجه عشق بر اسپور در . قارلی طاغ تپه لر نده ، آیاقلرده اوزون تخته
پارچه لر یله اوچور و ملره آتیلانلر وار . اوزون یوجلیق مشقتلرینه
قاتلانهرق ، آفریقا ایچلرینه قدر وحشی حیوان آوجیلانی ایچون کیدنلر
وار . بویله بویوک ، تهاککی اسپورلره کیریشه مهینلر ایچین کندی
محیطلرینك مساعده سی داخاندده کوچوک آوجیلقلر ، بالق طوتمه لر ،

فوت بولار، داغلر، طيرمانملر وار. بوتون بو فعاليتلر انساني
 تهلكيه آتدير اچق قدر جاذب اولديغنه دقت ايديسور ميسكز؟ حالبوكه
 اسپورلر، اولر، الكزوري الك بويوكى عشقدر. او حالده بنده الك
 بويوك سعادتي، معنای حياتي بونده بولماي معذور كورمز ميسكز؟
 « بر آوجينك، قاپلانه آتش ايتمه سي دريسي آلق، بشري
 وحشي بر حيوانك مضر تندن قورتارمق ايچين دكلدر. اوقدر
 زحمتله، اونكه، تهلكه ايله قارشى قارشى به كلك، اولوم
 رعشه سنى حس ايتمك و غلبه ذوقنه نائل اولماق ايچين قاتلانير.
 اولوم تهلكه سي اولمايان تشبثلر دهده ايشك مشكلاتنه، شكاركه مهارتنه،
 مدافعه سنه غلبه ايد بيلمك وموفق اولماق آوجى ايچون حياتنك
 الك مسعود دقيقه سنى تشكيل ايدر. بللرينه ايلر باغلايه رق،
 يالچين قايالره چيويلر ميخلايه رق اوچوروملر اوزرندن برداغه
 طيرمانان اسپور مراقيلرينك غايه سي ساده جه بريره كيتمكدن،
 بر يول يورومكدن مى عبارتدر؟ اونلري جذب وتسخير ايدن
 شى مشكلاتدر، تهلكدر. بو قدر مشكلاتي، تهلكه يي مغلوب
 ايدرك نهايت اويوكسك تهيه مظفرانه، فاتحانه صاحب اولماق
 و اطرافه حاكمانه بر نظر عطف ايد بيلمكدن. حالبوكه عشق دن زور
 رتشبث، عشق دن بويوك بر تهلكه تسور ايد بيلير ميسكز؟ عشق
 يك طاتلي، يك جاذب، يك معصوم بر سپاي شعر و خوليا
 آلتنده كورونور. بونده يالكز ذوق، يالكز سعادت وار
 ظن ايدر سكز. سرك ايچكز ده كي ياشامه قابليت كزي، حيات

قوتكزى ، عزمكزى آرتيراجق ، سزى يوكسلدهجك ،
روحكزى اى ، عاليجناب يابهجق ظن ايدرسكز . فقط بوطاتلى
اويوندن بوتون اميدلركزى ، خوليلركزى غائب ايتمش ، هر
شئى شېه ايله كورهجك صورتده زهرلنمش ، هر طرفى قانامش ،
ياره لائمش برحالده چيقما كزاحتمالى پك قوتليدر . بعضى دقيقه لىر
اولوركه او كوزل ظنلركزى غائب ايدمك يردم حياتكزى
غائب ايتمه مش اولديغكزم اسف ايدرسكز .

«بوتون بوتلهكلره سورونهرك ، اونلرك اولديرىحى تاثيرلرندن
روحده برخشيت واورپرمه دويهرق موفقيته دوغرو يورومك
ونهايت موفق اواق ، موفق اواق ايچين موفق اواق : ايسته
نجه عشق . ظن ايتميككزكه موفقيت قولاي برشيدر . بيلديرچين
كبي هوا لائمدن ، متظلم صورتده اوچان بعض اولرك اولدقجه
عجمى برضربه آلتنده بيله دوشمه لىنى كورمك انسانى وخيم
خطالره ، هيچ بكنممين پك ناخوش وضعيتلره سوق ايدم بيلير .
ماصه نك آلتندن خفيف بر آياق تماشى ، بعضاً پك زور ظن
اولونان برموفقيتى تايمينه كافى كلير . فقط بونى راست كله تطبيق
ايدمك اولورسه كز اوزاتديغكز آياق ايله كندى عزت نفسكزى
چيكنرسكز . سقوط ايتمه جك قادين يوقدر ديورلر . فقط
امين اولككزكه برقادينك سقوط ايتمه جكى دقيقه ، برلكدم سقوط
ايتمك ايسته مه جكى آدم پك چوقدر . بوتون بوتلهكللى يوللرده
امين بر آدم ايله يورويه بيلمك ايچين انسانده درين برنفوذ نظرم ،

نافذ بر تحلیل روحی قابلیت نه ، عادتاً سوق طبیعی ایله بر قوقو
 آماق ملکه سنه ، بویوک بر درایته ، بر تجربه یه ، بجر کللیکه
 احتیاج واردرکه آتدینی هیچ بر سلاح بوشه کیتمسین چونکه
 بوراده نه قدر آو وارسه او قدرده اصول صیدواردر . برنده
 موفقیته کوتورن یول دیکرنده سزی خجالتیه سوق ایده بیلیر .
 شو حالده هر وقعه قارشیسینه آیری بر تدقیق و تتبع اجرا ایتکه
 مجبور سکز . قارشیکزده کی قادینک روحنه نفوذ ایده جکسکز .
 کیمیی عشق ایستر . اوکا بشریتک اوازلی داستانی ترنم ایده .
 جکسکز . بویوک فداکارلقدن ، اولوملره قدر کیده جک
 مر بوطیلردن بحث ایله یه جکسکز . فقط دقت ایدیکز که عینی
 ماصالی هر قولاغه تکرار ایتکه قالحه حق اولور سه کز آلا جکز
 جواب بر قهقهه استخفاف اولابیلیر . بعضیینه ظریفانه سوزلره
 اوزون مکتوبلریاز جکسکز . فقط بومکتوبلری ازلی بر رومانک
 نسخ مطبوعه سی کبی هر آله داغیته حق اولور سه کز اونلری ،
 سر کندی کزی بویله بوش یره یورارکن ده کس دیرمه یولدن
 غایه یه واصل اولمش مسعود رقیلر کزله بر لکده اوقویهرق سز که
 ا کله نیرلر... ایشته سزه بی پایان ، بیک دورلو مشکلات و تهلیکه
 ایله فقط موفقیت تقدیرنده ، او قدر متنوع و درین ذوقلرله
 درلو بر ساحه فعالیت . بن بواسپوره مقتونم ! »

« قارناوال زمانك سربستالكلريني، پرواسزاقلريني، صيقلما-
مهارينی کوردکجه انسانلر دنيايه يوزلرنده برر نقاب ايله کلسه لر
ايدى عجباً ده ايمى اولاجقدى، عجباً دويدقلريني ده ا دوشرو
سويلاهيه جکلر ميدى؟ ديهه دوشونورم. شيمدى سزه اسمله
هيچ مناسبتى اولمايان ايکي حرف امضاسنك سرينه صيغينه رق
سوال کوزه تماميله دوشونديکم کي جواب ويره جکم صيراده بلا
اختيارينه بوفکر عقمه کليور. اويله برشى صورديکوزکه حقيق
امضا ايله جواني ويرمك قابل دکل. يوزلر مز آچيق اولديني،
هويى صاقلامغه امکان بولونمادي ني زمان يالان وريا، يوزلر مز
قپانديني زمان افشاى درون! ايشته حيات اجتماعيه نك مجبوريتلرندن
برى دها.

« دائمي بر خط وسعادت خولياسنه دوشنلر، دائمي بر عشق
ايسته نلر، ظن ايدرم هيچ پسيقولوژى ايله اشتغال ايتمه مشلر در.
صومور تغان صورتلى پسيقولوژى کتابلرينك عقلمه قالمايه جق علمى
تدقيقات و تشریحاتى آراسنده بر نقطه يه پك دقت ايتدم. دييورلرکه
بر حالت حسيه، بر ذوق، بر لذت تمادى ايدرسه آرتق فرق اولونماغه
باشلار. حتى بر المانك درت ديلمى بيله عيني لذتى حائر دکلش.
ايلك ديلم بوتون بوتون باشقه دورلو بر احساس حاصل ايدرمش.
چونکه کنديسندن اولکي احساس مزله الماي ايلك يرکن دويد يغمز
احساس آراسنده کي فرق پك بارز اولديني ايچين بزه فضله چار-
پارمش. فقط ايکنجى، اوچنجى، دور دنجى ديلم لرك و ير دکلرى

احتساس ده اولی برأما لذتی تعقیب ایتدکری ایچین انسانه
 اوقادار چارپمازش . شو حالده بر انسانده هیچ دویق بیلمز
 بر معده لواسده نامتناهی آلمایسه نهایت هیچ برشی حس ایتز بر
 حاله کله جی تخمین اولو نابیلر . قوقولرده بویله اولما یورمی ؟ لوانطه سنی
 سورونوب سوقاغه چیقان بر خانم او ثابت لوانطه نك او چوب کیتدیکنی
 ظن ایدیور . دواملی بر قوقویی صرف دوام ایتدیگی ایچین
 دویماز بر حاله کلیور . فقط سز یانه یاقلاشدیغکز وقت اونازك
 وجودك حرارتی ایچنده کندی قوقوسیله امتزاج ایدرک بوتون
 بوتون جاذب بر حاله کش لوانطه یی پك اعلا حس ایدر سکز :
 یالکز ، داغیتدیغکز صاحبك ایچنده بور نکزی اوزون مدت طوماق
 شرطیله . چونکه صوکره سزده آرتق اونی حس ایده مرسکز .
 «مسابقه كزك موضوعی ایله هیچ مناسبتی اولمایان معلوما تفر وشانه
 تفصیلاته می کیریشیورم ، دیه جکسکز ؟ اینساحاتی طبیعی
 بولمه کز ایچون بومقدمه یی یا منغه مجبورم . سو بڑکتیف بر حقیقی
 تشریحه اوغراشما یوبده ارککلری مدافعه فکر یله سوز سویلسه .
 ایدم قاریلریمزی آلداتمق ایچین واهی بر چوق سبیلر کو ستره بیلردم .
 مثلا ، بنی آ کلامیور ، دیردم ؛ روحك احیاجنی تطمین ایتمیور ،
 دیردم . ارککلر مزده صانکه بر حرث و تحصیل وارمش کبی ،
 قادیلرک سویه عرفانی آشاغی اولماسی قاریلر یله اکتفا ایدمه یین
 بعض ارککلر ایچین ایی بر معذرت تشکیل ایدیور . فقط
 اك اینجه آوروپا دیبلرینك ، اك منور بعض محررلرک ، فام

دوشامبرلری ایله بر عیارده قادینلرله اوزن مدت یاشامه لری
واکتفا اتمه لری بواساسیز سوزلری چارچاق ییقه جی بر دلیل
دکلدر ؟

« قاریلر مزك خویسنلری ، کافی درجه ده کوزل اولمامایی ،
ای کینمه یی کافی درجه ده بیلمه مه سی ... بوتون بونلر ، امین
اولکزرکه ، اولنری آلداتمه مزك حقیقی سبیلری دکلدر . چونکه
— برچوق اوده کورولتو چیقه جق امانه یاهیم ، ناصل سویله مه میم —
بن ، آلداتما یان هیچ برقادین کور میورم . بونلرک هپسی می خویسنر ؟
هیچ بریمی کوزل دکل ؟ هیچ بریمی کینمه سنی بیلمه یور ؟
هرارکک قاریسنی بکنم دیی ، کندینه لایق کورمه دیکی ایچین آلداتمش
اولسه ایدی اونلرک بکنمه دکلری ، استخفاف ایتدکلری قاریلرینه
قارشى اطرافك کوستردیی رغبتی ، مجلوبیتی ناصل ایضاح ایده بیلیر —
دیگر ؟ ایشته برارکک که برقادینی سنه لردن بری پک یاقیندن کورمش ،
طائیش ؛ تجربه سنی یامش واونکه اکتفا اتمه مش . اکر بو حال
اوقادینک قصورندن ، سهویلمکه لیاقتسز لکندن نشئت ایتدیکنه
ایچمزده برقناعت اولسه ایدی اوقادینک اطرافنده هیچ
دولاشمازدق ، اوزولمزدك . اویله دکللی ؟

« طائید یغکز خانملری وقوجه لرینی کوز اوکنه کتیرکر ،
بربرلریله مقایسه ایدیکر . قاریلرندن ذکا ، تربیه ، اینجه لك
اعتباریله هر حالده آشانی بولونان برطاقم ارککلرک ینه قاریلرینی
آلداتدقلرینی کورده جکسکزر . همده کیملرله ؟ قاریلرندن پک

دکرسز باشقه قادینلرله ! ایشته بوبروقعه درکه بونک قارشیسنده یوقاریده بحث ایتدیکم قیلدن هیچ بر سفسطه یایدار اوله ماز . بوتون اولاقیردیله آراسیرا وجدانمزی تعذیب یدن ندامتی صوصدیرمق ، اطرافدن بعض مؤخذاته اوغراسق اونلره قارشى کنديمزی حقلى کوسستمک ایچین ایجاد ایتدیکمز بهانه لردره بونلره بعضاً کنديمزدده آلدانیرز . فقط اطرافمه باقق ، کنديلکمزی برآز اونوتوبده خارجى حقیقتی اولدینی کبی کورمک ایسترسه لیک عمومی بوقعه مواجهه سنده بولونديغمزی ، بوکا دهادرین برسبب آرامق لازم کلدیکنی تقدیر ایدهرز . حیيات ازدواج اويله برشى که آرادن هرفرده کوره آز چوق برزمان کچدکدن صوکره قادينک کوزللی ایله چیرکینلیک ، ظرافتی ایله قابالغی آراسنده همان همان برفرق قالیمور . کوزل ایله چیرکین ، اینجه ایله قبا هپ عینی تأثیری یاسور ، حس ایدیلر حاله کلیور . ظن ایدهرم بونک ایچیندرکه بوتون دین واضعلری دائمی ، مطرد ، ابدی برحظ وسعادتی آنجق اوته کی دنیایه ، جنته صاقلامشیر ، اوراسی ایچین وعد ایتشلردر . یوقسه بوکونکی سیکرلیمزله ، بوکونکی شعورمزله بزی جنته صوقه جق اولسه لیر برآز صوکره اویوشور قالیرز ، هیچ ذوق آلاماز اولورز . برشى حس ایده بیلیمه مز ایچین ، توالی ایدن احتساسلر مز آراسنده برفرق بولنق الزمدر . بئلکمز آنجق بوفرق سایه سنده وجود بولابیلدی . اونی آنجق بوفرق سایه سنده محافظه ایده بیلوروز .

« انسانك الذقوتنى سوق طبعيلرندن برى اولان عشق احتياجنك
 بر نوع اتخار ديمك اولان بواطراد واعتياده تحمل ايدمه مسندن
 ار كككره مسؤليت تحمیل ايتكدن ايسه بونى دها زياده بزي
 بويله ياراتان طبيعته عطف ايتك دوغرو اولمازمى؛ صيحاق بر دمير
 چوبوقدن نچين السكى چك يورسك؛ ديهه كيسه نك مؤاخذه ايدلديكى
 كور ومله مشدر . چونكه انسانك سيكر لرند بوكا تحمل قابليتى
 يوقدر . قادينلرى آلداتمغه ار كككلى سوق ايدن شى ده عنى مادی
 وفطرى قابليتسر لكدر . الى الابد صداقت قابليتسر لكيدر . قادينلرى
 آلداتملرى اونلرى تقدير ايتمه مكدن ، اونلرى بكنمه مكدن ،
 اونلرى سومه مكدن دكلدر . پك بكندكلى وپك سودكلى
 حالد آلداتيرلر . شوچير كين ككه قلممه مسلط اولدى؛ آلداتيرلر
 ديوب دور سورم . هم چير كين ، هم ياكلش . چونكه بو آلداتمه
 دكلدر ، احتساسلر آراسنده بر فرق تأسيس ايتمه در : صوكره
 ايلك احتساسه دها شدتنى بر مربوطيت ايله عودت ايتك ايچين!
 ار كككر بونى بيلهر ك ، كنديلرينى تحليل ايدهر ك يامازلر . زمانك
 كه وشديكى رابطه عشق هر آن تقويه ايچين طبيعت بزم ايجمزه
 بويله بر مهانيزمه قوي مشدر . اومقانيزمه بنى شعورانه ايشلر . اعتيادك
 آرتق هيچ بر ذوق ويرمه مك كى بر نتيجه ضروريه سى اولمايه
 برابر عشق و مربوطيتى درين كوكلره باغلامق ، حفظ ايتك كى
 كوزه چار پايان بر تأثير غالى ده واردر . قارينلرينى آلدادى دنيلن
 ار كككر قارينلرينه ناز و لغش بر عشق و مربوطيت ايله عودت

ایدرلر . سومه‌یی بیلنلر وقاریلرینی دواملی صورتده ، اولونجه‌یه
 قدر سوه بیلنلر آنحق بونلردر . اوزون سنه‌لردن بری قاریسینی
 آلداتمامش بر اركك امین اولکیزکه قاریسینی عشق ایله سومه‌یی
 چوقدن اونوتمشدر . اونلرك آرالرنده دوستلق ، شفقت ، نه‌ایست-
 سه‌کیز هرشی واردر . فقط عشق واحتراس یوقدر . جهان حسک
 بو کزیده لرزشنی طامق ، تازه‌له‌مک ایسته‌ینلراونک بدلنی اوده‌مک
 مجبوریتنده‌دلر . بن قادین اولسه ایدم ومشرتک بر حیات محبت
 ایله قوجه‌مک بکا مربوط اولدیغنی کورسه ایدم آراده صیراده بنی
 آلداتمه‌سنی اك طاتلی بر تبشیر کبی تلقی ایدردم . چونکه ینه
 بکا عودت ایده‌جک وبی آرتق آغیرلغنی حس ایتدیردن طاتسز
 بر اعتیاد ضرورتیه دکل ، تازه‌لنمش ، جانلانمش ، درینلشمش
 یکی بر عشق ایله سوه‌جکدر . فقط ، بیلیم ، خانملر بو
 پسیقولوژیدن پک خوشلانه جقلرمی ...

« خوشلانوب‌ده کندیلری‌ده قوجه‌لرینه قارشی تطبیق اینمکه
 قالارلرسه می دیورسکیز ؟ رجا ایدرم ، بویله مناسب‌ستیز
 یخلره نه‌لزوم وار ؟ قاپاییکیز اونی ! »

م . م . م

ماترومه - غارلارانه ۵ شباط ، ۱۹۲۲

~~~~~  
قادين قروكيلري  
~~~~~


قادین قروکیلری

سنگ عشق یشیل ودرین بر اورمانک قدیفه یوصونلرله
سوسلنمش قایالردن فیشقیران تمیز و براق برصودکل . عصرلرجه
یاشامش ، بیک دورلورحرصلر ومفکوردلرله ، بیک دورلو ذوقلر
واشتهالرله پیرانمش بشریتک یورغون وبوزوق وارلغنه وارث
اولان روحکدن تقطیر ایدیش بولانیق بر ایچکی ... بونده بر
پارچه چامور ، بر چوق ات وسیگیر ، بونده بر پارچه آفیون
وزهر وار . بونده قارانیق عصرلرک اسرارندن ، اولومک
جاذبهلرندن ، فضیحتک رعشهلرندن ، بشرک حیاتده آرادیقی
معمالردن برپارچه وار .

بوعجیب خلیطهنگ سرینه مجلوب اوله رق طادان دوداقلرک
کیمی اونی هیچ آکلامادی ؛ عادی بر اسپرتو ظن ایتدی .
کیمی اوندن چارچابوق تیکسیندی . بو ، الفتک فوقه چیقان ، هیچ
طانمایان برلذب ایدی . فقط بن اوکا آلیشدم ...

آثر ، مورفین و آفیون مبتالرینک بیلمه دکلری براسارتله ،
عشقک صوک جرعه سنی ایچمک و آرتق قاتق ایسته دجکه صوک

ظن ایتدیکم قطره ایچمده یانغینلر وقاصیرغهلر یاراتهرق .
 اوقاریشیق وقارا کلق منبعه تکرار آتیور . اوراده بندن اول
 عینی ات وروح احتیاجیله صیرلایهرق شاپیردامش دوداقلردن
 دولومه انکسار خیال زهرلینی یالادجه عشقکده یالکز بنم
 بولدیغم واکلادیغم حظه اسارتم آتیور .

سنک عشقک اک خوش چیچکلردن چیقارلمش ساده بر
 قوقو دکل . او، مرکباتی کشف ایدیلهمهین اسرارلی بر عطر
 جاذبه که ایچمده پارلاق سمالرله برابر قارا کلق کیجهلر، سیسلی
 مهتابلر، باش دوندیریجی تیرمه لروار . منکشه ، یاسمن ویاسنبل
 آرقه سنده قوشانلر بوقوقودن قاچدیلر ؛ اونی آغیر ومعنا سیز
 بولدیلر . فقط او بنم اسرارینی کسندمده آکلادمادیغم روحده
 الهی تیرمه لر، مجهول اقلر یاراتدی . عشقکی تنفس ایتدیکه
 ایچمده بوتون عصرلرک ذوق وسعادت اوغورنده چیرنمه لری
 جانلاندی . وارلغ بوتون مشته یاتی، بوتون فضایحی ، بوتون
 اسرار حیاتی قوجاقلادی .

سنک عشقک بر امنیت وحرمت معبدی دکل . او ،
 قارا کلقلرنده شبهه لی خاطرهلر کیزلی بر خرابه . اونک نه ایلک
 نه صوکه ربییم . کوزلرم یرده کچمشلرک ایزلرینی بولورکن
 آرقه مدن یکی سیاه کولکه لر عکس ایتدیکنی کورور کچییم .
 سنک عشقک بروقاوصداقت قوجاغی دکل . سنکم دیدیکک دقیقه ده
 بر آن صوکره نک زهر شبهه سی بر زاج یاغی تاثیر یله سعادت مه داملار .
 فقط بن سنی عشقک بر شبهه ، ذوقک بر اضطراب اولدینی ایچین سوهرم .

سنگ عشق ، حیاتده لاقیدوغافل یورویوب کیدرکن بردن
بره انسانک حقیقی هویتنی میدانہ چیقاران آتشی بر روح
واحتراض قاصیرغہ سی دکل .

سنگ عشق تپہ لری بولوتلرله هم اسرار ، ابدی قارلرله
اورتولو یالچین داغلر ، دائمی کونشیلرله یانان وحشی چولار ،
هر دقیقه معظم فیرطنہ لری یارانه بیلن نہایتسز ده کیزلر دکل .

سنگ عشق انسانک وارلغی بوتون عمر نجہ زهرلہ یه بیلہ جنک
برقیصقانچلق بوغوشمہ سی ، حیات قابلیتنی قیران بر دیدیخہ
سلسلہ سی دکل .

سنگ عشق کیتدجہ متزاید ، کشف برطفیانلہ فیشقیران
حیاتدن قوپمہ بریانارطاغ دکل ، اصل حیات دکل . او ، اینجہ
ونادر بر ذوقہ مالک ، مهارتلی بر صنعتکار الندن چیقمش
کوزل بر اثر ...

اونده حیات وعشق بوتون لوحه لرله موجود . انسانہ خیر
وفضیت یولنده یوکسالمک امللری ویرن فداکارلق حملہ لری ؛
مادیاتک فوقہ چیقہ مق ایستہ یں شفقت فورانلری ؛ احتراض حمالری ؛

اوزون سنه لرك ، آجى افتراق لرك ، بويوك هجران لرك سونديرده .
 ميه جكي وفا و صداقت يمين لرى ، حتى كوز ياش لرى ، حتى حقيقى
 حزن لى واضطراب لى ، هر شى وار . بونفيس اثر صنعتى تماشا
 ايتدجكه روحم بديعى هيجان لره تيتير . مدهش برفاجعه سير
 ايدر كن صنعتكار لرك سحر صنعتنه قايله رق حقيقى بر منظره
 حيات قارشيسنده قالمش كې تيره ينلر صوكره ناصل راحت بر نفس
 آليرلسه بويوك عهد لى ويمين لره ، اوزاقده فاجعه لى احتمال لره ،
 آتشين اشتياق واحتراس فيرطنه لريله اصل حيات وعشق ظننى
 ويزه ن بوسوكى يده بن قورقوسىز وانديشه سىز ياشارم .

أوت ، قارشىلىقلى دييورزكه عشقمىز بر كناه ، برفاجعه ، بوتون
 حياتى تعهد آلتنه آلان مقدس بر باغ ... فقط بن سنى عشقمىز
 بوتون بويوكسك و نادر شيلرك صنعتكارانه بر عكسندن باشقه بر شى
 اولمادىنى ايچين سوه دم .

سنك عشقك بر قوه قاهره ايله ابدى آتسخير ايديش بر کشور
 مغلوب دکل . سن ، وارلغنى افنديسنة مؤبد آ حصر ايتش مطيع
 بر اسير دکلست . بوجھول اولکايه مقاومتشکن بر قدرت ايله کيرمک
 ظفرينه ناصل نائل اولديغمى کندی کندیمه حالا ايضاح ايدميورم .
 آيا قلم آلتنده هر آرزومه منقاد بر حالدہ سريان شو واسع مالکانه دده دولا .
 شیرکن ایچمده شهبه ، حتی قورقو وار . هیچ اومولمايان بر
 دقیقه ده ، هیچ بکلنمین بر یردن کله جک بر هجومه منتظر کي
 متردد وانديشناکم . قوللر کده کی زنجیر اسارتی کوردکجه بونی بر
 کون ، بردها قور تو ايله جق صورتده ، بنم بونمه کچیرمک ایچین
 حاضر لادیغکه ذاهب اوليورم .

سنك عشقك بوتون تفرعاتيله کوزلر مک اوکنه يائيش بر صحیفه
 صمیمیت دکل . قلبک ، روحک ، بوتون وارلغک آ کلاما دینم بر
 لسان ايله یازیش پک مغلق بر معما . سیسلر و بولوتلر آراسنده ،
 مجھول وادیلرده قاماش عاجز بر یولجی کي یم . آرا صیرا عکس ایدن
 قیصه بر شمشک آیدیناغی ایچنده کوردیکم هیچ شهبه ایديله مش
 افکلردن قلبمه اسرارلی شیرلک خشیتی دوکولور .

کیمسک ؟ هانکی دنیانک کورولمه مش برچیچکیسک ؟ قلبک
پالکز اغز کدمی ؟ روحک یالکز سیکیرلر کدن می عبارت ؟
عشقک مستی خطی ایچنده نامتناهیلکاری قوجاقلادیغنی ظن
ایدن قوللرمک آراسندن هویتکک اوچوب کیتدیکنی ظن ایدیورم .
برهیچ ، برسر اب در آغوش ایتدیکی آکلامق قورقوسیه قوللرمی
چوق صیقمقدن ، کوزلرمی حقیقه آچقدن اورکیورم .

حیاتکی قاپلایان اسرارلی روزکارلرک جاذبه سیله ، ویردیکنک
سعادتلرک ذوق بکارتیه عشقکه کنیدی آتدیجه ایچمده حیاتکی
بهاسنه برهنر تجربه سنه کیریشمش بر جانبازک تیترمه سی وار .
روحلرک اسرارینی اوقور کی قلبه نفوذ ایدن نظرلرکک قارشیسنده
انسانک بوتون مادیت ومعنویتنی چکوب آزه جک برچرخه قالمق
قورقوسی جانلانیور . فقط بن سنی عشقک برقورقو ، ذوقک بر
تهلکه اولدیغنی ایچین سومرم .



سنگ عشقك اسرارينه نفوذ ايتمه سي مشكل، يوكسك وقار يشيق
بر موسيقيء خواص دكل . او، خوش، مونس بر ترانه ساده كه بالا
پرواز اولماديني، تصنعدن آزاده قالديني ايچين روحى هيچ يور مادن
او كا نشاط و سكون ويرر .

سنگ عشقك انساني بنلكندن چيقاران ، انسانده يكي هويتلر
خالق ايدن سرت بر ايچكي دكل . او ، دوداقلرك آليشقين اولديني
خفيف ولطيف بر ليكور كه طاتلى و اوقشايچي لذتيله دائما كيفلى
بر يازيم سر خوشلق توليد ايدر .

سنگ عشقك شرك قبول ايتمه ين قيصقانچ وحسود بر معبود
مستبد دكل . او، قلب بشرك ضعفى آكلامش ، صبور و متحمل
بر فيلسوف كه دودا بلرنده ريب و عفو تبسميله سزى قارشيلار .
عنف و تهديد ايله تحكمدن زياده حلم و مسامحه ايله حكمران اولمايى
ترجيح ايدر .

سنگ عشقك دوز و ساده حيات آراسنده على العاده انسانلرك
وانسانلغك فوقه چيقمق هوسنه قابيله رق زورله ، كندى كنديني

تسخن و تشجیع ایله ایجاد ایدیش مصنع و قارشیلقلی بر مضحکه
دکل . او، هر کونجی حیاتدن قوپاریش جانلی بر صفحه که اوراده
اویونجیلر هیچ بر تکلفه کندیلرینی تابع طوتمه سزین ، اولدقاری
کبی یاشارلر ، سهویشیرلر و بونک بویله اولدیغنی اعتراف ایدرلر .
سنک عشقده یالان یوق ، کوزیاشی یوق ، کین یوق ؛
زهرلی اضطرابلر یوق . اونده عریان بر حقیقت ، قارشیلقلی بر
صمیمیت ، هپ ممنون و کولر بر چهره ، بر لکده خوش کچمش زمانلرک
ویردیکی متدارلقدن متولد بر دوستلق ، اضطرابلری تسکین ایدن ،
جان صیقیتلیرینی داغیتان ، دنیایی موقتاً اونوتدیرارق بر آن سعادت
ایچنده انسانی آووتان بر در آغوش وار .

سنک عشقک بر دقیقه ایچنده بر عصر یاشامش قدر انسانی
پیراتان ، سیکیرلری خراب ایدن ، وارلغی بیتیرن بر بوغوشمه ؛
انسانده قلب ، حس ، روح ، حیات ، نه وارسه هپسینی سوپوروب
کوتورن ، انسانک هویتنی بوم بوش براقان بر فیرطنه دکل . او ،
بر سکون و استراحت قوجاغی . اوراده آنجق صیجاق آله لطیف
بر سریناک ویرن بر نفخه نوازش أسر .

سنک عشقک بزده حیاتک و کتابلرک عشق دییه بیلدیردیکی
شی دکل . فقط بن سنی بو حقیقی ویا ساخته اویونجیلر آراسنده
طبیعیتهی محافظه ایتدیکنک ایچین ، عشقک عشق اولمادیفی ،
ذوقک سادمچه ذوق اولدیغنی ایچین سودرم .

سنگ عشقك براق شيريلتيريله قلبه نشاط ويريجي تيمير
چايلرك كناري صيرا كوزل قوقولى سرين آغاچلرك كولكه سنده
اوزانان، چيچكلر ويشيلكلرله سوسلو بر سعادت يولنده آسوده بر
بر سياحت دكل . عشقك ، بوتون بو طور ايلردن اوزاقده ،
بوتون قولايقلرك ، سكونلرك ، موفقيتلرك فوقنده طلسملى بر
دنيا كه اورايه دوغرو ديكنلر ، طاشلر ، جهنمى واديلر آره-
سند يوللر ياراته رق هر آديمده فدا كارلقلر بهاسنه يوروملى .

سنگ عشقك قناعتكار ، كولر يوزلى بر پرى مونس دل .
او ، ممنون اولمامغه ، بكنمه مكه ، دائما دها بويوك فدا كارلقلر
ايسته مكه ، دائما ، ايشيديلن رومانلرك ، قاتلانيلان اضطرابلرك
اوته سنه كچمك ايچين يانمغه محكوم خرچين بر عفريت كه بر دقيقه
سكون واطرا ده تحملى يوقدر . عشقك كو كسنه باشمى دايا يارق
اوراده بر آن حضور ايچنده بوتون بو وارلغك چير پناالىنى اونو تيق
ايسته ديكم زمان قولاقلر مده او عفريتك صبر سزلامغه باشلايان
سرزنشلى سسنى دويازم .


سنگ عشقك بر كره پارلايجه عصر لرجه كورولده ين ،

فیشتقیران یانار داغلر کبی بر شاه اثر طبیعت دکل . او، حقیقیلکک
و طبیعیلکک فوقنده ، ماهیتی مجهول ، اسرارلی بر آله و که
سوندورمه مک ایچین هر دقیقه ایجادکار بر اعتنا ایله تیتړه ملی .
بو آله وی بسلمک ایچین رومان ماجرالری ، کوزیاشرلی ، هائله
طورلری لازم . بویولارده هر آر بر دقیقه اولکی هیجانلرک فوقه چیقل
بیله جک بر قدرت تنوع ایله دائماً یورو مک ، یوکسلمک ، دیکلنمه دن ،
عاجز قلمادن ، دها غریب ، دها عادت و کورمه نک خارچنده صحنه لر
بواق لازم .

ایسترسک که سنی سو دن بری کوزلرکک خفیف تبسملی کوچوک
بر باقیشی او غورنده او آله و ساده حیاتی دکل حتی وجدانی ،
قدسیاتی بیله قیمتسز تفرعات کبی ، ترددسز ، قبول کدن منتدار ،
آته بیلسین . ایسترسک که دوداقر که یتشمک ایچین اوزانان احتراض
لازم کلیرسه جنایتلره باصه رق سکقدر یوکسلسین .

سنک عشقک ویرن دکل آلان ، یاشاتان دکل قیوراندیران ،
دیکندیرن دکل دیدیکله یین ، سیکرلری کیرن ، حیاتی یپراتان
و ازن بر قدرت .

فقط بن سنی عشقک بر دیدیخه ، ذوقک بر درد اولدیغی
ایچین سو درم .



سزك عشقكز بر آقشام اثوابنه سوس ونشه ويرمك ايچين
كوكسه طاقيلان نادیده و ظریف بر چيچك دكل . او ، چامورلره
آتمش ، توزلی و يرلی شيلر آراسنده آزيش پزمرده بردمت كه
يردن آماق ايچين ناقابل مقاومت بر آرزو دويولديني زمان ، ال
اوزاتيليركن ، كيمسه نك كورمه مسي ايچين اطرافه حجاب وانديشه
ايله باقيلير .

سزك عشقكز حياتك دوز ، مطرد يورويشني ، ملال
ويرن يكنسقلغني ناكهاني هيجانلرييله ، نامامول شدتلرييه ، يكي
افقلرييله جانلانديران ، جاذبه دار يابان ، حياته شعر ومعنا ويرن .
حياتده برغايه ياراتان بر سرگذشت سعادت دكل . او ، بر آزده
اختياري اولارق باشه گلش كولونچ بر قضايه بگزركه تخطر ايندجكه
قيزايررز . اعتراف ايدرسهك بزي كوچولته جكندن قورقارز .
اونك ايچين ، اوتهكي عشقلر كي افتخارلره حكايه ايدياز ؛ حتي
استبعاد ، استخفاف اولونور .

سزك عشقكز قلبك درينلكارنده ، يابانجي كوزلردن كيزلي

بر محراب تعظیمده طاشیدیغمز قدسی بر چراغ دکل. او، صانکه
سوقاغه ییغیش مزخرفات ایچنده بردن بر دیار لایان بر آله و درکه
مادیتمزک بزجه ده مجهول چوقورلرنده بر آتش قاصیرغهی حالنده
طوتوشدینی وقت، مستولی هجوملرینه الاول او حریم صمیمی
قاپارز .

سزک عشقکز سوس دکل ، شعر دکل ، برغایه خیال دکل ،
دنیا دن یوسلمک ایچین بر قاناد دکل . سزک عشقکز بلکه
قباحت ، بلکه لوٹ ، بلکه مرض ... فقط او یله بر احتیاج که
زمان زمان نهایتسز ده کیزلرک چیلغین دالغهری کبی بوتون او
مقاومتسوز عظمت وحشمتیله ایچمزده اوچوروملر وشاهنه لر
یاراندینی وقت، عکس ایدن اوغولتولرنده محاکمه نک سسی بوغولور ،
قاراریر ، اراده اریر . او زمان قولقلرده یالکیز آرقه مزده کی
ییکلرجه قاراکلق عصرلرک اتلر مزه و دامارلر مزه ییغمش اولدینی
حما ضربه لری چارپار . دنیایی کورمه یین کوزلر ، یالکیز اوحمایه
دوغرو آچیلان قوللر ، قورومش بوغازلر ، تتره یین حملهلرله
بلکه بر انسان دکل، صوصامش بر جانوارز . بودقیقه بجران
بلکه اوتانیلاجق برشی ...

فقط بن سزی عشقکز بر عیب ، ذوقکز بر فیرطنه اولدینی
ایچین سوهرم .

اوزون بر قىشك قوروتوب قاووردىنى طوپراقلىر اوزرنده
 ايلك بهار سلطانى نازلى آدىلريله دولاشمغه باشلادىنى وقت هر
 طرفدن كندىسنى سىر ايچىن آچىلمش عاشقانه كوزلىر كى بوتون
 طبيعت چىچكلار ايچىنده قالير . سنك عشقك اوزون بر تجربىه نك
 قوروتوب ايسىز، قارا كلك بر چول حاله كتىردىكى روحده
 ايسته بويله بردن بره بر حيات وضياطوفانى يار آدى . ايلك بهار
 معجزه سنك تكرر ينه آيشمش اولان مفكره لر اونى پك طييعى
 اولارق بىكلرلىر . فقط عشق ايچىن اولن بر قلىك تىكرار
 چارپه جغه ، اعتماد ايچىن قورويان بر منبعك تىكرار فېشقيراجغه ،
 روحات بوتون علوى حمىللىرى قيران زهرلك صوكره قوروياجغه
 نىم ايمانم يوقدى . اونك ايچىن ، وارلغىمك لك درين نقطه سنده
 شىمدى بر كىنج آدمك شوقلىرى ، اميدلىرى و خياللىرى
 جانلانى يى بىلكىمك مسعود سىياسنه باقدىجه بريابانجى قارشىسندى .
 قالمش كى اوليورم . بو ، بنىم ؟

اوت ، سنى كوره جى دقيقه يى ذهنده تصور ايتدىكه قلىنك

چارپدیغنی حس ایدن ، سنک قارشیکده بولوندقجه بوتون
دنیا یی اوتوتان کنج آدمی اوزاقدن اوزاغه طایر کییه . فقط بو
خاجانلر ، بویر هیچ ایچین اک بویوک سعادتلری دویملار ، بو طایلی
اویقوسوزلار ، اویاتیرکن بز فرقه وارمادیغمن دقیقه لرده بیه
روح حرکت دوام ایتدیکی خولیلارک بر مابعدی اوله رق دوداقلرده
سوکلی بر اسمی بولمالر بزم ایچین نه قدر اوزاقلرده قالمش ، نه قدر
کیوب کیتمش سعادتلردی ...

سنک عشقک دورغون ، اولو بر هواده بردن بره قویان بر قصرغه
شدیله کلدی . ناقابل تسخیر بر خودکاماق قاعه سنه قاپامش ،
کوزلرینی بوش سماواتدن آراتق یرلره چه ویرمش بر ذوقه قاناد
وحمله ویرمک خیالک تمیز ، یوکسک ، رنکلی افقلرینه دوغرو
کوتردی . تجارب حیاتک آغیرقلری و آجیلقلری آلتنده
بوللش کی حوراق عقل ، عاجز سسیه آرقه دن : لکن بو بر
چیلغیناق ، دیه هایقیرمغه چالشیور . فقط ، بومعتوه اختیارک لغت
کتاینده بو حرکتی افاده ایدن کله نه اولورسه اولسون ، بوتون
حیاتک سعادتی بر آن ایچین بو چیلغیناق دقیقه سنی حس ایتمکدن
عیارت دکلیدر ؟

یوکا ناصل موفق اولدک ؟ دیه دوشونیورم . هیچ بر شی
یا پمادک : یالکتر بر کره باقدک !

سنک عشقک ، کجیدی یرلری خرابیه چه ویرن سماوی بر آفت
دکلر او ، طلسمی وایلیق بر بوسه بهارکه اولوظن ایتدیکم

قلبه ايلك كنجلك رخشه حياتي ويريور . سنك عشقك
 مهيب و خشين چهره لي بر فاجعه قهر مانك يوزنده كي خشيت ويريحي
 افاده دكل . او ، كنجلكي ؛ ياريني دوشونه مكدن دوغل غم سزاني ؛ اعماق
 روحدن طاشان نشه حياتي تمثيل ايدن حر بر قهقهه كه اندیشه
 واضطراب ايله ، جداك و مهالك ايله دولو ارلان حياتك ولوله سني
 تماماً بوغور . ياراندیغك دنياده يالكنز ايكي حقيقت وار : س-ن
 وعشقك . سنك عشقكده ، سراب اولمش بر ماضيدك بوتون
 حقيقت سعادتني ، ازون و آجي تجربه لره فرسوده لشمش بر
 ذرك بوتون ا-كي بكارتي وار .

بن - ني عشقك برديله ، ذرك دنيايي بر اونوتمه ايلديني
 ايجين سودرم .

سنك عشقك ضيا وشطارت ايله دولو آچيق بر ساحه بی پایان
 دکل. او معظم، لوش بر معبدکه دها ایلک آدیمده قلبه بر حرمت
 وخشوع حسی ویریور. هر گوشه سندن یوکسه ان نافذوغشی
 آور بخورات انسانی خیالک ودنیانک اوته سنده روحانی بر سعادت
 کوتوریور. هر دینک معبدلری بوتون مؤمنلرینه آچقدور. فقط
 سنك عشقك وقور، یوکسك، بوتون دنیا لذت وذوقلرینه قایل
 بر چهره لاقید. اطرافکده نشر ایتدیکک قادینلق وعشق شعرینک
 مقاومت قابل اولمایان جاذبه سیله قلبکه یاقلاشماق ایسته یئر بوتون
 موجودیتکک افاده جدیتی قارشیسنده حرمتکار بر احتراز ايله
 بر آدیم کری چکیلماکه مجبوریّت حس ایدیورلر.

سنك عشقك جوشغون دالغهلرله سمانك كوشی آلتنده
 چیرپینار آنکین و مرئی برده کیزدکل. او، تکمیل حیات حس واحترار.
 صنی، فانی ومادی مشته یاته یابانچی کبی کورون بر نقاب آلتنده قلبنه قاپامش
 کیزلی بر طوفان. بو طلسملی دنیانک سرائر سعادتنه کیرمک ایچین
 حیاتک بوتون خفیفلکلرندن اوزاقلاشمالی؛ ائلردن، وجوددن
 کن بوتون مشته یاته بر معنویت ویرملی. سنك عشقك شو ارضی

واراغمرک بر تسلی شمشکی دکل. او، بوتون حیات مدتجه انسانی
قوللق زنجیرلریه باغلایان سما ی بر مربوطیت .

فقط عشق کواکربی حقیقت درینلک کردن بوتون بوتون
چکش صنعی بر ذوق، بر تصلف دکل. او نده شوعادی دنیارلندا. تحقار
ایله کورولن بوتون احتراصات چیرپنمالری، ارضی ذوقلر مرکز
بوتون قودوریحی قاینامالری وار. عشق تکمیل حیات،
تکمیل حقیقت. فقط هویتک سوزکیسندن چکرکن اک مبتدل
نوازشلره بیله یو کسک بر کباراق کلیور .

انسان حس ایدیورله بو، سیکرلرک تترده سندن عبارت
بر ذوق دکل؛ بو بر اکلنجه، بر شاقه دکل. بو، بوتون
بیلدکر مژدن باشقه، تربیه کورمش، تصفییه ایدیش بر رابطه که
اک چیلغینجه صمیمیلری بیله روحانی بر جدیت ایله توأم...
مجتنب وخشین بر افاده ایله یابانچی دنیای سیرایدن کوزلرک، رعشه
عشق ایله قدیفه ارچوروملرینی یکانه مؤمننه آچدینی زمان
اوراده بوتون انسانلغک ات وقان فیطنلری، تکمیل عصرلرک
علویت وسماوات خولیلرلیه قاریشیر. سنی سومکله یوکسکلم
حسنی دویارم. بشریتک چوجوقلغنی آووقتان خیر، انسانیت
کبی بویوک نئیلرک بر افسانه اولمادینی قذاعتنی قلبه ویررسک.
دنوی عشقکه معنوی افقار آچارسک. معنویات ومعتقداته قایانمش
بر قلبه برداء الصله یارانان سنک عشقکدر. بن سنی عشقک
بر قدسیت، ذوقک بر عبادت اولدینی ایچین سومورم .

سنک عشقک
خایر ، یالکیز سنک و بنم اولان بوسره یابانچی کوزلر هیچ
انعطاف ایتسین .

•
•

هپسی سوراجق :- بنم عشقم هانکیسی :
دیه جکم که : اوصفر لر له کچدیکم صحیفه - وهپسی اینانه جق!

تاریخ بر تکرر در

تاریخ بر تکرردر ... ؟

احمد نزیه، بیتن سیغاردسنی سوندیرمه دن بردانه دهایاقه رق:
— تاریخ، دیدی، بر تکرردن عبارتدر، دیورسکیز.
اگرشو بیقینلقویرن سیاسیات مناقشه سنی بر اقایرده بر آزهوایشات
دیکله مکه راضی اولورسه کیز، بن بونک عکسنی ادعا ایده جکم.
تایمکده باشلایان سیاسیات و فرقه مسئله لرندن حقیقه هپسی
یوروماشدی. چامنغه دوغرو پنجره لر آچیق اولقله برابر لاینقطع
ایچیلن سیغاره دوماندلی اودانک هواسنه تحمل ایدیلز بر آغیراق.
ویریوردی. بردورلو اتفاق ایده مدکلری شو ایچندن چیقیلماز
موضوعدن قورتولق ایچین احمد نزیهک بحثه ویرمک ایسته دیی
یکی جریانی مناسب کوردیلر. بری، قولاتوغنه کوزلجه یرلشهرک:
— چوق مغالطه یا تمامق شرطیه! قیدینی قویدی.
— بویله جدی بریچئده هوایشاتک ایشنی آکلایه مایورم،
دیدي دیگر بری.

— هایدی باقلم. تکرار ایتدی مختلف سسلر.
— بر قونفرانس ویریورشم کی بویله اطرافه طوبلانیرسه کیز

بنی شاشیر تیرسکنز . اصل سویله مک ایسته دیکم شی ، یازیسنه ،
تاریخنه باقمادن تداول ایدن پاره لر کی بلا تدقیق آغزلرده دولاشان
بعض باصمه قالب جمله لره قارشی بر اعتراضدن عبارتدر . تاریخک
بر تکرر اولدینی دستورینی ده ایسته بن بوجمله لر آراسنده کور یورم .
مع مافیه ، دنیا ده هر شی بر نقطه نظر مسئله سیدر ، دنیا بیلیر . کیم
بیلیر ، بوسوزی ایلک سویله بن آدم حیاته هانکی طرفدن
باقمش ، انطباعاتی بوجمله لر ایچنده تثبیت ایتک ایسته مشدر ؛ بلکه ده
کندیسنه کوره حق واریدی . فقط بن او یله حس ایدیورم که تاریخ ،
هله تک تک انسانلرک تاریخ حیاتی هیچ ده بر تکرر عرض ایتیز .
تاریخ ، هیچ آرقه سنه باقمه دن ، هیچ اوکنی کورمه دن متصل
یورومکه محکوم بر یولجیدر . بو سیل ایامک آرقه سندن «دورسون!»
دییه باغیران روحلر اولمشدر . حتی بز فرق ایتیمور زاما ، کندیمری
تحلیل ایده جک اولور سهق کورورز که هیمز الارمزک ، پارمقلرمزک
بوتون قوتیله او قوشان یولجینک اؤتکلرینه صاریله رق دوردیر مق
ایسترز . او نه دورور ، نه دون اوغرادینی یردن بردهاچر .
ماضی ابدیاً آرقه ده در . اوزاقلاشد قجه ، نه قدر ناخوش اولسه
ینه کوزلری اوقشایان ، روحی یوموشاتان ، قلبی هیجانه کتیرن
برمنظره آلتنده کورونور . چونکه بوتون بئلکمز اوماضیدن
عبارتدر . برسوق طبیعی اینه اوکا صاریلیرز . اوندن آیریلاماز .
چونکه اولمکه قائل اولامايز . ماضی یی سوهرز ، چونکه حیاتی
سوهرز . یاشلر قرقی کچدکن صوکره بوتون اسبابی فرق ایتدیکمز

او کیزی ملالرمز ، برر ایکنه کبی باتان تأثرلرمز ، قالین برر
بولوت طبقه سی کبی نشئه لرمزی قارارتان عدم ممنونیتلرمز
هپ اوماضینک آرتیق بردها تکرر ایتمه یه جکنی صریح صورتده
فرقه وارمهدن حس ایتمکدندر. هرکچن شینک آنجق حافظه مزده
بر کولکه سی ، قلب مزده بزه تأثرویره جک بر خاطره سی قالمشدر. اونی
احیا ایتمک ، تکررر ایتمک قابل دکلدر. تکرراره ، ماضی یی تکررر
باشامغه قالمیشمق بر خطادر . انسان ، طبیعتک بو بی امان ،
بوچلیک کبی قانوننه قارشی یورو مکه عجزینی ، سفالتلرینی ده
چوق حس ایدر . بوغوق المللین حاد برحاله کتیرمکدن باشقه
برشی پامش اولماز. حادثات یورو یوب کیدیور . بوکون بزم بوتون
سعادتیزی ، بوتون حکمت وجودمزی ، بوتون وارلغمزی
تشکیل ایدن اک کوزل خیالری ، عشق لری ، دقیقه لری آیاقلرینک
آلتنده ازوب پارچه لایور . براقکز ، اونلر پارچه لانمغه
محکومدرلر ... بز بو پارچه لانمه لری کورمک ایچین یاشارز .
ابدی عشق وسعادت خولیا لری نک تحقیقی کورمک ایچین دکل ...
اونی کورمک خولیا سندن او یاناماق ایسته یئرک او خولیا ایچنده
ایکن کوزلرینی جهانه ابدیاً قابمالری اقتضا ایدر ...
صالونده بر آز اولکی حرارت ، غلیان ، کورولتو قالمامشدی .
هپسی کندی حیاتلرینک ماتمنه کومولش برحاله دالغین و محزون
ایدیلر . کیمیسی احمدزیه ک سوزلرنده کندی آلام قلبیه لری نی

تقریر ایدن بر صحیفه ، کیمسی بوکونی امیدلرینه ، سعادتلرینه
مشئوم بر خاتمه خبر ویرن بر اخطار فلاکت کوریوردی .

اوافق بر سکوتدن صوکره احمد نزه دوام ایتدی :

— سزه اوافق بر مثال . بر آرزو نشتملی طرفلردن قونوشلمده

هیکزه سرایت ایتدیکنی کوردیکم حزن و ملال داغیلین . حرب

سنه لری ایچنده ایدی . استانبولده بوغولش قالمشدم . ایتالیا دن ،

اسپانیان باشلایه رق آمریقایه ، ژاپونیا یه دوغرو سیاحت ایچین

قوردیغم خولیلرک کیتدکجه اوز اقلاشدیغنی کوریوردیم . بزم ایچین

بالنسه قولایقله کیدیه بیله جک آنجق ایکی یر ووردی : آلمانیا

و آوستریا . طبیعی ، آوستریایی ترجیح ایتدم . چونکه کوزل

یرلری ده چوقدی . فقط تیروول طرفلرینه سیاحت قابل دکلدی .

الک مسعود بر عشق سیاحتی ایچین الک مساعد بر صحنه اولان

اوکوزل دولومیت یوللرنده ، قورتینا دامپترونگ شمشکارله

آیدینلارن قارشیمی قریستال داغنده شیمدی چیرکین اولوملر

دولاشیور ، طوپلرک مشئوم آیدینلقلری پارلایردی . موسمک

بر آرزوچمش اولماسنه رغماً بوهیمایی ، قارلسباد و مارینباد جهنلرینی

ترجیح ایتدم . هر حالده بورالرده بر آرزو غلبه لق ، بر آرزو حیات

بواق قابل اولاجق ، قان و اولوم حکایه لرندن ، ده دوغروسی

حقیقتلرندن ، بر آن ایچین اوز اقلاشق ، آوونمق امکانی بولونا جقدی .

حقیقت ، قارلسبادده حربک آغیرانی نسبتله آرزو ایدیلوردی .

یرلی خلقه کونلرجه آکمک داغیتیه مازکن تداوی بهانه سیله بورایه

اكنمكه گلش يابانچيلرد ، رڭيتلرني قاجير مامق آرزوسيله ، بياص فرانجه تامين ايديشدى . بر آرز فضله بخشش و برمك شرطيله تردياغى ، يومورطه ، سيفارده هر شى بولمق قابلدی . قايزربادك ژيمناستيق سالونى صباحلى و اوكله دن صوكره معلول عسكرك لرك تداويسنه تخصييص ايديله مش اولسه ايدى ، دكانلرك بر قسمي آچيله مايان چارشيده قاپينك اوكنده دورارق اللرينه كچيردكلى بر آرمودى كيرمك صورتيله آچلقلريني آووتان صولوق چهرملى قيزلر كورولمسه ايدى حربك آغير تاثيراتى سطحى ، ياقانلر ايچين احتمالكه پك حس ايدليه جكدى .

فقط هر حالده حرب محروميتلرينك ، آجيلرينك كيرمديكى برير وارسه اوده قايزربادك ژيمناستيق سالونى ايدى . بوراسى حياته سختى ، شطارتى يرنده قادينلر واركلار چيقارمق ايچين بر فابريقه ايدى . سنهرك انصاف بيلمه ين تخريباتنى بشريتك عصرديده تجربه لرندن طوپلانان علم بوراده تعميره چاليشيوردي . درين ياشامقدن ، حظدن ، ذوقدن پيرامش معدومله ، پاسلامش دامارلره ، چويكلنى غائب ايتمش مفصللره بوراده موقت بر كنجلرك ويريلىوردى . الكتريقله ايشله ين بو دورلو دورلو آتلىر ساعت اوندن اون ايكي يه قدر عجول ، صبرسنز تيتريمور ، قلدايور ، چيرپينيور ، اوينايور ، بزلر ذوق ايچنده ايكن كيزليجه وجودمزه صوقولموش خائن آغريلرى قووييور ، شيشمش قارنلرى لوچولتييور ، كهوشه مكه باشلامش عضله لره قاتيلقلريني اعاده ايديبوردى .

سالون حقیقه کوزلری اوقشایان بر منظره مالکدی .
 اکثریتی تشکیل ایدن قادینلر قورسه سز ، خفیف بر صباح اثنای
 ایله کلیورلردی . بردن بره قاپیدن بیرلنجه مختلف لوحه لر
 قارشیسند قالیوردیکز . شوراده بر قادین مهتز ، کسیک ضربه لرله
 اینوب چیقان کونچوک قرصلره آرقه سنی دایامش ، اهلکار
 سوسی ایپنده بوتون کوکسی بر رعشه دعوت ایله سانکه سزی
 بکلیور . بری بر موعده تلاقیه کچ قالمش کی ، بیندیک آتی طیریس
 قوشدیردق ، دوداقلرند تسم ، کوزلرند لمعان حظ ، قالمقوب
 اوتوریور . شوراده باشقه بری اوزون ویوروجی بر عشق
 ساعتک بوتون کهوشکلکنی یوکلنمش کی ، آرقه سی اوستی
 اوزون بر اسکمله یه آتیش ، اسکمله نک خفیف حرکتی ایله
 سانکه قوللریکزک آردسنه کله جک کی یاقلاشیور ؛ بردن ، کری
 چکیلیور . اکسه سندن بلنه قدر خفیف تماسلرله اینوب چیقان
 چرخلرهنوز سکونت بولامش احتراض دالغلری کی بویوموشاق
 وجودی قلداتیور . تانیانکرده بری اوتوردینی اسکمله نک
 اوزرند ضبط ایدیلهمه ی بر آرزوواشتها کریمه سی ایچنده ، یاواش
 یاواش آرقه یه یاتیور . بو آرقه یه اکیلمه حرکتی قیصه تکلرینی
 بوتون بوتون یوقاری یه چکیور . اینجه طوپوقلردن باشلایه رق
 شفاف چورابک آلتند خفیف بر یوموشاققله آز طومبوللاشان
 باجقلرندن اینجه روب وروشامبر آلتند بتون خطوطی ترسم ایدن
 قالمه لر ، بل وکوکسه . وارنجه یه قدر کوزلریکزک اوکنده

قیوریلان شو قادین وجودی ، رعشه‌لی حظلر وعد ایدرک، بر آن ایچین کندینی سزه عرض ایدیور . صوکره او یاواش یاواش دوغورلورکن اوتوده پنجره‌نک، اوکنده باشقه بری قوتله آصیلدینی کوره‌کلری تانه‌ایته قدر چکمک ایچین آرقه‌سنه قدر دایانیور و پنجره‌دن کلن ضیا ، کچدیکی اتکلر آلتنده سزه بوتون تفصیلاتیه، قوردوله‌لری ، باغلری، سوسلری ایله ، ایکی اینجه قالچه‌نک خطالینی چیزییور . صاغکزده ، دوه‌یه بینمش بر قادین بوتون نشه‌سیله‌شرک قارین رقصنی تکرار ایدرکن قارشیکزده اینجه بر چهره، اوموزنده‌کی قایشلری چکرک، درین برره‌وه‌رانس ایله اکیلور .

اگر بو او یونجاق آتله، دودله اوزرنده صیچراشان، صندالرده کورده چکن، مختلف اعضالینی ماکنه‌لره دوودیرن قادین‌لره آرککلر سزه بر چیلغینلر دنیایی ایچنده قالدیغکتر حسنی ویرمزه هر حالده حیاتک‌بارینکی ذوقنی ده‌ها فضله‌درینلکله طامق، حیاتدن بر دقیقه ده‌ها فضله بر ذوق قوبارمق حرصیه حاضرلانا انسانلر ایچنده بولوندیغکزی ظن ایده‌جکسکتر . وسزده بو ذوق آله حماسه قاپله‌رق اطرافکزده بر ذوق آرایه‌جقسکتر ...

بو ذوق بنم قارشیمه کوچوک، اینجه ، صاریشین بر قادین حالنده چقیدی . هیچ‌ده کوزل دکلدی . حتی ده‌ها زیاده ، یوزینک خطرنده‌کی انتظام‌سزلق، حتی چیرکینلک ایله کوزلرکزی جذب

ایدیوردی . سزی لاقید بر اقایان ، باقعه سوق ایدن ، باقدجه خوشه کیدن بر چرکیندکی واردی . مبالغه‌ی بر کوستریشله ، ایچه تولار و تننه‌لره سوسلنمش روب‌دوشامبری ، ده‌ها زیاده ، خصوصی بر تلاق اوداسنه یاقیشه‌یایردی . عینی‌زمانده ، مبدول کولوشنده متجاسرانه بر تجاوز ایصیرمالری واردی . یورویشی ، طوری هیچ‌ده مستثنا و کبار بر حس ویرمیوردی . فقط بر شیئی واردی نه سزی کندیسيله مشغول اولمغه مجبور ایدیوردی .

قولای بر ظفر وعد ایدن طور لرندن جنسارت آله‌رق ، طارتلق ایچین قنطارک اوسته چیقدینی بر صیراده ، دوداقلرنده اکسیک اولمایان تبسمه عینی مقابله ایله ، یاقلاشده . ایلک لاقیردیم شو اولدی :

— نرده اوتوریورسکز ؟

— پوپده .

دیمک نیم اوتلده ایدی . هیچ تصادف ایتمه‌مشدم . غریب کورونمهی ایجاب ایدن سؤاله طبیعی بر صورتده ویریلن جواب جسارتمی . وتون بوتون آرتیردی :

— او طه‌کزک نومروسی قاج ؟

— ۱۱۴ .

— بو کیجه دوقوز بوچوقده .

ژیمناستیکه دوام ایچین دوزرکن دائماً تبسمدن یاری آچیق دوران دوداقلرک اوزرنده شیمدی بر حیرت بولوتی کبی بر شی

اوجدیغنی کوردیم . فقط اهمیت ویرمکه دگری یوقدی .
 اسمنی ، ملیتی ، کیم اولدیغنی بيلمه مکله برابر هویتی آکلاشلمش
 اولیوردی . اوزرینه یافته سنی یاپیشدیرم ، کچدم . آقشامه
 قدر کندیسنی اونوتمشدم . حتی یمکدن صوکره عقلمه کلدیکی
 زمان ، ویرمش اولدیغیم سوزک آغیرلغی آلتنده جانم بيله صیقلیدی .
 کوچوک بواوطه می واردی . فقط اوتلارک چپلاق ، غیر شخصی ،
 روحسز وحسبز اوطه لرندن دکلدی . اوتله عائد اولمادیکی
 بللی اولان اورتولر ، چیچککلر ، رسمار ، بیلورله بواوطه یه
 بر شخصیت ، بر ظرافت و حیات کلمشدی . بوراده یاشامه سنی بیلن
 بر ذوق صاحبی قالدین اوتوریبوردی . ژیمناستیک سالوننده کی
 حالندن هیچ بکنمیه جک کوستریشسز بر ایجه ذوق ایله سوسلنمشدی .
 قولاغنده سیاه اینجی کوبه لری ، قوللارنده یوموشاق پرلانظه
 بیلزکلری واردی .

معنویتی اوزرینه یاپیشدیرمش اولدیغیم یافته نی صوکره قونوشد قجه
 دهها زیاده دیکشدرمکه مجبور اولدم . قونوشمانی بیلن بر قالدین
 قارشینده ایدم . هرشیدن بحث ایدیه بیلوردی . چوق سیاحت
 ایتدیکی بللی ایدی . هم کزدیکی یرلری کورمه سنی بیلهرک
 دولاشمشدی . لاقیردی آراسنده باویرا قرالی سراینده کچیردیکی
 حیاتدن ، برلینک یوکسک عالم لردن بحث ایدی . بونلر دیلنک
 اوجنه تصادفی صورتده گلش تفصیلات کی کورونمکه برابر بنده یینه
 بر انکسار خیاله سبب اولدی . چونکه بو ، اونلردن بری اولمانک

اڻ ٻارز بر علامتي ایدی . ايلڪ فرصتده بوتون بويله تفصيلات ویرمه سنی پڪ سورلر . يواش يواش ، پارچه پارچه لاقيرديلر بربرينه اکلنمک صورثيله ، فقط کندی آ کلا تيشنه کوره ، کیم اولديغی ميدانه چقيوردی . اساساً محار ایدی . بر آلمان ضابطنه وارمش ، قوجهمی باویرا سراینده ياورلسکده بولونمش ، محاربهده وفات ايتشدی . متبسم وملفت کورونمهني مسلك اتخاذ ايتهمش اولديغنه حکم ايتک لازم کليوردی . تصادفاً بر طرفه آتش کبی کورونن *Die Dame* مجموعء سنی چکدرک بکا اوزاتدی . قباغک اوزرنده چاپقین بر طورله کوان بویالی قادین رسمی کنديسی ایدی . رسامک بونی *aus Gedachtniss* يامش اولديغنی تأمین ایدیوردی . غزتهنک تاريخنه باهه ماديغمه حالا اسف ایدیورم . عجبا رساله نك صوڪ نومروسی می ایدی ، يوقسه بنم زیارتک شرفه جاتطه دن چيقاريله رق ماصه نك اوزرينه مهارتله ير اشديرمش اسکی بر نسخهمیدی ؟ مع التأسف تاريخ بومسئله ني الى الابد تنوير ایدهميه چکدر !

قارلسبادده کنديسیله حقیقه طاتلی ، اونوتولمامغه لایق بر حیات کچیردم . بیک دورلو حس فیرطنه لری ایچنده سرتلشمش ، هر دورلو قلب آجیلرینی طاتمش ، کنجلك خولیلرینی برربرر غائب ایدهرک قادینلری کوروندکلری کبی دکل اولدقلری کبی تلقیه آلیشمش ، یورغون ، عشق قاصیر غلرندن اوزاقده دورمغه عزم ایتش بنم کبی بر آدمی جداً ممنون ایده جک صورتده

داورانیوردی . بنی ال چوق جذب ایدن ، بنی ال چوق ممنون ایدن
شی طبیعتی ایدی . تیتړك ، خویسزاق ، نشئه سزك بوقادینك
یاننه اوغرامامش دنیله بیلیردی . برابر یاشادیغمز ایکی هفته ایچنده
اوافق برجان صیقنتیسی اثری بیه کوستردیکنی تخطر ایتمیورم .
بنم معناً نه قدر یورغون اولدیغمی پك اعلا آكلامش ، بكا بر
آرقداش اولمغه چالیشیوردی . کولیور ، آكلاتیور ، هرکون
یکیلک حسی ویره جك برکزمه ، اوافق بر اکلنجه بولیوردی .
بنی عادتا تسلی ایدیور دنیله بیلیردی .

ژیمناستیک سالونی بالطبع اهمال ایدیشدی . صباجلری
مولبرونده صوایچمکه آرتق وقت یوقدی . قایزر بارق کزینتیسی بوتون
صباح زمانمزی آلیوردی . اورادن ، « اولی » نك - اسمی
« اولی » ایدی - قوجاغنده قوجه بردمت تل ایله دونیوردق .
اوکله دن صوکره ، آراهه کزینتیلری خولیارمزی یشیل اورمانلر ،
چایرلر آراسنده دولاشدیریوردی . سانکه اوزون سنهلردن
بری بربرمزی طانیوردق ، بربرمك دوستی ایدك . ایلک
طانیشمه مزی اوزون دوستلق سنهلرینك آرقه سنده قالمش کبی
آرا صیرا خاطر لایور ، کولوشیوردق . بنده الك چوق خوشنه
کیدن شی لندیسنه برسوقاق قادینی معامله سی ایتمه اولدیغنی تکرار
ایدیوردی . بو ، حیاتنده ال بویوك بریکیلک اولمادی . سوقاق
قادینی دهلدی . فقط اونلرك بوتون سر صمیمی صنعتنه بوتون
دقایقيله واقفدی .

کیمدی : کندیسنک آکلاتدینی تفصیلات آرقه‌سندہ ،
 کندیسنک کورونک ایستہ‌دی بی نقاب آلتندہ بن اونک حقیقی
 چہرہ‌سنی کورمکہ چالیشیوردی . حالندہ کی صمیمیت بندہ بر
 خستہ‌لق حالنہ کچن شہہ‌یی قابل دکل اویوتا‌مایوردی . او دائماً
 متیقظ برنوبجی کبی اک اوافق طورده ، سوزلرده بر حقیقت
 افادہ‌سی بولمغہ چالیشیوردی . بونلری پک بولامادینی زمانلرده
 بوقادینک پک ماہر بر اویونجی اولدیغنی سویلہ‌یہ‌رک یرلشمش
 قناعتلرمی صارصامغہ چالیشیوردی . ہر حالده طورلرندہ ،
 معاملہ‌لرندہ صاقلامغہ موفق اولامادینی بر منفعت مجلوبتی واردی .
 چیرکین بر حقیقت قارشیدندہ قالہ‌رق شو بش اون کونلک خولیانک
 شعر و آہنکنی قاچیرمامق ایچین ، بوضعفی میدانہ اورمغہ
 اونی مجبور ایتیمہ‌جک صورتدہ داوراندم . کندی کندیمی آلداتق
 بر احتیاج ایدی . فقط کندی کندیمی آلداتق ایستہ‌دی کیمی
 کندیمدن صاقلا‌یوردی .

ہر کوزل دقیقہ کبی ، ہیچ دیکنسز واضطرابسز کچن بورؤیا
 وسعادت حیاتی‌دہ نہایت بیتمک لازم کلیوردی . بر آرکی
 قیصقانہ‌رق سومہ‌یی خود کامانہ بر عشق دیہہ قیمتسز تلقی ایدن ،
 اصل عشقک بوتون قصورلرینہ رغماً بر آرکی سومکدن عبارت
 اولدیغنی سویلہ‌ین بوقادین شو اون بش کونلک مشترک حیاندہ قلب
 اوزرندہ اوزون براعتیاد نفوذینی قازانمشدی . ایلک بولوشدیغمز
 کونکی خفیف تبسملہ ، ہرایی طرفدہ بر بردن ممنون ،

قولايجه آريلايله جكمزى تخمين ايدر كن ايلك كنجللك كولكك سز
خولالرى كې طاتلى كچن بورا بطه يي قيرمق زور كليوردى . صوك كون
« فرويند شافستو » دن « بيلد » دوغرو قول قوله اوزون
بر تيزه ياپار كن ماهر براويونجى ديه طرفدن تمغلاشم ،
بوتون اونلرك دقايق صنعتنه واقف بر قادين ايله دنياده قاديننه ،
وعشقه اعتمادى غائب ايتش ، بوتون ايلكك امنيتى زهرلش
عادتا بر اختيار اركك حالده دكلدك . حياته يي كيرن تجربه سز ، خيال پرور
بر كنچ قيز ايله بو حيات عشق ابدىاً بويلا كولكك سز دوام ايدر
ظن ايدن بر دليقسانلى كې ايدك . كيم بيلير ، بلكه او آن ايچين
كنديمزه قارشى بر مضحكه اوينامايوردق ، بلكه بر آن ايچين
صميمى ايدك ...

اوكونه قدر آرازمزه عشقه دائر هيچ بر ككه تعاطى
ايديله مشدى . حتى عشق وعشقك جدتى بخلرينى دائما استهزا
ايله تلقى ايتكك ضمناً قارشىلقى قرار ويرمش كې داورا مشدق .
هيچ بر قلب رابطه سنك خوش بر زمان كچيرمكدن باشقه فضله
بر ماهيتى اولاماماسنى ايكمزده قبول ايتش كورونيوردق .
حسايه ترست كورونمى كولو نچ بوليوردق . فقط يارينكى آريلاغك
بوكوندن حزننى حس ايدىيور كې ، هر زمانكى شاقه لره بوكون
امكان كورمىيوردي . آديم آتيشلر مزدن بيله بر ملال انتشار
ايدىيوردي .

« ماوريفه هوتته نك » نك بار ماقلغه دايانارق آشاغيد قايىر بارقك
چنلرينه دالغين دوران نظرلرينى قالديردى :

— صوك كونمز، دیدی. کوزلرینی خفیفجه قیرپشدر دیغنی
 کوردیم. آقه جق دامله نك کیرپیکلر نده کی بویانی بوزماسنه میدان
 ویرمه مک ایستبر وضعیتله باشنی قالدیردی. کیرپیکلری بر قاچ
 کره دها قیرپشیدی. ایچیمده الیم بر بوشلق، عشق و حیات
 اورته سنده درین بر یا لکزلق حسیله بوتون افقم آجی وزهر
 کسیددی. یارینی آیریلنی دوشونمکدن بو قادینک کوزلرینه
 بردامله یاشک چیقاجغنه اینانه بیلسه ایدم نه قدر مسعود اولاجقدیم.
 فقط ایچمدن اعتمادی آلمش، یرینه هر شیئی شبهه و امنیتسزک
 رنکلی آلتنده کورور بر کوز بر اقلشردی. ایسته م، بوتجر به لر،
 بو بیلکیلر، بوفلسفه لر سزک اولسون، بونلری هپ آلکز،
 بکا کنجککمک اوصاف دلانه امنیتلرینی، اوغافلانه خولایلرینی ویرکز
 دییه هایقیرمق ایسته یوردیم. فنط کیمه؟ بنی کیم زهرله مشدی؟
 هر کون بر پارچه می دیکشمنش، بر پارچه می قیریلش بو اسکی
 معنویتک بوشیمدی شکیلندن کیمی مشؤل طوتابیلیردم؟ بونی
 بوتون بر حیات یامشدی. بن اوندن مشکی ایدم. حالبوکه یکانه
 حکمت وجودم اوچمش حیاتی دوشونمکدن وسومکدن
 عبارتدی.

«اولی» دوام ایدیوردی:

— دنیاده هیچ برابطهم یوق. کیمسه یه برشی بورجلی
 دلم، کیمسه یه حساب ویرمک مجبوریتنده بولونمایورم. دنیانک

نرسنده اولورسهك اول ، بنی ایسته ديك وقت بكا يالکز بر
تلغراف کوندر ، ایکی کله : اولی کل . در حال قوشه جنم .

بو طاتلی ساعتلی « یارین » سزه براقق حقیقه یازیق
اولاجقدی . استقباله عائد قرارلر ویردك : او قیش اسو یچره یه
کجه جكدك ؛ داووس ، سن مور یچ طرفلرینی کزه جكدك . صوکره ،
ایلك بهار نهایتلرینه دوغرو ، مجارستانده تاترا داغلی ؛ تموز
اورته لرنده نوروه چ فیورلری ...

ویانه دن کچرکن کوردیکم بر دوست ، بو قادینی طانیوردی .
اونی بكا شیویه آکلاتدی : بورژوا بر عائده دن دوغمش ؛ بر
فابریقاتور ایله اولمش . برلینده یوکسك کبار عالنه منسوب بر
قادین کنديسنه عاشق اولمش . قوجه سندن آیریلار ق بوقادین ایله
یاشامش . اوقیمتدار الماسلر ایشه بوقادینك هدیه لری ایدی . باویه و
قرالک یاورلرندن بر ضابط کنديسنی سومش . بونکله اولمش .
صوکره اهلی قونت بارتوفسکی کنديسنه عاشق اولمش . ایش
قوجه سیله دوئللو ایتمه لرینه قدر وارمش . نهایت قوجه سی میدان
حریده ترك حیات ایدنجه بارتوفسکی ایله ازدواج ایتمه سی قرار لاشمش .
قونت بارتوفسکینك سرائر قلبیه سنه محرم بر رفیق اولان دوستم بوتون بو
تفصیلاتی قونتك خصوصی پولیس اداره خانه لرینه یاپدیردی
تحقیقاتدن آلدیغنی تأمین ایتدکن صوکره شو مناسبتك ناصل نهایت
ایردیکنی ده خبر ویردی . روس و آلمان اردولرینك مکرر

استیلا لرینه معروض قالان لهستانده قونت بارتوفسکینک بوتون اموالی ، املاکی محو اولمشدی. اولجه روتیله کوز قاماشدیران بارتوفسکی آرتق بر فقیر ایدی . « اولی » : « برلهلی قونستک نشانلیسی اولمقدن ایسه محاربهده ترک حیات ایتش بر آلمان ضابطنک دول زوجہ سی اولمای دها فائدهلی کوریورم » سوزلریله قونته نشان یوزوکنی اعاده ایتش ...

دوستم بو تفصیلاتی ویردکن صوکره :

— کوریورسک یا ، دیدی ، تهلمکلی برقادین ؛ بویولمه قیاسده بر « آوانتوریه ». برلینده تیرغارتنده کوزل بر آوی واردز . هیچده قولای برقادینه بکزه مز . کیمسه یه یوز ویرمز . « اسپاناد » چایه کلدییی زمان یاننده دائما یاشلی ، جدی آدم لر بولونور . شو محاربه پاتیرتیلری ایچنده ، ظن ایدرم ، بویوک مالیه وسپه کولاسیون دولابلریله اوغراشیور ...

نام بولغارستانک متارکه عقد ایتیمی اوزرینه آوروپا ایله هر دورلو مناسبت کسیدییی کون « اولی » دن بر مکتوب آمشدم . قارلسباددن صوکره دوام ایدن مخبره مز حس وهیجان خصوصنده کیتدکجه شدتی آرتیریوردی : یوز یوزه اولدیغمز زمان سویله مکملکهده کندی کندیمزدن اوتان دیغمز شفقت ومحبت سوزلرینه مکتوبلر قیزارمه دن تحمل ایدیورلردی . بو بوسوک مکتوبنده بو بویوک آوانتوریه برقادین ایچندن کلن

حملہ صمیمیت و اعترافہ آرتق تحمل ایدہ میور کورونہ رک حیاتنک
ایلک عشقنی اعتراف ایدیوردی. صوگ مکتوبی «سنی سویورم»
جملہ سی ایلہ نہایت بولیوردی. پوستہ لک کسلیلمہ سندن برکون
اول یازدیغ صوگ مکتوبہ دہ بن اوکامشکوک استقبالك قارا کلق
احتمالارندن بحث ایتدیکم صیرادہ ، صوگ دقیقه حیاتمده بیله
کندیسنی دوشونہ جگمی تأمین ایتشدم ...

احمد نزیہ صوصدی . آزاجق نفس آلا جق ظنیله بکلہین
آرقداشلیرى ، دوام ایتدیکنی کورونجہ ، همان ہپ بردن
ہایقیر دیلر :

— ای ، صوکرہ ؟

نزیہ خفیف بر آجی تبسمالہ :

— باقکز ، دیدی ، ہپ بلا اختیار تاریخک تبکرینہ
طرفدار اولیورسکزم حکایہ بورادہ پک طبیعی نولہرق بیتدی.
وحیاتمده بورادہ بیتمک اقتضا ایدردی . متارکدن صوکرہ
نہلر جریان ایتدیکنی بیلورسکزم. اوزلت وخجالت کونلری ایچندہ
قارلسباددہ کچن شو اوزدئمہ عشق حیاتی دوشونمکہ امکان
یوقدی . ذاتاً مخابرمدہ قابل دکلدی . صوکرہ یونانیلر از میرہ
تجاوز ایتدیلر . وظیفہم ہر تورک کنجی کبی بخدہ آناتولیہ
قوشدیردی . ابتدا چتہلر شکلندہ اوغراشدق . صوکرہ منتظم
بر اوردو حالندہ طوپلانمغہ باشلادق . بوتون او محرومیت ،

او مجادله کونلرنده، صوغوق، اوزون کيجه لرده خیالاً اوفاق بر تسلی بولاق ایسته دیکم زمان، تاریخ قارلسباده عائد بو پارچه سنی تکرر ایتدیر مکه جالیشیورددم. چونکه اونده بنم ایچی طیر ملامش، بنی زهرله مش هـیچ بر نقطه یوقدی. طاتلی، خوش، لکه سز بر خیالیدی. «اولی» یی دوشونیورددم. مملکتک خلاصندن صوکره او یاریم قالمش سیاحت خولیا لینه اونکه تکرار باشلامه یی دوشونیورددم. «اولی» بکا استقباله ائلسز دوشونوله بیله جک بر حیات تأمین ایتشدی. بوندن متدار ایدم و هر دقیقه اولوم قارشینده ایکن بو حیاته خیالده ذوق ایله صاریلیورددم.

این اوکی محاربه سنده آلدیغم یارملرک نقاھت دوره سنی کچیرمک ایچین آوروپا یه کیتدم. «اولی» یی بولاق امیدله قارلسبادی سائر برلره ترجیح ایتدم. فی الحقیقه «پوپ» ده اوطه ایسته مه دن اول ایلک یاپدیغم شی «غره فین فون ارنبرغ» ک بوسنه قارلسباده کلوب کله مش اولدیغنی صورمق اولدی. اوت، دیدیلر و نومروسنی ویردیلر.

بویوک آقتور و آقتیرلرک صحنه ده کی سرموقه تیرینی آکلایورددم. بونلرک اطرافه حقیقی بر حیات حسی ویرمه لری، سیرجیلره برر عشه حقه ت سرایت ایتدیر مه لری شبهه یوق که ابتدا کندیلرینی روللرینک ایچنه قویما لرندن، روللرینی حس ایتمه لرندن، سویله دک لری سوزلره بر آن ایچین اینانمه لرندن ایلری کلیور. «اولی» یه هیچ ده عاشق دک لدم. فقط اوطه سنه چیمارکن دویدیغم بو هیجان، بو صبر سزلق،

بو سعادته نهدی ؟ عشق رولنك بكا ویردیگی جعلی بررعه، بكا
بیله اینساندیردینی ظواهر دکلگی ؟

« اولی » بنی کورمکدن پك سهویندی . ایچه بوزولمش
اولمقله برابر او سویملی چیرکینلیکی حالا جاذبه دار ایدی . فقط
نچین برقاق دقیقه صوکره ایچمده آنجق درین برانکسار خیالدن
تولدایده بیله جك آجی بر یورغونلق ، برنه ایستهدیکنی بیلمه مزلك
واردی ؟ نه اولمشدی ؟ بوراسنی صراحة تعیندن عاجز ایدم .
فقط آناتولینك ایصنر کوشه لرنده دشمنله چارپیشیرکن بیله
دوشوندیکم بوايلك بولوشمه صحنه سی هیچده بنم بکله دیکم
کبی جریان ایتمه مشدی . بكا خیالک وعد ایتدیگی ذوقی هیچ
ویرموردی . صوك « ماویغه هوته » تزه ایله بوکونی بربرینه
باغلایان زنجیرده برتمادی یوقدی . آرده ده برچوق خلقه لر قوپمشدی .
ظن ایدیورم که بونی شیمیدی صنعی بر صورتده ، جبر طبیعتله
اکلده که چالیشوردق . بو « اولی » صوك مکتوبنده بكا اوقدر
صمیمیت و حرارت ایله « سنی سویورم » دیین « اولی » دکلدی .
محاربه نك آلدینی شکل فلاکت اوزرینه حیاتنده وقوعه
کن دکیشکلکدن بحث ایتدی . توریه احوالنده علاقه دار
اولمقدن کری قلاماشدی . بوتون چفتلکرمک یونان اشغال
آلتنده قالمش اولاجغنی تخمین ایدیوردی . بردن بره ذهنده
یالکز اسمنی بیلیدیکم بارتوفسکی نك ماجراسی پارلادی .
— اوت ، اولی ، دیدم ، هپسی یاندی ، بئندی و بن ایشته بو یله

كوردېڭكې ، يالکز حیاتمی قورتارايىلمش برحالمىم ...
تسلى ايتدى . پك دوستانه ، حتى مشفقانه قونوشدق .
فقط بوتون بودوستلقلرك ، بوتكليفسزلكلرك ايچنده بر بوز
ديواری واردی که آشيلمايوردی . تحمل ايدمدم ، قالقدم .
كىتمك عزىمك قطعى اولديغى حس ايتكدن صوكره اصرار
ايتدى :

— بوقدر چاقى ؟

— ينه كليرم ، ليسته ! يارين دكل اوبركون .
تتيجهنك نه اوله جغنى پك كوزل آكلامشدم . فقط جانلى بر
پسيقولوژى تتيبعنده بولونمق ذوقيله معين ساعتده ينه كنديسنك
اوطهسنه كيتدم . « اولى » قورسەلى ، كيىنمش ، بنى بكله يوردى .
— نه او ، ليسته ؟ ديشارى مى چيقيورسك ؟ راحتسز
ايدىيورسەم ...

اودائى تېسىمى ، اومشفق طوريله تأمين ايتدى :
— خاير ، خاير ... دهها وقم وار ... ياريم ساعت
صوكره ...

ينه پك اسى ومشفق ايى دوست كې كوروشدك . اون
دقيقه صوكره وداع ايدركن ، بردها نه كون بولوشه جغىزى هيچ
صورمادق و بردها بولوشمادق .

خطا ، تاريخك تكرر ايدەجكنى ظن ايتمكده ايدى . او
آروپاده بن استانبولده و آنادوليده ، آرى آرى ، حياتلرمزى

ياشار ئن تاريخ يورومشىدى . برشى واردى كه بردها كرى كله مك
اوزره ، ابدىآچمىشىدى . بوجريانك ترسنه دوغرو تىكرار
كريلره چىقمق اىسته مك اراده بشرك عاجز قالدىنى پرامكانسزلغه
چارپه رق جريحه دار اولمقن باشقه برنتيجه ويرمزدى . « اولى » ايله
قارلسبادده كچىردىكمز اون بش كونلك مشترك حيات چوراق ، يانيق
اووالرده برىشيلك وسكونت كوشه سى ايدى . اونى الى الابد
اويله صاقلامق اىستردى . نه يامالى ، دنياده قورومايان ، دىكسلك حالنه
كله ين هيچ برىشيل كوشه قالمايور ...

ماتنونه - غاراداره ۱۰ كانون ثانى ، ۱۹۲۲

صیرت مدہ کی یوٹ

صیرت مندہ کی یوگ

بونلر ایکی یو لجی ایدیلر . یاپیشیق همشیره لر کی دنیا به برابر
 گلش لردی . فقط اصل یو لجی ، ایلک زمانلری ، کندیسنگ
 موجودیت مندہ بویله دائمی ، آریلق بیلمز بر آرقداش بولوندیغنی
 فرق اتمه مشدی . او هیچ احساس وجود ایتیموردی . آرقداشنگ
 صرتنه کیجه لی کوندوزلی بینمش اولدینی حلاله هیچ بر آغیرلنی
 یوقدی . آیری بر انسان کی یاشادینی حلاله یره هیچ کولککسی
 دوشمه یوردی . ابتداری او یوشمش ، درین بر او یقویه دالمش
 کی ایدی .

اصل یو لجی دنیا و حیاتک دورلودورلو وادیلر مندہ ، صیقتیلی ،
 مسرتلی یوللر مندہ ، چوراق ویا خندان صحرالر مندہ دولاشدیجه ،
 یاواش یاواش صیرت مندہ باشقه بر انسان یوکللی اولدیغنی سزمکه
 باشلا یوردی . نهایت ، برکون ، یوکلندیکی باشقه بریتک وارلغندن
 آرتق شبهه ایتمز بر حلاله کلدی . کندیسنی آدیم آدیم تعقیب ایدن ،
 هیچ بر مادیتی اولمامقله برابر بعضاً آزیجی بر آغیرلق حس ایتدیرن ،

اڱ کيڙي ، اڱ محرم دقيقه لڙنده موجوديتي دويوران بري ، بر
ياپانجي واري . بومحققدي .

بو يلكه برضالات حس ايدي . فقط بوتون ضالات حس
کي طبق حقيقي برحيات عرض ايديوردي . او درجه ده که يولجي
بوتون بوتون شاشيردي . حياتک اصل يولجيسي کنديسيمي ايدي؟
يوقسه بوسيرتندمکي اسنسنز ، ماديتسنز يولجي ايدي؟ فرق ايده من
اولدي .

ايسته کندي روحي تحليل ايتک ايسته دکه بوخيال ذهنده
وجود بوليور . هرکسک ايچنده بوتون جهان ايچين صورت قطعيه ده ،
الايدي قابلي باشقه برجهان واردر . بوراسي اونک حريم خاصيدر .
اوراده کچن شيلردن کيمسيه حساب ويرمک مجبورينده دکلدر .
اورايه کيمسه انقاد نظر ايده من . انسان او مخفي عالم ايچنده يايه
يالکتر ، يالکتر کندي کنديسيه يوزيوزه ياشار . هم جنسرينه ،
اڱ يقينلرينه اعتراف ايده مديکي امللريني ، حرکتارينک اڱصيمي
زنبکلريني ، غايه لريني ، نفرت ومحبترليني ، اميد وقورقولريني بوراده
راحت راحت اورتيه يايه بيلير . کيمسنه نڱ کوره جکندن ،
ايشيده جکندن ، تعيب ايده جکندن انديشه يي يوقدر . بوراده
تماميله امنيت ايچنده در ، بوراسي کنديسنک دنيا سيدر .

فقط ين شعورمک ايچنده بوبله صرف بکا خاص اولاجق
برعالمدين محروم . اوراده تماميله کندي کندييه ، راحت دکلم .
صيرتمده طاشيدينم يولجي يي بوعالمک قابلسنده براقوب اورايه يالکتر

باشمه چکيله ميورم. اكيالكز دقيه لر مده آرقه مدن باشنى اوزاته رق
 كوزلرني تا قلمك ، روحك درينلظرينه قدر صوقان ، بنى
 كورن ، ايچمى كورن بريابانچي نك وارلغنى دوييورم . بكا بوقدر
 محرم اولديغنى حالده بوقدر يابانچي . چونكه شعورمك تاقاراكلق
 طبقه لرينه بيله صوقواق ايستركي برنفوذ نظرله بنى اولديغى كې سېر
 ايدن بوكوزلر بن دكلم . بن حركت ايدسيورم ؛ دوشونيورم ؛ برشى
 ياپيورم . بو ، بن ايم . فقط بوتون بو حسلرمى ، دوشونجه لرمى
 حركت لرمى سيرايدن بو « اوتەكى » كيمدر ؟ بودشمن كيمدر ؟

أ ت ، بعض دقيه لر اوليوركه اونك بكا دشمن اولديغنده
 هيچ شبهه ايتيورم . او اولماسه نه قدر راحت ايدەجكم ، نه قدر
 مسعوداولاجم ؛ بعضاً كندى كندىمى قانديرمق ايچين اوغراشدنم ،
 موفق اولديغمه آرتق حكم ايتك اوزره بولنديغم دقيه لرده اويوزى
 كوردمديكم يابانچينك مستهزيانه كوله سى قولاغمه چارپار . بواك
 قوتلى طلسملرى . سحرلرى برباد ايدەرك حقيقتى ميدانه چيقاران
 بر ضربه نهار كې بنم بوتون او اوزون امكلىمى صفره اينديرير .
 آرتق كندىمى آلداته مام .

بنى كندى كندىلكمه ترك نفس ايتكدن منع ايتەي بويابانچي
 صانكه بروظيفه ايدنمشدر . غرور ديرلر ، نخوت ديرلر ، حرص
 ديرلر ، انتقام ديرلر ، حرص جاه ديرلر ، بر چوق حسلر ، ضعف
 واردركه آز چوق قوتلى بر ممنونيت ويردكلىر آنلر كورولور .
 فقط بن اوافق بر موفقيت ايله مغرور اوله جنم صيراده اونك استهزالى

سسی: بو دویدیغت ، دیر، غروردن ایلمری کلبور. وصوکره ،
 بوتون شو دنیوی عظمتلرک هیچلکنی آنی بر لوحه ایچنده
 کوزمک اوکنه عرض ایدمک بوتون ذوقی بر بادیدر. بریسنک
 سویله دیگی طاتلی ، مداهنه کارانه سوزلر بنده خوش بر احساس
 یامغه باشلار باشلاماز ، اونک کوزلرینک صوغوق بر عملیه تحلیل
 حالنده اعماق روحه قدر اینه رک بر آز صوکره عینی آغزک بوتون
 بو سوزلرک ضدینی بر قاج آدیم اوتده تکرار ایده جکنی بکا
 خاطر لاتدیغنی کورورم . اوزمان بوتون او حظم اوچوب کیدر .
 یاپدیغ حرکت کوره او متصل ایچمدن سویله نیر: بو صایغیسزلقدر،
 دیر ، بومغالطه در ، دیر؛ بو حتمسزلقدر، دیر.

بنی سیر ایتمکدن ، بنی تنقید ایتمکدن ، چهره معنویت ی بکا
 کوستردجک صورتده قارشیمه بر آینه طوتمقدن ایچمده کی بویابانجی
 غریب بر حظ آلیور دنیله بیلیر. بعضاً حدتک، انتقامک ، حرصک
 پک بوبوک ، پک جاذب و طاتلی بر ذوقی اولاجغنی دویدیغ مقدمات
 حظدن آکلایورم . فقط اوصیرتمده طاشیدیم یابانجینک قدرتلی
 الی در حال بنی یاقه لار . بن قوشه قوشه جسمک ، احتراصمک
 تا صوکنه قدر وارمق ایسترن او بنی طوتار: دور ، دیر، نفسکه
 مغلوب اولیورسک . بن محاکمه ایله ، منطق ایله کندیمه. حرکتیه
 بر حق ویرمک، حرکتلر مه بر جلای حکمت و اعتدال ویرمک ایچین
 اوقدر او غراشمش ایکن بویابانجینک قارشیمه قویدیغنی لوحه حقیقت

قارشيسندە بوتون او كندىنى احتراصاتم اوغورندە آلداتمەك
ذوقنى غائب ايدەرم .

بويابانچىنىڭ حضورى اك چوق عشقەدە بنى ازعاج ايدر .
انسانك كندى كندىسىنى بىلمەك ايستەدىكى صميميت دقيقه لرنە بارد
برشات ايله اوزركنزه آچيامش برچفت كوزك سىزە باقماقنى حس ايتك
روحكزى دوكدىرپر . سەويلن دوداقلر بوتون حرارت صميميتى
ايله دوداقلر كزك اوزرىنە قابانەرق :

— دنيادە يالكز سنى سودم ، سندن باشقەسى هيچدر !
ديدىكى زمان ، او يابانچى ياواشجە قولاغە فيصلدار :

— بىلدىرسكە بوسوزلىرى فلان دە سويلەمشدى !.. بو
سوزلىرى سندن سوكرە كىلرەدە تكرر ايدەجكدر !..
سودىككز قادينە او آنك حرارتى ايچندە ، عادتا كندى
صميميتكزە تماميله اينانمش برحالده ابدى مربوطيت يمينلىرى
ايدركن قارشىكزەدە او يابانچىنىڭ مستهزى كوزلىرىنى ، قولاغكزەدە
آجى فيصلدىسىنى بولورسكز :

— بونلىرى دها اولدە برقاق دفعە تكرر ايتىشدك !
عشقك فيضانلىرى ، طوقانلىرى دورلو چىلغىنلقلرە ، سرخوشلقلرە
حتى جنائت و انتحار لره سبب اوليور . شەبە يوقلە بونى ياپانلرك زوخلرنە
كندىلرينك غليانلرىنى دوكدىران ، اللرىنى طوتان ، كوزلىرىنى
حقيقتە آچان بويابانچى كوز ، بو محرم فيصلدى يوقدر .
بن حسلمك ، احتراصلرمك جوشان ، آزان سيللرىنە هيچ

بروقت کنديمی بوتون بوتون براقامادم؛ يالکمز غالب احتراسک
النده براسيرو بوندن مسعود، اولامادم . اک سرخوس دقیقه لریمی
بردن بره بر اویانمه تعقیب ایتدی. هیچ براوچورومه آتلق حظنی
دویامادم . صوک دقیقه ده دوردم. صیرتمده کی بودشمنی اونوتامادم.
هیچ بروقت کنديمی اوندن قورتارامادم . اونک کوزلرینی قاپایه مادم.
بو ابدی مجادله دن روحک یورغون دوشدیکنی ، عقامته محکوم
قالدیغنی کورییورم . بنی بندن قورتاراجق بری وارسه، کاسین،
حیاتم اونکدر .

ماتوره — غار اراسه ، ۱۵ کانوز ثانی ، ۱۹۲۲

فطع مناسبت

قطع مناسبت

مادروازل ل . درس .

ارنل نه غره نه قور ، نيس .

« شەرى ،

« بيلورميسك نه ايكي كيجهدر اويومايورم ؟ بايغين باقاسنى
اوقدر طاقلى صورتده بيلن كوزلر كده برافاده حيرت وانديشهك
بارلاديغنى اوزاقدن كورييورم : خسته ميسك ؟ ديهه صوراجقسك .
متخصص اولمايان بردوقتور معاييه ايدر سه صحتك پك يرنده .
اولديغنى تايمين ايدەجكنه شېهم يوق . فقط بكا صورارسەك ،
سوكيلم ، خسته يم ؛ هيچ بر زمان اي اولمايه جق مزمن ، درين
بر خسته لغك تكرار تازه لئەسندن متولداليم بر نوبت پئەسندەيم .
ايي كوندن برى چكديكم اضطراب ، قلبەدە دويدنيم بورونلەر ،
روحەدە دويدنيم بورغونلقلر ، حزنلر بئەدە هيچ شېه بر اقامدى .

بو علامتلىرى پك كوزل طائىرم. بونلر استنبالده بگلهين دهامدهش
عذابلرك بر مژده جيسيدر . بونلر بكا : دقت ايت ، بويوك
تهلكه وار ! ديه هاقير يورلر .

« بو اويقوسز چكن كيجه لرده تهلكي چيلاق بر كوز ايله پك آشكار
كوردم. آ كلايورم كه سنى صحيان سوه جكم. هر نباتك يتشمه يى
ايچين خصوصى بر اقليم اولدينى كې عشق ديديكمز حس
واحتراصكده ياشايه بيلمه سى ايچين لازم اولان استعدادك روحده
آرتق قالمادىغنى ظن ايدىوردم . پارماقلىك آراسندكى منديلى
نماميله اسكىنجه يه قدر قوللانديغك هيچ اولديمى ؟ بو اسكى منديله
باقه جق اولورسه ك انجه نسجك بعض يرلرى چوق يېرانتقدن ،
چوق ديدىكلنمكدن اوزولاش ، آقش ، هان آيريله جق بر حاله
كلش اولديغنى كورورسك. دقت ايدلمزسه صاعلام ظن اولونان
اومنديلك پارچه پارچه برز اولماسى ايچين اوافق بر بوروشدورمه
كافيدر . ايشته بو حالده يم. يەرغون، تھملسز ، عشق طاشيمغه
قابليتسز بر حالده يم . چونكه سزلى بيليرم كولر بر چهره
ايله ، متواضع بر طور ايله ، بوتون وارلغى كزى بزم بر نظر مزه
فدا ايتمش كې برفراغتله كليرسكز . كندىلك كزى اوقدر
اونوتورسكز كه بزم ميني ميني براسيرمز ، بر مالز ، ايسته مديكمز زمان
قيروب آتہ بيله جكمز بر اويونجاغمز اولديغكزى سويلر ،
بلكه ده حقيقه بونى حس ايدرسكز وذوق عشق بويله كند -
يكزى بزم ايچين بر هيچ حالنه اينديرمكه بولورسكز .

« فقط بن بر پاره یه صاتین آلمش بو اسیرلرک قدرت
متحکمانه لرینی پک اعلا طانیرم . بنی بویله ازن ، دیدیکله یین ،
یپراتان ، پارچه لایان آلار اونلرک کیکلر اولمشدر . آرتق اونلرک ،
اوقشایان آلره طیرناقلاته جق هیچ بر شیئم قالمادی . عشق یمینلرینه ،
ابدی وفا و صداقت تعهدلرینه اینانه جق اعتماد زهرلندی . اک
صمیمی بر سوزده ، اک قلبدن کلن بر حمله صمیمیتده بیله شیمدی
بر قصد اغفال کورمسه مده بی شعورانه بر یالان کورمک
استعدادندیم . بویله مرضی بر ضعف و شبهه نکیانی صیرا فیلزلنمکه ،
بویومکه ، درین کوکلر صالمغه موفق اولابیله جک بر عشقک
نه یاقیجی ، نه زهرله ییجی بر اشکنجه تشکیل ایدم جکنی پک
کوزل تخمین ایدم بیلیرسک ، سوکیلم .

« هیچده بویله ظن اولونمام ، دکلی ؟ فقط بیلیرمیسک که
قارا کلقدده اولرینه کیروب چیقارکن ، بر او طه دن اوته کی او طه یه
کیدرکن اک چوق کورولتو یانلر قورق اقلدر ؟ بونلر او جسور
کورونمک عزملریله ، اوجسورانه طورلریله کندی کندیلمی
اوزرنده بر تلقین یامق احتیاجنی دویارلر . بنم عشقی تحقیر ایدن ،
عشقی انکار ایدن ، عشقی یالکزمادی بر شی ، خوش بر زمان
کچیرمه واسطه سی دیه تلقی ایدن طورلرک ماهیتی بو اولدیغنی
ایشته سکا اعتراف ایدم .

« بنی بوسیا آلتنده طانیمازسک . حتی ، تخطر ایدریمسک ،
برکره سکا ، بر زمان بروقه قارشیسندنه انخار ایتیه بی پک جدی

صورتده دوشونمش اولدیغمی سویله دیکم وقت ، بویله بر شیئی
 بکا هیچ یانیشدیر مایه جغی کوستیر بر طرزده ، شبه ایله یوزمه
 باقشدک ؛ بن سنک نظر کده ذوق حواسنه اعتنا ایدر بر آدم .
 ای بر آرقداشم . کز مه یی ، حیاتدن ذوق آلمه یی ، طاتلی بر زمان
 کچیرمه یی بیلیر وبونی آراز بر حظ مفتونی یم . عشق نیم ایچین
 یالکز سطحی بر شیدر ؛ قادین ، کوزل بر موسیقی پارچه سی کی
 بر لذتدر . هر لذت کی بونلری ده تعدد ایتدیر مکدن خوشالانیرم .
 «سکا بویله کوروندیکمی تسلیم ایدرم . یالکز سکا دکل ،
 کندی کندیله قارشی ده بویله کورونمکه چالیشیورم ؛ ایچمده کی
 ضعفه قارشی قوتلی اولمغه چالیشیورم . بوظواهر نیم زرهمدر .
 فقط کوریورم که اونک بر ضعیف نقطه سندن سن روحه نفوذ
 ایدیورسک ودها شیمیدین بکا عذابلر ویریورسک .

« شیمدی ده ، جقسز بر مؤاخذیه اوغرامه نک ویردیکی بر
 عسبان وانفعال ایله باقدیغکی تخمین ایدیورم . طانیشدیغمز
 دقیقه دن بو گونه قدر کچن قیصه زمانی دوشونیور وحقلی اوله رق
 شکایت ایده بیلیمک ایچین بکا هیچ بر سبب ویرمه دیککی کوریورسک .
 مشترک حیاتمزی شو دقیقه دن ده بوتون تفصیلاتیله خیالده تکرار
 یاشایورم :

« بیاریچده ، موسمک ال غلبه اق کونلیدی . آقشام اوستی ،
 اثواب دکیشدیرم حکم صیراده ، هیچ بر سبب اولمادن تصادفاً
 بالقونه چیمشدم . سوقاقدن کچن بر قادین اوزون بوی و بوتون

اندامنده کی ظرافت وانحناسی ایله بنی جذب ایتدی . خفیف بر
 کتن انتاری کیوردی . کونشدن یانمیش آچیق قوللری اینجه ،
 قصورسز چیزکیلرله ، تا اینجه ، اوزون پارماقلره قدر عینی
 موفقیتله دوام ایدیوردی . بویوک کتن شاپقه سی یوزینی کورمه
 امکان ویرمیوردی . آیقلری کوچوک ، قصورسز ، طوپوقلری
 اینجه ایدی . فقط عجیبا کنج اولدینی شهه سز اولاریوزی بوتون
 بومتفرق کوزلکلری مکملیتله تتویج ایدمبلیورمیدی ؟ تصادفاً
 باشی قالدیردک . بربریمزی کوردک . کیرپیکلرکک ، دوداقلرکک
 بویاسنه رغماً کوزلرکک رنکی فرق ایدیه مین اوچوقلنی ، ضعیف
 اوزون چهره مکک ، سیوری بورنکک افاده سی بنی بلا اختیار تیترتدی .
 کندیمی ضبط ایدمه مه رک بردن بره صیچرار کبی اولدم . و آرتق
 برآن بيله تردد ایتمه دن آرقه کدن یتیشمک ایچین اوتلک اوزون
 قوریدورلرندن قوشدم . آز قالدی سنی غائب ایدم جکدم .
 گوشه یی دون کولکه نک سکا عاٹ اولدیغی یورویشکده کی
 دالعه لانتقدن فرق ایتدم . آدیلمیمی بوتون بوتون صیقلاشدیردم
 تام «اوتل دوپاله »یه کیردیکک صیراده یتیشدم . کوچوک شاسوره
 ماما کک عودت ایدوب ایتمه دیکنی صوریوردک . نه جواب آلدک ،
 دویه مادم . فقط اوتله کیردک و بن برمدت ، متردد ، دوردم .
 « آنه ک ، احتمالک برده قوجه ک واردی . طالعه سز لکه
 تأسفلرله کری دونمکدن کندی کندیمه قارشئ اوتاندم . کوچوک
 شاسوری هولده بولدم . کندیسنی قولایجه سویله ته بیلدم .

چه قوسلو و اقیالی بر آرتیست پیانیست ، دیدی . والدہ سی ، قیز
قار دیشیلہ بر ابردر . اسمکی دہ سویلہ دی . بروسیلہ بولوب سزہ تقدیم
ایدیلک پک قولای برایش اولدی . آوروپادہ بر شرقی ائیکی
آلتندہ سیاحت ایتہنک ایلک دفعہ اولہرق بویوک بر فائدہ سنی
کوردم . سکا شرقدن واستانبولدن بحث ایدنجه شرقک طلسمی
وشعرلی خولیالرینک صنعتکار روحک ویرمش اولدینی محبت و تمایلدن
برپارچہ سنی دہ بکا تشمیل ایتدک . آوروپانک و آوروپالیرک سنجہ
مجهول بر نقطہ سی یوقدی . فقط شرق کیم بیایر نہ صیجاق روحلر ،
نہ شعرلر ، نہ خولیالر کیزلہ یوردی ! وین بر شرقی ایدم . شرقی
اوقدر شعر و خولیا آرقہ سندن بیلوردک کہ دہا ایلک طانیشمہ مزک
صوکلرینہ دوغرو بکامہاراجہ دیمکہ باشلامشدک . شاقہ لاشیوردق .
کوزلرم رنکنی فرق ایدہ مدیکم کوزلرکدہ بر آن ایچین توقف
ایدرکن ایچمدن کچن اوافق بر صارصینتی بکا پک آز بر وقندہ
بویوک بر شعر و خیال مسافہ سی قطع ایتمش اولدیغمزی تبشیر
ایدیوردی . آیریلرکن پیانوکی دیکلہ مک آرزوسنی اظهار ایتدم .
ایرتہ سی صباح ایچین بنی سالونکہ چاغیردک .

«چالیدیغک پارچہ لری تخطر ایتیمورم دیرسہم بلکه صنعتکاری
جریحہ دار ایتمش اولورم . فقط بر قادین صفتیلہ ، اوکونکی
موفقیئتکدن ممنون اولابیلیرسک . کونشک یاقدینی قوللرکدہ
خفیف آلتون تویلر پارلارکن دونوق ، بیاض آلارکک کوچوک

سیوری پنبه طیر ناقلز یله ایخه پارماقلىرى فىل دیشلىرىنى اوقشایوردی .
 بن هپ اولنلى سیر ایدیوردم . ذاتا کوچوک کوزلرک اوزاق
 خولیلاری تعقیب ایدرکی بوتون بوتون کوچولمشدی . یوزکده قلبکک
 هیجان واملرندن چیچکلر آچمش کبیدی . الارم بلا اختیار
 بیلکلرکی ، قوللرکی اوقشامغه باشلادی . یاراماز بر چوجوغی
 تکدیر ایدرکی بنی منع ایدرکن منع دکل تشویق ایدیوردک .
 صوکره پانوی براقده . اوزون زمانلردن بری بر لرینی طانیان
 ایکی آرقداش سربستلکیله صنعتدن ، خولیدان ، شعردن بحث
 ایتدک . بنم بوسماوی خولیلار یاننده پک دنیوی بر نثر تشکیل
 ایدن صبر سزلقلرمی عفوکار ممانعتلرله نتیجه سز براقده . آیریلیرکن
 بن کوچوک ، غیر منتظم دیشلرکی صاقلایان ایخه ، بویالی
 دوداقلر کدن اوپمک ایچین اصرار ایدیوردم . قوللرکله کوسمه دایانه رق
 کنیدی مدافعه ایدرکن :

« — بویله بوسه نك نه حکمی اولور ؟ دییوردک . اونك
 بر قیمتی اولمايی ایچین زورله آلتمايی دکل ، بوتون بر قلب ایله
 ویراسی لازم کلیر .

« حقه واردی . بیاض دونوق رنکلی ، ایخه پارماقلى
 اوپهرک ایرته سی کون بولوشه حق اوزره آیرلدم . ایرته سی کون
 آچیق هوايی ، انکین دکیزی ، ماوی سمايی کنديمه برر متفق
 اوله رق یاردیمه چاغره ق ایچین بر کزینتی تکلیف ایتدم .
 اوکله یمكنی اوتلدن دیشاریده ییه جکدک . سوينه رک قبول ایتدک .

شاپقه کی کیوب چیمق اوزره کلدیک زمان ینه دونکی مساعده
 دائره سنی کنیشتمکه راضی اولامایوردک . سکا صو شهرلرینک
 فلسفه سنی یاپدم . بویله پک آز مدت اوتورولاجق بر صیفیه ده
 برکون آکسزین وداع ایدیلهرک بردها کیم بیلیر نروده تکرار
 باغلانه جق دوستقلر ایچین شو الکتریک و طیاره عصرنده ،
 قلاسیک قاعده دائره سنده منتظم ملازمتلرله غائب ایدیلهرک زمان
 اولمادیغنی آکلاتمق ایسته دم .

« — بعض اوزون مسافهلر واردرکه ، دیدک ، بش دقیقه ده
 قطع ایدییه بیلیر . بعض قیصه مسافهلر اولورکه سنه لرجه قطع
 ایدییه مز .

« ینه حقک واردی . فقط ینه اوکون آرتق بوتون مسافهلری
 قطع ایتمش کیمدک . متقلرمه برده قو قتل مانه اتان انضمام ایدنجه
 آرامزده هیچ بر یابانجیلق قلمادی . تا یان یانه ، بربر مزه پک
 صوقولمش بر حالده ، آیاقده ایدک . کنارلری بر آز چیللی کوزل
 کوزلرکک درینلکلرینه باقهرق ، ایلک دفعه سن دییه خطاب ایتمد :
 « — کوزلرکک رنکی نه ؟ دیدم .

« — صو رنکی ؛ آقان ، قانچان بررنک ...

« وجودلده بر رعشه واردی ، یوزکه بر حرارت چیقیور ،
 بوتون اولوچوک ، قورو واوزون چهره ک قیزاریور . کوزلرک
 باغین ، آقار ، قاچار کبی صولغون بر یش-یللکه پارلایوردی .
 کنج ، صاغلام بنیه کک ، آتشی مزاجکک ضبط ایده مدیکک

حمله لریله تیتردیوردك . آچیق اكسه كه برتوی خفیفلکیه دوقونان
ودولاشان پارماقلرمك آلتده بویوك بر تیترمه ایله صارصیلدك .
برآن اولدی كه كوزلرمز بربرینك ایچنده کندیلرینی اونوتدیلر .
نه قدر مدت نهلر سویله شدیلر بیلمم . فقط زورله آله میان
بوسه ، یوموشاقلغنی حالا دویدیم كوچوك بویالی دوداقلرله
کندیلکندن ویریش وینی طوتوشدیرمش ایدی .

« بو کزینتیلر هر کون تکرر ایتدی . هر کون حیاتمرك اك
ذوقی ، اك اونوتولمازدقیقه لری باشقه باشقه تنزه احتیاسلرینه
باغلا یوردق . آراده ، وجدانمدن کلن بر مؤاخذه یی صوصدیره ق
ایسترجی : فقط چالشمه كه مانع اولیورم ... دییوردم .

« — بردقیقه عشقه بوتون صنعت فدا اولسون ، مذابله سیله
خی صوصدیرمق ایچین دوداقلرله آغزیمی قاپایوردك . صوكره علاوه
ایدیوردك : عشق اوقدر بویوك بر سعادت كه ، دنیانك اویله
یکانه بر حقیقتی كه دنیاده اك چوق ایسته دیکم شی ، بی سون بر
آدمك چوق سومك یوزندن بی اولدیرمه سیدر .

« بو آرزوکی یامق المدن کلزدی . فقط باشقه برشی تکلیف
ایتدم : — کل ، دیدم ، بورادن ، عائله کدن ، احبابلر کدن ،
بو علمدن اوزاقلاشم . ایچه اوزاقلره ، ایتالیانك ، افملرنده
هپ شعرو عشق ترنم ایدن کوللرینه کیده لم . دنیانك بوتون
دوشونجه لرینه ، اوزون تولرینه روحمزی قالا یالم ویا لکزدوق وعشق
ایچین ، بزبریمز ایچین بر قاق کون یاشایم .

« ایلک دفعه سنده ماوی سهاره ، د کیزلره باقهرق ، ماوی چیلغینلق دیدیکک ، غیر قابل اجرا کوردیکک بو تکلیف ذهنکده یاواش یاواش بر طوتدی . بویودی ، قوتلندی . بر بریمزی طانیه لی هنوز اون کون کچدیکی حالده دنیا یه بر بریمزی بولاق ایچین کیش ایکی اسی دوست کبی یقین ، صیجاق ، ترنه آتلادق . بیلیم هاندی بر قونسر بهانه سیله آننه کدن اذن آلمشدک .

« ابتدا لاق ماژور ساحلار نده ، شتر مزاده قالدق . فقط بوتون بو مناظر طبیعت ، شیمدی بنجه سونوک ، دونوق دوریور . صیرا ایله دولاشدیغمز لاق ماژوری ، لوغانو کوانی ، قومو کوانی هپ بر برینه قاریش دیریورم . بوتون بو کوزل لکار روحده هیچ لکمه سز ، پرور سز ، یاشایان او حیات لوحه سنک زمیننی تشکیل ایدیورلر . بولوحه اوزرنده بارز اولارق خیاله ، حواسمه چاربان یالکسز بر شی وار : سنک عشقک ...

« بو ، اصل معناسیله ، قلاسیک بر عشق دکلدی . چونکه سکاحیاتده طاشیمق ایسته دیکم نقاب آلتنده نور و نیمه چالشیوردیم . سومکده اولدیم قادینلردن بحث ایدیوردم . حقیقی بر شرق مهاراجه سی کبی ذوقک سراینی دولدوران بایاده لرلی آکلار تیوردم . بنده مهاراجه نک کوچوک بر اسیری یم ، ایسته دیکی وقت آتیورده کبی بر بایاده ری یم دیور ، اینجه قولر کله بویمه صاریلیوردک . بو حیاتک موقت اولدیغنی ، استقبال ایچین هیچ بریمزی بر تعهد آلتنه صومادیغنی ، ناصل بر تصادف نتیجه سنده

بر بریمزی بولمشه ق ، ینه اویله بر ضربه حیات ایله بر بریمزی غائب ایده جگمزی بیلوردق . او قدرکه بو طاتلی حیات عشقه وداع ایدهرک ایکیمزده بر طرفه آیریلیرکن ، محساره ایچین بیه بر تعهد آلتنه کیرمه مشدک .

« موسم ابتدا سنده نغره سقونک هولنده چای ایچرکن سیزه تصادف ایتدیکم زمان بو ایکیمز ایچینده پک ذوقلی بر حیرت اولدی . دون آیریلش کی بر بریمزه آچ ، محاورده بر انظام محافظه ایده مه یه رک ، هر شیئی هپ بردن آ کلامق ایستر بر حالده قونوشمغه باشلادق . آراده کچن آیلر ایتالیا کوللری قییلرنده کچن حیات عشقی اولدیرمه مشدی . او حیات دون ناصل بوتون حرارت و صمیمیتی ایله بزی باغلامشسه بو کونده عینی حمله صمیمیت ایله بزی بر بریمزه دوغرو آتیوردی . حتی املک کونلرک صمیمیتی ، بز باشقه طرفارده ، باشقه شیلرله مشغول ایکن شعور مزک خارچنده ، ایچمزده یاشامش ، دهها قوت بولمش ، دهها درینلشمشدی . مشترک حیات عشق در حال باشلادی .

« فقط آنجق ایتالیانک اوزاق افقلرنده ، قیصه بر زمان ایچین قابل اولایله جک بر ماوی چیلغینلی اصل حیاتک ایجاباتی ایچنده ادامه ایتک قابلیدی ؛ یالکیز دکلک . عائله که قارشى وظیفه ک واردی . صنعتک واردی . چالیشق و یاشامق ، سوسلنمک ، عالم ایچنه قاریشمق و کز مک مجبوریتنده ایدک . آنجق بوتون بونلردن

آرتە جق بر زمان ایچنده عشقمزی دوشونه بیله جکدک .

« بونک ناصل بر آجی تشکیل ایده جکنی اولی کیجه یه کهنجه یه قدر تخمین ایدمه مشدم . « باتر فلای » ی بن اور کسترده قولتوقدن سیر ایدرکن سن لوجه ده باشقه قادینلرک وایکی طایمایدیم ارککک رفاقتنده ایدک . ماصاللرک عفریتی کبی بردن بره ایچمده قورقونچ بر چهره جانلاندی . آنی بر دیش آغریسی کبی ، معنوی بر صانجی روحی بورمغه باشلادی . قیصقانیوردیم . بزم شرق اولرینک بردن بره پارلاماری کبی ایچمده بر اضطراب طوتوشیوردی . اولیوردیم . وعینی زمانده یچین ؟ نه وار ؟ نه اولیورم ؟ دیه حیرتله کندی کندی یه باقیوردیم . حقیقه بوقدر عذاب چکمک ایچین هیچ بر سبب یوقدی . واقعا کیجه تیاترویه کله جکی سویله مه مشدک . فقط هرکون نه یاپه جغی ، نه یایدیغکی ذاتا سکا صور میوردیم که . بالطبع احبابلرک اولاجقدی . کورو - شه جک ، تیاترویه کیده جک ، دعوتلر قبول ایده جکدک . بونلر پک طبعی ایدی . شو حالده ؟ ایچمده کی بو عفریتی اولدیرمک ، سکونمی بولاق ایچین کندیمله جنک ایتدم . فقط غروب ایدن کونشه قارشى نجره لره دایانه رق ، کری کلمه جک سوکیایسنی بکله یین زواللی کوچولک ژاپونیالی کبی بن ده آرتق بدياً کلمه یه جک برسکون وامیتی بکله یه رک حیات عشقمزه کوزلریمی دیکمش ، معذب ، خسته ، قالیوردیم . بر شی واردی نه ابدیاً کیتمشدی ؛ ابدیاً کله یه جکدی . قیصقانجلق زهری آرتق خسته روحه داملا مشدی .

« اوت ، بكا احبابلر كدن ، طانيدقلىرىندن بحث ايتدك . حتى
اسى عشق ظنلر كى آكلاتدك . فقط بوتون بونلر ك جانسز بر تقلید ،
ساخته بر اثر اولديغنى شيمدى حقيق عشق بندن حس ايتدكدن
صوكره تقدير ايتديكى سويله يهر ك هپسى كوچوك آياقلىكله
چيكنهدك . اطرافكده يكي دولاشانلرى ، يادقلىرى فلور تلى
حكايه ايتدك . وبو آدملىله اكلهدك . بوتون بونلر كوزله كورو-
نهدىكى ايچين اينانمايان اولوم كى بكا اوزاق ، بنى علاقده دارايدمه يه جك
شيلر كى كاشدى . فقط شيمدى بندن آرى چن حياتك ك كوچوك
بر صفحه سنى ، ان معصوم بر صفحه سنى كوزلرمله كورونجه اولجه
اوزرمده هيچ تاثير يانمايان شيلر تماميله جاتلى بر حاله كلدى .
« ايسته ايبي كيجه در بنى اويوتمايان ، بكا ياشاديغنى حس
ايتدیرمه ين ، بكا حياتى آنجق عذاب ويرمكه مخصوص بر فلاكت لى
كوسترن شى حقيقتله بو يوز يوزه كلك اولمشدر . سورديكك
حياتى ، سورمكه مجبور اولديغك حياتى شيمدى اوزاق بر حكايه كى
دل ، بوتون حقيقتيله كور ييورم ، ياشايورم وبونك ايچوندرده
كبر ييورم !

« حالوكه شكايات ايدم جك نه وار ، دكلى ؛ ماضى نى قيصقنامق
نه قدر معناسز بر شى اولوردى . اوتوز ياشنه كلنجيه قدر البته ،
ايلريده بر كون ، بر اوتلك بالقوننده . كوره جك كى دوشونهر ك
حياتدن هيچ بر ذوق وسعادت آلمدن بر تارك دنيا كى ياشايه جق ،
بنى بكله يه جك دكلدك . حال واستقبال ايچينده سندن بويوك

شیلر ایسته مکه نه حقم واردی ؟ سنک نهك ایدم؟ بکا کنجلیکی،
 نواز شلرکی ، حرارتی، عشقی لطفاً ویرمهك، سنک حیاتیکی
 آت اوست ایتك، سنی آیشدیغك، محتاج اولدیغك، غیر قابل
 اجتناب رابطه لرله باغلی بولوندیغك بوقوزموپولیت عالمدن حیقاروب
 بر اوتل گوشه سنه حبس ایتك ، کیمسه ایله کوروشدیرمهك
 ایچین بکا برحق می ویرمك اقتضا ایدردی؟ بنی الکه کی کوچ
 پودره چانطه سی کی هر طرفه برلکه ده کوتوره مزدك. البته بنسز
 عالم ایچنه قاریشه جقدك وقاریش نهجه فلور تله معروض قاله جقدك.
 بویله اولدینی حالده ینه : بنم ارککمسك، دیورسك، اوزرمده
 هر دورلو حقه مالکسك ، بو حق عشق سکا بن ویریورم ،
 نه ایسترسك سویله یاپایم، دیورسك. بونلری پک صمیمی صورته
 حس ایدرک سویله دیککده ذره قدر شبهه ایتمه یورم . فقط بو
 ویره جکک حق استعمال ایده جک قدر کنیدی اونو تامایورم. بو،
 مشروطیته تابع حکمدارلرک نظریاتده پک پارلاق اولان حقوقی
 قدر ظاهری برشیدر. استعمال ایدیلکه باشلانیدینی زمان معناسزلنی
 انسانی عصیان سووق ایدر . چونکه سنک اوزرکه بویله برحقه
 صاحب اولمغه حتم یوق . سکا قارشیلغنده نه ویریورم که ؟ حتی
 صداقت بیله وعد ایتیمورم . حتی مناسبت اولان قادیلردن بیله
 بحث ایدیورم . کنیدی کنیدیله مؤاخذه لرده بولونیورم :
 نه اولیورسك ، دیورم؛ شکایتک نه دن؟ طالع سنی ایچنه، ظریف،
 صنعتکار برقادینک قارشیسنه چیقاردی . بک یوک چیلغینقلره ،

هر حالده لایق اولان بوقادین سندن هیچ بر فداکارلق ایسته‌مه‌دن، حیاتی سنکله برلشدیردی . سنک کوچوک بر اسیرکم ، دیدی و شیمدی‌یه قدر بو تأمیناتک خلافتده هیچ بر حرکتده بولونمادی . سنی هیچ ازعاج ایتدیکی یوق . بر قیصقا نجلق محنه‌سی بيله یامایور . ذره قدر مطالبه‌کار، مشکلیسند دهل . ایسته‌دینک دقیقه چالیشماسنی، احبابلرینی، هر شئی بر اقرق سنک قوللرک آراسنه قوشیور . آرتق عشق ایپین آرادینغ غایه‌خیال بو دکلیدی ؟ سندن اوزاق اولدینی زمانلرده بوقادین طاییدقلرندن بر آرککه لولرسه، اونک فلورت یاماسنه مساعده ایدرسه، حتی او آرککدن خوشلانیرسه بوکا نه دیه‌ییرسک ؟ سن یامایور میسک ؟ یوقسه دنیاده سندن باشقه خوشه کیده‌جک بر آرکک بولونمادیغنی می، بر قادینک، باخصوص بویه باشند آشاغی حس و هیجاندن، احتراصدن عبارت بر صنعتکار قادینک ضعیف زمانلری اولامایه‌جغنی می ظن ایدیورسک ؟ مادامکه هیچ بر مجبوریتمی اولمادیغنی حالده سکا بوقدر تأمینات ویریور، مادامکه سکا هیچ برشی حس ایتدیرمه‌یور، بحق شبهه ایده‌بیلیمک ایچین هیچ بروسیله ویرمیور، دهانه ایسترسک ؟

« اوت، دهانه ایسته‌یه‌بيله جکمی عقلم، محاکمه بر دورلو بولوب کوسترمیور . فقط قلم بو محاکمه قارشیسند عوصمایور . بونی بنده آکلامایورم . بوتون بو محاکمه‌لر هیمی رنگسز، جانسز، هیچ . اورته‌ده یالکیز بر حقیقت وار : شدتلی براضطراب

نچه سنده دیدیکه نیورم. بندن اوزانده کچن بو طبعی، بو ضروری
حیاتکه تحمل ایدمیورم. بو معناسز، بو کور، بو خائن حس
بندن، اراده مدن ده قوتلی. شو آنده کنیدی اوقدر عزم ایله،
اراده ایله مجهز کوریورم که بوتون دنیایه، قابل تصور مشکلاتلرک
کافه سنه موفقیته کو کس کره بیلیمکه کنیدیمد بر قوت حس ایدیورم.
بیلیدیر اچق هیچ بر قوت لوره میورم. فقط ایچمدن قباران
بو فعالیت، بو عزم و اراده دالغله رینه رغماً روحده کی بو شبهه
وقیصقا نجاق سسلرینی بو غلامیه رم و بوتون قوتیم، عزمم، فعالیتیم،
ایله برابر بو نامغلوب حس قارشیسند زبون قالیورم. نه یاپاییم؛
آنجق حرصدن ققامی طاشلره چارپه چارپه پارچه لامالی کی که بو
چاره سزلقدن بر انتقام آلمش اولایم.

«أوت سوکیم، سندن اولکیلر ایشته نیم روح و جسمه
بو یله بر طرز و استعداد ویردیلر. معنویتده هپ قیصقا نجاق
تمرین کوردی. کوچو جک جوجه لره دیولرله اوغراشمه یی بی
عزم و اراده خزینه لرینه لزوم کو. ترن مساعی نتیجه -نده، سنه لرجه
بو غوشدقدن صوکره بر آرز سکونت بو اغه موفق اولیورم. آراق
او مرضی قابلیت کچدی دیورم. فقط اوافق بر-بب بوتون او
ارزون سعیلرک تأمین ایتدکری موازنه یی قیروب کچیریورم.
وین یته ایچمده کی او یارده یی دائماً تازه بر حالده حس ایدیورم.
» بزی دنیاده آجیمیز بر سعادت طاقمدن منع ایدن، مسعود
ارامدن منع ایدن بو استعداد کی مک بر میراث شئامتیدر؛ بو

مدهش سوق طبعی هانگی مجهول اجداددن قاج بیکلر جه ۷۷ مردن بری.
سوزولوب دیور ؟ بعضاً موزده لری کزدیکم زمان قبل الطوفان
یا شامش اودهاش، غریب، بویوک، اسملری چتره فیل حیوان
اسکلترینی کوردکجه عادتاً غیظ ایله کندیلرینی طوتوب صارصق
ایسترم، صورمق ایسترم : سویله، سنده قیصقانیور، سنده
شبهه ای دیورمیدک ؟ بکا بو زهری ویرن سن میسک ؟

« ایشته سوکیلیم، سودیکک آدمده هیچ بکله مدیکک بر چهره :
اونک حقیقی چهره معنوتی. قرون وسطاده جذامیلردن، وبالیلردن
قاجدقلری کبی سنده بن دن اوزاقلاش. بوندن صوکره بوکوزل،
بولککمز حیات عشقمزی بکله ین شی آنجق هرایکیمز ایچینده
چوق الیم، ازون بر احتضار اولایلیز. آرتق بر بریمزی
کیتدکجه دها زهرلی غوغالره اولدیریرجه سنه دیدیکله مکدن باشقه
بر شی یاپه مایه جغز. سنک کنج، تمیز وفدا کار روحکی بو
فلا کتدن اسیر که مک ایسترم. حافظه کده، خاطره مک اونوتا مایه.
جغک مسعود کونلره مربوط قاله جغنی دوشونمک ده هیچ اولمازسه
بنم ایچین بر تسلی تشکیل ایتسین ! »

ماترزه - غارارانه، ۱۳ کانون ثانی ۱۹۲۲

قاپ مارتنده

قاپ مارتندە

ياپانچى كوزلردن اوزاق ، راحت ، باش باشە كزە بيلمك
ايچين قاپ مارتەنە كىتمەي دوشوندىك . ايدىق بر قىش كونشەك
اصرارلى دعوتلرئىنە رغماً ، هيچ كىمەيە تصادف ايدىلە يوردى .
موسم جىكدىكى ايچين « پايويون » بىلە دها آچىلما مشدى .
قابالردە تەكلىفسزجە صوقولان ماوى دە كىز ، بولوتسز كوك ، بوتون
بويشىللكلر ، بوتون بودائماشن وكنچ يرلر يالكلر بزم ايمش كى ،
سربستجە دولاشيوردق . آديم آتدقجە هر كوشەدن بزه يىكى بر
حظ وسعادت هديه سى كليوردى . طبيعت بزي نمون ايتك ،
بزم شو غلبەلقدن اوزاق قاچغە احتياچ دويان رابطه عشقمزى
سوسالەمك ، كوزللىشدير مك ، قىلبر مزده اوزون سەنەلرك بىلە
سىلە مەيە جى طاتلى بر خاطرە يار آتمق ايچين چير پىنيوردى .
ساحلى تعقيب ايتدك . اوتلك تەنيس قورتى كچدك . دار بر
داغ يولى باشلا يوردى . ال الله ، يان يانە ، مشكلاتلە يورويە -
بيليوردق . آلقاق چاملرك بوتنەلقدە بوتون بوتون تنها بر كوشە

حالتہ کتیر دکری طبعی بر قریہ دہ قایلرک اوستنه اوتوردق .
 یانہ صوقولدی . صیجاقدن ، زحمتلی یوللردہ یورومکدن یورولمش
 ایدی . شاپقہ سنی فیلاتہرق باشنی بکا دایادی . ایکمزدہ صوصیوردق .
 چاملرک ایچہ یاپراقلری آلتندن دہ کیزک پرتیسی کوزلرہ دولیور ،
 بر آز سیسلر آلتندہ موناقو ، تہت دوشین اوزاقلرہ قاقچش کی
 کورونیوردی .

بن دہ حیاتندن ، آرقہمدہ براقدیغ سسنہلردن ، خاطرملردن
 اوزاقلرہ قاقچش ایدم . عجباً دہا اول یاشامش ویرانمش می ایدم ؟
 عجباً سومش می ایدم ؟ خایر ، بو دائما شن وکنج یرلر ایچندہ
 بویکی ، پردوق ولدت رابطہ یہ بن دہ باکر بر قلب وروح ایلہ کلیوردم .
 یوزمی صاحبزینہ سورمک ایچین باشیمی ا کدم . قوللہ کندینی
 کوکسمک اوستندہ صیقی صیقی طوتیوردم . سکوت دوام ایتمہدی .
 حسیاتپرست اسکی عصرلرک قیر عشققلرینی خاطرلاتان بو لوحہ
 دوداقلرہ وضعیتزلہ ہم آہنک بر جملہ چیقاردی : سنی نہ قدر
 سوییورم !

صحیحدن سوییورمی ایدم ؟ بیلیم . فقط ہر وقت شن وتازہ
 بر طبیعتک چرچولہ دیکی ، صیجاق بر قیش کونشنک سلاملادیغی
 بو عشق لوحہ سی ، بو اوتوروش ، بو صوقولوش ، اللرک ودوداقلرک
 بو اوقشایشی ، بوتون بو محیطہ ، بوتون بو عشق اوضاع واطواری
 ایچمدہ دہ عشق حسلرینی جانلاندیریوردی . کندیم دہ یک
 اینانمایہرق ، فقط وضعیتک کوستردیکی لزومہ تبعیت ایدہرک سویلہمش


اولدیغ ایلک جله عشق آغزمدن نمایشکارانه بر غلیان ایله
چقار چیقماز صمیمتته کندیمده اینا شدم . بونی دیگرلری
تعقیب ایتدی . زورلقله قلمدادقن صوکره چارچاق حیزلانان
برترن کبی آرتق بوسوزلر، بنی صحیحدن سوروکله مکّه باشلادی.
اونک، مسعود وساکن، بنی دیکله ین قولاقلرینه برعشق وخولیا
شالاه سی عکس ایتدیریوردم ...

بر سرخوشلقدن آیلیور ، درین برباغینلقدن او یانیور کبی
بردن بره ایچمده برشی اولدی . سویله دیکم سوزلری شیمدی بر
یابانچی کبی اوزاقدن دیکله مکّه باشلادم . فقط بن بوسوزلری
بیلیوردم ! بونلر هیچده یکی شیر دکلدی . اونلری قولاقلم
دها اولده ینه بنم آغزمدن چقارکن دویمشیدی . حتی اوکا
کوچوک بر کله صمیمیت ایله خطاب ایدرکن ، اونی اسمیله چاغیریرکن .
سسّمک انخاسی ، قدیفه لی بیله یکی دکلدی . بو آهنگ ده اسکی ،
پک اسکی ایدی . یالکز شیمدی باشقه هجاری ، تلفظی بر پارچه زور لامق
صورتیله ، بو اسکی آهنگه اویدیریوردم .

قلمک بوتون سری کوزلرمک اوکنده میدانه دوکولاشدی .
خایر ، آرتق روحدن هیچ یکی برشی چیقمازدی . آرقه مده
بر اقدیغ حیاتدن ، سینه لردن ، خاطرلردن اوزاقلر قاجش
دکلم . اونلرک ابدیا سیری ایدم . قلمک دویدینی ایلک عشق ،
یالکز اونک عشق ، بنم بوتون موجودیته بوزولماز ، سیلنمز
بر انطباع ایله دائمی ایزلرینی بر اقصی . اوندن صوکره کلنلر

بر فونوغراف پلاغی دیکلر ئی یالکز اونک ایچین روحده
خلق اولونان نشیدهلری جانسز بر تکرار ایله ، باصمه قالب ،
دیکله مکه محکوم ایدیلر . سسمن بوانحناسی ، بو آهنکی ایله بن
یالکز برسوکیلی اسی چاغیردم . صوکره کیلر باکر روحدن
قویان اوایلک آهنکک یالکز بوزوق بر عکسنی دویدیلر ...

ما توره - غار اوانه ۶ شباط، ۱۹۲۲



~~~~~  
خصوصی سالونده  
~~~~~


خصوصی مالونده

روله تده یکی بر سیستم تجربه ایدوب بوتون سیستم ملرک
اساسی «طالع» دن باشقه برشی اولمادیغنه برکرده ایمان کتیردکن
صوکره ، دوستمله بارده ایکیشر بوزلی پورتقال شربتی ایچمش ،
تکرار سالونلر عودت ایدرک برکوشه یه چکیلمش ، سیغاره لر مزی
یاقه زق راحت راحت اوتورمشدق .

موسم اولدقجه ایلرله مش اولمقله برابر بوسنه مونته قارلوده
غلبه لقی یوقدی . واقعا اویون ماصه لری بوش قالمیوردی . فعالیتدن
محروم هیچ بر ماصه کورومه یوردی . فقط یوزلک و بیکلک
پلاقلرله اویونایان اویونجیلر ، یوکسک بین الملل قادینلر ، ظرافت
واکلنجه عالمترینه منسوب معروف سیالر هنوز کوروله میوردی .
دها زیاده ، اوفاق بر قازانچ ایله اکتفا ایدرک کوچوک اصناف
غلبه لانی واردی .

دوستم ، صاغزده کی ترانت اقرارانت ماصه سنده بر قادینی
اشارت ایدرک :

— پریمروز ، دیدی . اوقزیژنه رنکسز بررنك آلمش
صاچلری آلتنده بوتون بوتون جانسز کورون صولغون ،
پیرانمش چهره سینه رغماً حالا اسکی بر کوزللك خاطره سی محافظه
ایدن برقادین .

— مونته قارلونك اك بللی سیالرندن بری . — دوام
ایتدی دوستم . -- پارسك اك كوزل مجوهراته مالک برقادین
ایدی . اینجی کردانلغی همان امثالسز ایدی . هپسینی قمارده یه دی .
دون کیجه ، کچ وقت اوتل دوپاری یه دونیوردم . آسانسوره
کیرم شدم . اوتلك هیئت اداره کاتبی قوشدی . آسانسوری
اداره ایدن خدمتچی یه صوردی :

— پریمروز کلیمی ؟

— خایر .

— کلیرسه ، یوقاری چیقارمایه جقسکسز . اوطه کز باشقه سینه
ویرلمشدر ، دییه جکسکسز . اونو تمایکسز !

آسانسورده چیقارکن خدمتچی یه صوردم :

— نه وار ؟ پریمروزی نیچین ایسته میورلر ؟

— حسابی اوده مه یورمشده ...

زواللی قادین !

دوستم آجیدیفنه پشیان اولمش کبی ، صوکره بو حالی طیبی
بولمغه چالیشدی :

— نه اوله جق ، دیدی ، بونلرك هپسنگ عاقبتی بویله در .

آرتق ماضی یه بوتون بوتون دفن ایدیك اوزره بولوتان
پریمروزك یورغون و طالعه سز خطوطو جهیه سندن اوزا قلاشان كوزلرم
النده سیغاره سیله قارشیدن كلن اوزون بویلی ، كسیك صاحچلی
بر قادینه دقت ایدیوردی . آچیق ایخجه قوللرینك برینی دیر سکنك
اوستندن اوچ پارمق اكنده دوز بر التون خلقه صیقه مشدی .
بیاض ایله قاریشیق صاری و صیقی بر اورمه ایك اثواب آلتنده .
قورسه سز اویناق بر وجودك خفیف دالغهرلی حس اولونیوردی .
بویول و اوزون اللری واردی . فقط غایت منتظم چیز کیلری ، قصور سز
طیرناقلری بوالی کن دیسك الك بویولك زینتی یاپیوردی . پك چوق
بویالی یوزینه ، دوداقلرینه ، نظرلرینك پرواز سز لغنه باقهرق دوستمه :
— یی بر پریمروز ، دیدم . آمریقانك اسپور ایچنده
یتیشمش كوزل بر قادینی .

كولدی : — آلدانیورسك ، دیدی . بر عائله قیزی .
بابایی انكلیزدز . بر قونسولوس ایمش . شیمدی متقاعددر .
بوراده ، «بوسولهی» ده اوتوریورلر . بعض انكلیز و آمریقان
قیزلرینی بر قوقوتدن تفریق ایتك او قدر زورلاشیدی که . . .
شونلره باق .

قاپینك او بر طرفنده کی سدیرك اوستنده ایکی قادین اوتور -
مشدی . دوستمك سوزلری اوزرینه باشمی چه ویروب کن دیلرینه
دقت ایتمکه باشلامش اولدیغیزی فرق ایتشلدی . آلدیرمانور
کور و ندیلر . دوستم ایضاحات ویریوردی :

— آنا قیزدرلر: میسترس پازنل و میس پازنل. آلساندرا اوتلنده اوتورورلر. آناسی ده قیزده آیری آیری چالیشیر. آناسنک رفاقتی قیزله مناسبتک دها مشکل اولماسنی، دها قیمتدار کورولمه سنی، دها بویوک واحد قیایرله اولچولمه سنی تأمین خدمت ایدیور .

تا قارشیمه تصادف ایدن آنانک حالا بعض مدعیات صاحبی اولایللمه سنه حیرت ایدم، قالین باجاقلری کوزللی حقنده هیچ ای بر فکر ویرمه ی قیزک یوزینی کورمک ایچین بللی ایتهدن دقت ایدیوردم. فقط آنانک تجربه لی نظرلری بونی پک قولای آکلادی. کندی حسابنه می، قیزک حسابنه می اولدینی پک آکلاشلمایه حق صورته، برتبسمله تشجیع ایتدی .

— آناسی دها تشنه، دیدم دوستمه .

— دقت ایت، انگلیزدر. باقمه کدن همان جسارت آلیر، شیمدی بر « پلاق » دیه یانکه صوقولور. بونلرک دیلنجیلکنه تحمل قابل دکلدیر .

عینی زمانده کوزلرم اوپرواسز نظرلی، کسیک صاحلی، آنده سیغاره ایله دولاشان قیزی تعقیب ایدیوردی. بزدن برقاچ آدیم اوزاقده، قارشیدن بر رفیقه سنک کلدیکنی کورمک دورمشدی. بو، اوست و آلت کوز قاقاقلرینک بویاسی دها اوزاقدن چاربان، کیرپیکلری طوب طوب قیورحق پالمش اوزون بویلی، تومبولجه بر قادیندی. یوزینک جاذب افاده سنی سیوری

یورونی ناخوش بر تنافریله نقیصه دار ایدیوردی . وجودنده کی
خطارک قصورسزلنی پک کوزه چارپدیرمق ایترکی قورسه سز
ایدی . ایکی دوست قادین قونوشیورلردی . طبیی ، ابتداءرولت .
ایکیسی ده غائب ایشدی . قارشیلقلی شکایت آرمسندده یویالی
قادین برنی اشارت ایتدی :

— نه قدر اسفورچایه بکزییور ، دیدی .

— حقیقت ... فقط اسفورچا دها چوق انتره سان ...

بیلیم او آدمده غریب برشی وار . بی قورقوتور .

کندیلرینه پک باقق ایسته مدیکم ایچین کوزم قارشیده
میس پارانله منعطف ایدی . شمدی یانیه برکنج کلشیدی .
کنج قیز کولدی . ضررسز عد ایدیله بیله جک بر آغزی واردی .
تبسمک آچدینی بو آغزک ایچنده رنگسز ، چیقیق دیش اتلری
اوستنده انکلز قادینلرینک طبق بارکی دیشلرینی آکیران
صاری ، ایری دیشلری کوروندی . هان کوزلری چه ویردم :

— فقط ، دیدم دوستمه ، بودیدیکک عائله قیزی شیو

کوزلری یویالی قادین ایله پک دوست کورونیور .

— مونته قارلو حیاتی بویله مساحه کارلقلره امکان بر اقیور .

اویون ماصه سندده یان یانه کچیریلن طالعزلک ضربهلری آداب
معاشرک چکدیکی سدلری آزچوق ییقیور . مع مافیله اویویالی
دیدیکک قادینده قوجهلی برقادیندر .

— هر حالده پک کوزل بروجودی وار .

— اساساً فرانسه در مسکین بر رومه وارمش ، اینکرتج بر حریف . بعضاً بورالرده کورونور . فقط دها زیاده قاریسی کردیر بر . خوشته کیدیورسه بر آزا اطرافنده دولاشیر ، دقتی باقارسک . یاخصوص قیرمزی فیشلرله ، ماوی پلاقلرله اویون اوینارسک . اوزمان باق « یونان تعرضی » باشلارمی باشلامازمی کوزورسک . عراق ایتمه ، زور برقادین دکل .

اوگزمده کی ماصده اوفاق برتلاش . هر زمان تصادف ایدیلان بر اختلاف ظنیه آلدیرمادق . فقط قهقهه لی برغوغا اولاجق . قورو یوزیله برانکلیر قادینی تام برانکلیر فرانسه سیله تحف تحف سوبله تهرک دهشت ایچنده قاچوردی :

— فنا حیوان ، پیس حیوان... بن او حیواندن قورقارم . اطرافک کولوشمه لری آرمه سننده ایش آکلاشیلدی . اوتوردیغی اویون ماصه سننده یاندن برتخته قوروسی کچمش ایمش ... قورو انکلیر قادینتک سبب اولدیغی کوچوک ولوله صول طر فرده کی کوشه ده شاقه لاشان برقادین ایله ارککک مشغولیتلرینه هیچ فاصله ویردیرمه دی . ایری سیاه قدیفه شاپقه آلتنده کتج قادینتک یالکز بویوک کوزلری ، خفیف قارتال بورونی کوزلجه فرق ایدیه بیلوردی . باقدیغ طرفه نظری چویرز دوستم کندیلریتی کوردی : ضرورمه یه وقت بر اقه دن آکلاتدی :

— آرژانتینی بر کوچوک قیز . یکریمی باشنده وازیوق . بابایی هرکوت بوراده در . ایچریکی صالونده ، ترانت اقارات

ماصه‌سندہ اوینار . قورو یوزلو ، سیوری صاقلالی بر آدم . قیز ،
 آناسنی پک کوچوک یاشسندہ ایکن غائب ایتمش ؛ باباسی ایله برابر
 دولاشوب دوریور . باباسی او یون ایله مشغول ایکن قافه دوپاریدم .
 دانس ایتک فرصتی هیچ قاجیرماز . بوراده بیلہ ، کوریورسک پاء ،
 بوش دوردیغی یوق . بویله بر محیطده بو کنج قیزک ناصل بر
 حیاته نامزد اولاجغنی پک قولای تخمین ایدہ بیلیرسک . معافیہ ،
 تحف دغلی ، کوچوک فیوا حلا ، بو یاتیردی ایچندہ ، صفوتی
 محافظہ ایدیور .

سالونک کورولتوسی بر آن ایچین ، بردن برہ خفیقلر کبی
 اولدی . مراق ایله کوزلرمی قالدیردم . بلکه بر تصادف ایدی .
 بلکه طیفقاز ، اسمر ، عامیانہ چهرہ لی بر آدمک یانندہ کلن قادینک
 یابدیغی بر تأثیر ایدی . بو پک کنج بر کوچوک قیز ایدی . سیاہ
 صاچلری کوچوک تاکیه کبی شاپقہ سنک کنارلرندن لولدرلہ
 صارقیور . اوزون بویله او یله بر یورویشی ، بر چوجوقلق
 معناسی اوقونان درین کوزلریله اطرافہ او یله بر باقیشی واردی کہ
 تمامیہ کنیدیسنہ مخصوص خیالی بر دنیا ایچندہ یاشایور ، محیطنه
 یابانجی قالیور دنیاہ بیلیردی . اوستندہ کنجکلک ، معصومیتک
 سعادتک ویردیکی بر حالہ واردی .

— ایشته بر فاجعه ، دیدی دوستم . بو ، کیمسه سز ، ناپولیلی
 بر کنج قیز . آنجق بو شبا طک نہایتلرندہ سن رشده واصل
 اولاجق . خیر سز بر آرکک قارده شندن باشقہ کیمسه سی یوق .

یافته کی حریف اوزاقدن اوزاغه اقباسی ، بر سر سری . اوئی
 سومش . هرشیء فدا ایده رك اونك پیشنه طاقلمش . بورایه
 كلكلری وقت قیزك پارماهلرندە، قوللارندە كوزل الماسلر واردی .
 هپسی رهنسده . هپسینده بو حریف بوراده ، روله ته
 ویریور . شباط نهایتندە اودنك اوزره سندلر امضا ایدیور .
 قیز سن رشده كنجه میراشی آلاچق . اوچ درت یوز بیک فرانق
 طوتیورمش . اوئی ده بو حریف پیس بر طاقم قادینلرله، قارده،
 اوتده بریده ییه جك . ذاتاشیمیدین ییور . باری قیز جغزی
 خوش طوتسه... آزاچق بر شکایت ایده جك اولسه :
 — نه دوریورسك ، ایسته میورسهك ؟ دییورمش .

هایدی کیت !

قیز کیمه یور . کیده میور . نه چاره ، هرکس مقدراتنه دوغرو
 یورویه جکدر .

— باق بونلر اوילה دتل ، دیدی دوستم ، بردن بره بحی
 دیکشدره رك . یانمزدن کچن بر چیفتی کوسترییوردی . ارکك اوزون ،
 قوتلی ایدی . اسمر ، اتلی یوزنده سیم سیاه قیصه بیقلری ذکی ،
 پارلاق کوزلرله آیدینلارنان عزملی چهره سنی بوتون بوتون
 قارارتیوردی . قادین ، کوچوک بورونی ، سیاه کوزلری ،
 یویاسز یوزی ایله پك سویملی ایدی .

— بو بر بویوک عشق ، دوام ایتدی دوستم . هر حالده
 ارکكك قادینی پك چوق سودیکنی بیلورم . قادین بورالی ،

نیسلی، اساساً بللی بر بورژواغانله دن. آز چوق بر دومی موندن. اُرکک آمریقای وسطی حکومتلری رجانندن، بویوک بر آووقات. پارسده صلح مذاکراتی صیراسنده اوده هیئتده داخدی. بوقادینی اوراده طانیدی. سهودی. آمریقایه کیتدی، ایشلرینی دوزلتمدی. شیمدی تکرار کلدی. یقینده اولنه جکلر، آمریقا وطنداشلی آراسنه بر قیمتدار مارکیز دهانضماید جک.

ایچه، کوچوک بر قادین، متجسس سیوری بوروتی، ده ایچی کوزلرینی محاوره مزک ایچنه صوقق ایستر کبی مصرانه بر باقیشله یانمزدن کچدی.

— بو، بر روسدر، دیدی دوستم. ریویه را روسلرله دولدی ذاتاً. او اسی معظم، محترم غراندوقلرک شیمدی نه صیقتی ایچنده یاشادقلرینی بیلسهک ... هر حالده بوقادین قوجه سنی وچو جوقلرینی پک صیقیتیده بر اقامق ایچین الندن کلدیکی قدر چالیشمقده قصور ایتیمور.

شو اوزون بویلی، ضعیف دلیقانیلی کوریسیورمیسک؟ آرقه سنده یپیکی، صوک مودا بر وستون وار. . . بو، بر اهلیدر. کچن سنه ریویه رایه جبنده اوچ یوز فرانق ایله کلشیدی. حالا اوپاره ایله یاشایور. ایلک زمانلری بو پاره ایله بر شیلر قاراندی. اثوابلر یاپدیردی. کونک برنده حتی سموکینی بیله رهنه قویه جق قدر پاره سز قالدی. طالعک التفات واغبرارلری

آراسنده پنجه‌لشن، ایچه زماندن بری هر امیدك فرقه‌ده موازنتنی
محافظه ایده بیلن بر جانباز ...

اونك یاننده ، آیاقده دوریور ، قدیفه شاپقه‌لی ، سیاهلر
کینیش بر قادین وار . مشهور دانسوزلردن . حرب زماننده
آمریقا حکومتی خدمتنده بر خفییه ایدی . آوروپایه سوق ایدیلن
عسکرلرله برابر خسته باقیجی صفیه‌کلیر کیدردی . ایچلرنده آلمان
جاسوسی بولونوب بولمادیغنی ، افراد آراسنده نه دورلو افکار
وحشیات موجود اولدیغنی تحقیقه مأمور ایدی .

آز اوتنده‌کی سیوری قیر صاقلالی ، آز شیشمانجه بر آدم ،
لاقیردی ایتدیکی یاشلی قادین قازینونك خفیهلرندندر . صاقلالی حریف
اویون قیزیشدیرمق ایچین بیکلک پلاقلرله آراده‌اویوزده اویئاز .
بو عالمدرده اسکیمش قادینلردن بعضییلرینده خفییه دییه
استخدام ایدرلر .

کوچوک ، صاریشین بر قادین تلاشله اوتنه‌کی صالوندن
کلپوردی . آبلای یوزنده بویوک آغزی بر تبسمله بوتون بوتون
کنیشه‌مشدی . بو تبسم ، آغزینك اطرافنده ایکی پوروشمه
یاپیوردی . چیرکین ، فقط کندیسنه باقدیراجق بر افاده‌سی
واردی . یانمزدن کچرکن ویردیکی خفیف ، مقبسمانه بر سلامه رفیقیم
کمال مراسم ایله مقابله ایتدکن صوکره :

— انخلیز کبار عالمنك لیزیده بر غنجه‌سنی حرمتله سلاملامالی ،

دیددی بکا .

اکله نیورمی دیه یوزینه باقدم . دوستم کولدی :

— بوقادینجیزک حکایه سی بر پارچه اوزون، دیدی. پارسک
قالدیریم اوزرنده یتیشمش سویملی، اینجه بر چیچکی. هنوزاون
یدی یاشنده ایکن بر کیجه، بزم اسکی شرق شعرلرینک پک
سودطری بر تشیه ایله، آیدینلغه قوشارکوکچوک بر پروانه کی،
پارسک یوکسک حیاته، فضیحت عالمترینه مرکز اولان یرلرده
دولاشیور. «رور وایال» دن چکرکن، سرقلدن حیقان بر آرککه
راست کلیور. آرکک، لوترکورکی ایچنده، بر آرز سرخوش،
منون. تک کورلکنی دوزلتهرک بو کوچوک، حقیر پارس
چیچکنی تقیش ایدیور. صاریشین یوزنده کی قالدیق بورونی،
ذوق و حظه حریص کی آچیلان بویوک آغزی خوشنه یدیور.
یانه یاقلاشیور. اولوت و فضیحت محیطی ایچنده هنوز تمیزلکنی،
طراوتی محافظه ایدن بو کنج قیزده باش دوندور یجی بر موسیقی
تأثیرینی یابان برشیلر سویله یور. کنج قیز، اراده سز، سرخوش،
بو آدمک آرقه سندن سور وکله نیور. خولپاسنده بیله دوشونه-
مدیی قدر کوزل بر آپارتمانده بو آرکک ایله بر ساعت قدر بروقت
کچیریور. نهایت، کنج قیزدن بوتون کیفی، ذوقی آلان آرکک
جزدانندن بر یوزلک بانقنوط چیقارارق :

— آل. دیور. هان دوغرو خسته خانه یه قوش، کندیگی

تداوی ایتدیر !

ایشته بو کوچوک قیزک ایلك تجربه حیاتی. صوکره، طالعک

دالغەسى اوستىدە بىر آرزى كىشىلەرگە ، بورايە ، مونته قارلويە ، قارلتونە دانسوزلىككە كلىور . ياندىدە بىر كىچىك رىفقەسى وار . ايى رىفقە مونمارتر صحنەلەرىدە ھې بىر بىر تەڭنى ايتىشلار ، ھې براورنىك اثوابلر كىمىشلار ؛ چاقىن مونمارتر شىرقىلىرىنى چاقىن بىر بىر پارىسلى قىز روھىلە تىنىم ايدەرگە كىندىلەرىنە مشتەك بىر موفقىت تامىن ايتىشلردى .

بورادەدە عىنى توال ايتىدە ، صاچلىرى كىيىك ، شىن ، چاقىن ، دانس ايدىيورلردى . قارلتونە ايى كىبار انكىلەز دىلقانلىسىدە ھىرەجە كلىورلردى . بودىلقانلىلر بوقىزلەرە دوست اولدىلر . پارەينى بىرچىلغىن كىي آوۇچ ايلە صاچيورلردى . صاچلەرە قدر بوقىزلەرە دانس ايدىيورلردى . قىزلەرە ھې اولەرگە ماسەسنە كىدىيورلردى . ايش اودر جەيە واردى كە مۇسسە صاحى شكايتە مجبور اولدى . بودانسوزلىك بويە عادەتەن خىصار آلتە آلتە كىندىسنىك منفعەنى سىكتەدار ايتىدىكى سويلەدى . دىلقانلىلر قىزدىلر . تىمىنات وىرەك قىزلەرگە ماقولە نامەنى فسخ ايتدىلر . اولرى آلدىلر ، اول دىلقانلىلرە كوتوردىلر ، بىر بىر ياشامغە باشلادىلر . اوقىش ، تام محاربەدن اولكى سەنە ايدى ، مونته قارلو ، بىر بىرلەينە پىك اوڭغون كورون بوقىقتلارگە نىشەلى ، سعادەتلى ، زىنكىن حىيات مسرفانەلەينە شىھاد اولدى . دعوتلر ، دانسلر ، اوتوموبىل ايلە تىزەلر ، سىپورتىنغ قلوبەدە بويۇك باقارلر ...

دىلقانلىلر بوقىزلەرە اولەك ايتەنلردى . عائەلەينىك موافقت

ایتمه‌دیگی سویله نیوردی . صوکره موسم بیتدی . بورادن هپ
برابر کتیدیلر . عینی حیاتک او یازده مختلف صو شهرلرنده دوام
ایتمش اوله جغی شبه سزدرد . صوکره محاربه باشلادی . دلیقانیلردن
بری طیاره جی اولدی . دمنجک کوردیکک قادینی سون دلیقانی
ایده پک یوکسک برعائله نک تک براوغلی اولدیغی ایچین بوقیستدار
قانی ابدیاً قورومتدن محافظه ایتمک فکريله کندیسینی کری
خدمت لرنده قوللانیدیلر . هر حالده چاناق قلعیه کلوبده تورکک
توقادینی ییه رک قاچانلر آره سنده نکلدی . راحتجه مملکتده
قالمشدی .

طیاره جی دلیقانی ، آلتیله برابر برکون دوشه رک پارچه لاندی .
سودیگی قیز نه اولدی بیلیمورم . هیچ بردها بورالرده کورونمده .
آرقداشی اولان دلیقانی دها بختیار چیقدی . آراده باباسی ده
اولدی . کوچوک لورد درحال بو کوردیکک قیز ایله اولندی .
ایشته پارس قالدریم لرنده آیاقلر آلتنده چیکنه نه رک یتیشن او
کوچوک قیز اک اصل ، اک یوکسک انکلیز عالمترینه قاریشدی .
عصرلرک حرمت و تعظیمی یوکلنمش اولان او قدیم انکلیز
عائله سینه نجیب اولادلر یتیشدیرمک ، او تمیز قانی ادا مه ایتمک
وظیفه سنی درعه ده ایتدی .

بو وظیفه یی نه قدر موفقیتله ایفا ایده جکنی بیلیم . فقط
هر حالده قاری قوجه نک کچیردکری حیات ، کندیلرندن پک شایان
افتخار بر ذریت یتیشه جکی امیدینی ویرمه یور .

اولندکدن سوکره عینی ذوق حیاته دوام ایتدیلر . کنج
له دینک محشم مجوهراتی ازلدی . مصر فارك چیلغینلی بوتون
بوتون آرتدی . اکلنجه لره ، دانسلره ، قارلره کیجه لر یتیشه مه مکه
باشلادی . نهایت او هیچ بیتمز کی کورون شروت قورومغه
باشلادی . اوکوز قاشدیران الماسلر یامنیت صاندیق لرنده دیکلنمه
کیتدیلر ، یامراجه جیلر النده اوچدیلر . پارسل قیز ، بو عشق ،
بو ایچی ، بو ذوق حیاته برچلیک کی دایاندی . فقط یورغون ،
عصر دیده برسغا هتله بوزوق برقانه وارث انکلیر لوردی عادتا
برابله حالنه کیردی . تصادف ایدرسه ک سکا کوستریرم . هنوز
پک کنج ایکن اختیار لامش بر آدم . کوزلری ، بایات بر بالق
کوزلری کی بولانیق ، اوزاقدن باقیور . اوزون بوی خفیف بر
قانبورلق پیدا ایتمش . حالا بورالرده سوروکلر نیور ...
— یا بوقادین ؟

— بوقادین ، قوجه سنک ویره مدیی پارایی ورعشه یی باشقه
یرلردن تدارک مجبوریتنده بولونویور . قوجه نک اصل دوستلری
بو قدر خدمتی ده ایفا ایتزلرسه دوستقلری نه یه یارار ؟ انکلیر
عالم اصالتنک کزیده غنجه لرندن بری اولان بوقادین ، شیمدی
کوچوک بر مونمارتر قیزی اولدیغی پک جانلی صورتده خاطر لایور
کبیدر . هیچ پاره بولامادیغی زمان ، قافه دوپاری یه قوشار .
اوراده البته دانس ایدم جک برینی بولور . عینی زمانده ، پاره
ویره جک برینه ده تصادف ایدرسه بویله شیمدی کوردیکک کی ،

تلاش اید ، بورایه کیر؛ النده کیلری دولته برمهتادغائب ایتد کدن
صوکره ماصه لر اطار افنده دولاشیر. دوستلردن بری قازانیورسه
طبیعی بر پلاق « اقراض » اید بیلیر و بوماصه دن آلتان پاره
اوتنه کی ماصه ده ینه غایب اید بیلیر. صوکره تکرار قافه دوپازی، تکرار
دانس ، تکرار ایچکی و ذوق !

اوز اقد بر ماصه دن بر قروپیه نک قالین سسی ایشید ییلوردی :

— ۳۶ ، قیرمزی ، و پاس !

ماتوره - غار ارا نه ۱۵ کانون ثانی ، ۱۹۳۳

قارا كالقده

قارا كلقدە

اوزاقدن ، بر چوق آغزندن بردن تكرر ايديلن بر وطن
شرقيسى ... سوكره غلبهلق بر آياق سسى . آشاغىكى كوشه نك
باشندن يىكى كمش عسكرلر كچيور . بونلرى اكثريا بوييله اذاندن
سوكره ، اورتهاق قاراردىنى وقت كچيرييورلرى . بو شرق ، بو
سسلىر بلا اختيار هر كسى پخرديه قوشدير ييوردى . قارا كلقدە
اوتەدن بريدن جاملك آچلديغى دويوليور ، فيصليتلير ايشيد يلييوردى .
سانكه هر كس قارا كلقلارك سينه سندن چيقان بو وطن عشقى دها
يقينندن تنفس ايتك ايچين مقاومت غير قابل بر آرزو حس
ايد ييوردى .

نجره نك اوكنه ميخلاشمس كييدم . قفسك آرقه سندن
تهالكله ديكله ييوردم :

آنههم بنى يتشديردى ، بوايللره يوللادى ...

عكس ايدن آياق سسلىرى طبق بر سبورو قويونك حيزلى
يوروياشنى خاطر لاتيوردى . بلالىكه بونلر منتظم عسكر دكلديلر .

يېڭى سلاح آلتىنە آلتىش ، دىھاا تعليم كورمەش محمد جىكاردى .
 اونلر آناطوللىك اوحقير، زواللى كويلرندن وطن و دىن محاربهسى
 ايچىن طوپلانى طوپلانى بو بويوك شهردى كىشىلردى ، قارا كىلقلر
 ايچىندە مقدراتلرئىنە دوغرو ، شىن و مسعود، قوشىورلردى .
 قىللىرى وطن و دىن عشق و ايمانى ايله دولو ايدى .

بوسىنجاغە تسليم ايتدى ، اللهە اصهارلادى ...

آرقەدە قالان كوزلى ياشلى آنار ... اونلر اولادلىرى،
 اتلرندن، قانلرندن قوپىش ، بىك دورلو اضطرابلر، اوزونتورلە
 بويومش، آرسالان كىيىتىشمش ياورولرىنى، سفىل و فقير حياتلرئىنك
 يكانە تبسم و اميدلىرىنى، عصرلردن برى بو سىنجاغە تسليم ايدەرك
 اللهە اىصهارلايورلردى . عصرلردن برى ماضيدن بويە اوزون
 يركوزياشى نهرى آقوب كلىور ، يالسىز قىلاردە يرى قالان شەيد
 مزارلرى بربرى آرقەسى صىرا لاينقطع دىزىليور، پروقار و محشم
 يراوردو حالندە ابدىتە دوغرو يورويورلردى .

كوشەنك باشندن، قارا كىلقلر ايچىندە، بويە غمىسز ، مىنون ،
 يوكسىك برمفكوره يە دوغرو پرشتاب ، كچوب كيدن محمد جىكلر
 بكاعرقك داستان عظمتنى اوقويورلردى . تارىخك قارا كىلقلرئىنە
 كىرەمدىكى بك اسىي عصرلردن برى تورك بويە اللهە سلاحي،
 قىلبنده مفاكورهسى ، دائىما مبارزە يە قوشىورلردى . سىبىريانك

یوزلی صحرالرندن ، چینگ چوللرندن ، تورکستانک طوولی اووالرندن
مقاومتسوز بر آتش دالغهمی کبی قوبان تورک ایرانی ، عراقی ،
اناطولی یی ، طونه یی چیکنه یهرک بورالرک ازلی وایدی بر حاکمی
اولدیغنی آکلاتیوردی .

حتمدن باشقه کیمسه یه بویونا کمهین ، کوله دکل افندی اوله رق ، حر
ومستقل ، باشی قالمیق یاشایان تورک بوکون اولادلرینه میراث
اولارق اینجه وبوزوق بر مدینتک خاطرات اذواقی بر اقمش دکلدی .
تورکک قلمبنده یالکز سوکولمز بر استقلال عشقی ، آلتنده اکیلمز
بر حیثیت تاجی ، روحنده سونمز بر ظفر امیددی : ایشته اوتک
اجدادندن قالان میراث .

سوتیمسکا حلال اولماز ، صالدر مازسه ک دشمنه !

تورک اولادلری بو ایمان ایله شیمدی وطنلرینک و دیتلرینک
دشمنلرینه صالدرمغه کیدیورلردی ...

دون آقشام « قافه دوپاری » ده صوک مودا تانغوی سیر
ایدرکن درت بش سنه اولنه عائد بو خاطره بردن بره ذهننده
جانلانندی . اوزون اوزون عصرلردن بری فداکارلق و بویوکلک
ایچنده ، آتش ایچنده کچن بر حیاتک تمیزله دیی یوکسک و وطنی
بر روح ایله عصرلرجه سفاقت وزوق ایچنده کچن بر حیاتک
اورتیه چیقاردیغنی بوزق محصول مدینت آراستهمه کی تضادمی یکا

یونی خاطر لاتیوردی؟ بیلمق قاهر حالد شیمدی او محمد جکلی ده
چوق سومرک ، اونلر ده درین حرمتلر بسله یه رک ملکتمی
دوشونوردیم . بوکون شو دقیقه ده اونلر حالا دشمنه صالیر-
یورلردی . هیچ یورولمایان ، بیقمایان ، ضعیفله مین ، حتی
بالکس کوندن کونه آرتان ، قوتله نین بر عشق وایمان ایله ! بویله
طائی بر اقلیمده ، سرخوشلق ویریحی موسیقینک آهنگلری
ایچنده دکدیلر . قارلرک ، طوپراقلرک ایچنه صوقوماشلردی .
دویدقلری موسیقی آنجق مترالیزلرک ، طوپارک اولوم صاحبان
طاقیرتیلری ، ویرتیلری ایدی .. بلا تردد ، ایسته یه رک ، سینه رک
وطن ومفکوره اوغورنده اولیورلردی . اولنلر یالکیز حیاتلرینک
افقی کویلرینک ته ئینه منحصر قالان کوچوک محمد جکلی دکدی .
دنیا ده برده دوق و حظه عالی بولوندیغی کورمش و بیلمش اولان
ضابطلری ده اونلرک یاننده ، اونلر بر قهرمانلق نمونه سی عرض
ایده رک اونلرله برلکده اولیورلردی . هیچ بر کوستریش
یایمده ن ، هیچ بر مکافات و شرف بکله مده ن ، صرف قلبده کی
وطن عشقی ایچین ، صرف اجداد مزک بر میراث نجابتی اولان
آلنده کی حیثیت تاجنی یره دوشورمه مک ایچین !

بو اویله امثالیز ، علوی بر لوحه ایدی که آپلرک باکر
قارلرله اورتولو یوکسک ته لرینک منظره حشمتی ، نورو چ
فیورلرینک مقصوم ، معظم و خشین کوزللیکی بونک یاننده پلک دکر سز

تجربہ

تجربہ

سالواتور قلعہ سنک دنیا ایلہ پک خیال قیلندن بر علاقہ سی
اولان طاش اوطہ سنده ایدک . اقشام یمنکدن صوکرہ ایدی . یکی
بیتن بڑیچ پارتیسنک داغینیق کاغدلری ماصہ نک اوزرنده دوریوردی .
درت آرقداش ماصہ نک ایکی طرفندہ کی آغاچ صیرائر اوزرنده
قارشیلقلی اوتورمش ، دیرسکلر مز ماصہ یہ اورتو خدمتی کورن
بطانیہ یہ دایالی ، صوصیوردق . اوزون آیدرن بری هیچ بریکیلکہ
معروض اولمادن کچن بو یکانسق حیات اسسارت ایچندہ آرتق
محاورہ موضوعی پک دارلاشمش کبیدی .

جانی بر نشثہ وخولیا معدنی اولان بر آرقداش ، اوکون
تراشنی اھمال ایتمش بردوستتک یوزندہ پارلایان بیاض نقطہ لردن ملھم
اولہ رق :

— آرتق، دیدی ، نافہ . کنجلمکہ وداع ایتلی .
اوزون اوزون بحثلرہ دالمق ایچین بوقدر بر باشلانغج کافی

ایدی . بر اُرکک ایچین کنجلك نه در ؟ قادینلر پك كنچ
اُركلردن خوشلانیرلرمی ؟ كنجللك حدودی ناصل
چیزله بیلیر ؟ كنجللك هر كسه كوره قابل تحول بریاش حدودیه
تحديد ايدىلك ايجاب ايتزمی ؟

بر آرز اولدی سكوتی شیمدی حرارتلی بر محبت تعقیب
ایدیوردی . هر كس كورولتو آراسنده فكرینی آزچوقا ایضاحه
میدان آرادینی صیراده بومباحثه یی اورتیه چیقارمغه سبب اولان
دوست :

— دورکز ، دیدی . سزه بر نظریه ایضاح ایده جكم .
دها دوغروسی ، بوكا نظریه دیمك مناسب اولماز ، تعقیب ایتدیكم
خط حرکتی آكلاته جنم . بن ظن ایدیورم كه كنجللك حدودینی
چیزمك ایچین بوندن اینی بر معیار یوقدر . كنجللكه وداع ایتك
لازم كلوب كمدیكنی بومعیاره كوره تعیین ایتمه لیدر . بكنمزسه كر
سزدها ایسنی بولكز . در حال بنده قبول ایدرم .

بو سوزلرك مطلقا خوش بر حكایه یی دعوت ایده جكنه
امین اولدیغمز ایچین ظریف دوستمرك ایضاحاتی ديكه مه یی ترجیح
ایتدك ، صوصدق . هپ بر آغیزدن صور دق :

— نه در . بو معیار ، باقهلم ؟

— پك ساده برشی : عشق .

چهره لر مزده حصوله لمن علامت استخفافی كورمرك :

— عجله ایتمك ، دیدی . بو اوقدر ساده بر این دئل .

عشق دنیلنجه بوندن پك معنا آكلاشلماز . هر حالده مقصدمی ای .
 آكلایه مادیغكزه امینم . چونكه دورلو دورلو عشق واردر : سزی
 یاره كزه طمعاً سورلر ، موقعكزه طمعاً ، شهرتكزه طمعاً سورلر .
 بر اعتیاده تبعاً سزكلده معاشقه یه كیریشیرلر . باشقه بر عاشقی
 قیصقاندیرمق ایچین سزی سورلر . باشقه سندن انتقام آلمق ایچین
 سزی سورلر . حاصلی دورلو دورلو سورلر ، دورورلر .
 بونلرك هیچ بری قرقی آتلامش بر آدم ایچین حالا كنجلك
 ادعاسنده بولونوب بولونه میه جغنی تعین خصوصنده بر استنادگاه
 تشکیل ایده مز . بحث ایتدیكم عشق ، مادی منفعت ملاحظه لرینه ،
 عشقه بیکانه بر طاقم سبیلره تابع اولماسی احتمالی پك آز بولونان ،
 حیاتده خیال ومفكوره آرایان تجربه سز بر كنج قیزك عشقیدر .
 قرق یاشمه كلوبده بر آزدها درین تراش اولمق ، بیغمده کی
 بیاض تللری بر آز اكسیلتمك لزومنی حس ایتدیكم کون ایچمه
 بر شبهه دوشدی : عجبا حالا بر قادین بنی صرف بنم ایچین
 سوه بیلیرمی ؟ صرف بندن خوشلانیدی ایچین بنم اولابیلیرمی ؟
 بونی آكلامق ایچین بندن هیچ بر منفعت بکله میه جك ، بنم کیم
 اولدیغمی بیله بیلیمیه جك بر كنج قیز ایله شاعرانه بر عشق ،
 معصومانه بر فلورت یامه یی دوشوندیم . اکر چهاردم ، بویله بر
 كنج قیزك قلبنده کی رؤیایلی ، خولیایلی اورکوتمه یورسه ،
 اوكنج قیزك قلبنی چارپدی اربیلورسه دیمك كه حیات عشقه وداع
 ایتك ایچین بر سبب یوقدر

ایچمزدن بری کوله رك لا قیردی بی کسدی :

— یا کنج قیزلر آرتق یوزمزه باقمازسه؟ وداع می ایدہ جکز:

دوستمز استقبالك قاپیسنی عنف ایله قاپامغه قائل اولامایه رق:

— اوراسی ده باشقه بحث ، دیدی . ایشمزه کله جک

دها مساعد بر معیار بولمقده مشکلات می وار ؟

بوقید احتیاطی ، بر دورلو سونمک ایسته مه یین بوا مید ،

قهقهه لرله قارشیلاندق دن صو کره اورته لغه سکونت کلدی .

دوستمز مطالعه سنه دوام ایتدی :

— ایشته بن قرق یاشندن صو کره بو معیاری تطبیق

ایتمک باشلادم . هر سنه بر تجربه یاپیورم . هر سنه کنج بر قیز

ایله معصومانه بر معاشقه ده بولنیورم .

— آزا جق عجله ایتمه ، دیدم ؛ شیمدی یه قدر تجربه نك

قاچ دفعه تکرر ایتدیکنی بر حساب ایدم .

بو حساب دوستمزك ایشنه پك کلمه دی . اوزون ایجه پارمق لرینی

آلندن اکنسه سنه طوغری اورته یرندن آیرمادن دوم دوز

طارادینی صاچلرینك آراسندن کچرهرک :

— بو حسابدن واز کچر سه کرسزه اکصو ک تجربه می حکایه

ایدهرم ، دیدی ولا قیردی بی قاپاتمق ایستر کی بر تلاش ایله همان

حکایه یه کیریشدی :

— صو ک سنه قارلسبادده ایدم . یاری وقت کچر مک ،

یاری اکلنمک و بر آزده بر تجربه زمینی بولق ایچین قایزربادک

نژمانستيق صالوننه دوام ايدييوردم . پك اوييه مشغول اولاجق
 برچهره يوقدى . محاربه مناسبيله بين الملل غلبه لق آلامشدى .
 زيارتچيلره مان هپ بزم متفق ملت افرادينه انحصار ايدييوردي .
 تجربه يه ناعل باشلايه جغى دوشونيوردم . بر قاچ كون بوييه
 كچدى . نهايت اوفاق بر قيز كوزمه چارپدى . دوشوروسنى
 آراسه كز كوزه چارپه جق هيچ بر شىء يوقدى . اون سكز
 ياشنده قدر آنجق واردى . تجربه مجبوريتي اولماسه ايدى سويلى
 بر چوجوق دير ، كچردم . بنم فكرمجه اصل ذوق ، اصل عشق
 واحتراس قادينى اوتوزنجى ياش اطرافنده باشلار . اوتوزندن
 صوكره بوتون قابليت انكشافى بولور . كنج قادينلر عجميلك ،
 حتى حرمتده قيسور اولمايه جغى بياسهم ، بر آبداللق دورسى
 واردركه هيچ خوشمه كتمز . بن اون سكز يكرمى ياشنده بر
 كنج قيز ايله ، پك كنج بر قادين ايله نه قونوشه جغى شاشيريرم .
 يونلر نندن بحث ايديله بيلير ؟ دويغولرى ، انطاعلرى ، محكمه لرى
 اوقدر سطحيدر كه انسان يانلرنده ياريم ساعات وقت كچيرسه
 چوقدن يورولور ، بيقار . بر قادينك يوزينه سنه لرك كولسكسى
 دوشملى ؛ اوراده تجربه حياتك المللى ، كوز ياشلرينك خفيف
 اثر لرى محسوس اولمايدركه قارشى كزده ياشايان و حس ايدن
 بر روح بولونديغنى آكلايه بيله سكز . هر حالده ده . دنياى
 وحياىي بيمه ين بر كنج قادينى استقبالده سوه جي كيمسه لايجه ن
 تعليم و تربيه ايله مشغول اولمغه تحملم يوق . اونلرك رفاقتنده

بولونمقدن ايسه سوسلى برطاش بىك ايله اوينامه يي ترجيح ايدرم . فقط ديديكيم كى ، تجربه ضرورتى بنى بويله بر تشبته سوق ايدىوردى .

بر قاچ كون ، كنديسنه باقديغمى فرق ايتز كى كوروندى . ياخود احتمال ويرمدى . فقط ص-و كرده ، اوده آراتق كوزلرينى پك چويرميور ظن ايتكه باشلادم . مختلف ما كنه لرده هر كون قارشيلقلى غريب وضعيتلره كيرمه نك ويرديكى بر تكليف-بىزلك ايله بوراده پك چابوق وپك قولاي مناسب پيدا ايديله بيلير . هر ايكي طرف صيق صيق باقىشمه لرله بومعارفه يي اولدن حاضر لاش . اولور لر سه هيچ كوچاك چكيلمز . قونوشمغه باشلادقن صوكرمه ، آراتق يالكنز باقىشمه ايله اكتفا ايتيورددق . بوكا برده خفيف بر تبسم انضمام ايدىوردى .

بو قدرله اكتفا ايدم بيليرمى ايدم ؟ چونكه ديديكيم كى ، تعقيب ايتديكم مقصودن بر نتيجه استحصال ايتك امنى تعقيب ايتيم . هيچ بر نتيجه سى اولمايه جق بر چوجوق عشقنه دوام ايتمكده نه معنا وار ؟ فقط يالكنز كنچ قيزك بو خفيف تبسى بنى تأمين ايدمزدى . چونكه بر نزاكت اثرى عد ايديلكده پك قابلدى . كوزلرينى چه ويره ميسى ايسه بونك نهيه حمل ايديله بيله جكنى بيلمه مسندن نشئت ايدم بيليردى . واقعا آوروپا حياتى ايچنده اون سكز ياشنه وارمش بر كنچ قيزى بو قدر صافدل عد ايتك

پك صافدلك اولور سهده هر حالده بويله ارفاق تفك حركتلريني
 صيقي بر اولچويه تطبيق ايتمهك قالقيشمق دوغرو اولماز .
 اونك ايچين ، بر آز ايلري كيمكه قرار ويردم . ايبي كون
 ژيمناسيتيقل سالوننده كورونمه مشدي ، اوچنچي كون ايچرييه
 كيرديكني كورنجه يانه كيتدم . راحتسز اولوب اولماديغني صوردم .
 ايشي وارمش ، كله مه مش . كنديسنك غيوبتنده سالونك كوزمه
 بوم بوش كورونديكني ، پك صيقيلدغني ، بوكون كنديسييله
 برابر سالونه حيات كلديكني سويله دم . بو صوغوق ، ياولان
 سوزلر ذوقني رنجيده ايديوردی . فقط بو قيزه باشقه
 نسويله يه بيليردم ؛ او ، بو طاقتمز لاقيرديلرك دكر سزلكني حس
 ايتدي . احتمالكه كنديسي ايچين يكي شيلردی . كوزلري
 تجسس و ممنونيت ايله پارلادی .

— نهدن ؟ ديه صوردي .

— چونكه ... بيلممكه ...

ديك اوچنه «عشق» كله سي كليوردی . فقط كندی كنديمدن
 بر اوتانمه بوني تلفظ ايتديرمه يوردی . بو تر ددمك ، حس ايتديكم
 مشكلاتك كنچ قيزك خوشنه كيتديكني فرق ايتدم . نهايت
 قوللانه جغم كله حفننده قرار ويردم :

— سزه قارشى بر « سميپاتي » حس ايتديكم ايچين سزه
 دائما تصادف ايتك ايستيورم ، ديدم .

او هيچ صيقيلمادي . ذره قدر تردد ايتمدن :

— بن ده ، دیدی ، سزه قارشى پك بويوك بر سيمپاتى

دويورم .

ظن اولونديغى قدر تجربه سز اولماديغى اثبات ايتك ايستر
كبي كوزلرمك ايچنه درين درين باقهرق كولدى ودالغه لاندى .
بوكله نك معناسنى تماميله طارته طارته ، دلالتنى تماميله تقدير
ايدنه ايدنه سويله مش اولديغى آكلاندى .

— صاحلى صو ايجيورميسكز ، مادموازل ؛

— اوت ، مارقبرونده .

— يارين سكزده اوراده بولوشمه مزي رجا ايدنه بيليرمى .

صباح كزيتيسنى برابر ياپار ، صوكره بورايه كليرز .

موافقت ايتدى . ايرته سى كوني سكزه اوچ دقيقه قاله ، بياض ،

اعتنالى بر اثواب ايله آله ويزه طرفندن كلديكنى كورد .

ياننده ياشليجه برده قادين واردى . بوهيچ خوشمه كيتمدى .

برمربيه ايله برابر دولاشمق دوغريسى حسابمده يوقدى .

شلوسه برون طرفنه چكيلمك فكريله قاييه دوغرو بردن بره

برقاچ آديم بيله آتم . فقط مراق حسى مانع اولدى . بلكه ده .

كلديلر بنى كورنجه كوچوك قيز دوردى . قادين ده دوردى .

اوكا بر شيلر سويله دى . الندهكى شمسياهى ويردى . قادين

آيريلدى . او كولهرك يانمه كلدى ، النى اوزاتدى . صوردم :

— بوقادين كيتمدى ؟

— مامان ...

— نه دیدیکز ؟ یا کلش ایشیتدیکمی ظن ایدیورددم .

— مامان ...

— کله جکمی ؟

— خایر ، سزی بولونجه کندیننی کوندردم . شمسیه مک
تعبیر ایدیه جک یری واردی .

— برابر کز میه جکمی یز ؟ صودن سوکره هان مامانک یانه می
دونه جکسکز ؟

— خایر . سزکله برابر کزه جکمی ، سوکره قایز ربا ده
کیده جکمی سویله دم . مامان بی یمکه بکله یه جک .

صویمزی ایچدکن سوکره قهوه آلتی ایتک ایچین پوست هوفه
کیتدک . ای بر صباح کجی . قارشیمده دها شیمدین مغلق
روحلی بر قادین بولیور کیدم . یوقسه جداً بو قدر معصوم
اوله جق قدر دیادن خبر سزی ایدی ؟ بکارقارلسبادده صیقیلدیغنی
آ کلاتدی . کندیمی ویانه لی ایدی . ویانه یی ترجیح ایدیوردی .
اوراده بارلر وار ، نه کوزلدر ، دیوردی .

— باری ؟ بارده کیدر میسکز ، مادموازل ؟

— یا ! هر زمان .

— کی مکه ؟

— مامان ، پاپا ...

صوکره بحث ینه « سمپاتی » مسئله سنه انتقال ایتدی .
غایت طبیعی بر شیدن قونوشیور کبی ، ایلک کوردیکی

کون بکا ناصل دقت ایتش اولدیغنی آکلاتیوردی . ایلاک لونلری
کندیسیله هیچ مشغول اولماشم . باشقه قادینلره باقمش . بوندن
جانی صیقلمش . صوکره کندیسنی فرق ایتشم . اوبوکا چوق
سویمش . چونکه بویوک برسمباتی دویورمش ...

— بویوک تحف، دیدم . صاچلرمدکی آقلری کور میورمیسکیز ؟
سزک کی حیاتک هنوز اشیکنده بولونان تازده برروح ..
سوزنی کسدی :

— بزم آغارمش صاچلری سومه دیکمی نه بیلورسکیز ؟
مینی مینی سوکیلی قیز ! بو سوزلرکه نه بویوک بر ایلاک
یاپدیغنی عجب اودقیقهده حس ایدیورمیدک ؟ بلا اختیارانی
طوته رق اوپدم . بو ، عشقندن چاقینلقدن دکل ، متدارلقدن کله
بر حمله صمیمیت ایدی . تمیز بر بوسه ایدی . بنی کوله رک
تکدیر ایتدی :

— بزم مملکتده ، کنج قیزلره قور یاپدیغنی زمان آللری
اوپواز ، ددی .

دوستمزک حکایه سی بوراده بیتمشدی . هر کسده بویه بر تجربه
هوس اوپاندیمی ، بیلیم . هر حالده سالواتور قلعه سنک یالکز
سمانی کورمکه امکان براقان دیوارلری ایچنده بر تجربه یامیه
امکان یوقدی . فقط دوستمز ، انشاء سالواتوردن قورتولاق
نصیب اولورسه ووقتده آرتق کچه مش بولونورسه تجربه لره دوام
ایتمک عزم قطعیننی اظهار ایدیوردی .

انجليزلرك حتمسز آلدن قورتولمق آنجق بر بوچوق سنه
 صوكره نصيب اولدى . دوستمك بر لطيفه ديهه تلقى ايتديكمز
 بو تجربه لرني وحكابه سنى اونوشدم بيله . بوياز يعنى قالداده
 بولونديغيم صيراده بر تعهدلى مكتوبنى آلدوم . قارلسباددن كليوردى .
 مكتوبك غائب اولماماسنه بوقدر اعتنا ايتمى ايچين مطلقا برسبب
 اولمق ايحاج ايدردى فى الحقيقه ، كوز كزديرر كزديرمز ،
 تعهدلى يوللامه سنك حكمتنى آكلادم . دوستم بونده صوك
 تجربه سنى خبر وريوردى :

«تخطرايد يورميسك، دييوردى، بريجه، سالواتور قلعه سنده
 سزه هر سنه ياپدين كنجلك تجربه لرندن بحت ايتشمدم ؟ ايشته
 بوكون سكا صوك تجربه مى يازمق ايتيورم . بو سنه قارلسباد ،
 حرب سنه لرنيك اوساكن ، اوراحت قارلسبادى ، انسانه كندى
 أونده ايمش كى بر حس ويرن بر يردكل . غلبه لقدن ، ولوله دن
 انسان بوكاليور . اوتللك هپسى ، اك عاديلرينه وارنجيه قدر
 خنجا خنج . اوزاق پانسيونلرده بيله بر اوطة يوق . بويوك بر
 ازدخام . هله نيم كى اولدن اوطة سنى تأمين ايتهدن كلك
 احتياط سزلقنده بولونان برى ايچين . بر هفته بلكه دكدن
 صوكره نهايت قوجه امپريال اوتلنده بر طاوان آراسى اوطة مى
 بولا بيلدم . بزدينادن آيرى يشاركن دنيا اپي دكيشمش . امپريالده
 مدبذب بر حيات وار . آشاغيده بار آچيلمش . كوچوك ، ظريف
 بر اكلنجه يري . دانسلى چايلر ، هفته ده ايبي كيجه بالو .

ده قولتهلر اوقدر آچیق که انسانک باری هیچ زحمت ایتسه ز
 دییه جکی کلیور . فقط بیلسم نه دن ، بو ثروت ، بو احتشام ،
 بو ذوق حیاتی انسانی مفتوز ایدم جک بر تاثیر یامایور . بو آدملر
 بو حیاته لایق دکالر حسی وجود بولیور . عجباً حرب دیلن
 مدهش بر فالجه انسانیتک اوزرندن بر آتش و اولوم قاصیر غمی
 کبی حکمش می ؟ عجباً بو حربک بر اقدینی حیات انقاضی کیم بیلیر
 زردده صاعیر ، طوپال ، علیل ، کور بر حالده سور و کله نیورلرمی ؟
 بوزاسنی کیمسه نک خاطرینه کتیر دیکنی ظن ایتیمورم . هر کسک
 یالکیز برشی دوشون دیکنی کوریورم : دانس و ذوق . حیاتده
 یالکیز حظ آرامق غالباً یکانه قانون حیات اولمش . بو ، بلکه
 تا عصر لردن بری بویله ایدی . فقط شیمدی طرز اجرا سنده
 اویله بر عنف ، اویله بر تهالک ، اویله برشی وار که پک کوزه
 چارپیور ، انسانه پک باتیور . هله بزم کبی اوزون مدت دنیادن
 چکیلد کدن صوکرده بردن بره بو باتیر دینک ایچنه دوشن بر آدم ایچین .
 « کچن کون اوتلک قاپیسنده عجیب بر اوتوموبیل دوردی .
 بو بر تورپیدو ایدی . فقط صاندال ییجیمی ویراش ، ذوقسنر
 برشیدی . مشهور بر مازقه . شبهه یوق که صاحبک تعریفنه کوره
 یالیش اوله جق . ایچنده کی شیشمان ، چیمفته اکسلی حریف اینرکن
 آچیلان ژا کتمدن کوزوکن یلکسک اوست جبینه قوجه مان بر
 آلتون مرکبی قلم طوتدراشدی . بو آدم بلکه حالا بر ژامبون
 تاجر لکی اعتیادینی محافظه ایدیوردی . معافیه کنیدیسنی بویله

استخفاف ایدرکن : شو یی زنکین ایله بویله آکله نیورم اما ،
عجبا حریفک میلیونلردن بر قاچ دانه سنی بن قازانمش اولسه .
ایدم باشقه دورلو دوشونمیه جکمی ایدم : سؤالی ده ایچمدن ایراد
ایدیوردم .

«اسیرلینه سوء معامله ایدیلدیکی ادعاسنده بولونان متمدن
انکلیزلرک مالمده بزه چکدیردکبری محرومیت وسفالت حیاتی
ایچنده بوتون بوتون زیاده لشن روماتیزمالرم بنی تداوی ایله جدی
صورته اشتغاله مجبور ایدیور . هر صبح منتظماً صو ایچیورم ،
ژیمناستیک ، ماساژ وبانیو یاپیورم ، یوریورم . روحاً پک
منزوی بر صورته یاشایورم . حتی اودرجه ده که دیدیکم تجربه لده
دوامی بیله ایلاک کونلری پک عقلمه کتیرمه مشدم .

« بر کون اوتلاک هولنده اوتوریوردم . اوزاقدن طانیدیغم
سیالر آراسنده هیچ بيلمه دیکم کوچوک بر قادین کوزمه ایلیشدی .
طومبول ، اسمر ، سویملی بر چهره سی واردی . یاننده کی
دلیقانی ایله کوروشمه سنک طرزی پک لاابالیانه اولدیغی ایچین
اوزون اوزون باقدم . بونک فرقده اولیور ، فقط بر راحتسزلق
دویمایردی . دلیقانی کیتدکدن صوکرده هولده قالدی .
ویتیریلده تننه لری ، ایشلمه لری ، اثوابلری سیر ایتدی . بکاده
دقتی دقتی باقدی . بر آرز قیریتدی ، چکیلدی کیتدی . قولای
قادینلردن برینه یاقه لایمق ایسته مدیکم ایچین هیچ اهمیت ویرمدم .
صوکرده کندیسنی بر قاچ کره دهاکوردم . یاواش یاواش مراق
ایدیوردم . چونکه ایلاک ویردیکم حکم یاکلش اولدیغی

آکلاشیلوردی . برکون قاپچی یه بو قادینک کیم اولدیغنی صوردم .
آمریقالی برکنج قیز اولدیغنی سویله دی . والده سی وپدری ایله
برلکده اوتلده ایمشله .

هیچ آمریقالی حالی یوقدی . ده ا زیاده بزم شرقلی قادینلری
خاطر لاتیلوردی . فقط آمریکا اوقدر عرق قاریشیلغنه متحمل
بر مملکتدی که برده بویله برکنج قیز یتیشدیرمش اولایلیردی .
یونک آمریقالی برکنج قیز اولدیغنی خبر آلمجه در حال تجربه
آرزوسی او یاندی . ایشی زورلامغه حاجت یوقدی . مادام که
عینی اوتلده ایدک ، ناصل اولسه تصادف بر سرگذشت حاضر لایه
بیلیردی .

بوندن سو کره کندیسنه راست کلدجه دقتی دقتی باقمه یه
باشلادم . هیچ کوزلرینی قاپچیر میوردی . فقط کنج قیزک حاله
نظراً بو هیچ برشی افاده ایده مزدی . نهایت صوگ دفعه سنده ،
ایلک تعرض حرکتی اونک طرفندن کلدی . بنم مترددلکمه
اکله نیورکی یوزمه درین درین باقدندن سو کره کولدی . یانمه
کلمک ایسترکی برطوری واردی . طبیعی آرتق یرمده دورامادم .
کندیسنه دوغرو یورویه رک اسبی بر احباب طور یله سلام
ویردم . عینی طور ایله مقابله ایتدی . کافی درجه ده فرانمزجه
سویله یوردی . اوتدن بریدن بحث ایتدک . مناسبتمزک ایلک
اساسی بو صورتله قورولش اولدی .

بورابطه یی کیتدجه قوتلندیرمکدن ، درینلشدیرمکدن کری
دورمایه جعمی تخمین ایده بیلیرسک . ایلک حاضر لغک کافی درجه یه

واردیغنه حکم ویردکن صوکره اصل قطعی تجربهیه کیریشمک دورهمی طش اولیوردی. دون ینه هولده بولوشدق. بولوشمه لر مز آرتق بر تصادف نتیجه سی اولمایوردی. اولدن قرار لاشیوردی. قارلسبادک کوزللیکنندن بحث ایتدم. اورمانده باش باشه یاپیله جق کزینتیلرک شعورندن، جاذبه سنندن بحث ایتدم. تنکلیف ایده حکم تنزهک علی العاده بر تنزه اولدیغنی ظن ایتهمسی، قبول ایدر سه بونک عاشقانه خولیلر ایچنده بر دولاشمه اولاجغنی آکلایه آکلایه قبول ایتهمسی ایچین بو مقدمه لره لزوم کوریئوردم.

بن بونلری سویلرکن اونک کوزنری صولالمدن آیرلایوردی. بوکا حیرت ایتمکه برابر، اهمیت ویرمیوردم. بر آرالقی بنده یاولاشجه اله باقدم. غیر طبیعی هیچ برشی یوقدی.

سوزلر مه دوغروودن دوغرویه جواب ویرمه یهرک :

— قارلسبادده یالکزمیسکز ؟ دبدی .

— اوت .

برز آت دد ایدر کبی صوصدی . صوکره ینه صوردی :

— اولیسکز ، دکلی ؟

صول اله باقاسنک حکمتی شیمدی آکلامشدم .

— اوت ، مادموازل .

— اوحالده قابل دکل !

اقناع ایتمکه چالیشدم . بر چوق شیلر سویله دم . ضعیف

نقطه سنی بواق ایچین ، قارشیلقی بر انجذاب دویان ایکی قلبک

يوكسىك خوليلارى قدر طاتلى برشى اولامايه جغنى اوکا
آ کلا تيوردىم .

— سزکله بر فلورت ياپاسنى پک ايستردىم ؛ فقط قابل دىل ،
مادامکه اولينکىز .. دييوردى . سوکره علاوه ايتدى :

— بىم بر قوجهم اولسهده باشقه بر قاديى سوسه هيچ بن
راضى اولورمىم ؟

— نه ياپارسکىز ، مادمازل ؟

— اولديرىم ! اونک ايچون بنده اولى بر اركک ايله
فلورت ياپام !

جدى مى سوبله يور ديه يوزينه باقدم . عمر مده بولا قيردىنى
ايلک دفعه ايشيدى يوردىم . شيمدى او هواى ، کوچولک ، طومبول
قىزىک متبسم يوزنده پک قوتلى بر غزم اثرى اوقونيوردى . يوزينه
باقدقجه کنديسنه قارشى قلمده بويوک بر حرمت و تقدير حسى
جانلانديغنى دوييوردىم . بوتون قادينلر بو کوچولک ، ناموسکار ...
— خاير ، بوکله مقصدى انى افاده ايتمه يور ، — بو کوچولک ، «مرد»
آمرىقان قىزى کى حرکت ايتش اولسه ايدى عجب دنياده
دکيشمش برشى کورولزميدى ؟

ايشته ، عزيزم ، بوسنه کى تجربه عيى زمانده برده درس
اولدى ! »

ماشوره — غارارانه ۱۸ کانون ثانى ، ۱۹۲۲



صو ص !

صوص !

شامپانیا قدحنی قالدیرارق باننده کی بویوک یشیل کوزلرک
باغین و سرخوش درینلکلرینه ، اوراده کی آرزو واحتراس
پریتیلرینه باقه باقه ایچدکدن صوکره :

— دنیانه کوزل شی ! حیات نه کوزل شی ! دیدی. صوکره
ا کیدی، اونک بویالی دوداقلرنده قالان شامپانیا دامله لرینی امدی.
بارک هواسی موسیقی وشامپانیا ایله، قهقهه واوغولتو ایله شیشکین
برحاله کاشدی. چیلغین بر فوقس تروت ایله هرکس صیچرایوردی.
رنکلی الکتریک ضیالری چیپلاق قادین اوموزلرنده ، قوللرنده،
باغین ، داغیلور ، الماس پریتیلری هر گوشه ده شمشکلر
طوتوشدیر ییوردی .

تا ایچندن بر سنس اوکا جواب ویردی :

— فقط حیاتده بر کوزلاک کورمه یئلرده، اونده بر سعادت
طامایانلرده وار . بوراده کی شو حظ وعشق مؤمنلرینی
سرخوش ایدن موسیقینک نظمی آلتنده نه درین ، نه زهرلی

اضطراب ايکټيلري صافلانيور، دويمانيورميسک؟ کوزلرک
اوکنه پنه سعادت بولوتلري چيقاران شامپانيک سر خوشلغندن
آيلارق اطرافکه باق: دنياده نه آجیقل يارلر، نه مدھش
سفالتلر وار، کورميورميسک؟

— صوص !

— بوبار حيات، بوظريف قادينلر، بومحرک ومته
موسيقی، بو اشتها پرور تووالتر، بوبدبه، بوجنبش، بوتون
بونلر حيات مدنیک اوستنده آچلمش نظر فريب، جاذب بر
چيچک کي کورونيور. ظن ايدييورميسکله حيات يالکز بو
کوزل نباتدن عبارندر؟ اونک کوکلري نردن غدا آليور،
دوشونمهيورميسک؟ شو حيات ذوقی تأمين ايده بيلمک ايچين
قاچ ميليون کشي قرون قديمه نك اسارت حياتي خاطرلاته جق
بر مجبوريت قطعيه ايله، مؤبد بر خدمات شاقه محکومي کي چاليشيور؟
بوراده آقان شامپانيالر، پارلايان الماسلر ايشته اونلرک تر و قان
داملالرندن بريکيور.

— صوص !

— بوراده ايستريديه لر، فوواغزالر، غالاتينلر اوقدر مبذول که
بيققين برال ايله ايتيورسکيز. حالبوکه شو دقيقه ده قاچ کشي
آچاقدن قيورانيور، عجباً تخمين ايده بيليرميدک؟ اينجه بر صنعتک،
موشکافانه بر دقتک محصولی اولان بونفيس يملر دن طاقه دن،
اسملريني بيله ايشتمه دن دوغوب، ياشايوب اولنلر آزيمدر؟
هيليونلرجه انسان بونلرک دکل بر لوقه قورو اکمک آرقه سندن

قوشیور . یانکیزده کی قادینلرک کوکسلیرینه طاقه لری ایچین
آلدیغکز چیچک پار دلری ایله ، غار سونلر بخشلرکزله ، موسیقه جیلره
یوللادیغکز احسانلرله شودقیقه ده قاچ کوز یاشی قوروتولا بیلیر ،
حساب ایدیوز مینسک ؟

— صوص !

— حیات نه کوزل ، دنیا نه کوزل ! بوئی سن خسته
چو جوغنه علاج آلق ایچین پارا بولامایان کیمسه سز قادینلره ،
آقشام اوینه بوش چیقین ایله ناصل دونه جگنی دوشون
بابالره ، بویوکلرک شان و شرف ، ثروت و منفعت حرصلرینی تطمین
ایچین سوق ایدیلدیکلری مجادلهرده باجقلرینی ، کوزلرینی غائب
ایدن ، آرتق برکوشه ده ، علیل و مفلوج ، هر کون اولومک
ورودینی بکله زوالدیلره ، یرک دیلرنده ، اوجاق قارشیلرنده ،
هر مسله یچی ما کنه لر اوکنده کیجه کوندوز چالیشان محکوملره
صور .

— صوص !

— حیات نه کوزل ! او بر مکلف سفره طرب . هوأده
شوخ ، شن ، چیلغین بر موسیقی . الکیزده شطارتدن طاشان
خومران ، بر شراب ، یانکیزده عصر دیده بر سفا هتک بوتون اینجه ایجادلریله
سزک کیفیکز و ذوقکز ایچین سوسلنمش بر کوزل قادین .
کوزلرکزده پنبه بر بخار سعادت . . . اويله دکلی ؟ فقط
بیلدور میسک ، بو سفره نه نک اوزرینه قورولمشدر ؟ عباسی
خلیفه سی ، کسیدردیکی باشلردن آقان قان دامله لری هنوز

دېتمەدن، او متقاى چهرەلرک احتلاجاتى ھنوز يېتمەدن اوزرلرينە
سفرەلر قويدىراق ضيافت وىرمىشىدى . ايشتە سىزک بو كوزل
حياتىكىزك دوق سفرەلرى دە حق ، عدالت ، انصاف ، حييت ،
تلموس... دىيە بشرىتى عصرلردن برى آلداتوب دوران يوكىن
رؤبالرک قانلى جىسدلى اوزرينە باصىور .

... —

ماتىرە - غارارائە ، ۱۵ شىباط ۱۹۲۲

سالواتور قامه سنده بر کیجه

سالواتور فلعه سنده بر کيجه

— حياتك اك بويوك آجيسى —

کيجه ، ياتدقن کيم بيلير قاج ساعت صوکره ، اوياندم .
دارطاش اوطهده بش آرقه داش ايدک . هيسنت منتظم نفسلری
بواسارت زندانک سفيل و محروم حياتی اوزرينه صانکه بر
آهک نسیان اورتیوردی . اويقومی قاجير مامق ايچين کوزلرمی
قایامغه چالیشدم . فقط بش عائله باباسنت دمير پارماقلقله محافظه
ايدلمش مازغال کي يوکسک برتک تجرهمی اولان بوديوازلی
اوپ متره قالینلغنده طاش کمر اوطه ايچنده دار دمير قاریوله لرده
باشلرنده اوتدن یاصديقلر ایله ، اوستلرنده برعسکر بطانیه سی ایله
یاتماری اوقدر غیرطبیعی برشیدی له بو حیاته برمدتن بری الفت
حاصل اولمقله برابر شو حل اويقویی داغیتمق ايچين کافی ایدی .
اويويامایه جغمی آکلایجه ، دیشاربده مهتاب اولماسی لازم
کلهجکني دوشونهرک یرمدن قاتقدم . دیهار کنارلرینه دیزیلن
قاریوله لرنک اورتده براقدينی بوشلنی تحته برماصه دولديریوردی .
قراکلقدده بوکا چارپوده کوروشو یاپمامغه دقت ایدمک قانی
آچدم . آزلویه چیققدم . بزم مملکتلرده کورمکه آیشقین

اولاد یغمز براق بر آیدینلق واردی . آیت پارلاق سیاسی ، شو
طاش زندان ایچنده کی فجاعت حیاته آچلمش متجسس برکوزکی
باغچه نك هر طرفی سیر ایدیوردی . انکیلنرک ایجریه دخوانه
مانع اولامادقلری یکانه یانانجی چهره بوندن عبارتدی .

آرقەداشلردن بعضىلىرى صىجاغە تىمىل ايدىمىەرك قارىولەلرني
دېشارىيە سورولگە مشلردى . آچىقدە ياتىورلردى . شورادە
اوستى دوت كوشە آچاق بر جىنىلك اورتولاش برىتاغك اوستنە
لطيفە اولەرق كوچوك برلوحە ايلشديرلشدى : هو اخلاق الباقى...
قارىولەلك دىيىندە بو ترەنك يارىيە قدر ياتمش سونوك مومى...
يولوحەني ھىمىز طاشيايورمىدق ؟ آخرتە كىدن اولولرك دىيادە كىلرى
ھىر حالدە بزىدن قولايلىقلە سىرايتىدكلىرىنى ، دىنيا ايشلىرىنە پك يىقىندىن
واقىف اولدىقلىرىنى تامين ايدىنلر يوقى : بر يوو رلاق ماصەيە
بر قاچ دقيقە ال دايانەرق سىكوت ايلە اوتورولونجە عصرلردن برى
آرامزدن اوزاقلاشمىش ارواح كوچوك بر دعوت اوزرىنە ھان
قوشوب كلىورلرمى ؟ كچىمشىدن ، كلە جىكىدن خبرلور بر مىورلرمى ؟
حالبوئە بزى بورادىن سودىكلىر مزك يانە كوتورە بىلە جاك ھىچ بر
دعوت ، ھىچ بر افسون يوقدى .

آلوده بر آرزو داشتند و در صورتی که حوضک باشند و در
 اوزرینه او تو دردم بزدن اول بورایه حبس ایدیلن « آمدن »
 مرتبائی اورته ده کو چو ک بر قویو خرابه سی کی برشی تنظیم ایدرک
 اوزرنده صاماشقلر، ساردونیه لر ییتشدر مشلر، الله بر کو چو جات
 حوض یا مشلر، کناری نه ده هیند نبورغک بر یازیم هیکنی دیکمشلردی.

بويشيلماك كوشه سنى قوروتماق بزم ايچين ده بر مشغله تشكيل ايتشدى .
 ايچينده كوچوك قيرمىزى بالقلرك او يودقلىرى ميني ميني حوض
 آيت پارلاق نورلى آلتينده يوزمه مسروانه باقق ايچين
 جبر نفس ايديور كيدى . بزمه برابر بوراده اسير اولان شو
 كوچوچك صوبار چه سنك خارچنده ، بزي دنيا دن آيران يوكسك
 وقاين ديوارلر اوتە سنده حر وحدودسز ناشقه صولر واردى .
 شودقيقه ده اصل مسرت وشطارت صاحقرق چر پنهان صولر
 اونىردى وازنلرى بردقيقه ايچين اولسون ، ديوارلر مزك اوستندن ،
 اوزاقدن كورمك بيله بزم ايچين قطعياً ممنوع ايدى .

كيم بيلير قاچ عصر اول بنا ايدلمش اولان شو كهنه سالواتور
 قلعه سنك ولوسى شيمدى آغير حقيقى بردنيانك حشمت وحياتى
 سرپر كې سمانه پارلايان آيت ضيالرى آلتينده تماميله اسكى
 زمانىره عائد بر اوپرا ده قورىنى خاطر لاتيوردى . براق كوكله
 اوزرينه برجلر ك سياه كولكلرى دوشيوردى . تل اوركولر
 لك كوچوك تفرعاتى بيله سمانك تشكيل ايتديكى زمين اوستنده
 ترسم ايدييوردى . كولك يوزينك بر قسمى لكه سز برماوى صفحه
 كې پارلاركن بر كوشه يه دوغرو كوچوك كوچوك بولوتلر رنگلى
 صدفلر كې يىغيلمشلردى . هيچ برسس ايشيدلميوردى . يالكز ،
 اوطه لرك اوستنده يوروين نوبتچينك قالين آياق قابلى طاشلره
 چارپدقچه عمومى سكوت ايچنده مطرد بر چكيچ ضربه سى كې
 عكس ايدييوردى . قارشى ديوار اوزرنده كيدوب كلن نوبتچينك
 سياه سونكوسى تغليك وظلمك بر تمثالى كې بوحر ومحتشم سمارك

بوتون كوزللكلرينى يارالايهرق كوزلرمك اوكندن كچيوردى .
 يان طرفدىكى ياتاڭك اوستىدە دائىما اولوچە : هو الخلاق الباقى ...
 دنياده محقق اولهرق يكانە بيلديكمز شى بوندىن عبارت
 دگليدى ؟ نه ياپسەق ، دنيانك بوتون ذكاليىنە ، قدرتلىرىنە ،
 ايمپراطورلقلرىنە ، كوزللكلرىنە ، روتلرىنە صاحب اولسەق ،
 بوتون سعادتلرينى طاسەق يىنە بولوچە آز چوق يقين بر زمان
 سوكرە ھېمىزك باشنە ھەمەھال ديكىلەجك دگليدى ؟ چوچوقلغىدىن
 برى اطرافدە اولنلرى دوشونيوردىم . بويوك بابالار ، غوجەلەر ،
 دايلەر ، قادين اركك برچوق اقربالار ... ھېسى برربر سونوب
 كىتمەشلردى . قلىمدە ھېسەنە غاىد خاطرەلر واردى . ھېسى
 برر برر جانلانيور ، بوتون بواولوملرك ويرمش اولدقلىرى آجىلار
 تازەلنيوردى . حتى چوچوقلقدە پك حىس ايدىلەمش ظن اولونان
 آجىلار شىمدى دويوليوردى . اولنلرك ھېسى اختيارلر دكلىدى .
 ايجلارندە اقرانلرم دە واردى . برابر كوش ، قوشمش ، اوينامش ،
 بعضاً غوغالر ايتشك . اولنردە بىم كى چوچوق ، كىنج وصاغلام
 ايدىلر . اولنلردە حىاندە برچوق امللرى ، خويللرى واردى .
 اولنلردە حىاندە بر نصيبى اواق لازم كليردى . فقط كىمىسى
 اوزاقلردە ، كىمىسى عائلەلرينك ايجندە آرقەلرندە ماتەلر و فلاكتلر
 براقەرق كىتمەشلردى . كىنج واختيار برچوق اولو خياللارى ...
 عائلەلنك يىي ييشن نسل ايجين اختيار دىيە كوستريلەجك سىپالر
 شىمدى بزمكليردى : شو آرقەيە قالانلر و آرقى ياقلاشان بركوندە
 ھەمەھال كىتمەكە مەيا بولونانلر !

اقربادن باشقه ابدیاً غائب اولمش برچوق طائیدق و دوست
 چهره لری دها واردی . بونلرک ایچنده بعضیلری هر مناسبته
 تازه له تبیلله جک خاطرملر بر اقلشاردی : شعیب و توقیق فکرت .
 عینی مفکوره لرله ، عینی خولیا لرله عینی امید و مبارزه یوللرند
 وجود بولان ، قوتله ن بر دو - تلق خاطره لری . هانی اونلر ،
 هانی اوخولیا لر ، هانی اوزمانکی امیدلر ، شوقلر و غلیانلر ؟
 اونلر یالکیز اقربالر ، دوستلر ، هم جنسلر دکلدی .
 انسانک معین بر زمانده وارلغی ، هویتنی تشکیل ایدن بوتون حسلری ،
 تفکرلری ، اراده لری ، امللری ، غایه لری و مفکوره لری ده هپ
 دکیشیور ، برر برر دوشیور ، اولیوردی . صارپ یوللرده ،
 قایلر و طاشلر اوزرنده ، ایچندن کیلمز دیکنلر ایچنده یوروک
 چالیشان عاجز بریولجی کبی هر آیدمه اتمزدن و قاتمزدن برر پارچه
 بر اقرق عاجز ، یورغون ، محروم ، دوشوب قالیوردق .
 حیاتده ایسته دکریمی ، بکله دکرمی ، اومدقلمی ، یامغه
 عزم ایتدکلمی برر برر خاطر لایوردم . بوتون بو مختلف یوللر
 هپ عینی اوچوروم ایله نتیجه له نیوردی : هیچ ! هر شیده هیچ ،
 کندیمه عاٹد خولیا لارده هیچ ، وطنه عاٹد خولیا لارده هیچ ،
 انسانیته عاٹد خولیا لارده هیچ ! هیچ ! هیچ ! هر شی بر هیچ !
 وطن حسنی بکا نامق کال ویرمشدی . اعدادینک اوچنچی
 صنفنده کیزلی کیزلی او قودیم اوراق پریشان ، جزمی ، جلال
 ... ، بی چو قو قلمک عاجز وضعیف دنیا سندن قالدیر اراق

یو کس کلره چیقاریوردی . اوراده کنیدی انسانیته بویوک
 قهرمانلری آره-نده بولیوردم . کمالک برسحرلی کلمه سی ایچمه
 شمشکلر یار اتمغه قادردی . آلم سماره دو قونیوردی . قلم بوتون
 بویوک و کوزل شیرک عشقیله کنیشه یور ، وطنک ده حدودلری
 آشهرق بوتون انسانیته قوجا قلا یوردی . ایچمه ظلمه ، استبداده ،
 حق سزلغه نفرت ، عدالت ، وطنه ، انسانیته محبت جتلانندی .
 یی ، تازره بر روحه کمالک سر پمش اولدیغی معجزه لی تخم لر صو کره
 فرانسزجه کتابلر آراسنده فیلیزلندی ، بویودی . ظلم ، استبداد ،
 حق سزلق ... ، بونلر کورولیوردی . بوتون محیط ده بونلردن ،
 بونلرک محصولی اولان مسکنتدن ، ریا کارلقدن ، اخلاق سزلقدن
 باشقه برشی یوقدی . فقط عدالت ، وطن ، انسانیت نه ایدی ؟
 روحی چکن ، خلیه یی تسخیر ایدن ، آرقه سی صیرا وارلنی آلوب
 سور و کله یی ، برخولیای محتشم ، بر سراب فراری ...

بو خولیا اوزا قلاشدیجه ، بو غایه یه برکون واصل اولمق امید ی
 قیریلدیجه روح ده درین برکسل ، زهرلی برقتور ، هر شیئه قارش ی
 برشبه حصوله کلیوردی . خولیالردن شبهه ، حقدن وعدا لیدن
 شبهه ، انسانک کندی صافدلا سکندن شبهه ، مفکورده دن شبهه !
 بوتون امیدلر سونمش کورونیوردی . یوکسلمه سی ، اسی
 قوت و عظمتی بولماسی ایچین اوقدر تیره دیکمز وطن جاهل و ظالم
 اللرده هرکون اجنیلرک یکی بر حنارتنه معروض قاله رق غانفرن
 اولمش بر وجود کبی پارچه پارچه دو کولیوردی . اوزون بر ظلم

و مطلقیت اداره سی، تاریخک آسیایه افندی اوماق اوزره یاراتدیغی
 بویوک بر نسلک اولادلرنده هر دورلو وطن حسنی، محبتنی ابدیاً
 اولدیرمش کیدی. کیمسه ده وطن ایشلرینه علانہ دارلق حسنی
 قلامش ظن اولو نابیلردی. تورکلک اوپله بر بدن ایدی که هیچ
 بر منبه خارجی کندیسندہ بر عکس العمل تواید ایدہ میوردی.
 تورکلر یاشایان وحس ایدن بر ملت دکلدیلر. بر نعش حالندہ
 ایدیلر.

قیشک، اینجه و کیرلی بر یاغور یاغان، قاپانق سمالی، چامورلی
 و صوغوق کونلرینی خاطر لاتیجی بو مرارت و تقسخ دورہ سی
 ذهمنده جانلانیوردی. اوپله زمانلردی که انسان بوتون خولیارلینی،
 امیدلرینی غائب ایتمش، امللرندن وازچمشدی. یالکز، سفیلانہ
 کبرمه ملک ایچین برلقمه کمک، یالکز اطر افده کی مذلت و اخلاقسزلق
 چرکابنه بولاشماق ایچین بر غیرت. ایشته بوتون حیات، ایشته
 کنجلی کمزک اوکنده آجیلان یکانہ افق استقبال ..

صوکرہ بر کون استانبولک هیچ بکله مه دیکی بر دقیقه ده او بویوک
 معجزه: مشروطیت! بویالک دقیقه لری تکمیل وضوحیله حافظه مده
 بولیوردم. غزته ده قیصه، یاریم بر فقره ایچنده بر تبلیغ رسمی، مشروطیت
 اصولنک تطبیق ایدیله جکینی خبر ویری یوردی. سرخوش کی سوقاغه
 فیرلامشدم. دنیانک روشنی آلت اوست اولمش کورمک،
 سوقاقلری، هر کی باشقه بر حال ایچنده بوماق امید ایدرکن
 اورته ده اعتیاد خلافتده هیچ برشی یوقدی. بر اولو کی

افاده سز ، خیالت کبی جانسز انسانلر... نه برغلیان نه بر مسرت
 نه بر ظاهر ، هیچ ! قره بت کتبخانه سنه کلدیم . عبدالله زهدی ده
 کلدی . غزته نك نشر ایتدیکی تبلیغ رسمی نه ایدی ؛ حقیقه
 بوملت مجلس مبعوثانه قانووشه جقمیدی ؟ فقط بوکون مشروطیت
 حقیقه باشلا یورسه بویله می اوله جقدی ؟ برابر چیققد . غلطه یه
 دوغرو کیددم دیدک . جمعه ایدی . بو بویوک حادثه دن هیچ کیمسه
 بر شی آ کلامامش کبیدی . غلطه ده دوردق . یوز یوزه
 باقی شیوردق . فقط بر شی لازم ، دیوردق . خلقده بر شی لازم .
 نهایت قرار ویردک . سلاملقدن عسکرک دونوشنی سیر ایتک ایچین
 یکی جامع مردیونلرینه اهالی بریکیر ؛ اونلرک آراسنه قاریشیر ،
 عسکرکچرکن پادشاهم چوق یاشا ؛ دیبه باغیریرز ، دیدک . آغیزلرک
 آیشغین اولدینی بوندا میخانسی بر تاثیر ایله دیکر لرینی ده باغیرمغه
 سوق ایده جکدی . بو صورته مشروطیت اداره نی استانبوله
 آلتیشلامش اوله جقدی . یکی جامع مردیونلرنده دوردق وباغیردق .
 یانمزده کیلر ابتدا حیرته یوزمزه باقیدیلر . صوکره سکوت ایتش
 اولمقدن قورقه رق اونلر ده باغیردی . باشقه لر ده باغیردی : استانبولک
 ایلك تمایشی... اورادن آیرلامزری متعاقب پولیسک کله رک هر کسک
 پادشاهم چوق یاشا ؛ دیه نیچین باغیرمش اولدینی حقه ده تحقیقات
 پایدیغنی صوکره حکایه ایدنیورلردی .

مشروطیتک ایلك کونی هیچ ده سنه ارجه تحیل ایتش اولدینغ
 شکلده کچه یوردی . ایلك خبر مشروطیتله مطابعه قوشه جق و قلمه

عساریلا جقمدم . هیچ بر غزتهیه منسوب دکلدم ، نزهیه کیده بیلیردم ونه یازا بیلیردم ؟ عبدالله زهدی ایله ، هله بر اقدام مطبعه سنه کیده لم ، دیدک . بوراده دهها زیاده اثر حیات واردی . جودت بک ده اوراده ایدی . هپ ، برشی یایمالی دنیایوردی . یکی جامع اولوسنده کی نمایش خبری قورقو ایله تردد آراسنده بولونانلره بر آرزجسارت ویری یوردی . جودت بک مطبعه یه بایراق آصیلما سنی امر ایتدی . کتابجیلرده آصه فنا اولماز دنیلدی . کندیلرینی تشویق ایچین آدملر کوندردلی . مخبرلردن بری ده شهزاده باشنه ، دیرکار آراسی طرفلرینه کیتدی . دکانجیلری بایراق آصیغه تشویق ایده جکدی . فقط هیچ بر شیده موفق اولامادیغنی صوکرده دن دویقد . بزه بایراق آصدیرده کیدر ژورنال ایدرم یسک ؛ دییه کندیلرینه چقیشمش لردی .

ایرته سی کون غزتلر ناصل چیقاجقدی ؟ حالا سانسور دیکه نه جکمیدی ؟ مطبعه لر بو خصوصده درین بر جهل ایچنده لیدیلر . هیچ بر حکومت ، بر سانسور مأموری کورونمه یوردی . خایر ، دیدک ، آرتق سانسور اولاماز . مادامکه قانون اساسی تکرار جاریدر ، قبل النشر سانسور اصولی تطبیق اولونه لاز . قانون اساسی ، حریت مطبوعات ، مشروطیت ... اوزون بر افتر اقدن صوکرده تکرار لسانه عودت ایدن بو کله لر بزم هرزمانکی لاقیردیلریمز آراسنده یابانچی سسلر کی عکس ایدیورلردی . قولاقلریمز بونلری درین بر آچنقله دیکه یوردی . بوسوزلرک

یوکسک سسله، هرکس اوکنده سویلهنه بیله جکهنه اینانه مایور کیدک .

صبح مطبعه سنده کی آرقداشلرده گلشردی : بابان زاده، علی رشاد، محمود صادق . هپ قرار ویردک . یازیلر سانسوره کیمه یه جکدی . ایرته سی کون مشروطیتی آلفیشلایه جق، حریق سلاملایه جق ایدک . وقت کچور، مرتبلر یازی بکله وردی . قلملره صاریلدق . برساننامه بولدیرلدی . قانون اساسی بی کوزدن کچیرمکه باشلادق ... مقاله م یتمشدی . اوقومغه باشلادم . کتابچی قره بت آغلادی . جودت بک چکمی اوقشادی . فقط ایکسی ده متفقاً برآز شدتلی بولدیلر . آزا جق تعدیل ایتیهی مناسب کوردیلر . چیز دیلر، خفیفتل دیلر، کوچولت دیلر . عبدالله زهدی ده مقاله سنی یازمشدی . اوح ! دیه باشلایوردی . بنم تنقیح ایدیلن مقاله ایله عبدالله زهدینک خفیف ره توشدن کچن مهاله سنی برلش دیر دیلر، اکله دیلر . ایشته جمعه ایرته سی کونسی اقدامک باش مقاله سی بوصورتله وجود بولدی .

کچ وقته قدر سانسوزدن آریوقدی . مشروطیه آلیشوردق . حقوق و حریت کلملرینی تلفظ ایتدکجه قلمزده جسارت وقوت دولیوردی . سانسور مأموری کلیرسه مطبعه یه حبس ایدهرز ! دیدک . جراتمیز بو قدر آریوردی . فقط ده احتیاطکار اولان غزته صاحب لرنده برآز تردد واردی . یامهران نه یاه جق ؟ مهران بر طرفدن محرر لرینه یازیلری سانسوره کوندرمه یه جکنی وعد

ایدرکن دیگر طرفدن کوندیر و یوقاری یه خبر ویررسه ؟
ایکی غزتهنک هیئت تحریرییه سی بوکا چاره بولدیلر . اوکیجه
کیمسه مطبعه دن آیرلایه جقدی . یازیلر دیزیله جک ، صحیفه لر
باغلانمحق ، ماننیه ویریله جک ایدی . بزلر هپ بکله یه جکدک .
غزته لر باصلدقن صوکره صاحیلین هرایی غزته دن ده باب عالی
جاده سنده بر مقدار صاتیلا جقدی . بوندن صوکره داغیله جقدق .
عبده زهدی ، مهران تهلکه سنه قارشى بر تدبیر ده دوشوندی .
صباحك اداره مأموری آلکساندن آلدیغی بش لیرا ایله صباح هیئت
ترتیبیه سنه سرکه جی استاسیونی قارشى سنده کی بیراخانه ك اوستنده
برضیافت ویردی . یمکک ، ماستیقه نك ، مشروطیتك نشئه سیله
هپسنى باغیرتدی ، هپسنه عهدلر ایتدیردی . ایچلرنده بعضیلری
مهران سانسوره یازی کوندرمه یه قالدیشه جق اولورسه کندیسنى
« تیغلایه جقلى » نه یمین ایتدیلر . غزته اداره خانه لرنده اوکیجه
موقت بر بولشویکلك اداره سی تأسس ایتشدی . غزته لره ده
زیاده بزایشجیلر صاحب ایدک .

هیجاندن هیچ بر شى یمکه موفق اولامایه رق ، متصل قهوه
وچای ایچمه ایپه ، امیدوغلان ایچنده اوکیجه یی کچردک . صاحیلین
باب عالی جاده سنده مشروطیت غزته لرینك ایلک نسخه سنى بالذات
عدنان صاتیوردی ! آنجق بوندن صوکره ، سعادتدن سرخوش
وچیلغین برحاله اولرمزه داغیلدق . آرتق استانبول طوتوشمشدی .
سدر قیرلمش ، هر طرفده فیضان و طغیان باشلامشدی . استانبولک

اوزرنده بر جيلغيناق ، بر سرخوشلق روزكاري اسيوردي .
 سربست سوزلر دها سربست سوزلري ، نمايشلر
 دها بويوك نمايشلري دعوت ايدەرك بر قاصيرغه كي ثوالى
 ايدىيور ، بر جىغ كي چوغاليور ، حيات معتاده دورىيور ،
 باشقه برشى ، رۇيا وسرخوشلق ايچنده يك طاتلى برشى
 باشلايوردي ...

مشروطيت اولدى . اماملرله پاپاسلر ، پاپاسلرله خاخالر اوپوشدى .
 بولغار قوميتلريله قاردهش اولدق . ارمنى قوميتلريله برلشذك .
 يونان قوميتلرينى سالاملاق . مستبدلري طاشلاق . خيرسز
 مامورلري قوودق . حاكيت مليه ي تقويه ايتذك . هرايه ديكمزي
 سويلەذك ، حتى هر ايسته ديكمزي يادق . فقط نه اولدى ؟
 رايلىر يه كيتمك ، يوكسلمك وقوتاشمك حركتى كورولمەيوردي ؟
 هپ اولديغمز يرده ديدينيور ، سويلەيور ، هياقيرينيور ،
 بوغوشيوردق . برشى واردى كه يوروميوردى . برشى واردى نه
 اكسيكدى . ايلك كونلرك سرخوشلغى چوق سورمدى . محبت
 واتحاد ندالري ، ياشاسون آوازملري كين واقراق فريادلرينه ،
 قهر وتدمير خريلتيلرينه تبدل ايتمشدى . تعمير ايچين ميخلانان
 چيويلر قوجه بر پارچه يي سو كوب دوشوريوردى . طوتونمق
 نايسته ديككز نقطه عصرلردن برى قاغاشمش ، چورومش بر حالده
 الكزك ايچنده توزه منقلب اوليوردي .
 مشروطيتدن صوكره نه اولاجق ؟ ديه شعيب ايله اوزون

اوزون قونوشوردق . اوڭ نيكيين ایدی . اوتده بریده قالمش ،
قدری بیلنمه مش نه قیمته دار آدملر وار ، دیوردی . آوروپاده
بو قدر فراری وار ، دیوردی . برکده مشروطیت اولورسه
بونلرله هبسی میدانه چیقاجق ، اداره ده کی بوتون بو اخلاق سزلق ،
بو سؤ استعمال نهایت بولاجق ، اوزمان آرتق ، ترقیسی ایچین
هیچ بر مانعه قالمایان وطن مسعود اولاجق !

مشروطیت اولدی . بوتون قدری بیلنمه مش ارباب لیساقی
باغلایان زنجیرلر قیریلدی . حقیقی کوزلردن صاقلایان پرده
یرتیلدی : بویوک ناقابل تلافی ، مدھش بر هیچ ! وبو ، عینی
زمانده ، گندی کندیلکندن ، سس سزجه چوکوب کینمک اوزره
بولونان بنای صارصدی . استبداد و مطلقیت تورک و مسلمان
وجدانه ویردیگی ابطال حس تأثیری کچجه بوتون یارلرک
آجیلنی حس اولوندی . بو دولتی ایچردن و دیشاردن ییقمغه
اوقدر سنه لردن بری چالیشمش اولانلر اونک تکرار تعمیرینه
مسئعه ایده مزلردی . مشروطیت تورکلره حریت تعمیر ویردیگی
قدر بونلرده حریت تخریب ویرمشدی ، حریت اغفال ویرمشدی .
تورکلر آرمه سنه تفرقه و نفاق قویمق ایچینده حریت ویرمشدی .
ذاتاً گندی اداره مز یزده نه اخلاق بر اقمشدی ، نه سجهیه .

بوتون دولتک ، ملک مادی و معنوی وارلغنده وجوده کلن
صارصنتی ، برابر داغک ایچنده کی صویک دینه چوکش مز خرفاتی
قرمه قزیشیق ایدن بر ضربه کی هر دورلو چرکین احتراصاتی .

سفیل اغراضی ، حسدلی ، حرص جاهلری ، افترا لری جانلی
 جانلی اورتهیه دوکشدی. ایلک مبعوثان آلاینه بنی آلقیشلایان
 آلر ، ۳۱ مارتده مطبعه می ییقمغه کلیورلردی . مطبعه می یاغما
 ایتکه قوشانلر صوکره عودتمده بنی نمایشلرله قارشیلایورلردی.
 ۳۱ مارت کونی پارچه پارچه ایدیدیکمه اظهار تأسف ایدن
 دوستلر صوکره تبریکه کلوب آل صیقیورلردی . ایکرنج بر
 دیا کاراق ، کتم ایدیلکه بیه پک لزوم کورولمدين بر موقع قاقیق
 آرزولری ، اومولان شیئه نائل اولاماقدن متولد انکسار خیال
 کینلری ... صوکره ، هر آغزده هپ حق ، عدالت و حریت
 نامنه شکایات و مدعیات ...!

حریت مطبوعات عینی زمانده برده حریت افترا تآمین
 ایتشدی . ایلک کونلرده سرسملهین بوتون اسبی شریرلر ،
 بوتون اومردار دورک مردار مخلوقلری یاواش یاواش جسارتلرینی ،
 موازنه لرینی بولمشلردی . کندیلرینی ده ویرن سلاخی شیمدی
 اولنلر ارباب ناموسه قارشى عینی قوتله استعمال ایلورلردی .
 حقك چوق باغیرانك ، اك چوق افترا ایدهنك ، هیچ اوتانمه
 بیلمهینك ایدی . بوشرائطی حائر اولانلر ایسه اولنلردی .
 وبونی هپ اوزواللی حریت ، عدالت ، حق و مشروطیت نامنه
 یاپیورلردی .

اسبی زمانلرده ، اومطلقیت واستبداد دوره سی ایچنده
 اطرافک لوشه بولاشماق ایچین کندی کوچوک محطیمزده بش

اون ارقداشك ياپديغىز مجادله لرى ، كوستردىكىز تعصبلىرى
 خاطرلايوردىم . ترس يوزلى ، مرحت بىلىمىز ، نافذ نظرلى بر
 اخلاقى سانسور وجدانمىزك اعماقئده اك كوچوك حر كىترمىزى
 تنقيد ايدردى . بر كون كله جك مشروطيتك قارشىسىنه تميز يوزله
 چىقمىق ، اك اوراق حر كىترمىزك بيله حساسى وىره بىلىمك اك
 بويوك املمىز ايدى . بواىل بىزى المزدن طوتهرق يوكسلىدىور ،
 محيطاتك پىسلىكىندن اوزاق طوتىور ، قابىمىزه غىرور ، غىزمىزه
 متانت وىرىيوردى . اغستوس ۱۹ آقشامئده سىراى بىنده لرى ،
 قورقاقلىر ، مداھنلر حكمدار مستبدك جلوسى شرفنه شىلكلر
 ياپاركن توفىق فكىرت يالىسىك لامبەلرئى سوندىرەرك قارا كلكئده
 اوتوروردى اوكىجه كىر مكه كىتمىش برىنه فكىرتك سويلەدىكى
 آجى سوزلىرى حالا قولاغىدە دويىوردىم . بر سىنه ، ۱۹ اغستوس
 آقشامى كوزل بر مەتاب واردى قاكلىجەدە تپەدە اوتويىوردىق .
 قىرە چىقمىشدم . فكىرت بونك اىچون بكا بر قاچ كون دارغىن
 دورمىشدى . كاغذخانىه كىر مكه كىدن بر كىنج ارقداشمىز بو «اثر
 خفت» ندىن دولايى اوزون مؤاخىدەلر مىزه اوغرا مىشدى . اوزمانلر
 باصىلان كىتابلر ك مقدمە سىندە پادشاهە دعا ايتك بر مجبوريت قطعىه
 ايدى . بويىلە بردعائك آلتىنە امضامىزى آتماق اىچىن كىتابلر مىزه
 مقدمە يازماق بولنى دوشونمىشك . يومى غىز تەلر دە چاليشىركن
 دونانما كونلرئىنك حكمدارە دعالرە ، مدحىه لرە دولماسى لازم كلن
 مقاله لرى امضامىزلە نشر ايدىلەيە جك اولقلە برابر . يىنە بزم

قلمار مزدن چيڇمازدي . ثروت فنون عائلهء ادبيه سنه منسوب
 ايکي ذات فکرتہ مغیر اوله رق یازیلرینی هفتہ لقی معلومات ایله
 نشر ایتکه باشلامشردی . بر خفیہ ننگ غزته سنه یازی یازمه لری
 اولره قارشى ایچمزده بویولر بر حسن انفعال و تعییب او یاندر مشدی .
 شیمدی بونلر نه قدر اوزاق ، نه قدر چو جو قجه ، نه قدر کولونج
 شیلر کی کورونیوردی . استبداد و مطلقیت دورنده کیمسه یه
 مدهنه ایدیلهمش ، بویون اکیلهمش ، سرایه بولاشلامش ، ژورنال
 ویرلهمش : بونلر کیمک اومورنده ، بونلر کیم اهمیت ویرییور ،
 بونلری کیم دوشونیوردی ؟ بکر آغا بلوکنده موقوف بولوندیغیز
 وقت ، بر غزته برسفیلک ژورناللرینی نشر ایتمشدی . آرقداشدر ،
 محتمل اولان « نظارت » نه سد چکیلهمش اولدینی فکرنده
 ایدیلر . خایر ، دیمشدم ، بالعکس کنديسنه خدمت ایتدیلر .
 چونکه تام لازم اولان اوصافی حائر اولدینی کوروله جک و نظارتہ
 کتیر یله جک ! فی الحقیقه ، بر آرزو کره تخمینم دوغرو چيڇماشدی .
 ناموس ایله ناموسسزلق آراسنده فرق بر اقامق ، کنديلری
 ناموسلی آدملر صیراسنه کیره مه یه جکلری جهته ارباب ناموسی کندي
 موقعلرینه آلاچاق ایچین سويله مه دکلری لاقیر دیلر ، ایجاد
 ایتدیلری افترا لرمی قالمشدی ؛ افترا دن اسیرکنمش هیچ برسیا
 بر اقلماشدی . موقع اقتدارده کیلر ، نفوذ صاحباری عدايدیلنلر
 هپ میلیونلره مالک دیلر . حالبوکه بو میلیون صاحباری ننگ بورایه
 کلک فلا کتنه اوغرایان بر قسمی شمدی شو سالواتور قلعه سنک

طاش او طه لرنده ، انگلیز سونکولری آلتنده چلدهری عذابی .
اونوتهرق عائله لرینک اوزاقده ناصل کچینه جکلرینی دوشونورلری .
واوتهده او افترا دالغهمی بوتون چامورلرله شهبه سز حلالا
دوام ایدیوردی .

بر طرفه چکیله جک ، اورته دن غائب اوله جق یرده
او اسکی مفکورملرک قلب و روحه ویردیگی برغرور و متانت
ایله استانبولده قالمشدم . ایشته حکومت ، محکمه لر ،
هرشی سزک ، ایشته بن ، کلکز ، نه اسناداتکز وارسه اورتهیه
دوکلکز ، حاضرمدیمک ایسته یهرک بکله مشدم . نیم ایچین غایه
چوجوقلر مه میراث اوله رق تمیز بر شهرت بر افاقدن عبارتدی .
آغیزلرندن حق و عدالت ، قانون سوزلرینی دوشورمه یین بو آدم لر
بر مضحکه دن عبارت مجلس وکلا قراریه توقیفات یایدیردی لر .
توقیفات یایدقدن صوکره موقوفلره جرم بولمق ایچین غزته لره
اعلان ویردی لر . نهایت بومضحکه یی کویا بر شکل قانونییه صوقوق
ایچین مستنطقلره هرکسک یالککز اسمنی ، محل تولدینی فلان ،
صوردیره رق « صفر » ماده سندن دولایی جنایتله مظنون عد
ایدلکلرینه دائر توقیف مذکره سی چیقارتدی لر !

متارلرک بو فجیع کونلری ... فجیع ، ذلیل ، ایکنرنج ،
امید قیریجی ، یاس ویریجی بوقاره کونلری ! ابتدا وطنداش لرک
بر قسمنه قارشیی « اعلان حرب و جهاد » ایدیلدی .

استانبوله چناق قلعه دن دكل ، متاركه نك
 آچديني قاپدن كيره بيلان دشمنلر آرتق قارشىلرندە كنديلرينه
 پاتختك قاپسنى كو كساريله قاپايان قهرمانلرى بولمايورلردى . مغلوب
 فقط حيثيته صاحب ، وقور بر ملت كورمه يورلردى . تفسىخ
 ايتش مردار بر لاشيه تصادف ايدييورلردى . جهان حربنده
 دنيانك اك بويوك متانت وفداكارلق معجزه لريني كوسترمش بر
 ماتى كويا تمثيل ايدن ذليل وسفيل حكومت متاركه احكامنه اك
 صريح تجاوزلره قارشى : مغلوب نه ايسترلرسه ياپارلر ! تسليميتيه
 دشمنلر ك آياق لريني يالايوردى . دشمنه قارشى متحد ، ييكپاره بر
 ملت حالنده وطنك حقوقنى مدافعه ايتك لازم ايكن دشمنه
 يارانق مېهانه سى آلتنده بر طرف مشروطيتى ييقمقه ، اطرافده كيلرده
 عيني بولده شخصى انتقام لريني آلمغه ، مادي استفاده لر تامين ايتمكه
 چاليشيورلردى . وطنى سومش ، ملكتده يوكسك ونجيب بر
 وطن حسى اويانديرمغه چالشمش اولاق اك بويوك جنايت تشكيل
 ايتدى . آنجق قاراكلقلرده ، بولانيق بحران زمانلرندە ياشايه
 بيله جك اشرايه يول و ير آچيلمق ايچين بوتون ناموس وحيت
 صاحبلىر عليهنده جانيانه بر تجاوز وتعقيبات باشلادى . عيني
 زمانده بوتون حركتلىرى ، معاملەلرى ايله توركلر چيكنه مكدن
 وتحقير ايتكدن كرى دورمايان دشمنلره آلچقجه بر تبصص ،
 آلچقجه بر خدمت ، حتى خفيه لك . . . دشمنه خفيه لك !

قادیئلری دشمن ضابطلرینی چایلرینه دعوت ایتمکن ، اونلرک
دعوتلرینه قوشمقن ذوق وافتخار دویدلر . عجباً مملکتک
حقیقی چهره سی ، حقیقی ماهیتی بومیدی ؟ بزمی کندی می
بیوده به آلداتیورز ، یوکسک خولیلر آرقه سنده قوشوب
دوریورز ؟

بوسؤالی ایراد ایدیه یله جک قدر شبهه وترده دوشمکن
اوتانیر کی سیکیندم ، فنا ، قاراکلق دوشونجه لری داغیمق
ایستر کی باشمی قالدیردم . یوکسکارده آی ابدی بر معما کی ،
کولیور ، استهزا ایدیور دنیه یله جک بر چهره ایله یوزمه
باقیوردی . ایچمده کی درد لره هیچ بر فائده سی اولمادی . بوتون
کنج لکمی آیدینلا تمش اولان وطن امیدلرینک بویله ابدی آقیر یلوب
کیمه سی قبول ایده میوردم . ییقیلان معبدلرک ، پارچه لانان معبودلرک
انقازی آلتنده طوتونه جق برشی ، تسلی و امید ویره جک برشی
آرایوردم . فقط نه ؟ اعتماد ایدیه جک نه قالمشدی ؟ اخلاق می ؟
دوستلق می ؟

آز وقت ایچنده نه بویوک اخلاق و سحیه فقدانی کوسترن
وقع لره شاهد اولمشدق . دون بیک مدحیه لرله افندیلرینک قایلرینی
آشیدیرانلر بوکون علیهلر نده الچوق باغیرانلردی . وجدان ،
حیا ، انصاف ، بوتون بوش ، معناسز کله لر ، اسکی پاچاورالر
کی بر طرفه آتلمشدی . کویا بر طرفک حق سزلقلر نندن ، قانون سزلقلر نندن
حق وعدالت نامنه شکایت ایدر کی داورانانلر شیمدی موقع

اقتدارده كىلرك لك شنيح رزالترندن بى خبر كورونيورلردى .
اسن روز كاره كوره دونيورلردى . چونكه طايدقلىرى شى حق دكل
قوت ايدى . تعقيب ايتدكلرى غايه حقيقت دكل منفعت ايدى .
منفعت ايسه بوكون ضعيف دوشمش اولانلره سوكمكده ، افتر
ايتكده ايدى . . .

دوستلق ؟ اوزون سنه لك آجى تجربه لرى نتيجه سنده .
آرتق اينانيلامايه حق معبورلردن برى ده بو دكلىدى ؟ هانى
ملككتك سلامتى ، خيرى برابردوشونديكمز ، برابر سه ونديكمز ،
مضطرب اولديغمز دوستلر ، دوستلقلر زدهده ؟ قاچ دانه سى زمانك
ضربه لرينه مقاومت ايدد بيلمشدى ؟ بوكون اسكى دوستلارك
چونعى بردشمن يا خود لاقيدانه تلقى ايديله جك بر يابانجى موقعه
كجه مشلر ميدى ؟ مطلقيت واستيداد زمانلرنده ، برابر مشروطيت
وحرريت خوليلارى قورارق بر ماصه نك باشنده برابر چالاشديغمز .
اوده كى بر چووال كومورى كنديسيله پايلاشديغمز دوستك
اووقت بزي ژورنال ايتمش اولديغنى مشروطيتسندن صوكره
اوكره نمه مشى ايدك ؟ بوكونكى فلاكت فيرطنه سى قارشيسنده
قاچ دوستلق داiane بيلمشدى ؟ لك اوفاق بر ايشلرى ايچين بيكلرجه
صيه يتيلر تحمیل ایدن ، برقاچ كونده بر تلفون ايتزلر سه راحت
ايدمه ين ، همان هر كون كوروشولان « دوستلر » دن قاچى شيمدنى
استانبولده عاجز ، يالكىز قالان چو جوقلر ملك خاطر نى صور يوردى ؟
چونكه آرتق كيدن لك ابدى ايتدكلرى ظن اولونيورلردى . . .

حس شکران ؟ بو، قلمبرك طائيدايغى بىر لغت . بىر ارمنى . بىليورم كه سياحت ايچىن استانبولدن آيرلديغى زمانلارده راحت ياشايه ماديغنى ، قورقو ايچىن ده عمر سورديكىنى يمين ايله بكا سويلردى . صيق صيق بى كورده مزسه ياپه مازدى . غيبوتم زماننده برتدبير احتياطى اوماق اوزره پوليس مديريتته خطاباً يازديغى بىر شهادتنامه يى ياننده طاشيردى . حالبوكه متارلارده دن صوكره بىم موجوديتى اونوتمشدى . مكتب كتابلرينك تداركى ايچىن ، تحصيللارينه دوام ايچىن يازديم ايدلمش تورك كنجلرى ده واردى . عجباً محاربه بونلرى هېسنى مملكتك بىر كوشه سنه كوموش مى ايدى ؟ بر انسانيت ، دوستلق ، حس شکران اثرى كوسترمك بىر وظيفه اخلاقيه اولديغى زماننده وظيفه نك بو دعوتنه هېچ بىر اجابت ايتيوردى

اسن صرصر تخريب نه شخصى ، نه ملي ، نه انسانى هېچ بىر يوكسك حسى ، مفكوره يى ، اميدى صاغلام براقاييوردى . بزه انسانيتدن ، عدالتدن ، بوتون انسانلر آراسىنده كى قارداشلىكدن بحث ايدىن كتابلر نه مستهزيانه بىر يالان سويله مشلردى ! ملتله آراسىنده بوكون جارى اولان قانون ، وحشت عصرلرينك تابع اولديغى يومروق حقتن باشقه بىر شى مى ايدى ؟ حق هېچ بىر عاجزى قورتاراييلىورميدى ؟ قوت بولان ، انتشار ايدى ، تكميل كوسترىن شى حق وعدالت فكري دكلدى . رياكارلىق ايدى . اك وحشيانه تجاوزلىرى ، اك ماديتپرستانه حرصلى صاقلامق ، اورتمك ،

سوسله مك ، معذور كوسترمك ايچين انصافمزجه ، حياسزجه
بر يالان وافترا . . .

عدالت وحریت ايچين حرب ايتدكلريني سويله ين ، ریا کارلقلریله
عدالت وحریتدن انسانه نفرت ویرن دشمنلرمن کندیلرینی
تماماً قوی وغالب حس ایدنجه آرتق بو سوزلری لزومی قالمایان
آلات وادوات کی بر طرفه آتەرق بوتون وحشتلرینی اظهار
ایتمه مشلر میدی ؟ شو اللی آلتش تورک هانی حق ایله ، کتابلرک
حق وقانون دییه کوستردییی دستورلرک هانکیسنه توفیقاً بورایه
کتیرلشلر ، دنیادن تجرید ایدلشلر ، محرومیت وسفالت ایچنده
بومادی ومعنوی اشک-نجه لره محکوم ایدلشلردی ؟ صوکره اسرایه
سوءمعامله ایدیلدیکندن شکایت ایدنلرینه اونلر دکلیدی ؟
صوکره جهانده مدنیت ادعاسنده بولونانلرینه اونلر دکلیدی ؟
انسانلرک معنوی ترقیلرندن ، مدنیتلرندن ، فضیلتلرندن ، حق
وعدالت حسلرندن ، اخوتلرندن بحث ایدن بوتون کتابلری بر
آرایه طوپلایه رق محررلریله برابر یاقالی : هپسی یالان ، هپسی ریا .
بالکیز بر حقیقت وار : قوت . یالکیز بر قانون وار : ضعیفی
أزمک . . .

فقط تورک بویه قطعاً ازیله جکمی ؟ بوتون مجادللرینه ،
بوتون کورولتولرینه رغماً مشروطیتک ، حریتک بو ملتک روحنه
ویردیکی استقلال وانتباه لعه لری ابدیاً سوندیمی ؟ وطن عشقنی
جانلاندیرمق وکوکلشدیرمک ایچین اون ایکی سنه لاک مشروطیتک

صاحدينى فيضلىر عقيمى قاله جق ؟ تورك وارلغنى مدافعه
ايتمه جكمى ؟

قلمده جانلانا بوسؤاللىرى درين برسكوت اليم قارشىلاركن
ملتكم بويوك وشانلى ماضيسى خاطره مدد اويايوردى . چيندن ،
قوره دن باشلايه رقص سيريابه ، هنده ، ايرانه ياييلان ؛ طونه قىليرنى ،
تراكيي چيكنه ين ، آناتولىي قاپلان ، دن نهرينى كچرك
فرانسسه ايجريليرينه آقنلر ياپان ، ايتاليائي تتره تن ، آفريقاده
يرلشن ، كوله اوله رقص كيردىكى خليفه سرايلرن دن حكمدار اولارق
چيقان تورك ، تاريخك قاراكلقرينه نفوذ ايله مديكى عصرلردن
برى شرقده افندى وصاحب اولارق ياشايان تورك بوكون
اسير اولارق باشامغه تحمل ايدمه جكميدى ؟ قوجه عثمانلى ايمپرا -
طورلغنى قورانلر عثمان غازينك اطرافنه طوپلانان بر آووج
تورك دكيدى ؟ بوكون تورك ملتى ، بوكون عثمان اوغوللىرى
اورته دن قالدويمى ؟

اك اوافق بر اميد بيله كنش كنش آچلمق ايسته ين قلم
هانكى طرفدن كليرسه كلسين ، كوچوك بر جمله تشجيع آرايوردى .
اطرافه باقندم . بوسفر ، قارشيمده كى آي ددنه ك چهره سنى
صرىخ بر صورتده مستهزى ، عادتا منتقم كوردم . آجى تبسمى
ايچنده قولاغمه فيصلدار كى :

— نه لر خوليا ايدى يورسك ! ديدى . سنى كندى ايله ،
كندى آرزوسيله دشمنه تسليم ايدن كيمدر ؟

قارشیمدهکی بو مستهزی چهره‌ی کورمه‌مک ایچین آلرمی
یوزمه قاپایه‌رق بوغوق بر هیچقیر یقله :

— صوص آی دده، دیدم، بنی نور کلکمدن اوتاندر ییورسک!
حیاتمک الک بویوک آجیسنی شودقیقه‌ده ویریورسک !

قلعه‌نک اوزرندن، کورونمه‌ین گوشه‌لرندن، نوتجیلر هر ساعت
باشنده‌تکرر ایدن نقرات ایله برر چقال کبی اولوشمغه باشلادیلر:
— نامبروان، اولس ومل ...

(Number one all is vell.)

— نامبرتو، اولس ومل ...

.
بو مایوسیت و بدینلک کیجه‌سنی نه محتشم بر صباح تعقیب
ایده‌جکمش! هر امیدک بیتدیکی ظن اولوندینی بر دقیقه‌ده، الندن
سلاحی آلمش، دورلو افتارله قوه‌معنویه‌سی قیریغه چالیشلمش،
تشکیلاتندن محروم بر اقلمش اولان تورک، بویینه کچیریلک
ایسته‌نن اسارت زنجیرینی، مدهش وقوی دشمنلرینه رغما، وطنک
خلاصی ایچین چالیشانلرک قتلانی حلال کوسترمک تشبثلرینه رغما
یالکیز کندی متین ایمانیله، افندی و حاکم اولماق ایچین یارادلمش
بویوک روحیه‌له پارچه‌لایور، حروییکی بر تورکیه‌نک صاغلام تملنی
قوریوردی .

ماثوره - غاروانه ۲۸ کانون مانی ۱۹۲۲

يادريم قالمش يازيلر

... براق، زواللی بر فانییم . پک اوزون بر یولدن کلیورم .
 نرهدن کلدیکمی بیاهم . فقط اوموزمده یوز بیکلرجه عصرلرک
 زنجیر اسارتی حس ایدر، فرق ایدر کبییم . نرهمه کیده جکمی
 بکا دورلو دورلو آ کلاتیورلر . شاشیرمش قلمش بر حالدهیم .
 حسمه اک خوش کلن روایت عظمی ده ایناندرمق ایسته یورم .
 یالکز محقق اوله رق بیلدیکم برشی وار : بوسمالری ، بو طوپراقلی ،
 بو وارلنی براقه رق کیده جکم . بلکه یارین ، بلکه چوق صوکره ،
 فقط هر حالده محقق . هرشی بکا نهایتسز بر بوشلغه وقاراکلغه
 دوغرو یورودیکمی احساس ایدیور . دوداقلرمک تبسمی ،
 کوزلرمک لمعه سی، قلبمک غایه امللری کچور ، صولیور ، خراب
 اولیور . ذی حیات وحس بر خرابه دن باشقه برشی دکم .
 بو قاراکلق وهیچلمک قارشیسنده اورپرن وارلغمی آووتیق ایچین
 بکا بر دقیقه غفلت و مستی یی چوق کورمه . براق ، بوتون ذوقلری ،
 کوزلرکلی ، سعادتلری ، وارلقلری ابدیاً ترک ایدرک یارین ذاتاً
 کیده جکم و بردها هیچ کری کلیه جکم . ترس و مشؤم سوزلرکله ،

فصلتفر و شلقلرکله بنی خیر پالامه . بو اوزون یولجا مقدمه بندن
بیك قات دها زحمت چکنر وارمش . دوغرو . فقط دنیاده
کور دیکک بوبنای اجتماعی قوران بن دکلمایا . بومساواتسز لقلری ،
بو حقسز لقلری بن می تأسیس ایتدم ؟ بن ده هرشی کی ، هرکس کی
بر محصول ماضی یم . امین اول که دنیا یه کله دن اول بوتون بوموجود
مؤسساتک ، بوتون بو حیاتک بویله اولماسی ایچین بندن رای
آلما دیلر . یارین ، اونهایتسز قارا کلق و بوشلق ایچنده هیمز
مساوی اوله جغز . براق ، بر دقیقه غفلت ونسیانی ، بو یکانه
تسلیمی ده بیلمم هانکی اساسات نامنه سن آلمدن آلمان

... یحیی می بویلهیم؟ بونی بن بیلور مییم؟ بئلکم ی خلق
ایدن بن دکلکه . بن یالکز کندی شعور مک ایچنده بر بکچی
وسیر جی کبی، اوغرا دیغ اتقلا بیری قید ایتکلکه، اضطراب چکملکه
مشغولم . یحیی می بویلهیم؟ بونی بن ده کندی کنده صور بیورم .
کویا وارلغمک الک یقین بر شاهی می . کویا کندی کنده یدن
کیزی هیچ بر سرم یوق . فقط کوزلر مک اوکنده روحک ایچنده
طوفانلر اولیور، دنیلر چوکیور ، بتون وارلغم دکیشیور، هر آن
بنده برشی اولیور ویی برشی دوغیورده . نم ینه خبرم اولمایور .
بن آنجق نتیجه یی مشاهده ایله قالیورم . حالوکه دکیشکلکمک
فرقه وار دیغ زمان آرتق هرشی بیتمشدر . یحیی می بویلهیم؟ بن ده
ییلیم . یالکز شونی بیلورم که بن بویله دکلدم . روحده بویوک
زبرکلر واردی ، نامتناهی شفقت وخولیا خزینهلری واردی .
امید واعتماد ایله طاشیوردم . شیمدی بونلری « چو جوقلق ! » دیه
استخفاف ایدن بر تجربه وار . جهل یرینه کویا علم وار . اونک
ایحیی عشق وصمیمیت ایله طاشدیغک دقیقه لرده کوزلر کده کی نملی

قیزاوتی یی کوردیکم زمان « نه مهارتلی صنعتکار ! » دیورم .
اونک ایچین بکا قیرلماز مربوطیتکدن ، فداکارلق حملهلرکدن
بحث ایتدیکک زمان دوداقلرم بلا اختیار آجی بر تبسم شبه ایله
قیوریلور . نیچین می بویلهیم ؟ بیلیم . یالکز آراتق هیچ بر
سعادته اواسکی حظی بولمايورم . سعادت بولمايورم . ایچمده
برشی وارکه بوتون ذوقلرمی زهرله یور . نیچین می بویلهیم ؟ اوت ،
روحده درین ، کیزلی بر یاره طاشيورم . بوتون کچن حیات
تجربه لرم روحده یر ایتمش ، تا وارلغمک اڭ قارا کلک نقطه لرینه
قدر ایشله مش ، اوراده دائمی بر یاره کبی بر اولوق آچمش .
شیمدی اڭ اوفاق بر سبب ایله ، بر هیچ ایله بوتون احتیاساتم
هپ یو مجرایه قاچيور . اونک ایچین اوفاق بر شیک یکا بو قدر
عذاب ویردیکنی کور یورسک . آنجق بر دقیقه امتداد ایتکه
لایق بر تأثر بنی کونلرجه ترک ایتيور . نیچین می بویلهیم ؟ بیلیم ،
غالیا سومشدم ...



... عجب اسودم می؟ خولیا و هیجان ایچنده کچن دولو بر حیاتک
 سوکنده ، ماضی یه کوزلریمی چه ویردجه ، بعضاً زهرلی بر هوا
 کچی اورادن بو سؤال شهنهک یوکسلدیکنی حس ایدیورم .
 اوت ، سودم ، مسعود اولدم . دنیانک بوتون سعادتی ایچمه
 دویدیمه ایناندم ، قیصقاندیم ، آغلادم ، عذابلر چکدم . فقط
 صحیحدن سودم می؟ دویدیم حسلر صحیحدن عشق دینلن شی می
 ایدی؟ بوتون طوتونه جنم شیلری آلمدن قاپوب قیران شهنه شیمدی
 ن بو تسلیدن ده محروم براقق ایسته یور . تکمیل اوسعدتلر ،
 اوکوز یاشلری ، اوتیرمه لر ، او عشقلر عجب بر آزده جبر طبیعت
 ایله ، اوزنمک وایمرنمک سوقیه پالمش ، جدیتنه ، صمیمیتنه
 اودقیقه ده بلکه صحیحدن اینانلش برر کوستریشدن ، اویوندن
 عبارت دکلیدی؟ آرتق سیاه بر دیوار کچی یاقلاشان استقبالك
 قورقونج منظره سی قارشیشنده کونشلی ونشمله لی افقلره ، ماضی یه
 دونمک ایسته ین کوزلرم شیمدی اوراده ده یالکز ساخته ، جعلی
 حسلردن ، حس ایدیلمش سعادت واضطرابلردن باشقه برشی

گورمه یور. بر دقیقه عشق و نسیان دکل، عشق دن باشقه هر شیدک،
 بوتون دنیانک، سلینبوب غائب اولدینی بر دقیقه عشق دکل،
 هیچ بر زمان الده ایدیلهین بر ذوق و امید آرقه سنده یهوده بر
 قوشمه، یهوده بر آلدانه و آلدانه: خولیا و هیجان ایله دولو
 اوزون بر حیاتک صوکنده ایسته بوتون اودرین درین یاشانان
 دقیقه لردن، سنه لردن قالان ایزلر... هر شیدن، بوتون
 معتقداتدن، بوتون اساساتدن، بوتون بکا خارج شیلردن شبهه،
 حتی کنسیدی صمیم روحه و ارنجهیه قدر، کنسیدی دوید قلمه
 و ارنجهیه قدر بوتون باطنی شیلردن ده شبهه... فقط عجباً بوشبهه ده
 صمیمیم؟ بوده بر اوزنه، بر کوستریش دکل؛ شبهه دن ده شبهه؛

... سومك مى يوقسه سومه مك مى دها اي اولوردى ؟
بو سؤاله هيچ بر زمان عيى جوابى ويره مدم . بعضى زمانلر ،
حياتلرى عشق سزچن كيمسه لره قارشى ايچمده درين بر مرحمت
دويدم . بو زواللير دنيادن نه آ كلايورلر ؟ ديدم . ييورلر ،
ايچيورلر ، كيئوب كزييورلر ، اويويورلر . فقط بوتون بونباتى
وحيوانى وظائف آره سنده ، حتى دنيانك بوتون ثروتلرينه
صاحب اولسه لرده ، حياتدن آلدقلى نصيب سعادته عاجز ،
نه زواللى برشى ايدى . سوديككز ركوزك كوزلركزك اعماقنه
دالهرق جانلاندىغى وبايلىدىغى دقيقه ده دويدىغكز حظ وسعادت
قارشيسنده سيلنميه جك ، مسكين و ذليل قالمايه جق شان وشرف ،
دبدبه وموفقيت ، ثروت وعظمت وارميدى ؟ دنياده عشقك
ويردى سعادتن ، عشقك ويردى تيرمه دن باشقه بر حقيقت ،
بر غايه اولاييلرميدى ؟

فقط بعضى زمانلر ، عشق كله سنه يالكز كتابلرده تصادف
ايدهرك معناسنى آ كلامق ايچين قلبلرينك قاموسنه مراجعت

ایتدکاری زما هیچ بر قیده تصادف ایدمهین کیمسه لره
ایم رندم . اوت ، دنیادن هیچ برشی آ کلامه دن ، بر قورو غلبه لق
حالنده کلوب کچه جک بر سور و مخلوقات . فقط عشق بیامه یه رلر سه
هیچ اولماز سه اونک بوازن ، قودورتان ، یرتان و پارچه لایان
اضطرابلرینی ده چکمه یورلر . بر دقیقه حظ و سعادت بو تون
بر عمرک زهری بهاسنه صاتین آلمایورلر . . .

.....

... ماسکلی ماسکسز بوتون بوخلق آووچ آووچ هیچ
 بیقمان ، یورولمان متصل قونفتی سرپیورلر . آووچ آووچ ،
 کیتدجه متزاید بر حرص ایله ، درین درین صوصامش کی
 سرپیورلر ؛ راست کلدکری چهره لره آتیورلر ، چارپیورلر ؛
 بیقمان ، یورولمان ، دائما تازه له ن برشوق و حرص ایله
 آووچ آووچ سرپیورلر . بوبکا برتمثال کی کوروندی . حیاتدن
 هب بویله قلمزی آووچ آووچ سرپ سرپ ، هرکوشه بئلکمزدن
 بر پارچه آته آته کچمه یورمی یز ؟ بیقمان ، یورولمان ، صوکه
 دقیقه قدر بوتون قلمزی ماهیتی بیلنمه ین ، بر دورلو اله کچمه ین ،
 بر دورلو تعریف و ایضاح ایدیله مه ین بر خولیا آرقه سندن صرف
 ایده ایده قوشما یورمی یز ؟ اطرافزده وار لغمزی بخش و بذل ایتکدن
 بزی هانیکی قوت و از کچیره بیلور ؟ انکسار خیال می ؟ شبهه
 یوق که حیات بر انکسار خیال سلسله سندن باشقه بر شی دکلدره .
 فقط بونلرک بری آنجق دیکرینه ترک موقع ایتک ایچین پارچه لایر .
 آرتق بیتدی ، قلمز ، روحمز قورودی ، بئلکمزدن اطرافزده

ویرینه بیلجهك هیچ برشی قالمادی ظن ایتدینکمز دقیقه اطرافه
سریمك ایچین قلیمزمالدیردیغمز آلر هیچ برزمان بوش چیقماز.
اوزون وجدی رابطه لدن قورقارز . قاچارز ، خفیف وموقت
سعادتلر آراز . فقط یینه باغلانیرز ، یینه کندیمزی ویریرز :
حوکمه آیراق و آیرلدیغمز وقت قیوراتوب مضطرب اوراق ،
قهر اولوب کیرمك ایچین !

... موزيقيہ بر « پوت پوری آمریقہن » ایچندہ دولاشیر کن
 او ، یانمدہ ، کندی کندینہ سویلر کبی : انسان استقبالدہ نہ لر
 اولہ جغنی بیلسہ ! دیوردی . حیاتک او دقیقه دہ بزدن کیزلہ دیکی
 اسرار استقبال شیمدی آرتق ماضی اولدی . حتی اسکی اساطیر
 و خرافات دورلرینہ عائد ظن اولونہ جق قدر اوزاق بر ماضی . بز
 اودقیقہ دہ بلکہ بر اولوم ، بلکہ بر فاجعہ ، بر جنایت تخمین
 ایدہ بیلردک . حالبوکہ بونلردن هیچ بریسی یوق . یالکز حیاتک
 طبعی ، بی امان بریورویشتی . فقط بو مرارت نہ ؟ نیچین آرتق
 استقباله عائد بوتون خولیلاردہ بوزهرلی شہہ وار ؟ نیچین
 ہریکی رابطہ نیک قارشیسندہ بر حس قبل الوقوع ایلہ استقبالدہ
 مطلقا بکلیور دیہ حکم ایتدیکم انکسار خیاللرک ، کوزللک
 قصورلرینک اضطرابی اولدن دویورم ؟ نیچین ہر سوکی مطلقا بر
 آجی ایلہ نہایتلہ نیور ؟ نیچین ہر قادین برشی قیرارق ، بر خولیا
 چیکنہ یہرک ، روحکزی قاناتہرق کچور ؟ عجبا استقبالدہ نہ اولاجغز ؟
 شیمدی بونی بکا بریسی سورسہ آرتق ویرہ حکم جوابی بیلورم :

برر يابانجی اولاجغز، ديه جكم وبونی سويلر کن حالا اولانماديغم
ايچين کنديمدن انتقام آلمش کي غريب بر حظ دويه جغم! ...



...بندن بحث اولونیور. عجیبا هانکی بن؟ شبهه سز که کندیلرینک
آ کلا دقلری بئلکم اولاجق . فقط بونک اوقدر متعدد، اوقدر
بربرینه ضد سیالری وار که... هرکس اطرافنده کیلره خصوصی بر
زاویه دن، صرف کندی نقطه نظرندن باقیور . شو حالده اطرافنده
نه قدر بنی طانیان وارسه اوقدرده چهره معنویت وار دیک .
بوتجلیاتک یالکز بر دانه سی دوغرو دیکر لرینک ساخته اولدیغنی
ادعایه کیمک حق اولایلیر ؟

صوکره، اولرک، خارجه کیلرک کوردکلری بونلکمله بنم
حقیقی وار لغمک آراسنده کی مناسبت عجبا نه در؟ هرکس اطرافنه
حقیقته اولدینی کبی می کورونه یه چالشیور ؟ بوتون غیرتلمز
بویایی هویتی بر برندن اوزاقلاشدرمغه معطوف دکلیدر؟ «اولدیغمز» له
«کوروندیکمز» بربرینه قارشیی ایکی بابانجیدن باشقه برشیمیدر؟
حقیقی وار لغم... بونی کیم تعیین ایدمک؟ دوغروسنی کیم
بیله جک؟ بن، دکلی؟ فقط بن عجبا بونک فرقنده مییم؟ اعماق
موجودیته این کوزلرم بوتون تمایلات و مشتیه نفوذ ایدم بیلور می؟

بوتون ز نبر کلر مک اسرارینی آکلایورمی؟ باشقه لرینه باشقه دورلو
کورونمک اینسته یئرلر عجبا کندیلرینه صمیمیت ایله روحلرینی
آچیورلرمی؟ آچمه اوغراشسه لر موفق اولاییلورلرمی؟ شو
حالده نه یز؟ ایکی قاراکلق مبداء و منتهآ آراسنده بر آن ایچین
نامتناهی برسیای سیال ایله پارلامش بر معما . . . صوکره بوزم
بنلدمز اولیور. کویا بوکا تصرف ایدیورز!



جانم نه اولدك؟ سكا نه ياددم كه! دييورسك. هيچ ...
 دكلى؟ براق برياز كونده بردن بره پاتلايان بر ياغمور فيرطنه سي،
 واوئي تعقيباً ينه پارلاق بر كوشن آچاسى كې اوافق برقيصقانچلق
 بحراني، صوكره باريشمه. فقط نه اولديغمى، بو درت كوني
 ناصل ياشاديغمى سن بر كره بكا صور. درت كون مهاديا
 بلا انقطاع هپ سنكه اوغراشدم. بكا بو قدر دهشتلى كلن
 اهمالكارلغه، بكا بوقيصقانچلنى ويرن يازيلر كه مفكره صاپلاندى
 قالدى. بوتون كون بونلرى ذهنمه تكرار ايتدم. هر سطر كه،
 هر كه كه ايچمدن جواب ويردم. خيالده دائما سن واردك. هپ
 سنى مخاطب اتخاذايديوردم. بكا سنده جواب ويريوردك.
 سنك طرفكدن كعكسى، ك آجيتيجى، ك پارچه لاييجى مقابله لرى
 بولوب كنديمه سويله يوردم. بونلره بنده سنى متاثر ايده جك،
 سنى زهر ليه جك جوابلر دوشونوب ويرمكه چالشيوردم. صوكره
 تكرار باشدن باشلايوردم. هر كه ك زهريني آرتيراجق صورتده،
 بردورلو هيچ بريله قناعت ايده ميهرك، دهها آغيريني، دهها يارالاياني

بوله حق صورتده بو مجادله یی تکرار ایدیوردم. سکا قطع مناسب
 مکتوبلری یازیوردم. هر جمله یی مرکه دکل زهره باتیر مق
 ایسته یوردم. آجی آجی استهزا ایدیوردم. بوتون بونلری بویله
 ذهنده دوشونورکن قلمدهده اوحسیات جانلانیوردی. صانکه
 حقیقه قارشیمده ایدک. حقیقه سنکه بویله شدتلی بر غوغا
 ایدیوردک. سکا حقیقه بو آغیر کلهلری سویله یور، سندن
 حقیقه بو فنا مقابلهلری کوریوردم. بونلر حقیقه وقوعه کلسه
 ایدی نه دویاجقسه بویله جانلی صورتده دوشوندجه، یورورکن،
 اوتورورکن، باشقه بریله قونوشورکن، اونلری هپ دویوردم.
 متصل بو حال دوام ایتدی. عینی کله یی الی نهایه، لایتقطع تکرار
 ایتدم. یاناغه یاتدم. بونلری دوشونه رک اویقویه دالدم. کوزیمی
 آچارکن دودا قلمده عینی لاقیر دیلری، ذهنده عینی بورغونی
 بولدم. ایسته اونک ایچوندکه شیمدی بو دهشتلی، بو درین
 یورغونلق ایچنده ییم، تمامیه بیتکین بر حالده ییم. ابدیتدن بری
 صانکه یورویوردم. او قدر یورغونم. بوتون کائناتک آغیر لغی
 صانکه اوموزلر مده طاشیدم. او قدر مجالسزم. آغز مه کونلردن بری
 صانکه هیچ برلوقه برشی کیرمدی. او قدر اوزکیم. دنیانک
 بوتون صوغوق آغینقلری صانکه اوستمه طوپلاندی. او قدر
 قیریقلغم وار. دنیانک انصافسز الیری صانکه بنی قیرپاچلرله،
 صوپالرله دوودیلر. او قدر خردوخاش اولدم. ظاهر اوافق،
 اهمیتسز، دکرسمز بر سبیدن دولای ایکی سوکیلی آره سنده

بر ناز لاشمه غوغاسی. فقط حقیقتمده بنی درت کون دکل درت عصر
باشامش قدر یپراتان ، سیکیرلریمی ، مقاومتی ، معنویتمی ییغوب
بیتیرن ، بنی بر پاچاورا حالنه کتیرن بر مجادله ...

... عشقه پك چوق كره براويون كې باشلارز . مناسبات
جنسيه يي موسله مك ، بوكا بر آز شعر وخوليا ويرمك ايچين
بويله بر مضحكيه لزوم اولديغنى ظن ايدهرز . عاشق كورونمكدن
بر سوق طبعي ايله خوشلانيرز . سهويك عزت نفسمزه پك
طاتلى كلير . چونكه برينك بزي سومه سي بزده بويوك بر مزيتك
موجوديتنه بر دليل تشكيل ايدر . اونك ايچين هر قادينه ، يولنده
سوز سويله مه سنى بيلمك شرطيله ، الهام ايتديكي عشقندن
قورقوسزجه بحث اولوناييلير .

فقط دقت ايديكز ، بو تهلكه لي براويوندر . بونده غريب بر
طوزاق كيزليدر . چوق كره كنديمزي اوطوزاغه بز آتارز .
ابتدالري بر عاشق ايچين شو يولده حركت ايتك لازمدر ديه
فكر مزله ، محاكمه مزله حركت ايدهرز . قلمز همان همان تماميله
صامت قالير . فقط اعتدال دم ايله ، حساب ايله بو آديملري
آتدقجه او حركتلك ايحباب ايتديكي حسيات اوته طرفده بز
فرقنه وارمه دن ياواش ياواش جانلانير . جبر طبيعته يازلغنه

باشلاشمش بر عشق مکتوبنک صوکلرینه دوغرو، بزی سوزوکلرینه
شی آرتق فکر من دکل حسیاتمزدرد. اینانمایه رق باشلا دیغمز
سوزلره ابتدا کندیمز اینانیرز و او حسیاتی ایچمزدرد دویارز .
نهایت بر زمان کلیر که صرف کنیدی ایجادیمز اولان بر حس النده
زبون قالیرز. مفکره نك، اراده نك دوغور دینی بو حس، بو عشق
صوکره بزم افعال و حرکاتمزك حاکمی کیلیر. ایشته آرتق کندیمزك
طوزاغنه دوششمش دیمکز . سزه عشقلردن بحث ایدنلرک
سوزلرنده کی جعلیته قانع اولسه کزده بو سوزلری کسکین بر
استهزا ایله بوغمایک . براقکز سویله سینلر . اونلری سویله مکه
تشویق ایدیکز . عاشق کورونمهلرخی تشجیع ایدیکز . سز
آلدامه دن اول اونلرک کندیلری کنیدی سوزلرینه آلدامه جقلردر.
ذاتاً بر نقطه نظر دن ، عشق قارشیلقلی بر آلدامه دن باشقه نه درکه !

... قادینلری بن بر نقطه نظره کوره اوچ صنفه آیریرم:
 سهویله جک قادینلر ، اوله نیله جک قادینلر ، یالکز دوست
 اولونه جق قادینلر . ظن ایدیورم که حیاتی تکز فلاکتلرندن بر
 قسمی بو تصدیق ایجاباته رعایت ایدیله مسندن ایلری کلیور .
 قادین ذهنم زده کوزللك ایله مترادفدر ؛ ظن ایدرزکه بر قادین
 مطلقا کوزل اواق لازم کلیر و کوزل بر قادین مطلقا بوتون
 آزانیا ماسی لازم کان شیلری نفسنده جمع ایدر . حال بوکه یالکز
 کوزللك عادی بر ذوق قادینی ایچین بیله کافی دکادر . شو حالده
 بوتون عمر مزی برابر کچیره جکمز بر قادین ایچین ناصیل کافی
 اولاییلیر ؟ انسانک ، یک چوق سهوب بایلدینی قادینلر اولور .
 بعضا یوقادینلرله یک صمیمی الفت سعادتته نائل اواق ده قابلدیر .
 اوللری بویله یک یقیندن کوردکن صوکره بوقادین بنم قاریم
 اواسه ایدی ؟ سوالنی ایراد ایدرک بر آزدوشونور سهک عجا
 نه حلام ویریر ؟ سودیکمز بر قادینک نظر مزده مزیت تشکیل
 ایدن بر چوق حاللری قاریمز اوله جق بر قادینده بزی قورقوتور .

سودیکمز بر قادینله راست کله بر اوتلده کچر دیکمز بر فرصت
کیجه سنده ایپک چورانی الکتریک لامباسنه آباژور پاماسی
بزه اگ طاتلی خاطرله کبی ایزلر براقیر . حالبوکه اومزک یاتاق
اوطه سنده هر کیجه طاواندن صاللانہ حق بر ایپک چورانی بر کره
دوشونکیز ! سیکیر لیلک ، مشکلسندک ، تیتیزک سودیکمز
قادینده بزه بر سوس کبی کورونمک قابلدیر . فقط قاریمز
اولاجق بر قادینده بونلره عجیبا قاچ کون تحمل ایدرنز ؟ بزه
بول بول پاره صرف ایتمک وسیله سی ویرن مسرف بر سوکیلی پک
خوشمزه کیدر . فقط قاریمز اولاجق بر قادین عینی اسراف
تعقیب ایدہ جک اولورسه عجیبا عائلہ بناسی قاچ کون پایداری قالا بیلیر ؟
وبو بزم ایچین نه قدر خوش برشی اولور ؟ دیگر طرفدن ،
سودیکمز قادینی قاریمز اوله جق قادینده آرادیغمز اوصاف ایله
بولورسه ق عجیبا بوزده بر سقوط خیال تولید ایتیمز ؟ سودیکمز
قادین بزه او اعتیاد اتمزک نسخه ثانیه سی شکننده کورونورسه
ایچمزک کیزلی طرفلرنده : قاریمزک نه قباحتی واردی ؟ سؤالی
سسنی بزه ایشیتدیرمکه باشلامازمی ؟ بعض قادینلر واردرکه
حیاتمزی اونلره برلشدیرمک بر دلیلک تشکیل ایدر . بر عشق
واحتراص قادینی ده دکلدیرلر . تک بر عشق کیجه سی ایچنده کندیلرینک
بوتون عصارة قابلیتی آموب آماق قابلدیر . بر قاچ آیلوق بر حیات
ازدواجدن صوکره سزه ویره جکلری حس آنجق یورغونلوق
وجان صیقینتیسیدر . فقط بو قادینلره صمیمیتک بر درجه سی

وارد که اونی تجاوز ایتمه یه رک یالکز دوست قالدیقه الی نهاییه حظ
دویابیلیرسکز . او قدر جاذب بر حجتلری ، او قدر نازک بر
ارتباطلری واردز . فقط کورکورینه اوله نیورز ، فرقه وارمادن
سویورز و بر قادین ایله یالکز دوست قالماسنی بیلمه یورز ...

... اوت ، کوزلسکیز . بيلمم ، هرکس اوييله ديسون . بن
 سزى کوردکجه جيچيلي بر قفس ايچنده سويلى بر قانارياني ،
 يوموشاق اوغولديلرله دولاشان بر کوکرجيني ، قوردهله لرله
 سوسلنمش بر قوزويي خاطرلارم . کللى ، زنبقلى ،
 اورکيدهلى خاطرلارم . طبيعتک کوزلکلرينه دائر نه ايسترسه کز
 اونى خاطرلارم ، هرشيى خاطرلارم . فقط برقادين اولديغى کز
 بردورلو عقلمه کله يور . بعض مقعر تياترو پردهلى وارد .
 صحنهک زمينى تشکيل ايدنجه بي پايان سهارلى ، کنيش افقلى ،
 اوزاق اورمانلى ومحرارلى ايله انسانه نامتناهيك حسي ويريرلر .
 فقط اويالکيز اينجهک بر مشمع اوزرنده رنکلرک وضيلرک
 اويونلرن دن دوغان بردها بدر ، يالکيز برده قوردر ، يالکيز بر
 سطحدر ، يالکيز بر ظواهردر . سوييله يکيز بکا ، سزک
 کوزلکلکيز ، جاذبه کز ، ظرافتکيز بوييله جانسز بر ده قوردن .
 عبارت دکلى ؟ ياشايان وحس ايدن بروحکيز وارمى ؟ بوتون
 روحکيز اعتنالى طير ناقلرکيزک جلاسنده ، دالغى صاچلرکيزک

سیاه لمعلرنده ، پا کندن کلن اثوابلرکزک ظریف قیوریملرنده
طوپلانمایورمی ؟ سویله یکنز بکا ، بو ظرافت ، بو کوزلک ،
بو اینجه لک ظواهرینک آلتنده بر درینک وارمی ، ایچکزده
بر قادین یاشایورمی ؟

ایسته م ، باقماسنی بيلمه دکدن صوکره ، کوزل کوزلری نه یاپهیم ؟
لا قیردی سویله مه سنی بيلمه دکدن صوکره کوزل دوداقلرک نه
لزومی وار ؟ او قشاماسنی بيلمه یں ظریف برأل نه یه یارار ؟ سومه سنی
بيلمه یں اینجه بر قادینک حکمت وجودی نه در ؟ ایسته م ، بوتون
بو کوزل لکلری ، جاذبه لری ، ظرافت لری ایسته م . کوزل اولماسون ،
فقط بر روحی اولسون ، برشی دویسون ..

دایینک نصیحتلری

دایینک نصیحتلری

چاملیجه ، « عزلتگاه » ، ۹ حزیران

سوکیلی قیزم ،

« دون مکتوبکی آلالیدن بری دوشونیورم . سکا ، « اوت قیزم ، اختیار داییکک « عزلتگاه » ی سنک ایچین هروقت آچیدر ، همانل ! « دیمک نه قدر قولای ، نه قدر طاتلی ، جاذب برشی . بیلورسک که دنیاده سندن باشقه کیمسه یوق . صوک کونلریمی ، بوراده یاپه یالکز ، استانبولک حیاته اوزاقدن سیرجی . قالدق کتابلرم وچیچکلرم آراسنده کچر مکدن باشقه هییچ بر امیدم یوق ایکن بو ایصمز باغچه لک ، اوطه لک سنک صیجاق حضورکله جانلانه بیله جکنی کورمک اختیارلرده ایچه قوتلی اولان خودکاملق حسنی پک اوقشایور . فقط سکا اولان محبتم بو آرزومی نیمکه بنی سوق ایدیور . قوجه کی ، اویسی براقه رق بورایه کک هروقت هرقابل ، هر زمان قولای . فقط انسان ، پک نادر استمالردن صرف نظر ایدرسک ، بر دفعه اولماید . ازدواج رابطه سی . قولای قولای قیریلما سی ایجاب ایدن بر باغدر . هنر بونی اوفق .

بر زورلغه تصادف ایدنجه پارچه لامقده دکل ، بوتون تهلکله
رغماً آیتدکجه صیق ، کیتدکجه قوتلی صورتده محافظه ایدمه بیلیمکده دره .
اونک ایچین ، بکا آ کلاتدیغک مسئله یی اول امرده سنکله برلکده
تحلیل ایتمکه لزوم حس ایدیورم .

« سنی بودرجه درین بر اضطرابه ، قارا کلق بر یأسه
دوشورن شی ندر ؟ سنی اوقدر سوهن ، سکا ابدی وفالر وعد
ایدن قوجهک ، حکمت ، شیمیدی باشقه برینی ، ژاله خانمی
سویورمش . بو اوافق بر هوس ، کچیجی بر مقتونیت دکل ،
جدی ، بویوک بر عشق ایمش . حتی ، اونکله بلکه اوله نیر
بیله دییورسک . سنی اک چوق عصیان ایتدیرن ، چیلدیرتان شی ده
قوجهکک یالان سویله مه سی . بوتون بونلری یاپیورده بکا یالان
سویله یور ، بندن صاقلایور ، یوزمه کوله رک شهنلرمی آووتوق
ایسته یور دییه فریاد ایدیورسک .

« سکا بوقدر شدتلی بر عذاب ویرن بومسئله نک لطیفه یه
تحملی اولسه ایدی ، بو صوک سوزلرک اوزرینه بر آز کولمکدن
کنیدی منع ایدمه دم دیه جکدم . دیدیکک کبی ، قوجهک باشقه
برقادی نی سویورسه ، ناصل اولورده بونی سندن صاقلاماز ؟
کلوب یوزکه قارشی بویکی رابطه سنی سویله سه دهامی ای اوله جغنی
تخمین ایدرسک ؟ یوزکه کولمه یوبده عکسلیک ایتسه ، ترس
معامله لری اولک ایچنی سیکرلیک هوا سی ایله دولدورسه دهامی
از مضطرب اوله جقسک ؟ سنی اک چوق قیزدیران بونقطه لری

بن بالعكس پك خيرلى بر علامت كې تلىق ايدىيورم . چونكه حكمت بويى رابطة سنى سندن صاقلایورسه ديمك كه ظن ايتديك كې او جدى ، بويوك بر عشق دكلدر . اونك بوتون معنويتنى تسخير ايتمش بر احتراض غالب ومنفرد اولمقدن اوزاقدرد . سكا حال احسن معامله ايدىيورسه بوسكا حرمتى ، شفقى اولديغنه ، سنى مضطرب ايمه مك ايچين چالشيديغنه بر دليلدر . هر حالده بن بونلره باقهرق ايشك آرا كزده مطلقا بر آرياق ايله حل ايديله سى لازم كله جك درجه ده وخامتى اولسا . يغنى استدلال ايدىيورم .

« قوجهكك ژاله خانمى سوديككه نهدن حكم ايتديككى صورمايه جنم . انسانه پك قوتلى قناعتلر ويرمكه كافى عد ايديلن بر طاقم اماره لك ياكلش اولديغى بعضاً صوكره دن آكلاشيليور . مع مافيه ، بن سوزلركى قطعى صورته ثابت اولمش بر حقيقت كې تلىق ايدمرك اونقطه نظردن محاكمه ايتك ايسته يورم .

« حكمت ايله سه ويشهرك اولنديكيز . پك جانلى بر حيات كچيرديكيز . ظن ايدم شيمدى يه قدر بش سنده در سنى بويله شكايته مجبور ايدم جك بر قباحتى ده اولمادى . فقط دنيا ده صولدور مادىنى بر چيچك بر اقايا ن زمانك ، باخصوص قارى قوجه آراسنده ايلك شدت و غلبانيه دائمى بر عشقك وجودينه امكان ويره جكنى ظن ايدم جك قدر خيال پرست ميسك ؟ حياتك بعض ضرورتلى اولديغنه وبوضرورتلى مسامحه ايله قارشى لاق لازم كلديكمنه

سـنـكـده قـنـاعـتـك اولـديغـنى حـكـمـتـك كـيـچـى بـر هـوسـنـه ، اـهـمـيـتـسـز
بـر قـبـاحـتـنـه كـوز قـاـيـه جـفـى اشـراب اـيـدن سـوزـلـر كـدن آـكـلا يـورـم .
اـكـر بـر اـر كـكـك ، نـتـيـجـه سـى كـلـه يـه جـك بـويـله دـكـر سـز كـنـا هـلـر يـنى
عـفـو اـيـده بـيـلـه جـك قـدر فـيـلـسـوف اـيـسـك سـنـكـلـه پـك اـعـلا
آ كـلا شـه بـيـلـر ز يـا و روم . حـكـمـتـك ژا لـه خـانـمـه قـار شـى مـيـلـى ، سـنـك
تـعـبـير كـجـه ، جـدى ، بـويـوك عـشـقـنى هـيـچ اـهـمـيـتـسـز بـر مـنـاسـبـت عـادـيـه دـر جـه سـنـه
اـيـنـدـيـر مـك سـنـك اـلـكـدـه دـر . بـونـى دـيـدـيـكـك كـي بـر فـاـجـعـه اـيـلـه
نـهـا يـتـلـه نـه جـك آ تـشـلى بـر اـحـتـرا مـ حـالـنـه كـتـيـر مـكـدـه دـه سـنـك بـويـوك
بـر تـا ثـيـر ك اولـا بـيـلـر .

« قـوـجـه لـر يـنـك عـشـقـنـه صـا حـب و حـا كـم اولـمـق خـصـوصـنـدـه كـى
مـبـار زـدـه قـا دـيـنـلـر رـقـيـه لـر بـنـه نـسـبـتـلـه پـك غـيـر مـسـاعـد بـر مـوقـعـده
بـولـو نـور لـر . هـر شـى كـنـد يـلـر يـنـك عـلـيـنـدـه دـر . هـر شـى رـقـيـه لـر يـنـك
مـوفـقـيـتـنى تـا مـيـنـه خـا دـمـدـر . حـتى كـنـد يـلـرى بـيـلـه اـيـسـتـمـه يـه رـك ،
بـيـلـمـيـه رـك بـوكـا يـا رـد يـم اـيـد ر لـر . كـنـجـلـكـمـدـه بـر دـوسـتـم و ا ر دى .
حـيـا ت عـا ئـلـه خـا ر جـنـدـه بـويـله كـو چـوك بـر مـنـاسـبـتى اولـمـشـدى . بـر كـون
قـا ر يـسـى خـبـر آ لـدى . هـيـچـدـه بـوشـا نـمـغـه قـالـقـمـادى . قـوـجـه سـيـلـه
بـر غـو غـا بـيـلـه ا يـتـدى . يـا لـكـز ا صـر ا ر ا يـتـدى ، رـقـيـه سـنى نـكـاح
ا يـلـه آ لـمـغـه قـوـجـه نـى زـور لـا دى . بـو حـر كـتى ا يـلـه او غـيـر مـشـر و ع
مـنـاسـبـتـك بـوتـون طـلـسـمـنى بـوز مـش اولـيـور دى . آ ز بـر و قـت صـو كـره
دـوسـتـم يـنـه ا يـلـك قـا ر يـسـنـه عـود ت ا يـتـدى . سـكـا بـو قـد ر قـطـعـى بـر
تـد بـيـر ، دـو قـتـور لـر ك تـعـبـيـر نـجـه « قـهـر مـا نـا نـه بـر عـلـا جـ » تـو صـيـه

ایتمه جکم. چونکه هر علاج کبی بونک ده بر آز موداسی کچمشدر. فقط احتوا ایتدیکی حقیقت روحیه هر زمان زنده بر اساسدر. اوندن شیمدی سن ده استفاده ایدبیلیرسک. قوجهکک ژاله خام ایله مناسبته ذره قدر مشکلات چیقارمه. حتی قوجهکه حس ایتدیرمه دن بو مناسبتی ممکن اولدینی قدر قولایلاشدیر. قوجهکک ایپین کیجهیی اودن دیشاریده کچیرمک فرصتی سن کندک تأمین ایت. حتی قابل اولورسه برابر بر آوروپا سیاحتی پابه یلمه لرینک بیه چارمسی، هیچ ایشک ایچنده یوقشسک کبی، سن بول. قوجهکک سنی اندیشه لی، مراقلی، مضطرب کورمه سین. قوجهکه بر فاجعه حیاتی یا شایورمش حسی کله سین. قوجهکک سنک اضطرابلرکی کوردردک عذاب وجدانی ایله پنجه لشمه سین. سودیکی قادین ایله بولوشایلمک ایچین بیک دورلو مشکلاتی اقتحام ایتک ضرورتنده قالماسین. بومناسبت قوجهکی بر فاجعه قهرمانی حالنه کتیرمه سین. قوجهکک ژاله خامله مناسبتی هر دورلو جاذبه شعری غائب ایتدیکی، غایت قولای، غایت طبیعی بر وقعه حالنه کیردیکی کون رقیبه که غلبه چالیدیگه امین اولای بیلیرسک. چونکه اونک سنک اوزرکه تفوق، یکانه سلاحی بونلردن عبارتدر.

» بر ارکک اوله نوبده سودیکی قاریسیله آز چوق اوزون بر حیات مشترک کچیردکن صوکره ایکی عشق، ایکی حیات آراسنده قالیر: بر طرفده او حیاتی، قاریسنک عشق؛ دیگر طرفده بیک دورلو جاذبه لرله محاط بیک دورلو قادینک عشق.

او حیاتی هرکونی بر اعتیاد تأثیر یله قلبک ، روحک درینلکلینه
 نامحسوس فقط سوکولوب آناسی پک زور کوکلر سالارکن
 مناسبت عاشقانهک شعرینی قاجیر مشدر . عشقی تخریب ایدن شی
 تصرف دکلدر . هرکونی مشترک حیات و بو مشترک حیاتک
 ضروری ، غیر قابل اجتناب حادثه لری ، تماسلری ، پیرانمه لری ،
 اختلاف لری ، مصادمه لری ، حکمت بدایعه مغایر صفحه لریدر .
 قوجهلر کزده بعض چیرکینلکلر کزی کوسترمه مک ، قوجهلر کزک
 قارشیننه کچه ترلکلر کزله ، اسکیمش کومکلر کزله ، طارانامش
 صاحب کزله حیه مامق امکانی بولابینیره یسکیز ؟ قوجهلر کزی الک
 سودیک کز زمان بیله غایت اهمیت سز شیلرده عناد جیلغ کزله جان
 صیه مامه کز ، بعض چو جقلری کزله کندیسنی ازعاج ایتمه مکز
 قابلیدر ؟ بو کوچک عنادلر ، هوپالقلر بر مدت سزک ایچین
 بر جاذبه تشکیل ایدر . قوجه کز ابتدالری بونلری سور و سزی
 دها چوق سومک ایچین بر سبب عدایلر . فقط نهایت بیقغیناق
 ویرر . بیقغیناق بلکه دوغرو برکله دکل . فقط ایله بر زمین ،
 اویله بر استعداد ، اویله بر محیط حاضر لارکله آرتق بوراده سزک
 کینج قیز ایکن خولیا ایتدیک کز او عشق یاشایه ماز . حالبوکه
 اونه طرفده رقیبه لر کزک موقعنه بر باقکیز . بر کره بونلر برر
 « کنده » درلر ، یعنی بر لذت و جاذبه درلر . سز آرتق
 قوجه کزک عشقنی جلب ایتک ایچین هیچ بر زحمت اختیار
 ایتزکن اونلر قادیقلرینک بوتون جاذبه سنی بوغایه یی تأمینه حصر

ایدرلر . سز آقشاملری قوجه کزی قارشیلماق ایچین تکلیفی
بر مسافر کلدیکی زمان کوستردیککز اعتنا ایله حاضرلارماز ،
کینمزکن اونلرک ظریف تووالترینی قوجه کزی قبول ایدم جکلری .
زمانه صاقلارلر . اونلرک صاچلری بلکه سز ککیلرکی یوموشاق ،
دالغلی دکلر . فقط قوجه کزهیچ بر وقت اونلری کوزل تنظیم
ایدیله مش بر حالد کورمز . قوجه کزله کوروشدکلری زمان
ایاقلرنده اک ظریف اسقارپینلری ، اک اینجه ایپک چورابلری
واردر . پودرلرینک ، لوانطلرینک اتخابندهده هپ قوجه کزک
خوشنه کیتمک املی اونلره رهبر اولمشدر .

« بو امل ساده مادی جهتلرده دکل ، معنوی خصوصاتندهده
رقیبه لرکزک حرکاتنه حاکم اولور . تکلیفی مناسبت داتر سنده
قالدجه اونلر برر ملکدرلر . سزک اوکزده ، قوجه کزله قارشی
عکسيلمک ایتدیککز واردر . فقط اونلر داتما کولریوزلیدرلر .
همده ترس قادینلرک علیهندهدرلر . سز بلکه عنادجیسسز ،
اونلر اویصالدرلر . سز بلکه قوجه کزک سومه دیکی شیلری
سورسکز . اونلر قوجه کزله هر نقطهده هم افکاردرلر .
قوجه کزنه دن خوشلانیورسه اونلرده اوشیئک ازلی مفتونیدرلر .
هرکونکی حیاتده سز بونی قوجه لرکزه قارشی یاپه مازسکز .
چونکه بویله هر جهتهده ری برینه اویه جق قادین ارکک بواق
دنیاده قابل دکلر . بهمه حال آراده اختلافی نقطه لر موجود
اولا جقدر . دائمی صورتده یان یانه یاشایاجق قاری قوجه آراسنده

ایسه بو اختلافلر نهایت میدانه چیقار؛ آز چوق بر جان صقنتیسی تولیداید. رقیبه لر کزله قوجه کزله مناسبتنده ایسه بویله اختلافلرک، امتزاجسزلق نقطه لرینک کوزه چارپماسی ایچین هیچ بر سبب یوقدر. بالعکس قوجه کزده، رقیبه کزده بر برلرینک خوشنه کیتمک ایچین بو فنا طرفلری صاقلامغه قارشیلقلی چالیشیرلر. بر برلرینه کندیلرینک یالکیز خوشه کیده جک صفحه لرینی کوستیریرلر. حقیقته اولدقلری کبی دکل، اولمادقلری کبی کورونورلر.

« بو شرائط دائره سنده قوجه لر کزه کندیلرینی سودیرن قادینلره پایله جق اک بویوک ایسلک اونلری موفقیتلرینی تأمین ایتمش اولان احوال داخلنده یاشاتمقدیر. قوجه لر کزله مناسبتلری نه قدر مشکلات ایله محاط اولورسه، نه قدر رومان وفاجعه شکلنی محافظه ایدرسه، نه قدر نادر ونادیده بر سعادت وصفی کوستیریرسه اومناسبتک دوام ایتمه سی احتمالی اوقدر آرتار. بویله بر مناسبت، بویله بر عشق، سنه لرجه بوتون شدتیه سوره بیلیر، حتی آرتیه بیلیر. چونکه بو مناسبتنه مانع اولق ایچین قوجه کزه حس ایتدیره جک صورتده کیزلیدن کیزلییه یاپدیغکنز مجادله لر کز، یاخود آچیقدن آچیغه چیقاردیغکنز کورولتولر کز او عشقی هر زمان تازمله یه جک، آله وله یه جک برر یکیمک، برر منبسه خدمتی کورور. حالبوکه او عشقک بوتون جاذبه سنی تشکیل ایدن مشکلاتی، شعری چکوب آله جق اولورسه کز قوجه کز اوقادینه ده

ايشير ، اونك ده بوتون قادينارك فوقده ، هيستدن آيري يارادلمش بر مخلوق ممتازدكل دورلو دورلوقصورلري ايله يرانسان اولديغني ، باشقه قادينلردن فرقي بولماديغني كورور . اوزمان قوجه كز ايچين آرتق يكيدي قانچان هر كونكي لذت حالته رقيه كز دوشر . سز اسكي بر آليشغينلغك سيكي رلر اوزرنده شيمدي تكررر جانلا . بوتون حاكيتيله تكررر اسكيسي كي سهويلير سكينر .

« ايشته بنم ميني ميني امل جكم ، يو اختيارداييكك بوتون شفقت و خلوصيله سكا چيزديي پروغرام . كوز ياشلريني ، ياشي ، اميدسزلكي بر طرفه آت . مجادله به ، سو كيلى قوجه كي ، صبحاق يو ووا كي ، حياتي مدافعه ايچين مبارزه به حاضر لان . قارشيكه چيقان ايلك قاديننه مغلوب اولارق بوتون سعادتكي پارچه لامغه ، مجادله دن قاجغه ناصل راضي اولاجقسك ؟ هيچ برشي ايچين دكلسه بيله بر عزت نفس مسئله سي ارلديني ايچين اوغراشمالى ، شيمديي رقيه كه ، ده ا استقبالده كي بر چوق رقيه لركه غلبه چالمايسك .

« اك اول دقت ايده جكك نقطه رقيه كك قوجهك دوستي اولماسنه مدان ويرمه مكدر . بر قوجهك يالكر بر دوستي اولمايدر : قاري سي . اكر شيمدي به قدر قوجهك دوستي اولق يولني بولمادك ايسه سني قولاي قولاي عفو اتمه به حكم . بر قوجهك اوافق تفك كناهلري كودولورسه بونك قباحتي قاريستك دكلدر . چونكه ظن ايد ييورم كه قادينلر نه بايسلر ار ككلرك بو قنا ياراديلشلى واركن بو مناسبتسزلكه مانع اولمازلر . فقط قادينلر يك اعلا

قوجەلىرىنىڭ ئاڭىنى دوستى اولايلىلار . اواق دەك بىر نەچچە
 ۋەزىپىلەردە . قوجەك ھاياتىك بوتون دردلىرىنى سىكا آكلاتە بىلمەلى ،
 بونلرى سىكلە قونوشا بىلمىدەر . قوجەكك بوتون امللرىنە ،
 غايەلىرىنە اشتراك ايدەجىسىك . قوجەك ايچىن ھاياتىدەك بويوك
 مشغەلە قىزدا رىسم ايسە اۇدە اوتەيى بىرى كىرلە تيور ، اۇدە دورلو
 دورلو مودللر كىتورىيور دىيە خويسىزاق ايتەيەجىسىك . رىسمە
 بوتون قىلىكلە سىندە علاقەدار اولەجىسىك . رىسمىنىڭ ئىتەرتىپىدەكى
 قوجەك ۋەقەسىمەن اىكەنلىكىنىڭ . رىسمى سىندە سۈرەتچىسىك .
 قوجەك سىياسىيات ياپىق فلاكتەنە اوغراشسىمەن بويولەدە دورلو
 دورلو مەسلىھەتلەر دوشىمىش اولانلر كى عاقىبتە مۇسەفەسنى غىنىف ايلە
 ايلرىيە سۈرەرك اۋنى بو احتىرادىن زورلە واز كىچىرەك ايچىن
 اوغراشمايەجىسىك . سىندە بو زەھىرى مەيۋەدىن ايسىراجىسىك ۋاقىتلىق
 اولورسە قوجەككى ياۋاش ياۋاش ، حس ايتىدىرمەن بو بىلەن
 قورتاراجىسىك . مەفكۈرە خىسەسەندە قوجەككەن ايرىلدىڭ كۈن
 ھاياتى غايەلىرىنىڭ تەملىنى كەندى كەلگەن سارمىش اولدىڭكەن شەيخەيە .
 اۋندىن سۈرەتچىسىك كۈنلر اۋرتق اۋتەلى تەخىرىب ايتەكەن باشقە
 بىر تەۋسىيە ياپمايەجىقىلدەر .

بەئىز ار كەلگەن پەقەت ايتەشمەن : انسان ، قارىيى ايلە
 نە قونوشور ؟ دىرلر . ھالبۇكى انسان قارىيى ايلە نە قونوشماز ؟
 دىمەك لازىمدەر . بىر قوجە قارىيى ايلە ھەرقى قونوشامادىنى زىمان ،
 آزالر نە ھاياتى غايەلىرىنىڭ اۋيوكسىك ، بويوك ، سىجاق ۋەك قوتىلى

رابطه‌سی یوق دیمکدر . بو نقطه‌ده خاملرمزك بویوك خطا ایتدکلرینی ، قوجهلرینك او خارچنده‌کی حیاتلرینه ، مشغله‌لرینه ، مفکوره‌لرینه علاقه‌دار اولماق‌له آرادہ بر اوچوروم آچدق‌لرینی ظن ایدیورم . بو صورت‌له حرکت ایدرلرسه ، سعادت عائله‌لرینی محافظه‌ایدن استحکاملرده کندی‌الریله بر بوشلق وجوده کتیرمش اولورلر ؛ رقیبه‌لرینه قولایلق‌له موفقیت قازانه‌بیلجك بر ساحه براقیرلر ؛ قوجهلرینك دوستی اولمالرینه امکان حاضر لارلر . بوايسه اونلر ایچین آریجه بر عامل جاذبه اولور .

« اکر ، قیزم ، سن امید ایتدیکم کی^۱ ، قوجهك دوستی اولاجق قدر ازدواجك معناسنی آکلامش ایسهك قوجهك دوستی اولمشهك بوکون کوزل کوزلرکه بو قدر یاش دوکیرن فلاکتی پک چابوق آرقه‌ده براقیرسك . بونك ایچون بویوك بر دیلوماتلغه ، پک یورغونلق ویریجی بر مبارزه‌یه حاجت یوق . یوقاریده دیدیکم وصایای کوزلجه تطبیق ایت ، ارندن صوکره . زماندن بکه . سنی مغلوب ایدن زمان شمدی رقیبه‌کی بر طرف ایك خصوصنده سنك متفق اولاجقدر . یالکیز ، سنده زمانك بو ایشنی تسهیل و تعجیل ایتایسك . بوده آغلامقدن قیزارمش کوزلرله ، دنیا‌یه کوسمش چهره ایله یاپیلاماز . آرککار قاریلرندن بحث ایته‌سنی پک سومزلر . فقط ایی آتله ، نادیده خالیرله ، آنتیقه اشیایه مالک اولماقدن نه قدر مفتخر اولورلرسه مزیتلی ، ممتاز وفائق قاریلری اولماق‌ده غرورلرینی اوقدر اوقشار .

اسکيدن او خانملری بعض يملکلى غايت لنيد بر صورتده پيشيرمک
ایله تميز ايدرلردى . شيمدى سکا او قدر اعتنا کارانه پارلا تدیغ
طرقاقلرکه رحمتی بویوک آنهك کی یالانجی دولما دولدیرمائی توصیه
ایتم . فقط هیچ اولماز سه تحصیل ایتهك ایچون او قدر اوغراشدیغمز
پیانوكل امینم که چوقدن بری قاپالی دوران قاپاغی آچه بیلیرسك .
اوافق بر تجربہ نتیجه سنده ، اویوشمش پارماقلرکدن حقیقه حق
نعمه لك قبول کونلرنده کی کنج زیارتچیلر آراسنده پك چوق
آقیشلانه جغنده شبهه ایتیمورم . بونلر قوجهك یاننده سنك ایچین
بررم قلام اولاجقدر . نه چاره ، آرککلر ایشته بوقدر احمقدرلر .
الرینك آلتنده کی نعمتی تقدیر ایتك ایچین بعضاً باشقعلرینك تقدیرینی
کورمکه محتاجدرلر . ظرافته اعتنا ایته کی ایسه توصیه لزوم
کورمیورم . چونکه سنك کی ای کینمه سنی بیان بر کوچوكل خانم
هر وقت ظریفدر . فقط بوکا دها فضله جاذب بر شکل ویرمك ایچین
بر آزدقت ایدرسهك هیچده فائده سز اولماز . قوجهك اوهکلدیکی
زمان کولر یوزلی ، صیجاق بر حیات ، شن ، ظریف ، شفققلی
برقادین کورملیدر . احتمالکه شیمدی اونك کوزلری هیچ بر شی
کورمیه جکدر . احتمالکه اونك بر نظر تقدیرینی ، قدرشنانه
بر حیرتی جلب ایتك ایچین او قدر اعتنا ایله یابه جغك تووالترک
فرقده بیله اولمایه جقدر . سکا باشدن صاومه بر ایکی لاقیردی
سویله جك ، خفیفجه یوزنه بونلر صوکره چیقوب کینه جکدر .
آرقه لدن اواثر ابلری ایسته رسهك پارچه لایه رق چیقار ، آت . فقط

قوجهكك قارشيسنده دودواقلر كده تبسمی اكسيك ائمه يه جك
قدر متانت كوستر .

ياواش ياواش يك حد تلنديكي ، اختيار داييكي بر آز
فضله اختيار ، بر آز فضله اركك طرفداري بولديغي تخمين
ايدورم . بن بو قدر شيلره قاتلانم جغم . ايچمن كبريركن كولمكه
چاليشه جغم ، نچين؟ ديه فرياد ايتك ايسته يورسك . بوايشده بوتون
فداكارلغك نهدن سكا تر تب ايتديكني آكلاما يورسك . اكر شو
مكتوبى سكا دكل ده حكمته يازمش اولسه ايدم او كاده سويله يه جك .
يك چوق سوزلرم اولاييلردى . او كاده : يك اي ايدى يورسك ،
قاريكك مسامحه سندن استفاده ايدرك هان كيفكه دوام ايت ،
ديه جك دلددم . فقط شيمدى يالكز ميني ميني املكك ايساككني ،
سعادتتى دوشونديكم ، اونكه درداشديكم ايچين او كا اوجاغنى
محافظه ايتك ، قوجه سنى كنديسنه عودت ايتديرمك ، رقيه لرينه
غلبه چالمق يوللاريني كو-ترييورم . معرفت هيچ دنيايه كله مكدم
ايدى . فقط مادامكه بوكا مانع اولما يورز ، اوغراشه جغز . آز
مضطرب اولماق ايچين ، بر دقيقه استراحت وسعادت بولماق ايچين ،
المزدمكى حضور وذوقى محافظه ايتك ايچين مبارزه ايدم جكز .
چوق كره سعادتلر مزك ، اضطرابلر مزك اك بويوك عامل ينه بزرم .
حياتده مطلق بر سعادت آرقه سندن قوشارسهق نتيجه يه هيچ
واصل اولمادن دوشوب قالما مز محققدر . هر سعادتى آز چوق

قربان

قربان

نەغزە سەئونك بويوك ھولى ھان كاملاڭ دوش كىدى. چىقتە
ستونلر ك طوتدقلىرى جاملى قەدن دوكون الكتريق ضيالى چاى
ماسەلر يىنك اوستىدە اوينا شوردى . اورتەدە ، ساعت درتدن رى
ھان ھىچ دىكلنمەين ايكي اور كسترەنك والسلى، فوقس تروتلىرى،
بوستونلىرى، تانغولرى ايله بوتون بر خنق تىترەيور ، سالالانيور ،
دونيور ، چىرپىنيوردى . كىنج و اختيار ، ھر كس ، سانكە
سىذىرلىنى اويوشوقلقدن قورتارمق ايچىن اونلى متصل صارصق
احتياجنى حس ايدىيور كى، بويوك بر ابتلا ايله موسيقىنك آھنكە
كندىسنى براقيوردى . كىمىسى بو موسيقى ورقص عالمك وجد
واستغراقى ايچىندە دىياني اونوتمش بر حالدە ، ساكن ، دالغىن ،
بر خيالات طوريله دونوب كىدركن كىمىسى ايچىندن كلن حيات
وذوق دالغەلىرىنى ضبط ايدەمەيەرك ، اوموز وقول تىترەتەرك ،
آياق اوينا تەرق ، كچيور ؛ تاميله آچىق بر اسقار يىن ايچىندن
كورونن متناسب بر قادين آياغى درين بر دقيقە عشق تعقيب ايدن
بر غونلى خاطر لاتەحق صورتە اشتها انگيز بر سوروكلنمە آدىمى .

پاپيور. بوراسى عصرىك بوتون اسباب استراحت و دىنبه سنى جامع اوله رق پايىلمش براوتل اولوسى دكل، دها زياده حياتدن موسيقى و ذوق، عشق و آهنگ ايچنده قايرق چمك ايستهين بر طاقم مؤمنلرك بر معبدى ايدى .

بردن بره هر كس دوردى . هر شى صوصدى . او آنه قدر يانماش الكتريق فنارلى پارلادى بوفنارلى بر برلر ينه ربط ايدن چيچكللى آصقيلردهكى كوچوك لامبالر طوتوشدى . بوتون كوزلر بر شى بكليوردى . بوشى او قدر كوچوك ايدى كه بردن بره ايني فرق ايديله ميوردى . اوت ، ايشته ميني ميني بر «ليف بوى» قيرمزي اثوابى ، كوچوك قاسكتى ايله اورته ده . او كستره بر آمريقان هوا سى چاليور . بو كوچوچوك ياراماز قوشار كى ، صيچرار كى ، هر كسله اكلاه نير كى آياقلىرى چارپه رق ، ممنون ، كوله كوله رقص ايدىوردى .

برنجى دانس آلقيشلرله بيتدى . اوافق بر فاصله . اثوابى دكشديره جك قدر قيصه بر زمان . ايشته اوميني ميني ينه اورته ده . بودفعه بر كوچوك قيز چوجوغى اولدينى كوروليور . آنجق آلتى يدى ياشنده تخمين ايديله بيليردى . بويوك بالرينلر كى تولدن قيصه بر فيستانى وار . صاحلىرى آلندن بر قورده له ايله صيقلمش ، باغك آلتنن اوموزلرينه دوشيور . كوچوك قيز پارماقلىرىنىك اوچنده يوكسلهرك ، موسيقينىك نغمه سيله قلمدايان بر عطر خفيف كى بويوك سالونك اورتى سنده اوچيور . بر آز اول حشرى

برلیفت بویك سربست بر صورتده قوشوب اوینامه سنی آکدیردیغی
ایچین معناسنی ، دلالتنی غائب ایدن بورقص شیمدی بوتون
بوتون دلیشیور ، روحی واجتماعی بوتون افاده سنی انسانه چارپوردی .
بوکوجوک ، معصوم قیزده بوتون قادینلغک جاذبه واشتهاسی
تمرین ایدلمشدی . موسیقینک اک اوافق بر نظمینی قاجیرمادن
سوزولور کبی ، قایار و اوچار کبی ، اداره ایتدیگی حرکترلنده
بویوک بر قادینک تکمیل اشتها دالغهلری حس اولنیوردی .
معناسنی بیلیر کبی ، بر قادین کبی تبسم ایدیور ، آهنگداراللریله
بوسهلر کوندریور ، اکیلیور ، قیوریلور ، آیاقلرینی باشندن
یوقاریه قدر صیچراتیوردی .

بو ، مینی مینی بر چوجوغلک شطارتلی ، حر بر اویونی
دکلدی . بونده ذوق و حظ آرایان عصرک یکیلک و دیکشکلک
احتیاجنی تسکین ایچین ، سیکیرلره آلیشقین اولمادقلری بررعه سینی
تأمین ایچین آفیونلی واسپرطولی بر صنعتک بوتون شهوت
اینجهللی واردی .

اسکیدن بيلم هانسی معبودک آرزوسنی ویا حدتتی تسکین
ایچین اک کوزل قیزلری سچهرک اوکا قربان ایدرلردی . شیمدی ده
بر آنا قوجاغنده بککریله اویناه جق بریاشده بولنان کوچوک قیزلر
ایچندن اک استعدادلیسنی ، اک اینجه سنی سچمشلر ؛ اوزون اهتاملرله
اوکا بر بویوک قادین عشوه سنی ، افاده سنی ویرمکه چالشمشلر ؛
صوکره بومینی مینی کییدیرمشلر ، سوسله مشلردی . ذوق و هیجان

برمکتوب

بر مکتوب

(رول اوتلنك كاغدلى اوزرىنه يازاشدر)

بو جمعه ايرته سي

« سوکلی به بی ،

« دون کیجه دن بری بر عاشقم وار ! کیم اولدیغنی نافله
دوشونمه . تخمین ایده مزسك . بر « تهلمکه » ديه کوسه تردیکم
اوقیر صاحلی بره زیلیالی دکل . باشنك چیز کیلرینه ، قصور سزلغنه
حیران قالدیغم آمریقالی دکل . بنی مصره قاچیرمق ایچین اوقدر
اصرار ایدن اوچیرکین مصرلی بك دکل . هانی خاطر لایوره یسك ،
شیشمان قارینلی ، عامیانه طورلی بر آدمدن ، حرب زنکینی بر
یهودیدن یحث ایتشدم ؟ قویو محی ویتربی اوکنده نادر بر زمردی
سیرایتدیکم صیراده یانمه صوقولمش ، اوتلده بر دورلو بولامادیغنی
وسيله معارفه یی بوراده زورله ایجاد ایدرهك :

« — الماسلره می باقیورسکیز ، مادموازل ؟ نه کوزل شیلر

وار ! دیمشدی .

« — اوت ، جواب ویرمشم ، پك كوزل شیلر وار .
صوكره ایچمدن قوپان برفریادی ضبط ایده مه مشدم :

« — فقط یا قلاشیلر کبی دکل !

« او ، بونك معناسنی پك یاكلش آكلامشدی . كوزلری
برامید مظفریت ایله پارلادی :

« — فقط ، دیدی ، ایسته دیکكزه ملاك اولابیلر سكر ،
مادموازل .

« لاقیردی بی مناسبتسز بر وادی یه سوق ایتدیكمی
آكلایه رق ، جواب ویرمه دن یورومش کیتمشدم . سكا بونی
حکایه ایتدیكم وقت :

« — سن کیده جککه « شو زمردی ایستم » دیمش اولسه
ایدك یهودینك کیم بیلر ناصل قاجدیغنی کورور ، اكله نیردك ،
دیمشدك .

« — یا آلسه ایدی ؟ یا صوكره ؟ دییه صورمشدم .

« ایشته برهفته اول قویومجی ویتربی اوکنده بلكه یوزبك
فرانلق كوزل بر زمرد قارشینده کندیسنی صاتمق فکرینه
عصیان ایدن سنك کوچوك « ژانته » ك ، دون اقشام عینی آدمه
بك بش یوز فرانق ایچین کندیسنی تکلیف ایتدی . بویاشه
قدر تمیز بر حالده محافظه ایتدی مفسکوره سنی ، هر شیئی محو
ایتدی ، بیتیردی . مزار طاشلرینه یازدقلری کبی ، « روحی ایچین
دعا ایدیكز » دیهرك مکتوبمی بوراده کسه بیلیردم . فقط بكا

قادیلمغی حس ایتدیرن ایلک آرککه ، ایلک سودیکم و حرمت
ایتدیکم آرککه ، بر آزا یضاحات ویرمکه کندیمی مجبور کوریورم .
بو : هنوز ایچمده اولمهین حیثیت و ناموس حسنک ویردیکی اضطراری
آووتمه بلکه بر خدمت ایده جکدر . کندیمی بو قدر صقوت
وصیمیت ایله سکا ویردکن صوکره سنک قلبکده یک قنا بر
خاطره براقیه راضی اولامام . ویردیکم اضطراری هیچ اولملزسه
شوصوک خالصه سوزلرله بر آز تعدیل ایتک ایستهرم .

« مقدرات ایله سنه لردن بری چارپیشوب نهایت مغلوب دوشمک
شیمدی بنده اوقدر درین بر یورغونلق تولید ایدیورکه
استقلالمی و حیثیتی محافظه ایتک ایچین کیردیکم مبارزه حیاتی
دوشوندکجه بونلری یاپان بنی ایدم ؟ دیه حیرت ایدیورم .
هرشی ، بوتون حیات ، بوتون محیط ، حتی ایچمده کی ظرافت
و کوزلک عشقی بیه بنی بو چامورلرک ایچنه چکوب دورورکن
سور و کانمه مک ایچین عناد ایتک نه بویوک بر چوجو قلق ایدی .
چونکه ظالم وبی امان بر قدرک حریصانه ، مرحمتسزجه یکا
مسلط اولدیغی ، بنی مطلقا ازمکه چالیشدیغنی کوریوردم .
حتی صوک مقاومتی قیران ضربه ینه بو لایتغیر تقدیرک براتهراسی
اولمشدر . بیلورمیسک ، یوالادیغک بیک بش یوز فرانغی
پوته دن بکا آنجق بوصباح کتیردیلر ؟ هیات ، آرتق هیچ بر
لزومی قالمامشدی ! رجا ایدرم ، اگر سکا ویردیکم شواضطراب
قلبکده بکافارشی بسلهدیکک دوستلق حسنی بوتون بوتون محو

ایتمدیسہ پوستہ خانہ دن تحقیقات یاب . پارہ نک بکا آنجق بوسباح
کتیریلدیکنه سنده قطعی برقناعت وجود بولماسنی ایسترم . حیاتک
دوقندن ، باشقه قادینلرک عشقندن وقت بولوبده کوچوک ژانہ تی
آراده خاطر لادیغک زمانلرده بکا لغتئر ایتسه کده دوشمه مک
ایچین هیچ اولمازسه صوک دقیقه یه قدر المدن کلنی یامش اولدیغمه
وجدانلکک شہادت ایدہ جکنی دوشونمک شو ذیل حیاتمدہ بکا
یکانہ تسلی اولاجقدر . بندہ تحقیق ایتدم ، سنک بو خائن
پارہ نی نہ کونی یولادیغکی صریح صورتدہ آکلادم . سوکیلی
بہ بی ، سن ماندایی تام کونندہ پوستہ یه ویرمشدک . اکر بکا
یکرمی درت ساعتک بر تأخر ایله واصل اولماسہ ایدی بنی ایکسجی
دفعہ ینہ قور تارمش اولاجقدرک .

« فقط نہ یہ یارایہ جقدی ، دکلئ ؟ شرقلیلر کی سویلہ حکم :
قدر بویله ایستہ یوردی . کوچوک ، کیسہ سہ سز ژانہ تک بو
قوزموپولیت حیات ایچندہ حر و مستقل یاشامق ، چالیشہ رق
چکینمک ایچین مجادلہ سی نہ فائدہ ویرہ بیلیردی ؟ بوتون محیط ایله ،
حتی ایچمدہ کی کندی شیطانلرملہ بو قدر پخہ اشدم ؛ بنم کی
ہر کوزل و یولسک شینہ ، خولیا و عشقہ حر یص اولہرق
دوغمش بر عاجز قادیندن بکلنمہ یجک بر عزم و متسانت ایله
اوغراشدم . محرومیتلر ، حتی آچلقلر بہاسنہ مفکورہ می
وحیثیتی دون آقشامہ قدر ہر شیک فوقندہ طوتم : نہایت
یونی بو خرب زنکینی یہودینک کیفنہ بر قربان اولارق نقدیم ایتک

ایچین. امیم که بوندن صوکره اوده حیاتی پک پنبه کورمه یه جکدر. سکا قارشى باشند باشه شفقت وصمیمیدن عبارت اولان کوچوک ژانه تی ایلریده خاطر لادینی زمان صوغوق بریتیرده کچیره جکدر. « بنم ایچین حیات ایله بو پچهلشمه بابام اولدکن صوکره باشلادی. بابام، برچوقلهلی اصیلزادملر کی ثروتی قاروقادینلرله یییوب بیتیرمه مشدی. اولدیکی زمان بزمه لبرغده اولر، جوارده چیفتلکلر، وارسوویده بر آپارتمان برافدی. لبرغک اک کوزمه چارپان کوزل، کبار برکنج قیزی ایدم. اورانک محدود فکری، هر درلو تجدد و بدعتد متوحش، متعصب قاتولیک محیطی ایچین برآز فضله غریب، برآز فضله «دلی» ایدم. فقط سیوری بورنم افاده سی اوقدر شاقه جی، قهقه لرمک طنتی اوقدر براق ایدی که هر تصورم عفو اولونیوردی. اطرافمده کنج واختیار قوجه بر عاشق سورو سی واردی. اوافق بر تبسممله سعادتلر خالق ایدیوردم.

بابامک صاغاغنده بر مبعوث ایله نشانلامشدم. ای، زنکین بر عائلهدندی. بالخاصه باباسی پک زنکیندی. فقط بن پوله نشانلامقدن زیاده باباسنک نشانلیسی اولمای نه قدر ترجیح ایدردم. باباسی هنوز سیرانماش چهره سنه پک اصل بر جاذبه ویرن یموشاق آق صاچلریله، اوزون بوی ایله نه قدر کوزل برارکک ایسه اوغلی پول جیلز وجودی، قیصه بوی ایله بکا اوقدر استکراه ویریوردی. فضله اوله رق چکسندده برده کوچوک صاقالی واردی.

کندیسیله برابر سوقاغه چیققدجه بنم اوزون بویک ، نرمین
اندامک یاننده بوکچی صاقللی چیرکین ارککی کورمک بنی
اوتاندر یوردی. بونده ایچمدهکی کوزلک عشقنی یارالایان برشی
واردی. آه، سنکله یان یانه نه قدر یاقیشردق، دکلی سوکیلی به بی!
« بابامک اولمه سی روحک اوستنده کی بو مدهن کابوسی
سیلکوب آتق ایچین بکا برامکان حاضرلادی. مامان بنم عنادی
قیرایله جک برارادهیه مالک دکلدی. پولک آغلاملری ایسه بنی
قرارمده ثباته تشویق ایده جک بر سبب تشکیل ایدیوردی.
چیرکین آدم لر ایچین دنیاده آغلامق حق بیله اولمالیدر. پک
فنا قلبلی بر قادین دکلم. هله اطرافه عذاب ویرمکدن هیچ
خوشلانمام. فقط بوکوچوک صاقللی آدمک کوز یاشلری بنده
هیچ بر تاثیر یایما یوردی. او قدر سنه در اطرافده دولاشدیغی،
نشانلیم صفتیله هر وقت یانمه کله بیلدیکی حالدده ایچمده اوفاق
بر محبت تلنی بیله قلمداده مامشدی. حالبوکه سن بر هفته ایچنده
نه حاکمانه بر استعجال ایله کلدک، روحه نفوذ ایتدک، بوتون
وارلغمه صاحب اولدک!

« محاربه ننگ ایلک زمانلری ایدی. لمبرغده دورولامازدی.
مامان ایله ویانهیه کلدک. ایرادر مز بزی « امپریال » ده راحت
راحت یاشانه بیلوردی. بن ایچمدهکی خولیا وحسن عشقنه کندیمی
بوتون بوتون ترک ایتمک ایسته یوردم. بابامک بنده آنجق برسوس
وجاذبه دییه تجویز ایتدیکی رساملنی حیاتده کندیمه بر مفکوره

دیه قبول ایدیوردم . بن نه آرزو ایدرسهم مامان ده
اونی آرزو ایده بیلیدی . ویانه دن صوکره ایتالیایه
چکک . ایتالیانک موزهلرینی کزمت ، ایتالیان استادلری
یاندده صنعتی تکمل ایتدیرمک فکرندده ایدم . براده
بر چیلغین کبی کندیمی کوزللکلردن حظ آلمغه ویریوردم .
هوا ، محیط ، سما ، موزهلر ، اومختلف صنعتکارلرک ، داهیلرک
بوتون هیجانلرینی ، مفکورهلرینی انسانک تاروخندده تیتردن
صایسز شاه اثرلر . . . نهایت بوتون بو مبهم شعر وعشق
خولیلاری مادی برچهره اطرافنده طوپلاندی . بو، برکنج ایتالیان
قوتی ایدی . اوزون بوی ، صیجاق ، درین کوزلری واردی .
یاندده بولوندقجه ، تصادفاً اوکا سوروندکجه قولاقلمده باش
دوندیریجی بر موسیقی جانلانیسوردی . اللرمی طوتارکن
الکتریقله نیوردم . کوزلرینک درینلکنه باقمغه جسارتم یوقدی .
« برکیجه » ویا ره ججو « ده دکیز کنارنده دولاشیوردق .
قولاقلمک اوغولتوسی ایچنده ، سویله دیکی لاقیردیلرک هیچ برینی
دویمایردم . زرده اولدیغمزی ، هرشیی اونو تمشدم . ایچمده
یالکزی بنی طوتوشدیرا ، بکا عادتاً بر اضطراب ، برقیورانمه ویرن
بر عشق احتیاجی ، بر صوسزلق وبر حظ واردی . قوملرک اوستنه
اوتورمشدق . بکا صوقولدیغنی حس ایدیوردم . بوتون وجودم
تیتره یوردی . چکه مک چارپماسنی منع ایتک المدن کله یوردی .
فقط بردن بره بوتون بو سحر اوچدی . ایخه طوپوقلرمی

اوقشاين الك مناسبتر تجاوزى كنج قيزلغىمك بوتون غرورىنى
جانلاندىردى . يرمىدن فيرلادم :

« — بر كنج قيزه بورجلى اولديغىكز حرمى اونوتيورسكز!
كله لرى قورو بوغازمدن قيصيق قيصيق چىقدى . اورادن قاچدم .
عشق ايچين چيلغين بر احتياج دويدىم ، اومتجاوز الك ويردىكى
لذتلىر عرشه يي حالا حس ايتديكم حالده ايچمدهكى عصمت وبكارت
حسنك عىماننه تبعيت ايدىرك حواسى صوصدير ييوردم .

« ازيقو اوچ كون كورونمىدى . نهايت ، دردنجى كوفى
صباحلين كلارب آنهمله قونوشدى . بنى رسماً ايسته يوردى .
لمبرغك دار دوشونجه لى محيطى ايچنده اختيارلامش اولان مامان
تلاشندن عادتا چيلدىردى . اوتلده تصادفاً طائمش بو آدم كيم
بيلير كيمدى ! بنده ده اوكا قارشى بر ميل بولنديغى حس
ايدىيوردى . پول كې عائله سى بللى ، زنىكېن ، موقع صاحې
بر نشانلى يى استحقار ايدىرك بلكه ده بر سىرسى اولان يابانچى
پيله اولنديكىمى كورمك كىندىسنى قورقودن ، كىردن
اولدىرە جكدى . بونى بنم دليلكمه ويرىيوردى . فقط اعتراف
ايدىرم ده عشق ايچين دويدىم انجذابى ازدواج ايچين حس ايتمىيوردم .
ايزيقونك قارىسى اولمى بنم ده پك خوشمه كىتمىدى . اونك ايچين ،
مامانك ايتاليادن عادى قاچق اوزره على العجله ويردىكى قراره
كافى درجه ده قوتله مخالفت ايتدم .

« حربك صوك زمانلرىنى اسويچمده كچىرك . لوزانك

ساکن ارتل حیاتی ایچمه قسوت ویریور، بنی عادتاً اختیار لایوردی .
 یاواش یاواش ایرادلر مز غیر منتظم بر شکلده کلکه باشلادی .
 لوزان بالاسی بر آرز بهالی بولیوردق . نهایت وارسووی به عودت
 امکانی حاصل اولونجه بر آرز ایشلر مزى دوزلتمک و راحت
 یاشابه بیلیمک ایچین لهستانه دونمکه قرار ویردک . کندی محیطم زده ،
 کندی مملکت مزده ، منتظم بر حیات . آوروپانک حر و سویلی
 حیاتی بوراده بنم ایچین قابل دکلدی . عائله مه ، موقعه ، محیطه
 بر چوق شیلر بورجلی ایدم . فقط ایچمه اوزون سنلردن بری
 سکوت ایتدیرمکه چالیشدیغیم بو حیات و عشق احتیاجی آرتق
 تحمل فرسا بر شکل آلیوردی . اطرافده پک کنج یاشدن بری
 بر چوق عاشقار ، بر چوق معصومانه معاشقهر ، آلایلر : بونلرک
 هپسی ای فقط نه وقته قدر؟ دالنده چورو یوبیره دوشن بر میوه
 کبی بوتون کنج لکم ، بوتون کوزلکم کندی کندی نه ، حیاتدن
 هیچ بر ذوق آلمادن کچوب کیده جکمی ایدی ؟ یاشم یکر می سکزه
 کلشدی . قلبمه ، جسمه دکل ، عقلمه ، عادتاً کندی می زور لایه رق
 حرکت ایتدم : بنده نصیبی آله جقدم . بوقرار نتیجه سنده
 کندی می ژاقه ویردم . بونه فنا بر تجربه اولدی .

ژاق ، وارسووی لبار سالونلرینک الک کزیده بر ضابطی ایدی .
 اوزون بونی ، قومرال صاچلری ، سویلی چهره سیله بر چوق
 قادینلره سوقا قده باش چه ویرتیوردی . عائله سی لهستانک یوکسک
 اصالتنه منسوبدی . هر هوسنی یابه بیله جک قدر زن کین ایدی .

ایلك كوزوشديكمز دقیقه دن اعتباراً بكا عتنا كارانه ، حر متكارانه
 بر معاملیه باشلامش ، یاواش یاواش بر محتمل نشانی وضعیتی
 طاقم شدی . آنهم نه قدر نمون ایدی . بنده بوندن دها ای
 بر ارك بولامایه جغمی کوریوردنم . فقط اونك ایستهدیی کی
 دوعرودن دوعروهیه حیات زوجیتك قاپسندن ایجرییه کوزلری
 قاپلی بر حالده کیره جك یرده بو مشترک حیاته معاشقه یولندن
 دولاشه رق کیمه یی ترجیح ایدیوردنم . بوکا اونی بن عادتاً زورله
 قبول ایتدیردم . ژاق انتخابده نه قدر خطا ایتشسم بویله بر
 تجربه ابتدائیه یا پیمه یی دوشونمکده ده اوقدر عاقلانه داورانم ؟
 « دها ایلك صمیمیت دقیقه سنده ژاق ایله یاشایه مایه جغمی
 آکلادم . ژاق بکا حاکم ، بکا صاحب اوله جق ارك دکلدی .
 بر ارك دکلدی . یوروندن طوتوب ایستهدیکم طرفه کندیسنی
 سوروکله یه بیله جکدم . تربیله ، نازک ، کبار ، صوک درجه ده
 مشفق ، فقط ایسته بوقدر . کوچوک یاشندن بری اختیار بر مربیه نك
 النده بویومشدی . بر اختیار کنج قیز روحنی تمامیه تمثیل
 ایتشدی . آداب موضوعیه ، او حیانتده الك کوچوک تفرعانه ،
 قواعده بوتون روحیه مربوط . تکمیل دنیایی درت دانه
 چیز کینک ایجه صیغابیلیدی . حالبوکه بن بویله مطبخله سالون ،
 کیلارله یاتلق اوطه سی آراسنده روحاً اختیار ، ضعیف ، یالکن
 کوستریشدن عبارت بر ارك ایله الی الابد یاشامغه کندیمده ذره

قدر قابلیت کورده میوردم . اونك ايچين ، گونك برنده انهمه :
كیده جگزر ، دیدم .

« نه مامانك مخالفتی ، نه ژاڤك رجاری هیچ فائده ایتمدی .
ژاق جدا پك متاثر کوروندی . آوروپاده ناصل یاشایه جغمی
صوریوردی . متعظمانه : صنعتمله ! جوابی ویردم . اوبکا :
» — سزه چوق آجیورم ، مادمازل ، دیدی . بویوك
انكسار خیالار قارشیسنده قاله جقسكز . چوق بدبخت
اولا جقسكز . فقط اونو تمایسكز كه هروقت سزی سوه جك ،
هروقت سزی بکله یه جك بر دوستكز وار . آوروپایه کیدیکز ،
ایسته دیکكز کی یاشایكز . نه وقت نومید اولور سه کز ژاق
سزه قوللرینی آچیق بولوندیرا جقدر .

« بو عالیجنابانه ، بو محزونانه فقط ساکنانه سوزلری
سویله یه جك یرده صاحلمدن طوتوب بی یرلرده سورو کلسه ایدی
نه قدر ممنون اولاجقدم . فقط اوبونی یاهه جق ارکك دکلدی .
بزده ساکنانه ، منتظم بر حیات عاٹه ایچنده ، اختیار روحلی بر
قوجهنك یاننده خولیا لرمدن و صوسزلقلرمدن واز کچه جك بر
قادین دکلدم .

« اورادن پارسه کلدك . حیاتك اصل آجی طرفی بنم ایچین
شیمدی باش-ایوردی . چونكه قامبیونك دوشمه سی ، احوالك
قاریشیقلیغی ایرادلر مزی تمامیله غیر کافی بر حاله کتیرمشدی .
چالیشق وقازانمق لازمدی . بونی نه قولای برشی دیه تخمین

ایدیورددم. کیمسه سز ، حامیسز ، یابانجی بر قیزک صرف صنعتیه
پارسک دبدبه وزینت عالمی ایچنده حریر حالده کچنه بیلیمسی نه قدر
زور اولدیغنه قناعت کتیره بیلیمک ایچین پک آجی تجربه لر لازمدی.
کوچوک ژانته بوتون بوتون تجربه لر یاپدی . « موسم » لرده
بیاریجه ، ویشی به ، اکس له بنه کتیدی . فقط بوتون بونلر
امنیت صاندیغندن آنان پاره لرله یاپلیوردی . الماسلر مک هپسنی
برر برر رهنه قویمشدم . کوچوک بر پانیونک طاوان آراسنه
چکیله رک سفالت ایچنده چالیشه بیله جک قدر متاتم یوقدی . روح
کبی کوزلرمده کوزلر لکه ، سوسه عاشتدی . چیرکین برشی ،
فقر ابرشی نم ایچین اک بویوک بر عذاب تشکیل ایدردی .

« یادیغم پورترلر قصه ورسز برته کنیک ایله دکل فیرجه
ضربه لرینک عصیتی ، انطباعلرک یکیلکی ایله کوزه چارپیوردی .
فقط بونی تقدیر ایده جک قاج کیشی واردی ؟ اوتلرده یانمه رسم
یادیر مق ایچین دهل ، قادیلغمدن ذوق آلمق ایچین صوقولیورلردی .
صرف صنعتم ایچین تقدیر ایدلمک ! بونه بوش بر خولیا ایدی . . . رسملرینی
یادیر مالری آتله نه نک یالکزلفی آره سنده معارفه یی درینلشدیرمکه
امکان بولمق ایچوندی . فقط حیاتک مادی محرومیتلری نتیجه سنده
صیزلادجه ، برچوق کوزل شیردن ، سوسلردن کنیدی محروم
ایتدجه پاره لرینک قوتنه کووه نه رک یانمه صوقولان آدملره قارش
غیر قابل احما بر نفرت دوییدیورددم . انسانلری آرتق آکلایورددم .
صنعت ، حیثیت ، بونلر معناسز لاقردیلردی . بویوک کبار

اوتلرده بر سپارش بولابيلمك ايچين كوزل كينمك ، يكي يكي
ظريف اثوابلر ايچنده كورونمك ، اي دانس ايتمك لازمدى .
اوزمان كليورلر ، كيم بيلير ناصل قازانمش پارملرله ، رسم اصهارلار كن
ياغلى بويامى ، پاستلى ؟ ديهه صورتيورلردى . اينانيرميسك ؟
برپورتره اوچ درت بيك فرانق ويرن آدملر ايچنده دهاپاستل
ايله ياغلى بوياني فرق ايتمينلر پك چوقدى . هله بر دانهسى
ابتدا پاستل ياپارسكزده صوكره مى بويارسكز ؟ ديورلردى .
پارملى آدملر بونلردى ! عيني زمانده نه كوچوك روحلى ، عادى
كيمسه لردى . رسم ياپيلوب يتدكدن صوكره بازارلغه قاليقيورلردى .
حرصمدن بعضيلرينه تابلومى باد هوا ويردم ، آلك ، كوتورك ،
ديهه باغيردم . اونلرده آلديلر . ناپوللى بر ايتاليان پرئسى
عائله سنه يادكار براقق ايسته ديكنى ، فقط پارهسى اولماديغنى
سويلاه يهرك بيك فرانغه بر رسمنى ياپمهم ايچين رجا ايتدى .
آجيدم ، قبول ايتدم . بو بيك فرانغى ده حالا ويرمدى .

« بن دنياهه صانكه مركسك كيفى ياپمق ، مركسك منفعتنه
خدمت ايتمك ايچين كلشدم . اوتلده نه قدر اركك وارسه
اطرافى آلاجهدى . هپسى ده عيني يايوان ، طادسز سوزلرله قور
ياپه جقلردى . حالبوكه كوزل كيجه قياقلرى ايچنده قصورسز
كورون بوزنكيين وكبار ارككلر نه محدود روحلردى . چيز كيلرى
ايله كوزلر مى تسخير ايدن بعض آمرىقالى باشلىرى طوتوب صارصق ،
بدلا بدلا كولمكدن باشقه بوقفالرك ايچندن برشى چيقمازمى ؟ ديهه

هایقیرمق حرصنی دویاردم . ذوق و عشق آرقه سندن قوشد قجه
ذوق و عشقندن ایگره نیوردم . کیتدکجه آرتان سوس و ظرافت
میلمی ممنون ایتمکه چالیشد قجه بور جلرم زیاده لشیوردی . تابلور می
صائمق ایچین براق دینیم آدملره خیر سزدن باشقه بر آد ویره م .
قازانمایور دکلم . فقط نه قازانسهم بکا یتیشه مزدی . پاره
بریکدیر بیلیمک ، پاره می چالیدیر مامق ، قایدیر مامق ایچین ده کوچوک
براصناف روحیه یارادلمش اولمقغ لازم دی .

« نهایت ، کچن موسم ابتدا سنده مونته قارلویه کلدک . بوراسنی
ایلک دفعه کورییوردم . فقط بوتون حیاطمه هپ بو مینی مینی
جنتی آرامشم ، اونک حسرتی چکشم حسیله در حال بورایه
آلیشدم . آرتق حکم ایدیورم که ریویه رادن باشقه بریرده یاشامق
بم ایچین قابل دکلدیر . ریویه را وبالخاصه مونته قارلو . هیچ برشی
پایمده ن ، یالکیز تر اسلرده ، باغچه ده برایی کره دولاشمقله بوتون
بوتون خیالی عالملره کیتمش کبی کندیمده بر باشقه لق دویسورم .
هوایی تنفس ایدرکن عشق ولدت ایچیورمشم کبی کلیور .

« برکون ، ایکی هفته چالیشهرق یامش اولدیم برپور تره نک
کتیردیکی درت بیک فرانقله قازینویه کیردم . سودیکم بوتون
فنا شیر آراسنه شیمدی روله تده انضمام ایتشدی . بو خان
سویکی بزم درت بیک فرانغمی یاریم ساعته قالمادن المدن آلدی .
اغلایه جقدم . اوقدر یورغو نلقله قازانمش بو درت بیک فرانق
بکا نه قدر لازم دی . مونته قارلو حیاطنه ، مصرفه دایانمق قابل

اولمیاوردی . فقط بر سوکیلیه پاره ویرمکدن دویولان برحظ
ایله بو مصرفله قاتلانیوردم . پارس امنیت صندیغنا مقبوضلرینی
بوراده رهنه قویهرق تکرار پاره آلدیم . آرتق مونته قارلونک
مراجحه جیلرینی طانیوردم . قازینوده بارماندن باشلایهرق کوشه
باشلرننده کی قومیسینوزلره ، یالکیز امضا اوزرینه پاره ویرن ،
فقط بیک فرانک ایچین هفته ده یوزفرانک فائض آلان مراجحه جیلره
وارنجه یه قدر هپسینه باش اوردیم . شیمدی کورکلام ، حتی اسی
قرب دوشبن ایشله ملی شالارم بیله رهنده ایدی . کندیمه یالکیز
اوبیلدیکنک شذشیللا یاقه لی برایت شوانس مانتوی آلیقویمشدم .
» مونته قارلو موسمی نهایت بولدی . غلبه لق ، بیلدکر
چکیلوب کیتدیلر . آرتق نه بر سپارش امیددی ، نه قارلتون
سوپه لری ، نه دانسلر ، هیچ برشی قالمامشدی . بورادن آیریلق ،
مهاجر قوشلر کی باشقه اقلیمله کیتمک ، مودا اوتلارده
کورونمک ، سپارش بولایلیمک ایچین نظر دقتی جلبه چالیشمق
لازمدی . یوقسه آچلقدن اولمک محققدی . لهستاندن ایراد
اولارق میلیونلر کلسه بوقامیو ایله آنجق بر هفته لق مصرفه
کفایت ایده بیلردی . آرتق رهنه قویه حق هیچ برشییمده
قالمامشدی . اوتلک نوتلری ایچه مدتن بری اوده نه مه مشدی .
کندیمزده اوتلده عادتاً رهنده ایدک .

» ایشته بویله دنیادن ، حیاتدن بیقدیغ ، نه یاپه جغمی بیلیمز
برحالده دولاشدیغ صیراده سنی طانیدیم . سن بی شن ، اندیشه سیز ،

مبارزهٔ حیاتدن آزادہ بر عشق قادینی اولارق کوردک . حقیقہٴ سنک یانکدہ بوتون سفالتلرمی اونوتیوردم . اوقدر سنہلردن بری قاووشمق ایچین قوشدیغم عشق وخولیا کوشہسنہ آرتق واصل اولدیغمی حس ایدیوردم . روحک بکارتی سکا ویردم . بوتون حرارت صمیمیت وصفوتملہ سنک اولدم . بکا اصل عشق ، اصل ذوقی سن بیلدیردک . ایلک دفعہ اولارق بر آرکک نفوذینی حس ایتدم . سنی تام بر اہلی قیزی کبی سودم . سن بنم دکل ، بن سنک بر اسیرک اولدم وبوبکا نہ قدر سعادت ویردی !

« سن دہ کیتدک . فقط بنی بوتون معناسیہ « قورتارمش » ایدک . آلدیغک رسملرمک پارہسیلہ مونہ قارلودن چیقاییلمک امکانی حاصل اولمشدی . مامانی اوتلدہ رهن براقدم . صاندیقلمی آلامادم . یالکز بر صاندیق ووافق چانطہلرلہ ، بارمانہ ، اوتہ کی مراجہ جیلرہ کورونمہدن برکون ترنہ آتلادم . بیاریچہ ، اورادن اکس لہ بنہ کیتدم . بکا بویوک براوغور کتیرمشدک . بر ایکی آی ایچندہ قرق بیک فراتق قازاندیم . اکس لہ بندہ ، حالا کوزی کوزل قادینلردہ قالان اختیار دوشانہلک دوقتوری ممانعت ایتہمش اولسہ ایدی اونک بیلہ رسمنی یاپہ جقدیم . ہم رسملرم ہم ژانہ تسکک سیوری بورونی چیلغین بر موفقیت قازانیوردی . بوتون وارلغمدن ، اوافق بر قلمدایشمدن بیلہ عشق نہایت آکلامش ، ایستہ دیکنہ قاووشمش بر قادینک جاذبہ سی طاشدیغنی کندیمدہ حس ایدیوردیم . « قازاندیغمک یاریسنی بورجلرہ یوللادم . اوتلدن آنہمی

قور تاردم . اثوابلریمی اکس له بنه کتیر تدم . قالان یکر می بیک
فرانق ده بوبهالی حیاتک مصر فلرینه ، بنم توالترمه آنجق یتیشدی .
اوقدر که مونته قارلویه تکرار دوزرکن صاندیقلم اسپلاندید اوتلنده
ینه مرهون قالیوردی . مامان « چیلغین قلم » ایچین بنی
آزار لایور . بوسواره اثوابلرینی ، شاپقه لری ، ایپکلی کیجه لکلری
لرزمسز بولیور . آنسهمله هر کون مجادله بنی نه قدر یورغون
دوشور یوردی ، بیلسهک ، اودنیایی حالا کندی دارمحیطی ایچندن ،
کندی اختیار لغنک احتیاجسز قلری آرد سنندن کوریور .
آکلامایور که بوتون بو ظریف ، صوگ مودا شیلری سومسه ،
ایسته مسهم بیله چالیشمق امکاتنی بولاق ایچین اونلره محتاجم .
بالویه هر وقت عینی اثواب اینه ایتمک ، مودایی تعقیب ایتمه مک بنم ایچین
ناصل قابل اولور ؟ اوزمان یوزمه کیم باقار ، بکا کیم اهمیت
ویزیر و کیم بر رسم اصمازلار ؟

« مونته قارلوده ینه مراجه جیلرله بوغوشمه حیاتی باشلادی .
بر طرفدن اسکی آلاجه قیلری یاتیشدی رفق ایچین اوغرا شیرکن ،
بونلره «موسم» کلیر سه چالیشه بیله جکمی ، بور جلرمی یوکسک
فائضلرله اودهیه جکمی وعد ایدرکن دیگر طرفدن یکیدن پاره
بولاق لازمیدی . موسم کلیور ، حتی کچیور ، فقط هیچ بر
سپارش چیقما یوردی . دها غلبه لوق بر حیات بولاق امیدله بورایه ،
نیسه کلدیم . قوجه اوتل بوم بوش . دیرکتور آنسهمله بکا اوجوز بر اوطه
ویردی . مشتری بولونا جغنی تأمین ایتدی . مامان هر آقشام

تیره یهرك كوزلرمك ايچنه باقيور . بواوتل مصرفنى برسپارش
چيقنجه يه قدر كوچوچك تصرفتندن او ويرهك . ايلك
هفته عقيم برانتظار ايچنده كچدى . مامان اوتل نوطنى كورمك
بيله ايسته ميور . بنى محو ايدييورسك ، دييور . عادتا دارغين
برحالده برنجى هفتهك مصرفنى تاديه ايتدى .

» نيس مغازه لرى بوتون مزين وظيف شيلرى پك چوق
جاذبه لرله تشهير ايدييورلر . الكتريق ضيالىر آلتنده پارلايان بو
ويترينلرى سير ايتمك بنم ايچين نه بويوك براحتياج . حياتده اك
ذوق آلدنم شيلردن برى ده بودر . برمملكته ينى كلديكم زمان
ايلك ايشم بويوك جاده لرله چيقه رق دكان جامكانلرني سير ايتمك
اولور . حتى آر ككلره عائد كوزل شيلرى كورمك بيله بنى ممنون
ايدر . نيسده بوسنه نه لر يوق . كوركلر ، الماسلر ، اثوابلر ،
شاپكلر ، چانطه لر ، ده ا نه بيله يم بيك دورلوقادين شيلرى .
بونلرى قولايجه آلانلر ، بونلرك بوتون شعرينى ، ذوقنى
دويمادقلى حالده آلوب قوللانانلر وار . صوكره بن قارشيلرنده ،
عادتا بر عشق ايچنده اونلرى اوزاقدن سير ايدييور ، كلهك
هفته يه اوتل نوطنك ناصل اوده نه جكنى ، آلاچقيلرك ناصل
تسكين ايديله جكنى دوشونيورم . اطرافده ده بوتون بونلرى
تقديم ايتمك ايچين يالواران آر ككلر !

» رسام صفتيله اوتلده هيچ بر موفقتم يوق . فقط حياتى
سعيم ايله قازانمهي ايسته مه يهرك بر چوق قادينلر كى ياپسه ايدم

نه بويوك بر موفقيت قازانه جقمدم. بوار ككلار ده نه غريب بر خسته لئ
 وار. كوزل بر قادين كورونجه كنديلريني ضبط ايدميورلر .
 حتى اوليلري بيله قاريلرينك دقت ايتدولريني حس ايدنجه انسانه
 مصرانه باقيورلر . بوافليمك هواسي بويله ياپيور ديه جكم. بوراده
 عشقمن ، دبدبدن ، ذوقدن باشتمه برشيده يريوق . بو عالم ايجنده
 چاليشوب ناموسكارانه چكنمك : نه چوجو قچه ، نه كهنه بر خوليا!
 « مامان ايكنه جي هفته نك نوطني ده يته دارغين دارغين اوده دي .
 فقط « لانون » ده كوروب ده آلمقن كنديمي منع ايدمديكم
 موددل بر « آرميدي » شاپقه سي ايجين دزت يوز فرانكي ويرير لئ
 عصيان ايتدي . ايصهار لادينغ كوچوك بر « آرميدي » اثوابنك
 پارمسي ويرمه جه كنجي قطعيا سويله دي ونهايت اوتلي ترك ايدمرك
 كوچوك بر پانسيونه چكيلدي !

« ايرته سي كوني اوكله يمكني ناصل ييه جكمي بيلمز بر حالده
 اوتلده يابه يالكنز قالد . تزييه كيدمرك اثوابي آلمايه جغمي
 سويلدم . چوق شكره تام مانكن بويوكلكينده اولدينغ ايجين
 مشكلات چيقارمادي . پي ويرديكم يوزاللي فرانكي كري آلد .
 بوبكا نه بويوك بر ثروت كوروندي . فقط آقشام اوستي بويوك
 غيرطنه نك مقدمه سي باشلادي . اوتله دونديكم زمان هولده غالوي
 بولدم . بو ، قوندا مينده بر مرابجه جي ايدى . اوچ بيك فرانكي
 بورجمن قالان بيك بش بوز فرانكي ايسته مكه كلشدى . رهنسز

اقر اضلرده بولونماسی کندیسنی استعجاله، مساعده کارداورا نامغه
 مجبور ایدیوردی. دها اولده قازینویه مراجعت ایده جگنی،
 دخولیه ورقه می کری یه آلدیر تاجغنی، رزالت چیقاراجغنی قاباقابا
 یوزمه هایقیرمشدی. شیمدی بو رزالتی اوتلده چبقارمغه
 حاضر لانیوردی. هولده کی بوتون آدم لر، بوتون قاپچیلر
 وشاسور لر بزه باقیور لر ظن ایدیوردم. عادتا یالواردم. بر آز
 صبر ایتیه سی، ایلک آلدیغم پاره ایله کندیسنک بورجنی اوده یه جگمی
 تأمین ایتدم. بو کویلی قیافتلی، بو یهودی روحلی قبا آدم
 قابل دکل یوموشامایوردی. ترزیدن آلدیغم یوزاللی فرانغی کندیسنه
 ویردم. درت کون دها صبر ایتک ایچین، آی باشنه قدر بکله مک
 ایچین دیدم. نیچین بویله دییوردم، بیلیم. بر سوق طبیعی ایله،
 نه سویله دیکمی بیلیمز بر حالده آغز مدن بو کله لر دوکولیوردی.
 درت کون صوکره پارده یی اوده مزسه م اوتلده هر درلو رزالتی
 یاپه جغنی قطعی صورتده سویله یه رک خوموردانه خوموردانه
 کیتدی.

«اوکیجه یمک یه مه دم. اطرافده بر سورو «ژیغولو» دانسه
 دعوت ایچین دولاشیور لر دی. هپسی کندی ذوقنی دوشونیوردی.
 زواللی کوچوک ژانته بودنیاده نه قدر کیسه سه سز، نه قدر بیچاره
 ایدی. قولده قیمتسز بر آلتون خلقه قالمشدی. ایرته سی کونی
 اوننی زهنه قویدم. اللی فراتیق ویردی لر. قارنمی دیوورا بیلیم.
 اطراف یینه بر سورو آرککله ره دولو. هپسی عجول. هپسی ذوق

آلماق ایسته یور. بن بونلره کولرکن کوزلر مک اوکنده اوتربیه سز
غلونک هایقیران صورتی کور یورددم. نه یاپه جقدم ؟

« قولاغمدۀ ژاقل سوزلری اوغولدا یوردی : بویوک انکسار
خیال لر قارشیسینده قاله جقسکز ... نه وقت نومید اولور سه کز ...
ژاقه ، لهستانه عودت ایدیه یلیردم . اونکله اولنمکه موافقت
کوستره یلیردم. بو حیات ازدواجی خیالده پک کوزل تصور ایدیه یورددم.
قوجه قاری روحی ، مسکین بر قوجه ؛ قهقهه سز ، شطارت سز ،
جان سز بر او حیاتی ؛ هرشی منتظم ، یرلی یرنده اولاجق ؛ اؤک
تکمیل تفرعانه نظارت ایدیه جک. حالبوکه نیم اوطه می بر کور سه ک.
آرقه مدن چیقار دیغم اثواب بر صاندالیه نک اوزرینه آتیلیر. چورابلر مک
بری ماصه نک اوستنه چیقار ، بردانه سی بعضاً الکتریک لامبانه
آبازور اولور . اسقار پینک بر تی یا تاغک آلتنه قاچار. دولابلرم ،
چانطه لرم ، اوطه مده نیم کبی بر چیلغین ، نیم کبی بر آواره ! صوکره
رسمی ، پرهیزکارانه بر حیات . نهایت ، بر طرفدن پاپاسه اعتراف
کنانه ایدرکن دیگر طرفدن کیزی عشق انتریقهلری ، خایجانلی
بولوشمه لر ، سهویشمه لر ...

« بویله بر ازدواجک کنیدی می صاتمقدن نه فرقی واردی ؟
ژاقل نه دیه قاریسی اوله جقدم ؟ کنیدی سنی سومه دیکم ، برابر
کچیره جکمز حیاتک صوکنده کنیدی سنی آلداته جغمی شیمیدین
محقق ص. رتده بیلدیکم حالده اوکا ناصل عودت ایدیه یلیردم ؟ بویله
یپارسه م، کنیدی می بر قوجه یه صاتار سه م ، خیانته برده ریاکارلق

علاوه ایدر سه‌م او وقت دها اخلاقی می حرکت ایتش اولاج قدم؛
خایر، بو حیات اولی قادینلرک، ناموسلی قادینلرک اولسون بویله
بر ازدواج یامقدن ایسه سفالته پنجه لشمه‌نی ترجیح ایدردم .

نهایت صولک تردلرمی مغلوب ایدرک سکا مراجعت ایتمکه،
سندن پاره ایسته‌مه‌که قرار ویردم . بنم آرککم، بنم افندم ایدک .
سندن پاره آلمقدن هیچ بر حجاب دویمازدم . فقط بنی اوته کیلر
کچی بر قادین ، پاره ایچین کنی صاتان بر قادین ظن ایده بیلیمکه
احتمالی قارشیننده چیلدیری یوردم باشقه هیچ بر چاره کورم دیکم
ایچین سکا مکتوب یازدم .

« آرتق امنیته ، فنا بر کابوسدن قورتولش کچی، استراحت
و ممنونیتله بکله یوردم یملک پاره‌سنی فام دوشامبردن استقراض ایتدم.
جوابک بکله دیکم کونده کله‌دی. فقط غالو دقیقه شامیه‌رق کلدی.
کنیسنی تسکین ایچین کورور کورمز :

« — پاره‌کز حاضر ! دیدم . متردد ، یوزمه باقدی .
بکلیوردی . یوتقوندم :

« — بر آاز بکله یکز . شیمدی کله‌جک . . . صباحیلین
یوللایه‌جقلردی . . . شی اولدی . . . شیمدی کلیر .

« غالو ، بویله حیللره آلدانمایه‌جغنی ، آچیقندن آچیغه حیلله
کله‌سنی قوللانهرق ، سویله‌دکن صوکره هولده بر صاندالییه
یرلشدی :

» — شورادن بریره آرمایه جنم ، دیدی . بر آرزبکله یه جکم ،
صوکره نه پایه جغمی بن بیلیرم !

» چیلغینه دوندم ، او طه مه قاجدم . بو آدمک یوزینی کورمه مک
ایسته یورددم . جوابکی بلکه او طه مه کتیر مشلردی دی یورددم . فقط
هیچ برشی یوق . یالکز ، آرتق او کون فام دوشامبردن ده
استقراض ایده مدیکم ایچین آچ قالان معدمه مک از کینلکی ایله
آشاغیده بکله یین رزالت واردی . اللرمله باشمی طوته رق
صاللا یور ، صارصیور ، بر دقیقه سکونت بولمق ایسته یورددم . باشم
چاتلا یه جق کبی آغری یوردی .

» تلفون . بر حمله امید ایله قوشدم : آلو ! آشاغیده کی
موسیو سزی بکله یور ! کلیورم .

» آشاغی اینک ایچین باجاقلمک قوتی یوقدی . تیر یورددم .
قابل دهل ، قلدایه مایه جنم .

ایکنجی بر تلفون : موسیو بکله یور ! کیتمز سهم او طه مه
حقیقه جغمی ، قاپی اوراجغمی ، هر دورلو رزالتی یاپه جغمی محقق
بیلورددم . اعدامه محکوم بری کبی ، کندیمی بیلمز حالد یومدن
قالقمق قوتی بولایلدم . هوله ایندم . غالو کوزلری دونمش
بر حالد بنی قارشیلادی . آرتق باغری یوردی . سسنگ پرده سی
کیتدکجه آرتیوردی . اطرافدن متجسس باشلرک بزه باقدیغی حس
ایدی یورددم . دنیاده هیچ برشی قالمایور ، هرشی ییقیلیوردی .
چیلدیرمش کبی ایدم . بوغازم قوری یور ، باشم پاتلا یوردی .

اولدیغ پرده سندهله یوردم . بو حریفدن قاجق ، سهویله دیکی
سوزلری دویماق ایسته یوردم .

« بردن قارشیمده او حرب زنکینی یهودی بی کوردم .
مستیزی ، متجسس کوزلیله بی سیر ایدیوردی . یوزم آتشلر
ایچنده ، دلی کی کندیسنه دوغرو بر ایکی آدیم آتدم . کل
مسارعتله ، نازک ، بکا کلدی :

« — برشی می آرزو ایدیورسکز ، مادموازل ؟

« نه سویله دیکی بیلمز حالده آغزمدن بر طاقم کله لر حقیقدی :

« — رجا ایدهرم شو آدمک حسابی تسویه ایدیکز !

« ایشته سوکیلی به بی ، او آدمک حسابی بو صورتله تسویه

ایدلدی . بوپاره ، سکا روحنک بوتون عصمت و بکارتیله کلن تمیز ،

خیال پرست کوچوک ژانه تک جنازه آلائی ایچین صرف ایدیش

دیمکدر . چونکه او آرتق حقیقه اولمشدر ... »

ماتوره - غاروانه ، ۱۳/۴ شباط ، ۱۹۲۲




~~~~~  
حرب میدانی  
~~~~~


حرب میدانی

بوراسی افقلری کنیش ، سمایی بولوتسز ، کونشی براق بر
یشیل ساحه ایدی . طبیعت بوراسنی اینجه چنلر ، رنك رنك
چیچکلر ، براق چاپلر ، سرین وتازه اورمانلرله سوسلر لن
پك جو مردم داورا نیشدی . هرکوشه بر سعادت خولیایی
صاقلایورکی جاذب ایدی . هر طرفدن برچوق قوشلرک خوش
جیویلتیلری طاشاردی . امید ایله نیشئه دنیایه کلك اقتضا
ایتسه ایدی بوراده دوغاجقلردی . . .

بن بویشل کوشه یی قلبمده ، روحده طاشیورایدم .
برکوز ، بردن بره ، صانکه اوزون برسیاحتدن صوکره ، بو
یشیل ساحه قارشیسنده قالدیم . فقط اونی طانمادم . بوراسی مدھش
بر صحنه قتال ایدی . بوراده امان بیلمز بر حرب جریان ایتشدی .
نه چن قالمشدی نه چیچک . حتی طوپراقلر بیله آتش ودمیر
صاغاناقلری ایله دیدیک دیدیک قاریشمشدی . شیمدی بوراده
دیکن بیله یتیشمه یوردی . اورمانلر کوکلرندن سوکولمش ،
یانمش ؛ قایالر اوسته چیقمش ؛ اونلری خولیالی شعرلرینه

جانلانديران قوشلر باشقه ديارلره اوچش ایدی . چایلر قورومش ،
 قويولر زهرلنمشدی . نه بر دامله صو ، نه برداملا اوت ، نه ذره
 قدر اثر حیات . بوفلاکت و خرابی اولکاسنی کوزلردن صاقلامق
 ایستربی قاره بولوتلر افغلینی دارالتمشلردی هر طرفدن یوکسه لن
 زهرلی بر هوا سماسندن بر تک قوشک اوچماسنه بیله مانع
 اولیوردی . بر نوحه ماتم بیله یوق . درین ، سیاه ، زهرلی برسکوت
 و اولوم . . .

نسغ حیات ایله جوشغون ، بومسعود ، بوکولر یوزلی یرلردن
 ناصل بر تخریب اوردوسی کچمشدی ؟ بو صرصرک آرقه ده براقدیغی
 اولوم و خرابی یه قیاس ایدیلیرسه ، تاریخک اوقدر افترا ایتدیگی
 بویوک جدمز آتیلانک آتی بر مژده عمران کتیریور دنیله بیلیردی .
 خایر ، قلبدن مافوق بشری وحشی اوردولر کچمدی . بر توی
 کبی خفیف ، بر شبیم قدر حساس ، اینجه برقادین بوتون عشقیله
 کچدی . . .

ماثوره - غار اوانه ، ۱۰ کانون ثانی ، ۱۹۲۲

قارشىلىقلى نەلر دوشونيورلر . . .

قارشياقلى نەلر دوشونيورلر ..

طين عشق غزته سنك ۱ نيسان ۱۹۳۱ تاريخلى نسيخه سنده
ترتيب ايدىلن مسابقه نك زمينى « قادي نلر واركلر حقنده نه
دوشونيورسكنز ؟ » سؤالى تشكيلى ايدىيوردى . خانلر بكار
حقنده دوشوندىكلرينى ، بكارده خانلر حقنده كى فكرلرينى
يازاچقلردى .

غزته ، آلدىنى بر چوق جواب ايجندن شو ايكي ورقي
نشر ايتدى :

قادي نلر اركلر حقنده نلر دوشونيور

ع . ع . ديه امضا ايدن خام افندى دوشوندىكلرينى بزه
بروجه آتى آكلاتيور :

« اركلرمى ؟ بن اونلرى پك چوق سوه رم . حتى مشهور
بر سوزى بر آرز دكيشديره رك ديه جكم كه دنيساده اركل
اولماسه ايدى ايجاد ايتك لازم ايدى . دوشونكز بر كره . اركلسز
حيات ! بلكه كونس كورمه مكه ، بلكه تنفس ايمه مكه آيشيلا .

بیلیدی؛ فقط اولوتا کری دنیایی آرککسز براقش اولسه ایدی جان
 صیقیت یسندن پاتلا یوب کیتمک محققدی . آرکک اولماسه کیمکه
 ا کله نه بیلیرک؟ اونلرک هپسند ، ا ک قابلیت یسزنده بیله فطری بر
 او یونجی استعدادی واردر . دنیایه یالکیز مضحکه اوینامغه وسزی
 اکلندیرمکه کلشردر دنیله بیلیر . قوجه اولسه لرده تحف ، عاشق
 اولسه لرده نحف !

هله بر کره قوجه لری دوشونکیز . یکنسه لاقدن ، اطراددن
 سزی بیقدیر مالرینک امکائی یوقتر . هپسی بردورلو . کیمیسی
 عالمه قارشی آچیق فکری ، آوروپا دوشونجه لی کورونمهی سور .
 قادینلر نهیه اوده قایانوب قالیورلر مش ؟ قادینلر حیات اجتماعیه
 قاریشمالی ، آرککلرله کوروشمه لی ایمشلر ؛ قادینلر برملتک معیار
 مدیتی ایمشلر ، حاصلی برچوق ایمشلر ایمشلر . سزبو لاقیردی لک
 ایچ یوزینی پک اعلا بیلیرسکز . چونکه هرکسک قاریسینی
 سربسته جه سوقاغه چیقارابیلمه سی ایچین وعظلرده بولونان ،
 آوروپا حیاتی مملکت مزه صومعه یه چالیشان ، بومدیت حرکتک
 ا ک اوکنده یورورکی کورون بکلر اوده سز دیا مادقلری قیصقا نجلق
 صحنه سی برامازلر . بر آز آچیق ده قولته کیمه کزه بردورلو راضی
 اولامازلر . کنسیدیلرینک سزه تقدیم ایتدکلری آرککلرله
 کوروشمه کزی اوزاقدن عادتاً خومورداندقلری حس اولونان
 کوزلرله سیر ایدرلر . بوتون بو حیات ، بو آوروپا معیشتی پک ای .
 فقط باشقه لری تطبیق ایدوب کنیدیلری مستفید اولماق شرطیه .

صوکرده قیصقاچقلرینی ، خواسزقلرینی کیسه‌نک حس
ایتمه‌سنی ایستلر . هرکسدن صاقلامغه آز چوق موفق اولدقلری
بو ضعفلرینی ایچ طرفندن سیر ایتک آز بر اکلنجه‌میدر ؟
کندی خودکاملقلرینی ، کیفلرینی تأمین ایچین دورلو دورلو
قاعده‌لر قویملار . مادی باغلر مزیتیشمه‌یورکی اطرافزی معنوی
بر طاقم مانعه‌لرده تجهیز ایتملر . کندیلری ایچین هرشی
مباحدر . اوده‌کی خدمتچیلردن باشلایه‌رق اک یقین دوستلرینک
قاریلرینه وارنجه‌یه‌قدر بوتون قادینلرله‌مناسبت پیدا ایتمکده‌اونلر
ایچین بر محذور یوقدر . نه‌یاسینلر ، بو اونلرک یارادیلش‌لرینک
اقتضایی ایش . اراده‌لرینه صاحب دکلرملش . بوضروری برشی
ایش ، فقط هیچ بر اهمیتی یوقش . ینه بز ، قاریلرینی
سورلرملش ، هم چوق سورلرملش . به‌اوافق تفک ، اهمیتسز
کناهلرک عشقه ، عائله‌ محبته‌ دو قونور یری یوقش . فقط بوتون
بونلر صرف کندیلری حقنده قابل تطبیق بر طاقم احکامدر .
عینی محاکمه‌ی قاریلرینک‌ده یوروتمه‌سنه هیچ قائل اولامازلر .
نلر بولوب سویله‌مزلر . دین وارملش ، اخلاق وارملش ، ناموس
وارملش وبالحاصله ، قادین باشقه ایش . ناموس دنیلن برشی نه
غریب بر موجودیت‌له عینی معامله آرککدن صادر اولورسه
بوکا دو قونما یورده قادیندن صادر اولدیغی وقت قیامتار قویور ؟
نهن ایه آرککلر اولدقلری کی کورو نمکدن هیچ
خوشلانمازلر . کندیلرینی توصیف ایچین « جنس قوی » تعیرینی

بولمشلر. حياتك بوتون کوچوچكلريني بزه براقهرق كويابو كجي عادى
دوشونجهلره قارشى برزراهيله مجهز، قوى اولدقلىريني آكلاتيرلر.
كوستريشى سوهن بز قادينلر، مداهنه دن خوشلانان بزز،
سوسله ن بزز، قيصقانان بزز، كوزل وكنج كورونمك ايسته ين
بزز، ياشلر يزمى صاقلانان بزز. فقط عجب ار ككلر بوتون بو
ضعيف نقطه لرده بزدن كرى قاليورلرمي؟ اونى كلكدده بر كره
بزه، اونلر ك ايچ يوزيني سير ايدن قادينلره صور كز. حرب
عموميده مجله لرم دن برينك قوجه سي آرتق عسكره چاغيرمايه حق
برياشده اولديني حالده صرف بر قاچ ياش كنج كورونمك ايچين
تذ كره عثمانيسي تصحيح ايتديره رك بدل نقدي ويرمكه قاتلاندى!
صوكره كيم بيلير، بو ار كك، قادينلر ك ضعفى ايله كو كسنى كره
كره قاچ كره استهزا ايتمشدر؟ بزم پودر الرمزله، قرمىزى
قلملر رمزله، قره ملر رمزله اكله ن بكلر بيقارينك آقلىريني بلكه
هر كسك ايچنده آيقلا مازلر. فقط بونى بزدن ده كيزله ملر يينك
امكانى وار ميدر؟ بزي كوزل كورونمك چيلغينلغنه مبتلا ديه
تلق ايدن ار ككلرى عجب ايسته ديكمز كجي اويناته حق صور تده
يك قوتله كنديمز مرتبط ايتك ايچين كوزللكلر ينه حيران اولديغىمى،
اونلر دن كوزل بر كيمسه كورمه ديكمزى سويله مكدن اى بر
واسطه وار ميدر؟ ار ككك پاره سنى، عشقى، صداقتى هر شيئى
استخفاف ايديكز، فقط جاذبه حسننه دو قونمايكز. نه قدر
چير كين اولور سه اولسون، بو چير كينلكنى كنديسى بيله نه قدر

تقدیر ایدر سه ایتسین، اونك قاشلرنده ، دیشلرنده ، اكسه ستمه ،
 حاصلی بر طرفنده مستثنا بر كوزلكك ، بزی جلب و بند ایدن
 بر كوزلكك بولكز . بو اونك غرورینی ، عزت نفسی تطمینه
 كافیدر . غروری اوقشایلان بر اركك ایسه آغزینه قانطارمه
 كچیریش بر كخیلان قدر عاجزدر ؛ الكزده اسیردر .

حلبوكه اونلر بزه بر اسیردن فضله بر پایه ویرمهك
 فكرنده درلر . اونلر ك بو آرزولرینه واعتقادلرینه رغماً آووجلرمزك
 ایچنده ایتدیكمز كی كندیلرینی اویناتمق بزم ایچین نه قولای بر
 ایشدر . اواخر جنده اكلنجه وذوق آرامق اك بویوك درددرلیدر .
 فقط هم بونی یاپارلر ، هم اودلری قویار . بزه برشی حس
 ایتدیرمهك ایچین یوزمزه بر چوق كولرلر . بن قوجهك
 مقدمه خیانتنی ابتدا بكقارشى معامله سنك اعتیاددن فضله بر حرارت
 والتفات آلمه سندن سزهرم . برقادین ایله بولوشمغه كیده جی
 كون حالنده صاقلامغه چالیشدیغی بر فوق العاده لك واردر . هرشیء
 غایت طبیعی كوسترمك ایستر . ایشی اصل بو یاپدیغی غیر طبیعی
 غیر تملرله كندیمی افشا ایدر . مستهزی كوزلرمله حرکتی تعقیب
 ایدهرم . بعضاً دقتمك فرقنه واریر . شبهه نیر ، قورقار .
 شبهه لریمی آوونمق ایچین اوغراشدقجه بوتون بوتون صیقیتی
 ایچنده قالیر . زواللی دهها بر ذوق دویمادن بیک دورلو اوزون تولر
 كچیریر . صوكره ایشی قضاء بر آز فضله میدانه اوردیغی زمان
 بیک دورلو قیصقاچلق غوغالرینه معروض قالیر . آغلار ، صداقتدن

آیرلادیغنی سویلر ، یمینلر ایدر . حالبوکه بکا هیچ برشی بورجلی
اولمادیغنی ، چوقدن بول بول اوده شمش اولدیغمزی هیچ بیلمز .
ینه حقلی بن ایم ، یالواران اودر . بن ده آغلارم . فقط بنم کوز
یاشرم دویدیغم اضطرار بدن دهل ، قهقهه لریمی بوغمق ایچین صرف
ایتدیکم غیرتدن در . صوکره عفو ایدن ده بن ایم ! هرقادینک
پیشندن قوشارلر . بوتون اوغراشدقلرینه موفق اولورلر . اک
عظمتلی ، وقارلی و پرهیزکار طاینان خانم افندیلرک نهایت برکون
لطفاً سهویلهکه مساعده ایتدکلرینی کورورلر . دوشمزدقادر
یوقدر اعتقادینی بسارلر . فقط کندیلرینک اولان برقادینک
کندیلرینی آلداته بیلهجکینی خاطرلرینه کتیرمزلر . بوراسی
ذهنلرینه صیغاماز . کندیلری اوقدر کوزل ، اوقدر ذکی ،
اوقدر قیمتداردرلرله عشقلرینه نائلیت شرفی قازانان برقادین
قابل دکل آرتق باشقه بر آرککک یوزینه باقمه ماز . هرآرکک
کندیسنی دنیاده بردانه اولارق یارادلمش ظن ایدر . کندیلرینک
اوستنه باشقه بر آرکک سهویله مز . هرقادین کندیلرینی بکدنیر ،
فقط برقادین برکره کندیلرینک اولونجه آرتق الی الابد اسیرلری
قالیر . نفسلرینه قارشی اعتمادلری ، غرورلری بوقدر بی پایاندر .
بیکلرجه تجربه اونلره هیچ برشی اوکرتمز . قاریلری ، سودکلری
طرفندن آلداتله : بو هرکون واقع اولور ، فقط یالکز
باشقه لرینه !

عینی غرودی ، عینی کولونج اعتمادی عشقدهده کوستیرلر .

دویدقلری اڤ بویوک افتخار بزم «ایلك» عاشقمز اولمالیدر. یاشمز
 اوتوز، قرق، نه اولورسه اولسون، اونلر ظن ایدرلرکه،
 اونلر اینانیرلرکه اووقته قدر صرف کندیلرینی بکله یهرک یاشادق.
 اطرافزده دولاشان ارککلرک هیچ برینه یوز ویرمدک. محافظه
 عفت ایتدک. فقط کندیلرینی کورونجه اراده مزه صاحب
 اولامادق. ایچمزده کی عفت وحیا حسیله جنککشدک، بویوک
 بویوک مجادله لرده بولوندق. نهایت کندیلرینک جاذبه سی، کوزلاکی
 اوقدر مقاومت سوزایدی که بوتون اخلاق، عنعنه، ازدواج رابطه لری
 آیاقلر آلتنه آلهرق اونلرک قوللرینک آراسنه دوشدک! هپسی
 بونی ایستلر وهپسی بوماصاله اینانیرلر. تصادفی اولهرق، برقادین
 بر آرز خالصانه داورانیزده اولجه برینی سومش اولدیغنی اعتراف
 ایدرسه اوزمان اونلرک دوداقلرنده بویوک بر سقوط خیال
 آجیلری کورور. چهره لرنده درحال بر استخفاف اثری نمایان
 اولور. آرتق بر قیمتکز قالماز. چونکه آداب موضوعه
 قواعدینی کندیلری ایچین پارچه لایان برقادین معذوردر،
 حتی معزز ومحترمدر، مقدسدر کندیلری ایچین - صوغوق
 بر تعبیر ایله - بر «معبوده» در. فقط بونی باشقه بری ایچینده
 یامیشسه اوزمان عادیدر، اخلاقسزدر. ایشته ارکک ذهنیتی...
 ارککلر قولایلقه جواب موافقت ویرن قادیلردن خوشلانمازلر.
 دهادوغروسی بویله برقادین حقنده یوکسک بر فکر بسله مزلر.
 ارککلره قارشی عفتفرو شلق مضحکه سی اوینامق ایستر. صمیمیته

دكل جعليته مفتوندرلر . اونلره توزلى اسقارپينكزك اوجنى
 اوپدريمه يي بيله بويوك بر لطف ، بويوك بر فداكارلق ديه
 كوسترمليسكز . هيچ بر فاتحك كيره مديكى مُتبع التسخير بر
 قطعه يي اله كچيرمش بر جهانكبر اولق خولياسنه دوشمه يي پك
 سورلر . دوداقلرين يوزمه سورده بيلمك سعادتي ايچين آيلرجه
 يالواران ، آغلان بر زواللى يي شمدى پك اعلا تحظر ايديورم .
 بركون سوزلرينك تاثير سحر آلودى آلتنده آرتق بوتون
 قيودات اجتماعيه يي ، وجدانله جنكشه جنكشه ، چيكنه مكه
 راضى اولمش بر طورله بر دالغينلق ايچنده يوزمى اوزاير كبي
 اولشدم . دوداقلرى سورولور سورولمز ، برموقت سرخوشلقدن
 آيليور كبي كوكسندن ايتهر ك يرمدين فيرلادم ، اللرمى يوزمه
 قاپادم . قانابه نك اوزرينه كنديمى آتدم . كوزلر مه ايبي دامله
 ندامت ياشى كترمك ايچين دوداقلريمى بوتون قوتله ايصيريوردم .
 اوزواللى آبدالى كورمليدى . دنيانك اك بويوك ، اك نادر بر
 نعمته نائل اولمش ، شيمدى يه قدر بوتون هجوملره دايلانان متين
 بر قلعه يي صارصمش بر آدم سعادتي وغروريله اوكمده ديزچوكمش ،
 عفو ايت ، عفو ايت ! ديه يالوار ييوردى . . .

بو ذهنيت بر آرز صافدلك ، بر چوق رياكارلق وحيوانى
 بر حرص علاوه ايتلدير كه لوحه تمام اولسون . ار ككلر بر قادين
 كورور كورمز كنديلرندن كچرلر . كوزل ، چيركين : بوكله لرك
 اونلر ايچين بر معناسى يوقدر دنيابه يلير . هر ار ككل كوزللى

تعیین خصوصندہ کنڈیسنہ کورہ بر اولچوسی واردر .
 بو اولچونک نامتناهی صورتده محولی سایه سنده درکه الک مایمون کی
 بر قادین بیلہ اوغورنده هر دورلو فدا کارلغه حاضر بر عاشق
 بولابیلور . فقط کنڈیسنی صائمہنک یولنی بیلیمک شرطیلہ .
 قادینلرک بوتون موفقیتی کوزلک چیرکینک مقیاسیلہ دکل، آرکک
 نظرندہ کنڈیلرینہ بر قیمت ویرمه سنی بیلوب بیلیمه لری ایله
 اولچولمک اقتضا ایدر . آرکک ایله بر آز کوروشدیککز زمان
 اونک در حال کوزلرینہ بر دیکشکلک کلیر . اوراده سزنی یلمک ایستر
 کی باقان ، سزه مالک اولمق ایستہین حیوانی بر حرص آتشی
 پارلار . او آرککک اتلرنده ، قاننده بو شیطانک دوغدیغنی
 کوردیککز دقیقه دن اعتباراً آرتق اوسزک ایستہ دیککز کی
 اکلنه بیلہ جککز براویونجاغکز اولشدر . بو آتش ایله اویناهق
 سرینی بیلن بر قادین ایچین بر ارکیکی چیلدیرتمق ، سنه لرجه
 پیشنده دولاشدیرمق ، اوکا دورلو دورلو دلیلکلر یاپدیرمق قدر
 برشی اذلاماز . زواللی قادینلردن بعضیلری بو آتش ایله اوینارکن
 پارماقلرینی یاقیورلر .

بویله بر تہلمکدن صاقینہ بیلیمک یولنی بیلن قادینلر ایچینده
 آرککلرک عشقی دنیانک الک بویوک بر اکلنجه سنی تشکیل ایدر .
 آم ، ایچلرنده نه قدر بحر کسزلی ، نه قدر آلیقلری واردر ؛
 سزدن خوشلانیرلر ، سزک ایچین اویقوسز قالیرلر ، چیلدیرلر ،
 اطرافکزده سنه لرجه دولاشیرلرده بر دورلو آغزلرینی آچوب

برشی سویله به مزلر . فرضا بر دورلو الکیزی معنالی بر صورتده
 صیقمق ، آياغکزده باصایلمک جسارتی کوستره مزلر . دويدقلى
 عشقى سزه بللی ایتمه مکه چالیشیرلر . حالبوکه سز اونی دها ایلك
 دقیقه سندن آکلارش ، او عشقه حسن مقابله کوسترمک هوسنی
 ایچکیزده چوقدن دویمش سکیزدر . قادینلق غروری ، حجابی
 ایلك آدیعی آتمقدن سزى منع ایتمکله برابر ، فرقنه وارمایورکی
 کورونه رک کندیسنى تشجیع ایتمدن کری قالماسکز . فقط او آلیق
 نه بونی آکلار ، نه کندی حسابنه بر جسارت کوستیر . یاواش
 یاواش ایچیکیزده کی حسن مقابله هوسی بویور ، قوتله نیر ، شدتلی
 بر آرزو شکلی آلیر . عادتاً: هایدی بر آرقیمیلدا ! دییه باغیرمق
 ایسترسکز . اوبونی ده فرق ایتمز . کیزلی کیزلی ایچنی چکر .
 اطر افکیزده محجوب ، جرأتسز ، بجرکسز ، دولاشیر . نهایت
 برکون اونک تولید اییدیکی ، اونک بسله دیکی ، اونک شدتلندیردیکی
 بو هوس سزى دها بجرکلی ، دها کوزی آچیق برینک قوللری
 آرا-نه آویوریر . آرتق اوسرسم ایسته دیکی قدر سزى سوسون
 دورسون . شاید برشی حس ایتمک قالدق اولورسه آله جنى
 جواب ، مستزیا نه بر قهقه دن عبارت قالدق قدر . بعض اُرککلر
 نه بویوک سعادتله سورونه رک کچرلده فرقنه وارمازلر . بعض
 خانم افندیلرک وقاری ، کوستریشی ، هاله عفت وعظمتی
 قارشیسنده عاجز ، زبون قالیرلر . بوتون جرأتلرینی غائب
 ایدرلر . فقط ایچ یوزینی بیلسلر ، آم ، آلیقلر !

« یا صحیفه صحیفه مکتوب یازمق علتنه طوتولمش اولانلره
نه دییهیم ؟ بونلر عجباً سزه می عاشقدرلر ، یازی یازمایه می ،
بوراسنی تعینده بعضاً ترددلره دوشیورم . آرککلر برده « تمیز
ویوکسک عشق » ایجاد ایتشلردر . سزه صاف و لاهوتی بر
عشقدن بحث ایدرلر . غیر صاف و غیر لاهوتی عشق کله سنی آغیزلرینه
آلیرلر سه کویا بزه بر حقارت ایده جکلر ظننه دوشرلر یا خود
بوطنی بسلیورکی کورونورلر ، فقط بوتون آرزولری ، حرکتلری
هپ بو غیر صاف و غیر لاهوتی عشقه منتهی اولمایه معطوفدر .
کویا کندیلرنده اوله فنا ، عادی حسلر بولونما دیغنی ظن ایده جکلر .
هم یحین بیلیم ، زواللی عشق ، هانی شو هپ بیلدیکمز ، هپ
تطبیق ایتدیکمز اصل عشق نه دن بوقدر عادی ، بوقدر فنا
اولیور ؟ اکر بوفنا ، مردار ، عادی برشی ایسه نه دن اوسماوی
خولیلر ایچنده یاشار کورون شاعرلر مز ، یوکسک روحلی
بکلر مز بزی هپ اونتیجه یه سور و کله مه یه چالیشیورلر ؟ فقط
نه یاپسونلر ، بزی آلداتمی ایچین اونلر بویولی طوتما ی پک
قورنازجه برشی ظن ایتشلردر . آرتق بویله سماوی بر عشق
موضوعی اوزرنده بربری ایچین اش اوله رق یارادلمش روحلر
ماسالنی دیکله یکنز دوریکنز . سزک روحکنز بر معبددر ، اونلر
بومعبدک اشیکنده دیز چوکشلردر ، نه بیلیم ، ده ا نهایی گلر
برچوق جمله لر وادیاتلر . . . یازارلر ، یازارلر . اوقورسکنر .
اکله نیرسکنر . ایشه اوقدیر . بعضاً : آرزواللی شاعرم ، براق

شو کوزل لافلری ، بر آزی یوزینه این ! دیمک ایسترسکز .
 او ظن ایدرله سز اونک کیم بیلیر قاچنجی طبعی اوقود یغکز
 سوسلی جملهلرینک موسیقی ایله سر مست و مغلوب اوله جقسکز .
 حالبوکه آیلرجه دوام ایدن بوتون او مخبراتی بر طرفه آتسه لرده
 بر آن ایچنده بر قادینک تا قلبنه قدر کیرن صیجاق صیجاق بر
 باقمه یی او کر نسلر نه یی اولوردی !

« یا خودکاملقلری و مرأئیکلری ؟ دنیاده بوتون ذوق
 کندیلرینه حصر ایتمک ایسترلر . اورته به بر چوق قواعد
 قویملر در . بوتون بو قواعدک ، اخلاق غایه سی ندر بیلر میسکز ؟
 باشقلرینی ایناندیروب ، باشقلرینی بو عنعنه ، دین ، اخلاق کی
 قیودات ایله باغلا یوب کندیلرینی سربست بر افاق و راحت
 ذوق یاب اولماق ! بن دنیاده هیچ بر آرککک هیچ بر قید ایله
 باغلی اولدیغنی کورمه دم . دنیاده هیچ بر ملاحظه یوقدرکه بر
 آرکی خوشالاندینی بر قادینه مالک اولماق تشبشدن واز کیره .
 بیلسین . بر آرککک خوشالانمایه جنی بر قادین ده تصور ایدمه یورم .
 کندی آرالرنده قونوشدقلری زمان همزه بر چوق قصور
 بولورلر ، مشکله پستد داورانیرلر . بویله کورونمهی ، هر قادی
 بکنمه می ذوقده بر اینجه لک علامتی دیه تلقی ایدرلر . فقط
 آرقداشلرینک یاننده بکنمکلری قادینی ، کیمسه نک دوبمایه جغه
 امین اولدقلری زمان ، الده ایتمک ایچین یامادقلری قالماز . بویله
 املقه برابر آغیزلرندن دورلودورلو اخلاقی سوزلر اکسیک اولماز .
 آرککلرمی ؟ دوغرو سنی ایسترسه کز پک مسخره مخلوقلردر ! »

أركان قادنلر حقنده نه دو شونيو دلو ؟

ل . م . امضای قارئین قادیان حتمه دوشونداکرینی شو
صورتله ایضاح اییدیور :

« قادیلمی؟ پک کوکلسز مخلوقلر . بونی اونلر بزم ایچین سویلرلر . برأر ککک بایسلمه ادینی قادینیه قدر دیرلر . حالبوکه ای ندیق ایدیلر سه ایشده مشکلسندلک اُرککلرده قالدینی کورولور . اصل کوکلسز داورانانلر قادینلردر . اون سکز یکر می یاشنده کنج قیزلرک اللی آلتش یاشنده اُرککلره وارد قلینی ، حتی بونلری سودکلرینی پک چوق کورور سکز . فقط کنج برأر ککک بویله یاشلی بر قادینی آلماسنه پک ناد . تصادف ایدر سکز . اُرککلرک کنجلیر دکل یاشیلیری بیله هر قادین ایله اولنمکه قولای قولای راضی اولمازلر . هر اُرکک اوله نه جکی زمان کوزل قادین آرار . بولور می بولمازمی ، اورا نی بیله م . فقط عمومیتله اُرککلرک اوله نیرکن دقت ایتدیری شی کوزل لکدر . قادینلر ایسه دها زیاده موقعه ، ثروته اهمیت ویریرلر . » بر درهم ات بیک عیب اورتر « ایسه اُرککلرده عیبی اورتن ، مسامحه ایله تلقی ایتدیرن

شي موقع و ثروتدر. بر چوق كنچ قيز اولنه جكلري ارككلرده
 زنكینلكندن باشقه هیچ بر شرط آرامایورلر. كندیلرینه كوزل
 الماسلر، زنکین توالترنآمین ایدم بیله جك، آرابه یا خود او تو مو بیل
 آلا جق، آوروپا سیاحتی یادی رابیله جك بر قوجه بومزیتلری
 سایه سنده پك چوق عییلربی عفو ایتدیرم بیلر. بر كنچ قیز
 بیلورم كه كندیسنی ایسته یین زنکین برینك تكلیفی قبول
 خصوصنده آناسی باباسی متردد ایدیلر. چونكه داماد بك پك
 چركین ایدی. كوچوك خانم ابوینك بو ترددلربی ستمكارانه
 اعتراضلرله قارشیلادی: آنام بابام بزم راحت ایتدیكى
 ایسته مه یور دییه آرقه دن آرقه یه سویلندی. آرابه لی بر قوناغه
 كلین كیتك هوسی او غورنده اوبا كر كوزللكنی قوجه سنك چركین
 دوداقلرینه ساتدی. ارككلرله قادینلرك محاکمه لری آراسنده کی
 بوفر ك ارككلر مزكده احوالی قادینلر مزكده اعملی دوشونجه لرندن
 ایلری كلوب كلمه دیكنی تدقیق ایده جك دكلم. حیات اجتماعیه
 نقطه نظرندن هانکی مطالعه نكده ا مفید اولدیغنی ده هیچ
 آراشدیرمایه جنم. یالكنز بوراده موجود بر وقعه یی مشاهده
 اینله كتفا ایدمرك دییه جكم كه اوزم شاعرانه خولیلر مز ایچنده
 علوی طبقاته یو كستدیکمز اینجه، سماوی خانم افندلر مز پك مادی
 دوشونمكدن هیچ كری دور مازلر. شعرو خیال دن زیاده كوستریشك
 مفتونیدرلر. ارككده كوزلاك اونلرجه ایكنجی درجه دهه لایبیه جك
 اهمیتسز بر عاملدر. موقع، شهرت: ایشته اونلری جذب

ایدن شی . قادینلر آرمه‌سندگی موفقیتی ایله مشهور اولان بعض
آدملرک یوزینه اوزون اوزون باقارم . شو آدمک‌النده مشهور
برقم یاخود کسکین بر قیلیچ اولماسه ایدی شونک اوزرندن ناظر
اونیغورمه‌ی اوته‌کنک آلتندن اوتوموبیلی ، بریکنک جبندن
بانقه مودوعات جزدانلری آلنسه ایدی عجبیا خانملر کنیدیلری
ایچین ینه قیریلاجقلرمیدی ؟ دییه دوشونورم . قادینلر ناصیل
مودایی کور کورینه تعقیب ایدرلرسه موقع ، شهرت و ثروت
صاحبی آرککلرکده آرقه‌سندن اویله کور کورینه کیدرلر .
عظمتلری ، وقارلری ، جدیتلری آنجق طالعک لطفلرندن محروم
قالمش زوالیلره قارشى میدانه چیقارتیلان پاسلی برسلاحدر .
مشهور وزنکین آرککلر قارشیسنده بوسلاح هیچ قوللانماز .
برتمایل وعشق آثاری هانسی آرکک طرفندن کوستریلسه برقادینی
منون ایده‌بیلر . فقط حیاتده یالکیز اخلاق و سجه کوزللیکنه ،
حتی مادی کوزللیکه مالکیت ایله قالمق فلاکته اوغرامش اولانلر
طرفندن کلن بواعلان عشقک استخفاف ایله تلقی ایدیلمه‌سی احتمالی
پک چوق اولدینی حالده موقع ، شهرت و ثروت صاحبی برآرککلک
حتی قابا ، حتی تربیه‌سزجه اظهار ایدیلمش بر آرزوسی کمال مسارعتله
قبول ایدیلر . سزک نزیه ویوکسک خولیلرک تشکیل ایتدیکی
برهاله عفت ایچنده کوکلرده یوزرکی تمیز کوردیکسکیز ، عشقکیزی
اعتراف ایتکله کنیدیسی ایچیده بیلمکدن قورقدیغکیز قادین

موقع ، شهرت و ثروت صاحبی بر آرککک برکون برکیف و هوسه
 قاپیلهرق اوزاندیغی بر ال ایله بلاتردد سوروکه نیر کیدر .
 » بر قادیندن خوشلانیرسکز ، اونی سورسکز ، فقط
 کندیسنی قوجه سنه ، آداب موضوعه یه ، اخلاق اجتماعیه او قدر
 رعایتکار کورورسکز ، قوجه لینی آلداتان ، محبه لینی قوجه لیه
 مناسبات عاشقانه ده بولونان قادینلر علمینده او قدر متفرانه سوزلر
 سویله دیکنی ایشیدیرسکز که بوتون کوردکار کز آراسنده بونک
 بر استئنا تشکیل ایده بیله جکنه احتمال ویررسکز . بسله یککز
 آرزویی حس ایتدیرمکدن بیله چکنیر ، ایشک نره سندن باشلامق
 لازم کله جکنی بر دورلو کس دیره مزسکز . دنیانک اک زور واک
 دوشمز قادینی کی کورون بوسو کیلکز ، نهایت هیچ
 اومولمایان بر قولایلقله سزک اولدیغی زمان آکلار سکز که سزک
 اظهار امل ایتمه کزه اوچوقدن متها لکانه منتظر ایدی !

» ۱-۱-۱ اخلاقیه رعایت خصوصنده پک یوکسکدن
 آتان قادینلردن بن دائماً شبهه لیرم . چونکه پک چوقلری ،
 بویه داورانیرلر سه کندی کناهلرینه نفوذ ایده بیله جک شبهه
 نظرلرینی باشقه طرفه چه ویره بیله جکلرینی امید ایدلر و طانیدقلری
 بر قادینک قوجه لینی سویورلر سه اوقادینه دهاچوق صوقولورلر .
 اونک اک عزیز دوستی اولمغه چالیشیرلر . صوکرده قباح
 آرککلر کدر . آرککلر فنا ایمشله ، آرککلر قاریلرینی آلداتیرلر مش ،
 آرککلر یالان سویارمش . آرککلر قاریلرینی ، سودکلرینی

آلداتورلر سه عجباً بو كنهى يالكنر باشلرينىمى ايشلەيورلر ؟
 عجباً قادينلر بوايشده كنديلرينه شريك جرم اولمايورلرمى ؟
 ظن ايدەرم نه عدالت ، هيچ اولماز سه قباحك ارڪك ايله قادين
 آراسنده مشتركاً تقسيم ايديله سنى ايجاب ايدر . حالبوكه ايشك
 حقيقتنى بيلمك قابل اولسه ! عجباً ارڪك ايله قادينك مناسبات
 عاشقانه سنده حقيقى ايلك آديم كيمك طرفدن آتيلير ؟ ارڪكلرك
 دنيله جك . ظامراً چوق كره بويلەدر . فقط قادينلرك بوتون
 دوشونوشلرى ، ياشايشلرى ، كينيشلرى ، حركتلىرى هپ
 بىزى مجلوب ايتك غايه سنه معطوف دكلميدر ؟ بونى حتى كنديلرى
 بيله حس ايتەدكلرى وفرقنه وارمادكلرى حالده بويلە يامازلرمى ؟
 » نجه اك بويوك ذوقلردن بىرى بر قادينك اطرافنى تسخير
 ايچين بئكه ده سوق طبعى ايله ، بيلمە يرك ، فقط چوق كره تاماميله
 قصدى صورتده ياپدينى غيرتلىرى ، مجادلەلىرى تعقيب ايتمكدىر .
 اوده خدمتچىي اك قاباكلەلرله پايلايان بو ظريف خانملر حوشه
 كيتمك ايسته دكلرى زمان سزه قارشى نه طاتلى ديلىلى ، نه نازك ،
 نه اينجه روحلى اولورلر . رومانلرده ، منظومه لرده كورولمش اك
 يوكسك خوليلارى ، اك شاعرانه امللرى بنمسه مش داورانيرلر .
 هر حالده ارڪكلردن دها دنيوى ، دها ارض اوزرنده ياشار ،
 دها مقصد وحتى دها پك چوق خسيس اولدكلرى حالده بوكى
 عادى ، يابانچى دوشونجهلرك اونلرك حياتنده هيچ موقعى اولمادىغنه
 سىزى اينانديرمغه چاليشيرلر . اك بويوك اعلانات آجتهلرينى

کریده براقه جق صورتده کندیلری ایچین اویا ره قلام پایشلری وارد که هیچ نظر دقه چارپماز. باشقه قادینلارده مدح ایتدکری کوللار هپ کندیلارنده موجود اولانلردر. آزاجق تودیعی اسرار و دیسنه کیشیلرله باشقه آرککارک کندیلرینه قارشی حس ایتدکاری بویوک عشقلردن، اولوملر قدر یوکسه لن احتیاضلردن، کندیلرینک اللریخی، کوزلریخی...، نه قدر چوق بکشدکارندن بحث ایدرلر.

« بوقدر قورنازلقلری، ایجه لکلی، نفوذ نظرلری ایله برابر، ناصل دیهیم، اذکی قادینلرک بیه بر آبداللق طرفی وارد. سزک کندیلریخی سودیکسزه او قدر چابق اینانیرلره... بر قادین ایچین دنیاده هرشی یالان اولابیلر. فقط بر آرککارک کوستردیکی مفتونیت مطلقاً دوغرودر. ظامراً بوکا اینانیورکی کورو نزلر. سز، دویدیغکز حساک صمیمیتی حرارتلی یمینلره تأمین ایتمکه چالیشیرکن اولارده مسهزیانه بر تسمه تصادف ایدر سکز. فقط بو استهزا، یوزلرنده کی ممنونیت وغروری اورتمک ایچین بر پرده در. تطمین ایدیش نخوتک کیزلندیکی بر نقابدر. بر قادینک ذهنی هرشی آلیز، فقط آرککارک کندیسنه مفتون اولمایه جی دهننه صیغاماز.

« فقط نه قدر قصورلری اولور ه اولسون، بعض قادین دشمنلری نه دیرلرله دیسینلر، بن اوفکرده یمله دنیاده قادین اولماسه ایدی حیات یأس انکیز بر چولدن عبارت قالردی. حیاتی

سوسله‌ين، حياتی بوقدرشايان آرزو برحاله کتيرن شی ینه قاديندر .
 قادين اولماقدن صوکره شانی ، شهرتی ، ثروتی ، صحتی نه ياپديم ؟
 پاره‌نک بر قیمتی وارسه اوده بر قادينک خوشنه کیده بيله جک
 سوساری ، زينتاری تأمین ایتمکه ياراماسندن ایلری کلیر . صنعتده ،
 علمده ، سیاسياده بوقدر چالشمه مزك اڭ بويوك عواملند : بری ،
 بوتون شرف موفقيتمیزی سوديکمز قادينک آياقلىرى آلتنه آتهرق :
 « ايشته بونلر سنك ؛ بنده سنكم ؛ بنی ياشاتان ، چالیشديران
 سنسك ، حياتك يكانه زنبركی سنسك » ديه بيلمك دكليدر ؟
 سوديکمز قادينک بر خفيف اوقشامه‌سی بزه مبارزه حياتك اڭ
 زحمتلی دیديشمه‌لرينی اونوتديرير ، اڭ يوكسك بر مكافات تشکيل
 ايدر . ماديّات عالمنده ضيا نه ايسه معنويّاتده : قادين اودر . بزم
 وارلغیزی تنوير ايدن قاديندر . قادينسز حيات : ابدی بر قارا کلک ،
 آجیسی حسن ايدیلن بر اولوم .

« اطرافکزه بر باقکيز . قدينلری حيات عموميه واجتماعيه دن
 چکوب آيیران شرق ايله قادينلرک حکمران اولدقلى غربی بر
 مقایسه ايدکيز . بزم طرفده نه مزمن بر انحطاط ، نه دولماز بر
 بوشلق ، نه تلافی قبول ایتمز بر اکسيکک ، اوتة طرفده غرب
 شعشعه و مدنيت ايچنده ياشايور ، ياشامه‌نک ، راحت ایتمه‌نک ، حياتدن
 ذوق آلمه‌نک وعینی زمانده چالیشمه‌نک و ایلری کیتمه‌نک يولنی
 بيليور . بزده‌کی درين اولوم سکوتلرينه مقابل اورالردن قهقهه‌لر
 طاشيور . فقط غربده‌ده قدينلری چکوب آلکيز ، اولرينه

قاپايكز ، حيات عموميه واجتماعيه قاريشديرماييكز ، اورايده
زهرانقراضى دوكمش اولورسكز . غربكده شمعشعشنى چوق
كچمه دن سوز . بوتون اوترقيلر دورور ، اونلركده حياتنى ملال
وانحطاط قاپلار . چونكه الكجدى مساعيدن الك خفيف اشتغالاته
وارنجيه قدر بوتون اوبارلاق مدنيت حياتندن هانكيسنك اساسنى
آراشدير اچق اولورسه دز آلتنده بر قادين نفوذى بولورسكز .
سوديكمز بر چيفت كوزك ممنونيت ومحبت ايله پارلاديقنى كورمك
ايچين قاتلانمايه جغمز فداكارلق وارميدر ؟ قادينلرى مى
صورييورسكز ؟ بنجه حيات اونلردر .

۲۳ شباط ، ۱۹۲۲

ماثره - غارارانه



